



REPUBLIKA E SHQIPËRISË
PROKURORIA E PËRGJITHSHME
PROKURORI I PËRGJITHSHËM

RAPORT
I PROKURORIT TË PËRGJITHSHËM
MBI GJENDJEN E KRIMINALITETIT
PËR VITIN 2022

Mars 2023

E nderuar zonja Kryetare e Kuvendit,**Të nderuar zonja dhe zotërinj Deputetë,**

Në përmbushje të detyrimit të parashikuar në nenin 148/b shkronja “d” të Kushtetutës së Republikës së Shqipërisë dhe nenin 104 të ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, si dhe në zbatim të vendimit të Kuvendit të Republikës së Shqipërisë nr. 1, datë 12.01.2023 “Për miratimin..., kalendarit vjetor të Kuvendit për raportimin e institucioneve të pavarura për veprimtarinë e vitit 2022...”, dërguar me shkresën tuaj nr. 276, datë 25.01.2023, ju parashtroj Raportin Vjetor të Prokurorit të Përgjithshëm mbi gjendjen e kriminalitetit për vitin 2022.

Në këtë raport jepen të dhëna të detajuara, për numrin, llojet, shtrirjen territoriale, intensitetin dhe format e kriminalitetit në vend, për efikasitetin e prokurorive me juridiksion të përgjithshëm dhe efektivitetin e hetimeve, ndjekjes penale, cilësinë e përfaqësimit të akuzës në gjyq, ekzekutimin e vendimeve penale, analiza e profilit të viktimave, kostot e shpenzimeve procedurale penale dhe veprimtari të tjera thelbësore përgjatë vitit 2022, si dhe objektivat prioritare për vitin 2023.

Viti që kaluam ishte mjaft i vështirë për shkak se në të gjithë nivelet e prokurorive të juridiksionit të përgjithshëm vijon krijimi i vakancave të përkohshme dhe të përhershme për shkak të rivlerësimit kalimtar të prokurorëve, por prokurorët dhe strukturat administrative e mbështetëse në prokurori kanë bërë përpjekje për ta përballuar këtë gjendje kalimtare.

Prokuroria ka ushtruar kompetencat e saj bazuar në Kushtetutën e Republikës së Shqipërisë, marrëveshjet ndërkombëtare të ratifikuara me ligj, Kodin Penal, Kodin e Procedurës Penale, Kodin e Drejtësisë Penale për të Mitur dhe ligje të tjera në fuqi, si dhe Rezolutën e Kuvendit të Republikës së Shqipërisë, rekomandimet prioritare të Këshillit të Ministrave, rekomandimet e Bashkimit Evropian dhe Planit të Veprimit të Grupit të Shqyrtimit të Bashkëpunimit Ndërkombëtar dhe Grupit të Posaçëm të Veprimit Financiar (në vijim: ICRG/FATF) për vitin 2022, si dhe në prioritetet e shtetit shqiptar që rrjedhin nga procesi i integritetit me Bashkimin Evropian.

Për të garantuar, si vijimin e rritjes së mëtejshme të efikasitetit dhe efektivitetit në luftën e përbashkët kundër krimit, forcimin e rendit juridik dhe shtetin e së drejtës, ashtu dhe mbrojtjen e lirive personale dhe të drejtave e interesave të ligjshme të shtetit, ka ende shumë për të bërë, dhe për këtë nevojitet vijimi i masave për forcimin e kapaciteteve institucionale dhe profesionale në sistemin e prokurorisë të riorganizuar në zbatim të hartës së re gjyqësore, rritja e efikasitetit të bashkëpunimit ndër-institucional me të gjithë aktorët e sistemit të drejtësisë penale dhe i strukturave shtetërore, vijimi i bashkëpunimit me partnerët ndërkombëtarë dhe rritja më tej e përgjegjshmërisë dhe integritetit në çdo hallkë të sistemit të drejtësisë penale.

Duke ju siguruar se organi i prokurorisë do të intensifikojë më tej masat dhe luftën efektive kundër kriminalitetit, ju paraqesim raportin për gjendjen e kriminalitetit për vitin 2022.

PËRMBAJTJA E LËNDËS

I. Drejtimit dhe përparësitë në luftën kundër kriminalitetit	5
Drejtimit prioritare, rekomandimet, aktivitetet dhe treguesit.....	5
Zbatimi i Rezolutës së Kuvendit dhe rekomandimeve të Bashkimit Evropian.....	5
Zbatimi i Rekomandimeve të Këshillit të Ministrave “Për luftën kundër kriminalitetit për vitin 2022”	52
Aktet normative të nxjerra nga Prokurori i Përgjithshëm dhe mbikëqyrja e zbatimit të tyre	64
Përmbledhje e tendencave të kriminalitetit sipas grupveprave.....	67
Efektiviteti i ndjekjes penale, cilësia e përfaqësimit të akuzës në gjyq.....	68
II. Analiza e treguesve të kriminalitetit.....	71
2.1 Volumi i punës në hetim	71
2.2 Çështje të përfaqësuara në gjykatë.....	71
2.3 Treguesit kryesorë të punës së prokurorisë në pesë vitet e fundit	72
2.4 Procedime penale të regjistruara sipas prokurorive.....	78
2.5 Koeficientët e kriminalitetit për 100,000 banorë.....	80
2.6 Të dhëna në lidhje me njoftimet për veprat penale.....	81
2.7 Treguesit e ekzekutimit të vendimeve gjyqësore të formës së prerë.....	83
2.8 Kriminaliteti sipas strukturës së kodit penal.....	83
2.9 Analiza e veprave penale sipas strukturës së kodit penal.....	86
Krime kundër njerëzimit.....	86
Krime kundër jetës të kryera me dashje.....	87
Krime kundër jetës shkaktuar me pakujdesi.....	91
Vepra penale kundër shëndetit të kryera me dashje.....	91
Vepra penale kundër shëndetit të kryera nga pakujdesia.....	94
Vepra penale që rrezikojnë jetën dhe shëndetin nga ndërprerja e shtatzënisë ose mosdhënia e ndihmës.....	94
Krime seksuale.....	97
Vepra penale kundër lirisë së personit.....	101
Vepra penale kundër moralit dhe dinjitetit.....	104
Vepra penale kundër fëmijëve, martesës dhe familjes.....	107
Vepra penale kundër lirisë së besimit.....	111
Veprat penale kundër pasurisë dhe në sferën ekonomike.....	111
Mashtrimet.....	115
Shkatërrimi i pronës.....	119
Vepra penale të kryera në shoqëritë tregtare.....	122
Vepra penale në veprimtaritë bankare dhe financiare.....	125
Krime në fushën e doganave.....	125
Veprat penale në lidhje me taksat dhe tatimet.....	129
Falsifikimi i monedhave dhe letrave me vlerë.....	132
Falsifikimi i dokumenteve.....	135
Vepra penale në fushën e falimentimit.....	138
Zhvillimi i palejuar i lojrave të fatit.....	138
Vepra penale që çënojnë rregjimin juridik të tokës.....	141

Vepra penale kundër mjedisit.....	144
Krime kundër pavarësisë e rendit kushtetues dhe krime që çënojnë marrëdhëniet me shtetet e tjera.....	147
Vepra me qëllime terroriste.....	148
Krime kundër veprimtarisë shtetërore të kryera nga shtetasit.....	148
Vepra penale kundër veprimtarisë shtetërore të kryera nga punonjësit shtetërorë ose në shërbim publik.....	152
Vepra penale kundër rendit dhe sigurisë publike.....	155
Vepra penale që lidhen me pastrimin e parave.....	160
Vepra penale kundër sekretit dhe kufijve shtetërorë.....	162
Vepra penale kundër drejtësisë.....	166
Vepra penale që prekin zgjedhjet e lira dhe sistemin demokratik të zgjedhjeve.....	170
Veprat penale të korrupsionit.....	170
Krimi kibernetik.....	173
Trafiqet e paligjshme.....	177
Veprat penale që lidhen me prodhimin dhe kultivimin e narkotikëve.....	180
2.10 Treguesi i efektivitetit të organit të prokurorisë në vite.....	184
2.11 Të dhëna për të pandehurit	189
III. Marrëdhëniet juridikionale me autoritetet e huaja.....	195
Ekstradimet.....	197
Letërporositë.....	200
Njohjet e vendimeve penale.....	207
Transferimet e procedimeve penale.....	208
Transferimet e personave të dënuar.....	209
Urdhrat e arrestit ndërkombëtar.....	209
Zyra Ndërlidhëse e Shqipërisë në Eurojust	211
IV Garantimi i integritetit të personave që zgjidhen, emërohen ose ushtrojnë funksione publike	216
V. Ngarkesa e punës së prokurorive për vitin 2022.....	221
VI. Përmbledhje e analizës financiare.....	235
VII. Objektiva prioritarë në luftën kundër kriminalitetit për vitin 2023.....	239
Aneksi 1 Tabelat me të dhëna e tregues statistikorë të veprave penale.....	243
Aneksi 2 Tabela me të dhëna për pasuritë e sekuestruara dhe konfiskuara.....	266
Aneksi 3 Të dhëna për trajnimet.....	267

I. DREJTIMET DHE PËRPARËSITË NË LUFTËN KUNDËR KRIMINALITETIT PËR VITIN 2022

Prokuroria është organ i pavarur kushtetues, që ushtron ndjekjen penale, përfaqëson akuzën në gjyq në emër të shtetit, merr masa dhe mbikëqyr ekzekutimin e vendimeve penale, drejton dhe kontrollon veprimtarinë e policisë gjyqësore, si dhe kryen detyra të tjera të parashikuara me ligj.

Prokuroria për vitin 2022, përbëhet nga¹:

- a) Prokuroria e Përgjithshme;
- b) Prokuroritë pranë gjykatave të apelit me juridiksion të përgjithshëm;
- c) Prokuroritë pranë gjykatave të shkallës së parë me juridiksion të përgjithshëm.

Në prokuroritë sipas niveleve më sipër funksionet ushtrohen nga prokurorët pranë tyre.

Zhvillimet kryesore, përgjatë vitit 2022 në luftën kundër kriminalitetit dhe në veprimtarinë e prokurorisë me juridiksion të përgjithshëm, në mënyrë sintetike, kanë qenë²:

I. Drejtimit prioritarë, rekomandimet, aktivitetet dhe treguesit

Drejtimit kryesore të luftës kundër kriminalitetit për vitin 2022, të formalizuara, si në politikat dhe objektivat prioritarë institucionale të parashtruara në Raportin e Prokurorit të Përgjithshëm dërguar Kuvendit të Shqipërisë “Për gjendjen e kriminalitetit për vitin 2021” në mars 2022, ashtu dhe në rekomandimet e Rezolutës së Kuvendit të Shqipërisë, rekomandimet prioritarë të Këshillit të Ministrave, rekomandimet e BE³-Shqipëri dhe në planin e veprimit të ICRG/FATF - Shqipëri, kanë qenë në fokusin e veprimtarisë së Prokurorisë së Përgjithshme për vitin 2022. Këto drejtime janë ndjekur me përparësi, si nëpërmjet masave administrative dhe procedurale institucionale siç janë miratimi i udhëzimeve të përgjithshme dhe planeve të veprimit për të unifikuar veprimtarinë e prokurorive me juridiksion të përgjithshëm dhe mbikëqyrjes së zbatimit tyre me synim rritjen e efektivitetit në luftën kundër kriminalitetit bazuar në një kornizë të kuadrit normativ të unifikuar, konsoliduar dhe sa më eficient në veprimtarinë institucionale, ashtu dhe nëpërmjet vijimit të zbatimit të akteve të përbashkëta me disa institucione dhe agjenci ligjzbatuese ndërvepruese brenda dhe jashtë vendit që kanë ndikuar në rritjen e kapaciteteve ndërinstitucionale e profesionale dhe eficientë e bashkëpunimit ndërinstitucional.

1. Zbatimi i rekomandimeve të Rezolutës së Kuvendit dhe i rekomandimeve të Bashkimit Evropian (BE-së).

¹ Bashkëlidhur struktura dhe organika e prokurorisë, miratuar me urdhrin e Prokurorit të Përgjithshëm nr. 06, datë 07.01.2022 “Për strukturën e Prokurorisë së Përgjithshme” dhe nr. 07, datë 07.01.2022 “Për strukturën organike të Prokurorive të Shkallës së Parë dhe Prokurorive të Apeleve”.

² Renditur sipas rekomandimeve të Rezolutës së Kuvendit datë 14.07.2022

³ Shih, pika 2.2.1 Kapitulli 23, “Gjyqsori dhe të drejtat e njeriut”, dhe pika 2.2.2 Kapitulli 24, “Drejtësia, liria dhe siguria”, Raporti i BE për Shqipërinë 12 tetor 2022, <https://neighbourhood-enlargement.ec.europa.eu/system/files/2022-10/Albania%20Report%202022.pdf>

Prokuroria e Përgjithshme në mbështetje të nenit 148/b shkronja “dh” të Kushtetutës të Republikës së Shqipërisë dhe nenit 104 pika 4 të ligjit nr. 97/2016 “Për organizimin dhe funksionimin e prokurorisë në Republikën e Shqipërisë” dhe në përmbushje të vendimit të Kuvendit nr. 49/2017 “Për krijimin e mekanizmit për monitorimin sistematik të ndjekjes dhe zbatimit të rekomandimeve të institucioneve të pavarura kushtetuese dhe atyre të krijuara me ligj” dhe vendimit të Kuvendit nr. 134/2018 “Për miratimin e Manualit të Monitorimit Vjetor dhe Periodik”, ndërmori masat administrative e procedurale të nevojshme për zbatimin e rekomandimeve të Rezolutës së Kuvendit të Shqipërisë datë 14.07.2022 dhe mbikëqyrjen e zbatimit të tyre, si vijojnë:

Prokurori i Përgjithshëm me urdhrin nr. 56 datë 29.07.2022 miratoi Planin e Veprimit për zbatimin e Rezolutës së Kuvendit të Shqipërisë datë 14.07.2022 dhe ka caktuar strukturat sipas niveleve të prokurorive për monitorimin e zbatimit të masave të planit të veprimit, në të cilin janë përcaktuar masat/aktivitetet, strukturat përgjegjëse, fondi i nevojshëm, afatet kohore dhe treguesit/indiktorët matës të zbatimit për secilin rekomandim të Rezolutës. Ky akt normativ me shkresën nr. 1058/4, datë 29.07.2022 i është dërguar për njoftim Kuvendit të Shqipërisë, dhe ndërkohë me shkresën nr. 1058/3 prot, datë 29.07.2022 i është dërguar për njohje dhe zbatim prokurorive të të gjithë niveleve të juridiksionit të përgjithshëm.

Në kuadrin e mbikëqyrjes së zbatimit të rekomandimeve të Rezolutës dhe të objektivave të synuara në Planin e Veprimit, jemi të ndërgjegjshëm se realizimi i tyre është vështirësuar, për shkak se në të gjithë nivelet e prokurorive të juridiksionit të përgjithshëm dhe përgjatë vitit 2022 ka vijuar krijimi i vakancave të përkohshme dhe të përhershme deri në 42 % për shkak të rivlerësimit kalimtar të prokurorëve.

Në mbikëqyrjen e zbatimit të rekomandimeve të rezolutës, evidentohen zhvillimet më të rëndësishme të përditësuara mbi ecurinë e përmbushjes së rezolutës, angazhimet dhe progresi lidhur me masat, aktivitetet, rezultatet e arritura bazuar në treguesit e vitit 2022 dhe problematikat në zbatimin e tyre në Prokurorinë e Përgjithshme dhe në prokuroritë e juridiksionit të përgjithshëm, të përmbledhura në vijim për secilin rekomandim:

1.1 Në zbatim të rekomandimit të Rezolutës së Kuvendit: ***“1.Të vijojë rritja e rolit proaktiv të prokurorit në hetimin paraprak, në funksion të shtimit të hetimeve të filluara kryesisht nga vetë organi i prokurorisë, duke zbatuar standardet më të mira në drejtim të garantimit të të drejtave të njeriut në procedimet penale, të drejtat për proces të rregullt, të parimit të barazisë së shtetasve përpara ligjit dhe parimit të proporcionalitetit, parimit të ligjshmërisë, objektivitetit dhe paanshmërisë”***, rekomandim i cili përkon me, -rekomandimin prioritar 1, drejtimi I i Këshillit të Ministrave për vitin 2022 (në vijim:KM), citojmë ***“1.Vijimin e masave për forcimin e rolit aktiv të prokurorit gjatë hetimeve paraprake, rekomandim, në funksion të shtimit të rasteve të hetimeve, të filluara kryesisht”***, janë zhvilluar aktivitetet dhe arritur rezultatet si më poshtë:

1.1.1 Në kuadrin e këtij rekomandimi dhe rekomandimeve prioritare të KM, Prokurori i Përgjithshëm ka miratuar udhëzimin e përgjithshëm nr. 2/2022, datë 29.07.2022 “Për rekomandimet prioritare ... në luftën kundër kriminalitetit për vitin 2022 në prokuroritë e juridiksionit të përgjithshëm” (në vijim: udhëzimi përgjithshëm nr. 2/2022), në të cilin janë normuar masa për rritjen e rolit aktiv të prokurorit në hetimet paraprake sipas ligjit⁴, në funksion të shtimit të rasteve të

⁴ Shih, nenin 24 “Funksionet e prokurorit” të K.Pr.Penale, i cili në pikën 6 parashikon: “6. Kur nuk është i nevojshëm ankimi i viktimës, ndjekja penale ushtrohet kryesisht”, në lidhje me nenin 5 “Detyrueshmëria e ushtrimit të ndjekjes penale” të ligjit nr. 97/2016 “Për organizimin dhe funksionimin e prokurorisë në R.SH”, i cili parashikon: “Ushtrimi i ndjekjes penale është i detyrueshëm, me përjashtim të rasteve kur ligji parashikon ndryshe”.

hetimeve të filluara kryesisht për veprat penale prioritare të rekomanduara, dhe kryerjen e hetimeve proaktive efektive dhe/ose me përdorim të mjeteve të posaçme të hetimit për rritjen e mëtejshme të efektivitetit në luftën kundër kriminalitetit për veprat penale prioritare, duke garantuar procesin e rregullt ligjor, barazinë e shtetasve përpara ligjit dhe parimet e proporcionalitetit, ligjshmërisë, objektivitetit në procesin penal dhe paanshmërinë e prokurorëve në ushtrimin e funksioneve kushtetuese dhe ligjore.

1.1.2 Në kuadrin e këtij rekomandimi dhe në zbatim të udhëzimit të përgjithshëm nr. 2/2022 prokurorët kanë rritur rolin aktiv në hetimin paraprak, në kryerjen e hetimeve proaktive efektive dhe/ose me përdorim të mjeteve të posaçme/speciale të hetimit në funksion të rritjes së hetimeve të filluara kryesisht nga vetë organi i prokurorisë.

1.1.3 Referuar të dhënave statistikore dhe informacioneve të drejtuesve të prokurorive në prokuroritë pranë gjykatave të shkallës së parë të juridiksionit të përgjithshëm, evidentohet se në vitin 2022 janë filluar/regjistruar kryesisht 124 procedimeve penale ose me numër të njëjtë të procedimeve të filluara kryesisht krahasuar me vitin 2021, ndërkohë që është ulur 9.28 % numri i procedimeve të regjistruara në vitin 2022 krahasuar me vitin 2021.

1.1.4 Prokurorët në prokuroritë e juridiksionit të përgjithshëm në bashkëpunim me shërbimet e policisë gjyqësore në Policinë e Shtetit dhe agjencitë e zbatimit të ligjit, sipas kërkesave dhe procedurave ligjore, në vitin 2022 kanë rritur rolin aktiv në kryerjen e hetimeve proaktive dhe/ose me përdorim të mjeteve të posaçme të hetimit, në kuadrin e 573 procedimeve penale. Prokurorët kanë patur rol aktiv, si në regjistrimin e procedimeve, dhënien e autorizimeve ose mbi kërkesën e tyre me vendime gjyqësore është autorizuar përdorimi i mjeteve të posaçme të hetimit, ashtu dhe nëpërmjet lënies së detyrave oficerëve të policisë gjyqësore dhe kontrollit/mbikëqyrjes për zbatimin e tyre. Ky proces i ka shërbyer, si parandalimit dhe/ose ndërprerjes së mëtejshme të veprimtarisë kriminale, ashtu dhe goditjes/finalizimit me arrestimin në flagrancë apo ndalimin e 585 personave të dyshuar për kryerjen e veprave penale në kompetencë të prokurorive pranë gjykatave të shkallës së parë me juridiksion të përgjithshëm.

1.1.5 Në hetimet dhe ndjekjen penale për vepra penale në kompetencë lëndore të prokurorive me juridiksion të përgjithshëm, prokurorët me rol aktiv kanë vlerësuar drejt të dhënat/indiciet e përfutura nga përdorimi i mjeteve të posaçme të hetimit edhe për kryerjen e veprave penale në kompetencë lëndore të Prokurorisë së Posaçme. Në këtë vështrim, në zbatim të udhëzimit të përgjithshëm nr. 2/2022 dhe të Aktit të Koordinimit Institucional datë 15.12.2020 “Për rritjen e efikasitetit nëpërmjet, bashkërendimit të Prokurorisë së Përgjithshme me Prokurorinë e Posaçme”, sipas të dhënave statistikore dhe të konfirmuara nga informacioni i Prokurorisë së Posaçme, në vitin 2022, prokuroritë e juridiksionit të përgjithshëm kanë transferuar 80⁵ procedime/referime penale, prej të cilave në Prokurorinë e Posaçme janë pranuar 61 procedime/referime, që përbëjnë 76.26 % e referimeve/procedimeve të transferuara ose me rritje 2.16 % të raportit në përqindje të referimeve/procedimeve të pranuar krahasuar me vitin 2021. Prokuroria e Posaçme mbi bazën këtyre referimeve/procedimeve penale të transferuara për kompetencë ka regjistruar, 30 procedime penale për vepra që lidhen me korrupsionin ose vepra penale që lidhen me detyrën dhe 31 procedime penale për vepra që lidhen me krimin e organizuar, që përkatësisht zënë 49.2 % dhe 50.8 % të numrit të tyre të pranuar nga apo prokurori. Në këto raste kryerja e hetimeve të thelluara dhe/ose vlerësimi profesional i rrethanave të faktit dhe ligjit nga prokuroritë e juridiksionit të përgjithshëm ka çuar në

⁵ Sipas të dhënave statistikore të konfirmuara nga Prokuroria e Posaçme, në vitin 2021 nga prokuroritë pranë gjykatave të shkallës së parë të juridiksionit të përgjithshëm janë transferuar për kompetencë lëndore 93 referime/procedime penale, prej të cilëve janë pranuar e regjistruar procedimi për 59 referime/procedime penale në Prokurorinë e Posaçme.

zbulimin e ekzistencës së elementëve të bashkëpunimit të veçantë ose korrupsionit në nivele të larta, për vijimin e kryerjes së hetimeve të mëtejshme nga ajo prokurori e posaçme në kuadrin e veprimtarisë kriminale të organizuar dhe/ose korrupsionit në nivele të larta.

1.1.6 Në këtë vështrim, në kryerjen e hetimeve proaktive dhe/ose me përdorim të mjeteve të posaçme të hetimit roli aktiv i prokurorëve dhe oficerëve të policisë gjyqësore përkatës ka mundësuar përfundimin e të dhënave nga interceptimi të shoqëruara më vëzhgime përtej veprave penale të regjistruar nga prokurori për të cilat ishte lejuar përgjimi dhe zbulimin në 7 raste të kryerjes së veprave penale të korrupsionit të parashikuara nga nenet 244, 245/1, 259, 319, 319/c, 319/ç, të K.Penal në kompetencë të Prokurorisë së Posaçme për kryerjen e hetimeve të mëtejshme nga ajo prokurori, ndërsa në 5 raste të tjera është mundëzuar zbulimi i krimeve të tjera në luftën kundër tyre siç janë: “Prodhimi dhe shitja e narkotikeve”, “Kultivimi i bimëve narkotike”, “Shkelja e barazisë së pjesëmarrësve në tendera apo ankande publike” dhe “Vënia në dispozicion e lokaleve për lojra të palejuara” përkatësisht të parashikuara nga nenet 283, 284, 258, 114 dhe 197 të K.Penal.

✚ Në përmbushje të funksioneve kushtetuese e ligjore, rekomandimin e rezolutës dhe rekomandimet prioritare të Këshillit të Ministrave, për rritjen e rolit aktiv të prokurorit në hetimin paraprak në funksion të shtimit të hetimeve të filluara kryesisht, si për faktin se me udhëzimin e përgjithshëm nr. 2, datë 29.07.2022 “Për rekomandimet prioritare të Këshillit të Ministrave në luftën kundër kriminalitetit për vitin 2022 në prokuroritë e juridiksionit të përgjithshëm”, janë normuar masa për rritjen e rolit aktiv të prokurorit në hetimet paraprake në funksion të shtimit të rasteve të hetimeve të filluara kryesisht për veprat penale prioritare të rekomanduara, dhe kryerjen e hetimeve proaktive efektive dhe/ose me përdorim të mjeteve të posaçme të hetimit për rritjen e mëtejshme të efektivitetit në luftën kundër kriminalitetit për veprat penale prioritare, duke garantuar procesin e rregullt ligjor, barazinë e shtetasve përpara ligjit dhe parimet e proporcionalitetit, ligjshmërisë, objektivitetit në procesin penal dhe paanshmërinë e prokurorëve në ushtrimin e funksioneve kushtetuese dhe ligjore, ashtu dhe janë ruajtur pothuajse të njëjtët tregues, numri i procedimeve të filluara kryesisht, numri i hetimeve proaktive dhe rezultatet e përfuara dhe rritja e numrit të referimeve bazuar në hetimet proaktive të iniciuara/dërguara Prokurorisë së Posaçme, megjithëse në total numri i procedimeve të regjistruara për vitin 2022 është ulur 9.28 % krahasuar me vitin 2021, si dhe përgjithësisht është rritur efektiviteti në zbulimin, goditjen dhe parandalimin e veprimtarisë kriminale në fushat përkatëse të veprimtarive institucionale dhe ndër-institucionale.

1.2 Në zbatim të rekomandimit të Rezolutës, **“2.Të nxisë prokurorët dhe oficerët e policisë gjyqësore për të pasur më shumë fokus, përgjegjshmëri dhe hetime kryesisht dhe proaktive për veprat penale në fushën e korrupsionit, referuar kompetencës lëndore të prokurorive të juridiksionit të përgjithshëm, përfshirë përdorimin me efikasitet të teknikave proaktive të hetimit, për aq sa është e mundur, duke vlerësuar me prioritet efektivitetin e strukturave të ngritura për parandalimin dhe goditjen e veprave penale në fushën e pastrimit të parave, të lidhura me to”,** i cili përkon me rekomandimin e BE-së në Raportin për Shqipërinë⁶, Kapitulli 23, “Lufta kundër korrupsionit” e citojmë **“...progres i mëtejshëm drejt krijimit të një historie solide të hetimeve, ndjekjes penale dhe gjyqimit të rasteve të korrupsionit, si dhe sekuestrimit dhe konfiskimit/rikuperimit të asetëve kriminale që rezultojnë nga veprat e lidhura me korrupsionin...”**, i cili gjithashtu përkon me rekomandimet prioritare 1, 2, 3, drejtimi II i vendimit KM, që i citojmë **“1.Forcimin e cilësisë së hetimeve për veprat penale në fushën e korrupsionit, referuar kompetencës lëndore të prokurorive të juridiksionit të përgjithshëm ..., përfshirë përdorimin me**

⁶ Shih, <https://neighbourhood-enlargement.ec.europa.eu/system/files/2022-10/Albania%20Report%202022.pdf>

efikasitet të teknikave proaktive të hetimit për aq sa është e mundur, vijimin e rritjes së numrit të hetimeve për këto grup veprash penale, numrit të personave të hetuar dhe të dërguar për gjykim për këto vepra penale, si dhe ndjekjen me vendosmëri të kërkimeve për dënimin e autorëve të këtyre veprave”; “2.Vijimin e rritjes së numrit të hetimeve proaktive (çështje të filluara kryesisht) si dhe përdorimit të mjeteve të posaçme të hetimit, me qëllim vazhdimin e përmirësimit të mëtejshëm të cilësisë së hetimeve të veprave kundër korrupsionit referuar kompetencës lëndore” dhe “3.Rritjen e numrit të hetimeve sistematike pasurore dhe hetimit për veprat penale që gjenerojnë produkte/të ardhura, si dhe shtimin e asetëve të sekuestruara/konfiskuara”, janë zhvilluar aktivitetet dhe arritur rezultatet si më poshtë:

1.2.1 Në kuadrin e këtij rekomandimi në lidhje me luftën kundër korrupsionit në përgjithësi dhe korrupsionit në nivelin e lartë në veçanti, referuar kompetencës lëndore që parashikon neni 75/a i Kodit të Procedurës Penale, ky grup veprash, përgjithësisht janë në kompetencë lëndore të Prokurorisë së Posaçme, në bashkëpunim si me institucionet e reja të luftës kundër korrupsionit dhe krimin të organizuar (SPAK), ashtu dhe me agjencitë e tjera të specializuara ligjzbatuese. Ndërsa, vetëm nenet 244§1, 245§1 e 3, 258§1 dhe 259§1 e 3 të Kodit Penal (i ndryshuar) me ligjin nr. 41/2021 (neni 39) që ka ndryshuar nenin 75/a të K.Pr.Penale, i kanë kaluar për kompetencë lëndore prokurorive pranë gjykatave të juridiksionit të përgjithshëm.

1.2.2 Prokuroria e Përgjithshme për rritjen e cilësisë dhe efikasitetit në hetimin dhe ushtrimin e ndjekjes penale të suksesshme të kriminalitetit dhe prioritetëve në luftën kundër tij, përfshi grupveprat penale të korrupsionit dhe veprat penale që lidhen me detyrën, ka vijuar bashkëpunimin ndër-institucional në nivel vendor lidhur me punën e përditshme të drejtuesve, prokurorëve dhe oficerëve të policisë gjyqësore, për rritjen e cilësisë së hetimeve dhe ndjekjes penale, për veprat penale në fushën e korrupsionit, përfshi dhe veprat në detyrë, dhe në nivel qendror si me Prokurorinë e Posaçme në zbatim të Aktit Koordinimit Institucional, datë 15.12.2020, “Për rritjen e efikasitetit nëpërmjet, bashkërendimit të Prokurorisë së Përgjithshme, me Prokurorinë e Posaçme dhe unifikimin e disa veprimtarive administrative dhe procedurale ndër-institucionale, duke respektuar veçoritë dhe kompetencat institucionale të parashikuara në ligj”, ashtu dhe ka vijuar zbatimin e marrëveshjeve dypalëshe të vitit 2020 ndërmjet Prokurorisë së Përgjithshme me: -Drejtorinë e Përgjithshme të Policisë së Shtetit, -Kontrollin e Lartë të Shtetit, dhe -Inspektoratin e Lartë të Kontrollit të Pasurive dhe Konfliktit të Interesave, me synim rritjen e efektivitetit në hetimet që lidhen dhe me veprat penale të fushës së krimeve financiare, shpërdorimit të fondeve publike, dhe në fushën e veprimtarisë së ILDKPKI-së.

1.2.3 Në kuadrin e këtij rekomandimi, në zbatim të udhëzimit të përgjithshëm nr. 2/2022, në të cilin janë normuar masa për rritjen e rolit aktiv të prokurorit në hetimet paraprake, dhe kryerjen e hetimeve proaktive efektive me përdorim të mjeteve të posaçme/speciale të hetimit në funksion të shtimit të hetimeve të filluara kryesisht nga vetë organi i prokurorisë për rritjen e mëtejshme të efektivitetit në luftën kundër korrupsionit dhe krimeve të lidhura me të, prokurorët kanë rritur rolin aktiv në hetimet paraprake, si nëpërmjet shtimit të hetimeve të filluara kryesisht, ashtu dhe në kryerjen e hetimeve proaktive efektive me përdorim të mjeteve të posaçme/speciale të hetimit në funksion të rritjes së hetimeve të filluara kryesisht nga vetë organi i prokurorisë.

1.2.3.1 Prokurorët sipas kërkesave/procedurave ligjore në vitin 2022 kanë rritur rolin aktiv në kryerjen e hetimeve proaktive dhe/ose me përdorim të mjeteve të posaçme të hetimit në 61 procedime penale për veprat penale të korrupsionit dhe që lidhen me detyrën ose me rritje 3.3% të numrit të këtyre procedimeve krahasuar me vitin 2021. Ky proces i ka shërbyer, si parandalimit dhe/ose ndërprerjes së mëtejshme të veprimtarisë kriminale, ashtu dhe goditjes/finalizimit me arrestimin në flagrancë apo ndalimin e 58 personave të dyshuar për kryerjen e veprave penale në kompetencë të

prokurorive pranë gjykatave të shkallës së parë me juridiksion të përgjithshëm ose krahasuar me vitin 2021 me rritje 45 % të numrit të personave të arrestuar në flagrancë apo të ndaluar për këtë grupvepra penale.

1.2.3.2 Në kryerjen e hetimeve proaktive dhe/ose me përdorim të mjeteve të posaçme të hetimit roli aktiv i oficerëve të policisë gjyqësore dhe prokurorëve përkatës ka mundësuar përfundimin e të dhënave nga interceptimi të shoqëruara më vëzhgime përtej veprave penale të regjistruar nga prokurori për të cilat ishte lejuar përgjimi dhe mundësuar zbulimi në 7 (shtatë) raste të kryerjes së veprave penale të korrupsionit të parashikuara nga nenet 244, 245/1, 259, 319, 319/c, 319/ç të K.Penal në kompetencë të Prokurorisë së Posaçme, e cila ka vijuar kryerjen e hetimeve të mëtejshme për këto vepra të korrupsionit.

1.2.3.3 Në kuadrin e zbatimit të Aktit të Koordinimit Institucional, mes Prokurorisë së Përgjithshme me Prokurorinë e Posaçme, ka vijuar bashkërendimi nëpërmjet komunikimeve të drejtpërdrejta në nivel qendror dhe në nivel rrethi gjyqësor, mes drejtuesve të prokurorive përkatëse sipas rastit dhe objektit të përcaktuar.

1.2.3.4 Në hetimet për vepra penale në kompetencë lëndore të prokurorive me juridiksion të përgjithshëm, prokurorët me rol aktiv kanë vlerësuar drejt të dhënat/indiciet e përfituara nga përdorimi i mjeteve të posaçme të hetimit edhe për kryerjen e veprave penale në kompetencë lëndore të Prokurorisë së Posaçme. Në këtë vështrim, në zbatim dhe të udhëzimit të përgjithshëm nr. 2/2022, sipas të dhënave statistikore dhe të konfirmuara nga informacioni i Prokurorisë së Posaçme, nga 61 referime/procedime penale të transferuara nga prokuroritë e juridiksionit të përgjithshëm dhe të pranuar nga Prokuroria e Posaçme, janë regjistruar 30 procedime penale për vepra që lidhen me korrupsionin në nivele të larta ose vepra penale që lidhen me detyrën, që zënë 49.2 % të numrit të referime/procedime penale të transferuara për kompetencë dhe të pranuar nga Prokuroria e Posaçme për këtë periudhë. Krahasuar me vitin 2021 evidentohet rritje e numrit të referime/procedime penale të transferuara nga prokuroritë e juridiksionit të përgjithshëm dhe të pranuar nga ajo prokurori për grupveprat penale që lidhen me korrupsionin në nivele të larta.

1.2.4 Referuar të dhënave statistikore të vitit 2022, (aneksi 1, tabela 34), për këto grupveprash të korrupsionit në kompetencë të juridiksionit të përgjithshëm, janë regjistruar 262 procedime me 201 të pandehur dhe 169 procedime me 187 të pandehur janë dërguar për gjykim, ose krahasuar me vitin 2021 me rritje 162 % të numrit të procedimeve të regjistruara dhe me rritje 212.9 % të numrit të procedimeve dhe rritje 114.9 % të numrit të pandehurve të dërguar për gjykim për këto vepra penale, si dhe me rritje mbi 3.7 herë (nga 19 në 91) të numrit të personave të dënuar për këtë grup veprash penale.

1.2.4.1 Tendenca dukshëm në rritje përgjatë vitit 2022 e krahasuar me vitin 2021, vërehen, konkretisht:

i) Për nenin 124/a të Kodit Penal “Kërkimi ose marrja e shpërblimeve për procedurat e birësimit”, është dërguar në gjykatë 1 pandehur, ndërsa nuk ka asnjë të pandehur të dërguar në gjykatë në vitin 2021;

ii) Për nenin 164/b të Kodit Penal “Korrupsioni pasiv në sektorin privat”, është regjistruar 1 procedim penal dhe 1 i pandehur dërguar në gjykatë, ndaj 2 procedimeve të regjistruara në vitin 2021;

iii) Për nenin 244 të Kodit Penal “Korrupsioni aktiv i personave që ushtrojnë funksione publike”, janë regjistruar 213 procedime penale me 180 të pandehur dhe janë dërguar për gjykim 158 procedime me 162 të pandehur, ndaj 66 procedimeve të regjistruara me 63 të pandehur, dhe 52 procedimeve me 52 të pandehur të dëguara për gjykim në vitin 2021;

iv) Për nenin 244/a të Kodit Penal “Korrupsioni aktiv i nëpunësve të huaj publikë”, është regjistruar 1 procedim penal me 2 të pandehur, ndërsa nuk ka asnjë procedim penal të regjistruar në vitin 2021;

v) Për nenin 245 të Kodit Penal “Korrupsioni aktiv i funksionarëve të lartë shtetëror ose të zgjedhurve vendor”, është regjistruar 1 procedim penal, ndaj 2 procedimeve në vitin 2021;

vi) Për nenin 245/1 të Kodit Penal “Ushtimi i ndikimit të paligjshëm ndaj personave që ushtrojnë funksione publike”, janë regjistruar 3 procedime penale me 7 të pandehur dhe dërguar për gjykim 2 procedim me 9 të pandehur, ndaj 2 procedimeve me 1 të pandehur të regjistruara dhe 1 procedimi me 2 të pandehur të dërguar për gjykim në vitin 2021;

vii) Për nenin 259 të Kodit Penal “Korrupsioni pasiv i personave me funksione publike”, janë regjistruar 40 procedime penale, me 12 të pandehur dhe janë dërguar për gjykim 9 procedime me 14 të pandehur, ndaj 15 procedimeve me 12 të pandehur të regjistruara dhe 1 procedimi me 2 të pandehur të dërguar për gjykim në vitin 2021;

viii) Për nenin 319 të Kodit Penal “Korrupsioni aktiv i gjyqtarit, prokurorit dhe i funksionarëve të tjerë të drejtësisë”, është regjistruar 1 procedim penal, ndërsa nuk ka asnjë procedim të regjistruar në vitin 2021;

ix) Për nenin 328/b të Kodit Penal “Korrupsioni pasiv në zgjedhje” është regjistruar 1 procedim penal, ndaj 1 procedimi të regjistruar në vitin 2021.

1.2.5 Në kuadrin e këtij rekomandimi, në zbatim të udhëzimit të përgjithshëm nr. 2/2022 Prokurori i Përgjithshëm ka udhëzuar prokurorët për kryerjen e hetime të plota e të gjithanshme për veprat penale dhe/ose ndaj subjekteve për veprat penale prioritare të rekomanduara, sipas kompetencës lëndore, në bashkërendim me Prokurorinë e Posaçme sipas ligjit dhe aktit të kordinimit ndërinstitucional⁷, duke rritur më tej treguesit/rastet e përdorimit të metodave speciale të hetimit sipas ligjit, dhe hetimet financiare ose procedimet pasurore (*ndiq paranë*), si mjete për kërkimin e provave dhe për sekuestrimin/konfiskimin e pasurive/aseteve produkte të veprave penale ose veprimtarive kriminale prioritare të rekomanduara.

1.2.6 Në kuadrin e mbikëqyrjes së zbatimit të udhëzimit të përgjithshëm nr. 10/2020 “Për masat administrative dhe procedurale për rritjen e efektivitetit në luftën kundër pastrimit të parave, krimeve financiare dhe financimin e terrorizmit, dhe në hetimet pasurore në prokuroritë me juridiksion të përgjithshëm” dhe udhëzimit të përgjithshëm nr. 2/2022 i është kërkuar prokurorëve marrja e masave për rritjen më tej të efikasitetit në bashkëpunimin ndërinstitucional për përmbushjen e rekomandimeve të Moneyval-it, për rritjen më tej të hetimeve financiare e pasurore për identifikimin, sekuestrimin dhe/ose konfiskimin e pasurive produkte të veprimtarisë kriminale, ose vlerën ekuivalente, bazuar në prova/rrethana fakti objektive sipas ligjit.

1.2.7 Në këtë vështrim, përgjatë vitit 2022, si në kuadrin e hetimit dhe ushtrimit të ndjekjes penale për veprën penale “Pastrimi i produkteve të veprës penale ose veprimtarisë kriminale” sipas nenit 287 të K.Penal dhe për vepra të tjera penale të lidhura me to, ashtu dhe në kuadrin e procedimeve/hetimeve pasurore në zbatim të ligjit nr. 10192, datë 03.12.2009 “Për parandalimin dhe goditjen e krimit të organizuar, trafikimit, korrupsionit dhe krimeve të tjera, nëpërmjet masave parandaluese kundër pasurisë”, janë rritur numri i hetimeve sistematike pasurore paralele dhe për rrjedhojë janë shtuar ndjeshëm asetet/produktet kriminale të sekuestruara dhe konfiskuara, siç janë:

1.2.7.1 Në zbatim të dispozitave të Kodit Penal dhe Kodit të Procedurës Penale mbi kërkesat e prokurorëve gjykatat kanë vendosur: -konfiskime pasurie/aseteve kriminale në 6 raste/çështje ose me rritje 2 herë (nga 2 në 6) numri i rasteve të konfiskimeve krahasuar me vitin 2021, dhe -sekuestrime

⁷ Shih, Aktin e Koordinimit Ndërinstitucional, datë 15 dhjetor 2020, mes Prokurorit të Përgjithshëm dhe Drejtuesit të Prokurorisë së Posaçme.

pasurie/aseteve kriminale në 18 raste/çështje ose me rritje 2 herë (nga 6 në 18) numri i rasteve të sekuestrimeve krahasuar me vitin 2021, në tabelën 1, Aneksin 2 bashkëlidhur.

i) Në zbatim të ligjit nr. 10192, datë 03.12.2009, mbi kërkesat e prokurorëve gjykatat kanë vendosur: -11 konfiskime pasurie/asete kriminale ose me rritje 10 herë (nga 1 në 11) numri i rasteve të konfiskimeve krahasuar me vitin 2021 dhe -7 sekuestrime pasurie/asete kriminale ose me rritje mbi 1 herë (nga 3 në 7) numri i rasteve të sekuestrimeve krahasuar me vitin 2021, të përshkruara në tabelën 1, Aneksin 2 bashkëlidhur.

✚ Në përmbushje të funksioneve kushtetuese e ligjore dhe në zbatim të këtij rekomandimi të Rezolutës, rekomandimit të BE-së në Raportin për Shqipërinë 2022, dhe rekomandimeve prioritare të KM, i konsiderojmë të realizuara këto rekomandime, si për faktin se ka vijuar zbatimi i Aktit të Koordinimit Ndërinstitucional nëpërmjet bashkërendimit dhe koordinimit me Prokurorinë e Posaçme dhe zbatimi i marrëveshjeve të bashkëpunimit me KLSH, ILDKPKI, DPPSH e DPPPP në nivel qendror dhe vendor, si dhe është rritur dukshëm efektshmëria e hetimeve për veprat penale në fushën e korrupsionit dhe që lidhen me detyrën, përfshirë rritja e hetimeve proaktive dhe/ose përdorimi me efikasitet i mjeteve të posaçme të hetimit sipas kompetencës lëndore të prokurorive të juridiksionit të përgjithshëm, si dhe është rritur dukshëm numri i procedimeve të regjistruara dhe i personave të hetuar dhe të dërguar për gjykim për këto grupvepra penale. Gjithashtu, evidentohet rritja dukshëm e numrit të pasurive produkte të veprimtarisë kriminale të konfiskuara dhe sekuestruara për veprën penale të pastrimit të parave dhe vepra penale të tjera të lidhura me të.

1.3 Në zbatim të rekomandimit të rezolutës, “3.Të vijojë punën për konsolidimin e pavarësisë institucionale dhe funksionale të institucionit të prokurorisë dhe veçanërisht pavarësinë e prokurorëve në procesin e hetimit dhe vendimmarrjes në çështjet përkatëse duke konsideruar tejet të rëndësishme gjithashtu përgjegjshmërinë dhe llogaridhënien e tyre në funksion të rezultateve më të mira në luftën kundër krimit”, i cili përkon me rekomandimin prioritar 3, drejtimi I, i vendimit KM , citojmë: **“3. Marrjen e masave për garantimin e paanshmërisë dhe shmangien e çdo lloj influence ose ndikimi ndaj prokurorit gjatë kryerjes së hetimeve, si dhe forcimin e mekanizmave të kontrollit dhe llogaridhënies së prokurorit”,** janë zhvilluar aktivitetet dhe arritur rezultatet si më poshtë:

1.3.1 Në kuadrin e këtij rekomandimi, dhe rekomandimit prioritar të Këshillit të Ministrave, Prokurori i Përgjithshëm në nxjerrjen e udhëzimit të përgjithshëm nr. 2/2022, dhe jo vetëm, ka bërë kujdes në përcjelljen e mesazhit për prokurorët dhe drejtuesit e prokurorive, si nëpërmjet normimit të qëllimit të udhëzimit, -...unifikimi i ndjekjes... të rekomandimeve ... në luftën kundër kriminalitetit⁸ për vitin 2022 në kompetencë lëndore të prokurorive me juridiksion të përgjithshëm, pa cënuar pavarësinë e prokurorisë⁹ si organ që garanton mbarëvajtjen, kontrollin e veprimtarisë së saj dhe respekton pavarësinë e brendshme të prokurorëve për hetimin dhe ndjekjen penale sipas ligjit, ashtu dhe në normimin e veprimtarisë së drejtuesit të prokurorisë, -për marrjen e masave procedurale në zbatim të kompetencave të parashikuara në ligj¹⁰,... duke respektuar pavarësinë e institucionit dhe

⁸ Shih, nenin 104 “Marrëdhëniet me kuvendin e Shqipërisë” të ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, i cili në pikën 2 parashikon: “2.Prokurori Përgjithshëm informon (Kuvendin e Shqipërisë) mbi zbatimin e rekomandimeve prioritare të Këshillit të Ministrave në luftën ndaj kriminalitetit, si vijon: a) nëse ka nxjerrë udhëzime të përgjithshme bazuar në rekomandimet periodike të dhëna nga KM; b)...si kanë ndikuar ato mbi gjendjen e kriminalitetit...; c) nëse është monitoruar ...respektimi i këtyre udhëzimeve nga ana e prokurorëve”, si dhe nenin 103 “Marrëdhëniet me Këshillin e Ministrave” i cili në pikën 1 parashikon: “1.Këshilli i Ministrave, jo më vonë se data 31 mars e çdo viti, miraton dhe i përcjell Prokurorit të Përgjithshëm rekomandimet prioritare që duhen ndjekur për vitin në vazhdim në luftën kundër kriminalitetit”

⁹ Neni 148 i Kushtetutës së Republikës së Shqipërisë, i cili në pikën 2 parashikon: “2.Prokuroria është organ i pavarur që garanton mbarëvajtjen, kontrollin e veprimtarive të saj dhe respekton pavarësinë e brendshme të prokurorëve për hetimin dhe ndjekjen penale sipas ligjit”

¹⁰ Shih, nenet 42, 43, 46 pikat 1, 3 shkronja “c”, 48, 49, 52 e vijues të ligjit nr. 97/2016 .

garantuar pavarësinë e prokurorëve, si dhe bërjen kujdes të prokurorëve që -të vlerësojnë në çdo rast masat në rekomandimet prioritare ... duke ruajtur pavarësinë nga çdo ndikim të paligjshëm në vendimarrjen e tyre.

1.3.2 Në këtë vështrim, Prokuroria e Përgjithshme nisur nga numri në rritje i vakancave në prokuroritë pranë gjykatave të shkallës së parë me juridiksion të përgjithshëm, ku në disa prokurori nuk është mundësuar funksionimi i seksioneve sipas ligjit, pasi kanë munguar deri 42 % e numrit faktik të prokurorëve, me synim shmangien e mangësive lidhur me funksionimin e seksioneve në disa prokurori pranë gjykatave të shkallës së parë me juridiksion të përgjithshëm, deri në hyrjen në fuqi të hartës së re gjyqësore, e miratuar në datë 10.06.2022 nga Këshilli i Lartë Gjyqësor, në kuadrin e unifikimit të veprimtarisë administrative të prokurorive dhe ruajtjen e nivelit të efijencës në veprimtarinë administrative e funksionale të tyre, garantimin e paanshmërisë dhe shmangien e çdo lloj influence ose ndikimi ndaj prokurorit, në zbatim të urdhrit të miratuar nga Prokurori i Përgjithshëm nr. 40, datë 20.06.2022 “Për miratimin e një shtese në Rregulloren Standard “Për organizimin dhe funksionimin e prokurorive pranë gjykatave të shkallës së parë me juridiksion të përgjithshëm”, miratuar me urdhërin nr. 164 datë 18.12.2020, sipas aneksit 1 të saj”, drejtuesit e prokurorive përkatëse kanë miratuar shtesën në rregulloret standard për organizimin dhe funksionimin e prokurorive që drejtojnë me synim për të siguruar efijencën dhe efikasitetin në funksionimin e veprimtarisë që kryen secila strukturë në prokurori nëpërmjet zbatimit të rregullave standard¹¹, për të siguruar efikasitet në organizimin, drejtimin, koordinimin, mbikëqyrjen apo monitorimin e punës në çdo prokurori, duke garantuar paanshmërinë dhe shmangien e çdo lloj influence ose ndikimi ndaj prokurorit.

1.3.3 Drejtuesit e prokurorive pranë gjykatave të shkallës së parë dhe gjykatave të apelit, sipas ligjit për të lehtësuar zbatim e udhëzimit të përgjithshëm të Prokurorit të Përgjithshëm nr. 2/2022 “Për rekomandimet prioritare të Këshillit të Ministrave në luftën kundër kriminalitetit për vitin 2022 në prokuroritë e juridiksionit të përgjithshëm”, kanë nxjerrë udhëzime të përgjithshme, urdhëra për miratimin e planit të veprimit në kuadrin e rekomandimeve prioritare dhe udhëzime jo të detyrueshme për çështje konkrete sipas ligjit, për të siguruar efikasitet në koordinimin, mbikëqyrjen/monitorimin e punës në çdo prokurori, duke garantuar paanshmërinë e prokurorit dhe shmangien e çdo lloj influence ose ndikimi ndaj tij (prokurorit) në pavarësinë dhe/ose paanshmërinë në ushtrimin e funksioneve kushtetuese e ligjore.

1.3.4 Në kuadrin e zbatimit të kompetencave kushtetuese e ligjore, Prokuroria e Përgjithshme, në 3 mujorin e parë 2022 dhe në vijim ka mbikëqyr zbatimin e udhëzimit të përgjithshëm nr. 12/2020 “Mbi rregullimin e marrëdhënieve mes prokurorëve dhe drejtuesve të prokurorisë, informimin, transparencën dhe garantimin e pavarësisë në prokuroritë me juridiksion të përgjithshëm”, i ndryshuar, nëpërmjet kërkesave për informacion për zbatimin e këtij udhëzimi, dhe jo vetëm, paraqitjes së raporteve vjetore mbi ecurinë e punës në secilën prokurori të juridiksionit të përgjithshëm, si dhe pjesëmarrjes së Prokurorit të Përgjithshëm në analizat vjetore të punës së prokurorive për vitin 2021, ku janë evidentuar mangësi në dokumentimin e komunikimeve të ndërsjella të prokurorit me drejtuesin e prokurorisë për të cilat është tërhequr vëmendja për shmangien e tyre, dhe zbatimit të këtij udhëzimi të përgjithshëm të detyrueshëm për të garantuar pavarësinë dhe paanshmërinë e prokurorit në ushtrimin e funksioneve kushtetuese e ligjore.

¹¹ Neni 20 në lidhje me nenin 38 pika 2 shkronja “e” e ligjit nr. 97/2016;

1.3.5 Në kuadrin e mbikëqyrjes të zbatimit të udhëzimit të përgjithshëm nr. 10/2021 “Për ushtrimin e funksionit të monitorimit në sistemin e prokurorisë dhe bashkëpunimit me institucionet kushtetuese dhe ligjore”, forcimit të mekanizmit të kontrollit dhe llogaridhënies në sistemin e prokurorisë, dhe bashkëpunimit ndërinstitucional me Inspektoratin e Lartë të Drejtësisë, Prokuroria e Përgjithshme në zbatim të kompetencave kushtetuese e ligjore¹² për shkelje individuale të konstatuara në tre subjekte, siç janë:

-një magjistrat/gjyqtar në një gjykatë rrethi gjyqësor, dhe;

-dy magjistratë një prokuror dhe një gjyqtar pranë gjykatës të një rrethi gjyqësor, është përgatitur materiali dhe i janë dërguar për inicim të procesit të hetimit/inspektimit nga institucioni i Inspektoriatit të Lartë të Drejtësisë.

Ndërsa, ankesa e një shtetasi e ardhur në Prokurorinë e Përgjithshme me pretendimin për shkelje të ligjit nga një magjistrat/gjyqtar në gjykatën e një rrethi gjyqësor, i është dërguar për kompetencë Inspektoriatit të Lartë të Drejtësisë.

✚ Në përmbushje të detyrave kushtetuese e ligjore, e konsiderojmë të realizuar këtë rekomandim të rezolutës së Kuvendit dhe rekomandimin prioritar të Këshillit të Ministrave, për faktin se kanë vijuar masat dhe aktivitetet për konsolidimin e pavarësisë institucionale dhe funksionale të institucionit të prokurorisë, përfshi dhe për garantimin e pavarësisë së prokurorëve duke konsideruar tejet të rëndësishme përgjegjshmërinë dhe llogaridhënien e tyre, si dhe ka vijuar bashkëpunimi ndërinstitucional me Inspektoratin e Lartë të Drejtësisë në drejtimet e koordinimit, shkëmbimit të informacionit dhe identifikimit të shkeljeve disiplinore individuale të konstatuara dhe adresimi i tyre për kryerjen e hetimeve disiplinore nga ky institucion.

✚ Vlerësojmë se rekomandimet e Këshillit të Ministrave duhet të inkuadrohen brenda hapësirave që lejon neni 103¹³ i ligjit nr.97/2016 “Për organizimin dhe funksionimin e prokurorisë në Republikën e Shqipërisë”, (i ndryshuar), sa i përket rekomandimeve prioritare që mund t’i drejtohen prokurorisë në luftën ndaj kriminalitetit, në përputhje me kuadrin kushtetues dhe ligjor duke respektuar pavarësinë e institucioneve dhe kuadrin e ndërveprimit mes tyre brenda kufijve ligjorë.

1.4 Në zbatim të rekomandimit të rezolutës, **“4.Të punohet për forcimin e mekanizmave për rritjen e përgjegjshmërisë dhe llogaridhënies së brendshme të oficerëve të policisë gjyqësore, për efikasitetin dhe efikasitetin e punës, pa cënuar procesin e rregullt ligjor gjatë ushtrimit të funksioneve të tyre si dhe të vijojë nxitja e prokurorëve që të ushtrojnë kontroll efektiv në punën e oficerëve të policisë gjyqësore, si dhe të evidentohen rastet që duhen proceduar në rrugë disiplinore”**, i cili përkon me rekomandimin prioritar 2, drejtimi I i vendimit të KM , citojmë,

¹² Shih nenin 148/b shkronjat “b”, “c” e “dh” të Kushtetutës së Republikës së Shqipërisë dhe neni 38 pika 2 shkronjat “b”, “f” “i”, “k” të ligjit nr. 97/2016 “Për organizimin dhe funksionimin e prokurorisë në R.Sh”

¹³ Këshilli i Ministrave, jo më vonë se data 31 mars e çdo viti, miraton dhe i përcjell Prokurorit të Përgjithshëm rekomandimet prioritare që duhen ndjekur për vitin në vazhdim në luftën kundër kriminalitetit.

“2.Vijimin e nxitjes së prokurorëve që të ushtrojnë kontroll efektiv në punën e oficerëve të Policisë Gjyqësore, si dhe evidentimin e rasteve që duhen proceduar në rrugë disiplinore për shkak të zvarritjeve dhe mungesës së dilijencës në përmbushjen e detyrave që u ngarkon ligji”, janë zhvilluar aktivitetet dhe arritur rezultatet si më poshtë:

1.4.1 Në kuadrin e këtij rekomandimi të rezolutës dhe rekomandimit prioritar të KM, në udhëzimin e përgjithshëm nr. 10/2021¹⁴ dhe në udhëzimin e përgjithshëm nr. 2/2022 janë normuar masa administrative dhe procedurale për nxitjen e rolit aktiv të prokurorëve dhe drejtuesve¹⁵ për ushtrimin e kontrollit efektiv nga ana e prokurorëve, siç janë: -prokurorët ushtrojnë sistematikisht kontroll efektiv të OPGj-ve në ecurinë e hetimit të procedimeve në ndjekje për ligjshmërinë, objektivitetin, plotshmërinë dhe respektimin e afateve në veprimet hetimore të kryera dhe/ose vlefshmërinë e akteve procedurale të përfuara, në drejtimet prioritare të rekomanduara. Nga ana tjetër, për rritjen e rolin të drejtuesit është udhëzuar drejtuesi i prokurorisë, i cili drejton, bashkërendon dhe mbikëqyr veprimtarinë e policisë gjyqësore në juridiksionin e prokurorisë që drejton dhe/ose prokurori i çështjes konkrete, në rast evidentimi të akteve dhe sjelljeve që përbëjnë shkelje disiplinore sipas ligjit¹⁶, përkatësisht kërkojnë dhe iniciojnë fillimin e procedimit disiplinor sipas ligjit¹⁷.

1.4.2 Në përmbushje të këtij rekomandimi nga Prokurori i Përgjithshëm janë përgatitur dhe miratuar udhëzimi i përgjithshëm nr. 4/2022, datë 18.10.2022 “Për disa shtesa në udhëzimin e përgjithshëm nr. 10/2021, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, për vënien në funksionim të sistemit elektronik (SVHOPGJP) për oficerët e policisë gjyqësore të seksioneve në prokurori, për plotësimin/hedhjen e numrit të veprimeve hetimore që kryejnë për secilin procedim penal apo procedim/hetim pasuror, me synim administrimin e të dhënave dhe përfitim të statistikave periodike 15 ditore, me të dhëna për numrin e veprimeve hetimore apo ekzekutimin e vendimeve gjyqësore penale në kuadrin e procedimit penal ose për numrin e veprimeve verifikuese pasurore në kuadrin e procedimit pasuror, të kryera nga secili oficer i policisë gjyqësore të seksionit në prokuroritë përkatëse.

1.4.2.1 Ky sistem elektronik, mundëson administrimin e punës të secilit oficer të policisë gjyqësore të seksioneve në prokurori, ashtu dhe monitorimin periodik jo më pak se dy herë në muaj të ngarkesës dhe disiplinës në punë gjatë veprimtarisë së tyre nga strukturat mbikëqyrëse të normuara në këtë udhëzim. Ky udhëzim, gjithashtu, synon unifikimin e mënyrës së ushtrimit të funksionit të monitorimit (mbikëqyrje/verifikime) nga struktura/autoriteti i monitorimit në sistemin e prokurorisë me juridiksion të përgjithshëm, për të garantuar zbatimin e ligjit dhe/ose udhëzimeve të përgjithshme, dhe si kanë ndikuar ato në efikasitetin dhe/ose efektivitetin e ushtrimit të kompetencave kushtetuese dhe ligjore të prokurorisë në drejtimet përkatëse, si dhe për iniciimin e inspektimeve tematike në strukturat përkatëse ose hetimeve disiplinore për shkelje individuale të oficerëve të policisë gjyqësore të seksioneve dhe/ose shërbimeve policore sipas ligjit, në bashkëpunim me Inspektoriatin e Lartë të Drejtësisë ose Komisionin e Policisë Gjyqësore, për të siguruar ushtrimin e funksioneve dhe mbarëvajtjen, efikasitetin, ligjshmërinë dhe transparencën në veprimtarinë e sistemit të prokurorisë, ku përfshihet dhe veprimtaria e policisë gjyqësore.

¹⁴ Shih, udhëzimin e përgjithshëm nr. 10/2021, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, I ndryshuar/plotësuar me udhëzimin e përgjithshëm i PP nr. 4, datë 18.10.2022.

¹⁵ Shih, nenin 8, pikat 4 e 5 të udhëzimit të përgjithshëm nr. 2/2022 “Për rekomandimet prioritare të Këshillit të Ministrave në luftën kundër kriminalitetit për vitin 2022 në prokuroritë e juridiksionit të përgjithshëm”

¹⁶ Shih, nenin 33 “Shkeljet disiplinore” të ligjit nr. 25/2019 “Për organizimin dhe funksionimin e policisë gjyqësore”, i ndryshuar.

¹⁷ Shih, po aty, nenin 35 “Subjektet që kanë të drejtën e fillimit të procedimit disiplinor” të ligjit nr. 25/2019.

1.4.3 Në kuadrin e këtij rekomandimi, Prokuroria e Përgjithshme, aspekt të rëndësishëm të llogaridhënies, ka konsideruar ushtrimin e kontrollit efektiv në veprimtarinë e oficerëve të policisë gjyqësore në seksione nga struktura e monitorimit në Prokurorinë e Përgjithshme, si për evidentimin e veprimeve në shkelje të ligjit, ashtu dhe për të iniciuar fillimin e hetimeve për shkelje disiplinore ndaj oficerëve të policisë gjyqësore të seksioneve në prokurori dhe të shërbimeve në strukturat përkatëse të Policisë së Shtetit apo shërbimeve policore të agjencive të tjera ligjzbatuese me atributet e policisë gjyqësore. Konkretisht:

1.4.3.1 Në vitin 2022 ka vijuar zbatimin i urdhërit të Prokurorit të Përgjithshëm nr. 61/2021, datë 2.06.2021 nga grupi i punës për inspektimin e veprimtarisë së oficerëve të policisë gjyqësore të seksionit në prokurorinë e një rrethit gjyqësor sipas objektit të kontrollit të përcaktuar lidhur me veprimtarinë administrative dhe procedurale të tyre;

1.4.3.2 Për shkelje disiplinore të oficerëve të policisë gjyqësore në kuadrin e bashkërendimit institucional me Komisionin e Policisë Gjyqësore (në vijim Komisioni), sipas ligjit i janë drejtuar Komisionit:

i) Prokurori i Përgjithshëm, bazuar në shkeljet ligjore të evidentuara në një aktkontrolli të seksionit të policisë gjyqësore pranë një prokurorie të rrethit gjyqësor, ka kërkuar fillimi i hetimeve për shkelje disiplinore për 8 (tetë) oficerë të policisë gjyqësore;

ii) Drejtuesit e prokurorive pranë gjykatave të shkallës së parë kanë kërkuar fillimin e hetimeve për shkelje disiplinore për 3 (tre) oficerë të policisë gjyqësore;

iii) Prokurorët në prokuroritë pranë gjykatave të shkallës së parë kanë kërkuar fillimin e hetimeve për shkelje disiplinore për 8 (tetë) oficerë të policisë gjyqësore.

1.4.4 Në kuadrin e bashkëpunimit ndërinstitucional, referuar në informacionin e Komisionit të Policisë Gjyqësore, përgjatë vitit 2022 ky Komision në zbatim të kompetencave sipas ligjit¹⁸ për përgjegjësinë disiplinore të oficerëve të policisë gjyqësore, bazuar në propozimet e dërguara nga prokurorët e çështjeve, drejtuesit e prokurorive dhe Prokurori i Përgjithshëm, ka urdhëruar dhe zhvilluar procedimin disiplinor për 19 oficerë të policisë gjyqësore, nga të cilët 9 (nëntë) persona janë oficerë të policisë gjyqësore të shërbimeve në Policinë e Shtetit dhe 10 (dhjetë) persona janë oficerë të policisë gjyqësore të seksioneve të prokurorive pranë gjykatave të shkallës së parë.

1.4.4.1 Në përfundim të procedimit disiplinor, Komisioni ka vendosur, për 13 (trembëdhjet) oficerë të policisë gjyqësore ka dhënë masa disiplinore në raport me shkeljet e kryera, konkretisht: - vërejtje me shkrim në 8 (tetë) raste; -zbritje në detyrë në 3 (tre) raste; -pezullim nga detyra për 2 (dy) raste; -për 4 (katër) oficerë të policisë gjyqësore të shërbimeve është pushuar procedimi disiplinor për arsye se nuk janë provuar shkeljet disiplinore të pretenduara. Ndërsa, 1 (një) procedim disiplinor është mbartur për t'u shqyrtuar në vitin 2023.

✚ Në përmbushje të detyrave kushtetuese e ligjore, e konsiderojmë të realizuar rekomandimin e rezolutës së Kuvendit dhe rekomandimin prioritar të KM, për faktin se, Prokurori i Përgjithshëm ka miratuar udhëzimet e përgjithshëm nr. 4/2022 dhe nr. 2/2022 që normojnë, si masa administrative dhe procedurale për monitorimin e veprimtarisë së oficerëve të policisë gjyqësore në seksionet e prokurorive, rritjen e përgjegjshmërisë, llogaridhënies, efikasitetit dhe efikasitetit në punën e tyre duke garantuar procesin e rregullt ligjor përgjatë ushtrimit të funksioneve të tyre, ashtu dhe këto udhëzime kanë vijuar nxitjen e strukturave monitoruese, përfshirë dhe prokurorët, të cilat në bashkërendim me Komisionin e Policisë Gjyqësore, për shkeljet ligjore të konstatuara kanë iniciuar fillimin e hetimeve për shkelje disiplinore dhe ndërkohë nga ky Komision është proceduar dhe janë marrë masat disiplinore përkatëse.

¹⁸ Shih, nenin 10 pika 1, gërma “ç” në lidhje me nenet 32–39 të ligjit 25/2019 “Për organizimin dhe funksionimin e policisë gjyqësore”.

1.5 Në zbatim të rekomandimit të rezolutës, **“5. Të merren masa për rritjen e cilësisë së hetimeve për veprat penale të dhunës në familje dhe veprave penale ndaj të miturve, si dhe të vijojë mbikëqyrja e zbatimit të udhëzimeve me karakter të përgjithshëm në këtë drejtim, përfshirë dhe aspekte të krijimit të statistikave të reja dhe raportimit periodik të të dhënave të sakta statistikore”**, i cili përkon me rekomandimet prioritare 1, 4 e 5, drejtimi IV i vendimit të KM, që i citojmë: **“1. Vijimin e aplikimit të masave alternative shmangies të parashikuara nga Kodi i Drejtësisë Penale për të Mitur tek të miturit”**, **“5. Rritjen e cilësisë së hetimeve dhe ashpërsimin e politikës penale për autorët e veprës penale të dhunës në familje”**, **“4. Vijimin e ashpërsimit të masave të sigurimit dhe masës së dënimit për veprat me natyrë gjinore, seksuale... për rastet e keqtrajtimit/abuzimit/shfrytëzimit e trafikimit të fëmijëve”**, janë zhvilluar aktivitetet dhe arritur rezultatet si më poshtë:

1.5.1 Në kuadrin e këtij rekomandimi dhe dy rekomandimeve prioritare të KM, në zbatim të udhëzimit të përgjithshëm nr. 2/2022 prokurorët, janë udhëzuar prokurorët për rritjen e cilësisë së hetimeve dhe ndjekjen e një politike penale efektive dhe efçente, duke analizuar, vlerësuar dhe arsyetuar në aktet/kërkesat/konkluzionet përkatëse, si rrethanat e faktit të bazuara në prova, ashtu dhe kushtet/kriteret ligjore, në ashpërsimin e kërkesave për caktimin e masave të sigurimit personal dhe për caktimin e llojit dhe masës së dënimit për veprat penale dhuna në familje, me synim rritjen e efektivitetit në luftën kundër këtij krimi, ashtu dhe për parandalimin e posaçëm dhe të përgjithshëm të këtyre veprave penale prioritare, veçanërisht ato ndaj të miturit, dhunës në familje, dhunës gjinore dhe krimeve seksuale.

1.5.2 Prokuroria e Përgjithshme në kuadrin e mbikëqyrjes të zbatimit të udhëzimit të përgjithshëm nr. 2/2022 dhe udhëzimeve të përgjithshme nr. 17/2020 dhe nr. 5/2018, dhe të kujdesit për ushtrimin e kompetencave Kushtetuese e ligjore ka kërkuar nga drejtuesit dhe prokurorët, nëpërmjet kërkesave për informacion të dhëna statistikore për dhunën në familje dhe dhunën ndaj fëmijëve, duke garantuar pavarësinë e ushtrimit të funksioneve nga ana e tyre.

1.5.2.1 Referuar të dhënave statistikore (aneksi 1, tabela 9), për veprën penale “Dhuna në familje” neni 130/a i Kodit Penal, në vitin 2022 janë regjistruar 1453 procedime penale, me 1216 të pandehur ose me rritje 3,3 % të procedimeve dhe ulje 1,4 % të pandehurve të regjistruar krahasuar me vitin 2021. Janë dërguar për gjykim 1093 procedime me 1182 të pandehur, ose me rritje 5,4% të procedimeve dhe 5,6 % e të pandehurve të dërguar për gjykim, në krahasim me vitin 2021.

i) Ndërkohë, të dhënave statistikore, (aneksi 1, tabela 1) për veprën penale “Vrasja për shkak të marrëdhënieve familjare” që parashikon neni 79/c i Kodit Penal, në vitin 2022 janë regjistruar 14 procedime penale, me 10 të pandehur ose me ulje 26,3 % të procedimeve dhe ulje 33,3 % të pandehurve të regjistruar, krahasuar me vitin 2021. Janë dërguar për gjykim 11 procedime me 14 të pandehur, ose me rritje 83,3% të procedimeve dhe 133,3 % e të pandehurve të dërguar për gjykim për këtë vepër penale, krahasuar me vitin 2021.

1.5.2.2 Efektiviteti i ndjekjes penale për veprën penale “Dhuna në familje” neni 130/a i Kodit Penal është i lartë ku evidentohet se çështjet e dërguara në gjyq janë në përqindje shumë më të lartë se ato të pushuara, përkatësisht 82,7 % dërguar gjyqit dhe 17,3 të pushuara.

1.5.2.3 Lidhur me ashpërsimin e politikës penale për veprën penale “Dhuna në familje” sipas nenit 130/a i Kodit Penal, të dhënat statistikore evidentojnë se:

i) kërkesat e prokurorit lidhur me masat e sigurimit për persona që kanë kryer këtë vepër janë të ashpra, ku 87,7 % janë kërkesa për masa sigurimi me arrest dhe për 12,3 % është kërkuar caktimi i detyrimit për t’u paraqitur në policinë gjyqësore, ose me ulje 1,5 % masat e sigurimit personal arrest krahasuar me vitin 2021;

ii) kërkesat për caktimin e dënimit, për të pandehurit e akuzuar për këtë vepër penale rezultojnë se 61.7 % e kërkesave janë për caktimin e dënimit me burg dhe 38.3 % e kërkesave janë për caktimin e alternativave të dënimit me burg ose me rritje 5,6 % të kërkesave për caktim e llojit të dënimit me burgim, krahasuar me vitin 2021.

1.5.2.4 Lidhur me ashpërsimin e politikës penale për veprën penale “Vrasja për shkak të marrëdhënieve familjare” neni 79/c i Kodit Penal, të dhënat statistikore evidentojnë se: -kërkesat e prokurorit lidhur me masat e sigurimit për persona që kanë kryer këtë vepër janë të ashpra, ku 100 % janë kërkesa për masa sigurimi me arrest, ashtu si dhe në vitin 2021, ndërsa -kërkesat për caktimin e dënimit, për të pandehurit e akuzuar për këtë vepër penale, gjithashtu rezultojnë të ashpra, siç janë dy me burgim të përjetshëm, pesë me burgim në maksimumin e dënimit dhe dy me burgim në nivelin mesatar që parashikon kjo dispozitë (neni 79/c).

1.5.3 Referuar të dhënave statistikore (aneksi 1, tabela 6), për grupveprat penale “Krimet seksuale”, Seksioni VI, Kreu III”, në vitin 2022 janë regjistruar 162 procedime penale, me 96 pandehur ose me rritje 2,5 % të procedimeve dhe me ulje 10,2 % të pandehurve të regjistruar krahasuar me vitin 2021. Janë dërguar për gjykim 87 procedime me 95 të pandehur, ose me rritje 4,8 % të procedimeve dhe 2.1 % e të pandehurve të dërguar për gjykim, krahasuar me vitin 2021

1.5.3.1 Në këtë vështrim, kërkesat e prokurorit lidhur me masat e sigurimit për personat që kanë kryer krime seksuale janë të ashpra, ku 95 % janë kërkesa për masa sigurimi me arrest dhe vetëm për 5 % është kërkuar caktimi i detyrimit për t'u paraqitur në policinë gjyqësore. Krahasuar me vitin 2021, ky raport ishte më i ulët 4 %.

1.5.3.2 E njëjta politikë vërehet edhe në lidhje me kërkesat për caktimin e dënimit, për të pandehurit e akuzuar për këto krime. Kështu, 82.2 % e kërkesave janë për caktimin e dënimit me burg dhe 17,8 % për caktimin e alternativave të dënimit me burg. Krahasuar me vitin 2021, ky raport ishte me 0.2 % me i ulë, pasi ka qenë 82 % burg dhe 18 % alternativa të dënimit me burgim.

1.5.4 Sa i përket politikës penale në veprat penale të trafikimit të fëmijëve, të dhënat tregojnë se, për vitin 2022 nuk ka kërkesa të prokurorit lidhur me masat e sigurimit personal apo kërkesa për caktim dënimi sepse nuk ka persona nën hetim apo të pandehur dhe as të dënuar për këtë vepër penale. Ndërsa, për veprën penale “Trafikimi i të rriturve”, parashikuar nga neni 110/a i Kodit Penal ka vetëm një 1 kërkesë për caktim dënimi me burgim ndaj një të pandehuri.

1.5.5 Përgjatë vitit 2022, Prokuroria e Përgjithshme ka vijuar mbikëqyrjen e zbatimit të udhëzimit të përgjithshëm nr. 8/2021, datë 15.11.2021 “Për hetimin dhe ndjekjen penale efektive për veprat penale me të mitur në konflikt me ligjin, viktimë dhe/ose dëshmitarë”, veçanërisht aplikimin e dispozitave që normojnë shmangien e të miturit në konflikt me ligjin nga ndjekja penale dhe nga dënimi përmes masave alternative, si dhe që udhëzojnë se në kërkesat për caktimin e masave të sigurimit dhe/ose për caktimin e dënimit ndaj të miturit, në çdo rast prokurori vlerëson dhe konsideron parësor interesin më të lartë të fëmijës që është rehabilitimi dhe riintegrimi i tij në shoqëri.

1.5.5.1 Në kuadrin e këtyre masave ka vijuar synimi për rritjen e efikasitetit dhe efektivitetit në hetimin dhe ndjekjen penale të çështjeve ndaj të miturve, në konflikt me ligjin, viktimë dhe/ose dëshmitarë, të udhëhequr nga parimet e një drejtësie penale sa më miqësore dhe i interesit më të lartë të të miturit, si dhe garantimi i të drejtave të tyre, në mënyrë që të kontribuohet në uljen e kriminalitetit të të miturit, në rehabilitimin, riintegrimin dhe eliminimin e dhunës ndaj tyre dhe zbatimin e unifikuar të akteve procedurale penale në çështjet me të mitur, në përputhje me praktikën më të mira dhe standardet ndërkombëtare në drejtësinë penale për të mitur.

1.5.5.2 Prokuroria e Përgjithshme në kuadrin e mbikëqyrjes së zbatimit të Urdhrit nr. 124/2020 “Krijimi i një regjistri të posaçëm në prokuroritë e shkallës së parë me juridiksion të përgjithshëm”

bazuar në informacionet e ardhura nga prokuroritë pranë gjykatave të juridiksionit të përgjithshëm evidentohet se, prokurorët dhe oficerët e policisë gjyqësore në seksionet për të mitur kanë bërë kujdes që ndaj të miturve në konflikt me ligjin janë kërkuar masa alternative të dënimit, si shmangia, ndërmjetësimi, këshillimi për të miturin apo familjen dhe paralajmërimi me shkrim, si dhe ndaj tyre të procedohet në sa më pak raste me arrestime apo ndalime, duke i kryer hetimet me masa sigurimi “Vendosja në mbikëqyrje” dhe “Vendosja në një shërbim të specializuar”, të parashikuara nga nenet 83 e 84 të Kodit të Drejtësisë Penale për të Miturit apo masa sigurimi të tjera alternative.

i) Referuar të dhënave statistikore për vitin 2022, bazuar në disponimet e Kodit të Drejtësisë Penale për të Mitur, janë regjistruar 821 procedime penale ku përfshihen të miturit në konflikt me ligjin, me rritje 16.6 % të numri të procedimeve krahasuar me vitin 2021. Janë regjistruar 572 të mitur në konflikt me ligjin si të pandehur ose persona nën hetim për kryerjen e veprave penale, ose me ulje 23,1 % të numrit të pandehurve/personave nën hetim të mitur në konflikt me ligjin krahasuar me vitin 2021.

ii) Ndaj të miturve në konflikt me ligjin janë vendosur 25 masa sigurimi personal arrest në burg, ose për rreth 4,3 % të të miturve të pandehur ose persona nën hetim, ose me ulje 28% të numrit të të miturve në konflikt me ligjin me masë sigurimi arrest krahasuar me vitin 2021.

iii) Lidhur me vendimmarrjen e prokurorit për çështje ku përfshihen të mitur në konflikt me ligjin, të dhënat statistikore evidentojnë se, -është vendosur mosfillimi i procedimit për 561 referime/kallëzime penale ndaj të miturve ose me rritje 14 % krahasuar me vitin 2021; -janë pushuar 318 çështje me 281 të pandehur të mitur në konflikt me ligjin ose me rritje 5 % të çështjeve dhe ulje 1 % e të pandehurve të pushuara krahasuar me vitin 2021; dhe -janë dërguar për gjykim 206 çështje me 225 të pandehur të mitur në konflikt me ligjin ose me ulje 2 % të çështjeve dhe 15.4 % të pandehurve persona në konflikt me ligjin të dërguar për gjykim krahasuar me vitin 2021.

iv) Sa i përket aplikimit të masës alternative të shmangies, nga të dhënat statistikore rezulton se: në kuadrin e procedimeve të mosfilluara, në 82 raste është aplikuar shmangia, ndër të cilat në 11 raste është vendosur këshillim për të miturin dhe familjen, në 1 rast është vendosur paralajmërim me gojë, dhe në 70 raste është vendosur paralajmërim me shkrim. Ndërkohë, për çështjet e pushuara në 266 raste është aplikuar shmangia, ndër të cilat në 8 raste është vendosur ndërmjetësimi, në 6 raste është vendosur këshillimi, në 3 raste është vendosur këshillimi, në 3 raste është vendosur paralajmërimi me gojë, në 254 raste është vendosur paralajmërimi me shkrim dhe në një rast është aplikuar masa vendosje nën kujdesje. Aplikimi i shmangies nga dënimi i të miturit në konflikt me ligjin është rritur 8.1 % krahasuar me vitin 2021.

1.5.5.3 Sipas të dhënave statistikore evidentohet se viktimat të mitur janë regjistruar në 833 procedime/çështje në ndjekje me 873 viktimat të mitura, prej të cilëve 310 femra dhe 563 meshkuj, të cilëve u janë siguruar të gjitha të drejtat dhe garancitë procedurale penale.

✚ Në përmbushje të detyrave kushtetuese e ligjore, rekomandimin e rezolutës së Kuvendit dhe rekomandimin prioritar të KM, e konsiderojmë të zbatuar, për faktin se, është miratuar dhe zbatuar udhëzimi i përgjithshëm nr. 2/2022 dhe ka vijuar mbikëqyrja e zbatimit të udhëzimit të përgjithshëm nr. 17/2020 për hetimin dhe ndjekjen penale efektive të veprave penale kundër dhunës ndaj grave dhe udhëzimit të përgjithshëm nr. 8/2021 për hetimin dhe ndjekjen penale efektive për veprat penale me të mitur në konflikt me ligjin, ashtu dhe treguesit statistikor evidentojnë se politika penale e kërkesave të prokurorëve ka qenë e ashpër, si për caktimin e masave të sigurimit personal dhe për caktimin e llojit të dënimit ndaj autorëve të veprave penale me natyrë gjinore, seksuale dhe diskriminuese, si dhe për rastet e keqtrajtimit, shfrytëzimit të fëmijëve. Ndërkohë ndaj të miturve në konflikt me ligjin janë aplikuar masa më të zbutura si masat e sigurimit personal, ashtu dhe masat alternative të dënimit, siç

janë: shmangia, ndërmjetësimi, këshillimi për të miturin apo familjen e tij dhe paralajmërimi me shkrim.

1.6 Në zbatim të rekomandimit të rezolutës, **“6.Të merren masa efektive për mbrojtjen e viktimave të veprave penale të dhunës në familje dhe veprave penale ndaj të miturve dhe të rritet bashkëpunimi me institucionet shtetërore që ngarkohen me përgjegjësi në këtë drejtim sipas legjislacionit në fuqi”**, i cili përkon me rekomandimin prioritar 7, drejtimi IV, i vendimit të KM, që e citojmë **“7.Rritjen e kapaciteteve profesionale të prokurorëve dhe veçanërisht të oficerëve të policisë gjyqësore, nëpërmjet trajnimeve veçanërisht për veprat penale me bazë gjinore, seksuale dhe përfshirjen e të miturve”**, janë zhvilluar aktivitetet dhe arritur rezultatet si më poshtë:

1.6.1 Në kuadrin e këtij rekomandimi të rezolutës dhe rekomandimit prioritar të KM, si në udhëzimin e përgjithshëm nr. 2/2022, ashtu dhe udhëzimet e përgjithshme nr. 17/2020 dhe nr. 5/2018, drejtuesit e prokurorive dhe prokurorët janë udhëzuar për mbrojtjen dhe respektimin e të drejtave të viktimave gjatë procedimit penal deri në përfundimin e procesit gjyqësor. Nga ana e tyre në vijimësi është kërkuar e po respektohet zbatimi i detyrimeve ligjore dhe atyre që rrjedhin nga udhëzimet e përgjithshme mësipër, lidhur me mbrojtjen e viktimave, detyrime që vijon monitorimi si në kuadër të raportimeve periodike nga drejtuesit e prokurorive pranë gjykatave të shkallës së parë me juridiksion të përgjithshëm, ashtu edhe nga prokurorët e apelit gjatë gjykimit të çështjeve të ankimuar.

1.6.1.1 Gjithashtu, në udhëzimin e përgjithshëm nr. 2/2022, drejtuesit e prokurorive janë udhëzuar të koordinojnë dhe organizojnë trajnime të përbashkëta, si dhe të lehtësojnë pjesëmarrjen e prokurorëve dhe oficerëve të policisë gjyqësore në trajnime në bashkëpunim edhe me agjencitë e tjera ligjzbatuese, ndërsa prokurorëve u kërkohej të synojnë rritjen dhe zhvillimin e kapaciteteve dhe aftësive profesionale të tyre, nëpërmjet pjesëmarrjes në trajnime apo në tryeza diskutimesh, me fokus në fushat dhe drejtimet prioritare, ku përfshihen veçanërisht dhe mbrojtja e viktimave të veprave penale me bazë gjinore, seksuale dhe vikimat e mitur.

1.6.2 Prokuroria e Përgjithshme, nisur nga objektivat dhe nevojat prioritare të prokurorisë, në bashkëpunim me Shkollën e Magjistraturës janë identifikuar temat ku vlerësohet se ka nevojë të thellohen njohuritë e prokurorëve, për të evidentuar, vlerësuar dhe sugjeruar temat që secili prokuror çmon të nevojshme për përfshirjen në kalendarin e trajnimeve vazhduese në Shkollën e Magjistraturës për vitin akademik 2022-2023. Referuar në temat e kërkuara dhe sugjeruara nga prokurorët, Prokuroria e Përgjithshme, me shkresën nr. 555/6, datë 03.06.2022 i ka propozuar Shkollës së magjistraturës temat që janë kërkuar/sugjeruar nga prokurorët ku janë përfshirë dhe temat: -dhuna në familje, dhuna me bazë gjinore dhe mbrojtja e viktimave të tyre; -shfrytëzimi seksual online i të miturve dhe veçoritë e metodës së hetimit për këtë vepër, të cilat i janë dërguar Shkollës së Magjistraturës për tu përfshirë në kalendarin e trajnimit vazhdues për vitet 2022-2023.

1.6.2.1 Ndërkohë, Prokuroria e Përgjithshme në bashkëpunim me Shkollën e Magjistraturës është angazhuar në organizimin e aktiviteteve të përbashkëta me pjesëmarrjen e prokurorëve, për forcimin e kapaciteteve profesionale nëpërmjet trajnimeve, veçanërisht për veprat penale me bazë gjinore, seksuale dhe përfshirjen e të miturve, ku mund të përmendim aktivitet trajnuese të zhvilluara, sipas temave me pjesëmarrjen e prokurorëve dhe oficerëve të policisë gjyqësore të seksioneve, si vijojnë: -“Dhuna në familje” ku kanë marrë pjesë 7 prokuror; -"Shfrytëzimi seksual online i të miturve dhe metodat e hetimit", ku kanë marrë pjesë 6 prokuror dhe 3 oficer te policisë gjyqësore; -"Viktima, si subjekt i procesit penal", ku kanë marrë pjesë 7 prokuror dhe 6 oficerë të policisë gjyqësore.

1.6.3 Në kuadrin e kujdesit ndaj viktimave, koordinatorët përgjegjës për asistencën ndaj subjekteve me status të posaçëm kanë patur në fokus të punës së tyre sigurimin e një asistence sa më eficiente për subjektet e posaçëm, për zgjerimin e bashkëpunimit me OJF-të dhe bashkëpunimin ndërinstitucional

me qëllim referimin e rasteve drejt tyre për marrjen e një shërbimi specifik bazuar në nevojat që viktimat kanë, ashtu edhe në ngritjen e kapaciteteve profesionale të tyre, nëpërmjet trajnimeve të përbashkët me oficerë të policisë gjyqësore sipas temave: -“Mbrojtja e vajzave dhe grave nga ngacmimi dhe abuzimi online”, janë realizuar dy trajnime, në bashkëpunim me CRCA Shqipëri dhe Prokurorinë e Përgjithshme, me pjesëmarrjen e 21 koordinatorëve; -“Angazhimi proaktiv në mbrojtjen dhe zbatimin e ligjit për viktimat e dhunës me bazë gjinore dhe dhunës në familje”, organizuar nga Prokuroria e Përgjithshme dhe Qendra për Nisma Ligjore Qytetare, ku janë trajnuar 26 koordinatorë të viktimave; -“Mbi pjesëmarrjen e viktimave të trafikimit në përpjekjet antitrafik”, organizuar nga organizata “Të Ndryshëm & Të Barabartë”, me pjesëmarrjen e 4 koordinatorëve të viktimave; -“Mbledhja e të dhënave mbi gjendjen e kriminalitetit dhe të viktimave në çështjet e dhunës me bazë gjinore dhe dhunës në familje. Standardet Ndërkombëtare”, organizuar nga Qendra për Nisma Ligjore Qytetare dhe Prokuroria e Përgjithshme. ku kanë marrë pjesë 24 koordinatorë të viktimave; -“Roli i policisë në zbatimin e Kodit të Drejtësisë Penale për të Mitur dhe Ligjit për Mbrojtjen e të drejtave të fëmijëve”, organizuar nga UNICEF në rrethet Kukës dhe Korçë, me pjesëmarrës 2 koordinatorë të viktimave dhe 8 oficerë të policisë gjyqësore të seksioneve në prokurori dhe të shërbimet të policisë gjyqësore në Policinë e Shtetit; si dhe tema të tjera të listuara në Aneksin 3, bashkëlidhur.

1.6.4 Prokuroria e Përgjithshme, në vijim të mbikëqyrjes së zbatimit të udhëzimeve të përgjithshme nr. 5/2018 dhe nr. 17/2020 në sistemin e prokurorisë, ka vijuar bashkëpunimin me Qendrën për Nisma Ligjore Qytetare dhe mbështetja e Ambasadës të Mbretërisë së Hollandës lidhur me projektin 3-vjeçar, “Angazhim Proaktiv për mbrojtjen dhe zbatimin e ligjit kundër dhunës me bazë gjinore dhe dhunës në familje”.

1.6.4.1 Në kuadër të këtij Projekti dhe të nismës “16 Ditët e Aktivizimit Kundër Dhunës me Bazë Gjinore”, Prokurori i Përgjithshëm, në datë 9 dhjetor 2022, organizoi Tryezën e 3-të të diskutimit me temë “Dhuna në familje dhe dhuna me bazë gjinore, efikasiteti dhe sfidat e prokurorisë në përballje me fenomenin”, me pjesëmarrjen e Ambasadorit të Mbretërisë së Hollandës, përfaqësues të këtij projekti, 9 prokuror të seksioneve të këtyre grupveprave, dhe 4 koordinatorë të viktimave në prokuroritë e juridiksionit të përgjithshëm. Në këtë tryezë diskutimi janë trajtuar si arritje administrimi i rritjes së numrit të viktimave që kanë kallëzuar/referuar penalisht rastet e dhunës ndaj tyre rrjedhojë kjo dhe e rritjes së besimit të viktimave në organet/strukturat e policisë gjyqësore dhe prokurorisë, eficaenca dhe efektiviteti i lartë në hetimin, ndjekjen penale dhe dërgimin për gjykim të autorëve të veprave penale të dhunës me bazë gjinore, si dhe aspekte të bashkëpunimit ndërinstytucional në nivel vendor e në nivel qëndror për parandalimin e dhunës në familje dhe dhunës me bazë gjinore që përbën sfidë për shoqërinë shqiptare, dhe jo vetëm.

1.6.5 Në kuadrin e bashkëpunimit me projektin “Parandalimi dhe reagimi ndaj dhunës me bazë gjinore...”, mbështetur nga SIDA, Suedi, në nëntor-dhjetor 2022 është përgatitur manuali “Dhuna seksuale online tek të miturit”. Ky manual përmban aspekte teorike të dhunës seksuale online tek të miturit, si dhe teknika të punës gjatë intervistimit dhe asistencës që i jepet viktimave nga koordinatorë të viktimave në prokuroritë e juridiksionit të përgjithshëm. Në datat 31 janar-1 shkurt dhe 14-15 shkurt 2023, me mbështetjen e UNICEF e Qeverisë së Mbretërisë së Bashkuar, në Fier dhe Sarandë, janë zhvilluar dy seminare, me temë “Roli i policisë gjyqësore në Kodin e Drejtësisë Penale për të Mitur dhe ligji për të drejtat dhe mbrojtjen e fëmijës”, me pjesëmarrjen e koordinatorëve të viktimave dhe oficer të policisë gjyqësore të prokurorive të juridiksionit të përgjithshëm e agjencive tjera ligjzbatuese, psikolog e punonjës social të rretheve gjyqësore Fier, Vlorë, Lushnje, Berat, Sarandë e Gjirokastrë.

1.6.6 Prokuroria e Përgjithshme në bashkëpunim me Qendrën për Mbrojtjen e të Drejtave të Fëmijëve në Shqipëri (CRCA Shqipëri) në Maj 2022 ka përgatitur një broshurë informuese “Mbrojtja e fëmijëve viktime dhe roli i koordinatorit”, me synim informimin e publikut mbi rolin e koordinatorit të subjekteve me status të posaçëm në prokuroritë e juridiksionit të përgjithshëm, detyrat e tij dhe ndihma që ofron për viktimat në procesin penal, e cila (broshura) është dërguar për botim.

✚ Në përmbushje të detyrave kushtetuese e ligjore, e konsiderojmë të zbatuar këtë rekomandim të rezolutës së Kuvendit dhe rekomandimin e KM, për faktin se, Prokuroria e Përgjithshme ka vijuar mbikëqyrjen e zbatimit të udhëzimit të përgjithshëm nr. 5/2018 “Për garantimin e asistencës ndaj viktimave dhe dëshmitarëve të veprave penale”, dhe udhëzimeve të përgjithshëm nr. 17/2020, nr. 8/2021 dhe nr. 2/2022, me fokus sigurimin e një asistence sa më eficiente dhe efektive për mbrojtjen e viktimave të veprave penale të dhunës në familje dhe veprave penale ndaj të miturve, si dhe është rritur bashkëpunimi ndërinstitucional dhe zgjeruar bashkëpunimi me OJF-të në këtë fushë, ashtu dhe kanë vijuar masat për rritjen e kapaciteteve profesionale në prokurori, nëpërmjet trajnimeve dhe pjesëmarrjes në tryeza të oficerë të policisë gjyqësore, prokurorëve dhe koordinatorëve të viktimave, të cilët (koordinatorët) kanë luajtur rol aktiv në zhvillimin e aktiviteteve dhe mbrojtjen e garantimin e të drejtave të viktimave gjatë procesit penale.

1.7 Në zbatim të rekomandimit të rezolutës, **“7.Të vijojë puna për vlerësimin e kapaciteteve profesionale, teknologjike dhe marrja e masave të tjera për ngritjen sa më parë të sistemit të menaxhimit të çështjeve në bashkëpunim me Qendrën e Teknologjisë së Informacionit për Sistemin e Drejtësisë pranë Këshillit të Lartë Gjyqësor”**, janë zhvilluar aktivitetet dhe arritur rezultatet si më poshtë:

1.7.1 Në kuadrin e këtij rekomandimi, Prokuroria e Përgjithshme ka vijuar punën në bashkërendim me Qendrën e Teknologjisë së Informacionit për Sistemin e Drejtësisë pranë Këshillit të Lartë Gjyqësorë për vlerësimin e kapaciteteve humane, teknologjike dhe marrjen e masave të tjera për ngritjen sa më parë të sistemit të menaxhimit të çështjeve në prokurori me standardet aktuale. Kjo masë/aktivitet është planifikuar dhe në Planin e Veprimit¹⁹ të Strategjisë Ndërsektoriale të Drejtësisë për vitet 2022-2025.

1.7.1.1 Në këtë vështrim, Drejtoria e Teknologjisë së Informacionit në Prokurorinë e Përgjithshme është angazhuar në mbledhjen e të dhënave për sistemin e ri CAMS, draftimin e tyre për standartizimin final të termave të referencës për këtë sistem dhe integrimin e sistemit IMPRO në Prokurorinë e Përgjithshme me sistemin M-File të Ministrisë së Drejtësisë, si dhe ndërlidhjen me bazat e të dhënave shtetërore, sistemin e Policisë së Shtetit, sistemin e Gjykatave, etj, ndërlidhje të cilat do të mundësojnë dixhitalizim të plotë të proceseve të punës së prokurorëve dhe oficerëve të policisë gjyqësore në prokuroritë me juridiksion të përgjithshëm.

1.7.2 Mbi kërkesën e Prokurorisë së Përgjithshme, Kuvendi i Shqipërisë me ligji nr. 85/2022 “Për buxhetin për vitet 2023”, ka miratuar dhe akorduar 50 milion lekë, ose 408,163 Euro për Prokurorinë e Përgjithshme, si fazë e parë për investimin/ngritjen e sistemit të menaxhimit të çështjeve (CAMS), në prokuroritë me juridiksion të përgjithshëm, dhe përfitoj nga rasti të falënderoj Kuvendin e Shqipërisë për mbështetjen.

✚ Në përmbushje të detyrave kushtetuese e ligjore, e konsiderojmë të realizuar pjesërisht për këtë rekomandim të rezolutës, faktin se janë realizuar disa masat dhe aktivitetet më sipër për vlerësimin e kapaciteteve profesionale dhe teknologjike në zbatim të këtij rekomandimi e shoqëruar

¹⁹ Shih, masa/aktivitetit 4.1.7 në Planin e Veprimit të Strategjisë Ndërsektoriale të Drejtësisë për vitet 2022-2025, miratuar me 24.12.2021.

dhe me miratimin dhe akorduar nga Kuvendi i vlerës 50 milion lekë, si fazë e parë për investimin/ngritjen e sistemit të menaxhimit të çështjeve (CAMS), krahas masave dhe aktiviteteve të realizuara në kuadrin e bashkëpunimit ndërinstitucional me KLGJ dhe që vijon zbatimi për të realizuar ngritjen sa më parë të sistemit të menaxhimit të çështjeve në bashkëpunim me Qendrën e Teknologjisë së Informacionit për Sistemin e Drejtësisë pranë KLGJ.

1.8 Në zbatim të rekomandimit të rezolutës, **“8.Të konsolidohet metodologjia dhe transparenca në hedhjen e shortit elektronik për ndarjen e çështjeve si dhe të vijojë puna e nisur për zhvillimin dhe përfundimin e sistemit elektronik PRESTO për administrimin elektronik të regjistrave procedural dhe përfitim të statistikave në kohë reale me të dhëna gjithëpërfshirëse”**, i cili përkon dhe me rekomandimin prioritar 5, drejtimi I i vendimit KM, e citojmë **“5.Marrjen e masave, me qëllim rishikimin dhe mirëfunksionimin e sistemit elektronik të ndarjes së çështjeve në Prokurori (sistemi CAMS), ..., si dhe kontrolli i vazhdueshëm mbi hedhjen dhe administrimin e këtyre të dhënave”**, janë zhvilluar aktivitetet dhe arritur rezultatet si më poshtë:

1.8.1 Në kuadrin e këtij rekomandimi të rezolutës dhe rekomandimit prioritar të KM, si dhe në zbatim të ligjit²⁰, Prokuroria e Përgjithshme ka vijuar mbikëqyrjen e zbatimit të udhëzimit nr. 3/2016, datë 29.12.2016 “Për shpërndarjen e çështjeve në prokurori”, i ndryshuar me udhëzimin e përgjithshëm nr. 1/2020, nëpërmjet përdorimit të sistemit CAMS, që mundëson vetëm ndarjen e rastësishme të çështjeve në prokuroritë pranë gjykatave të shkallës së parë të juridiksionit të përgjithshëm, ku si rregull në ndarjen e çështjeve nga drejtuesit e prokurorive, që drejton dhe mbikëqyrë këtë proces, përdoret gjërësisht shorti elektronik që mundëson ky sistem (CAMS) sipas ligjit²¹, që siguron transparencë dhe garanton pavarësinë dhe paanshmërinë e prokurorëve në ushtrimin e funksioneve, nëpërmjet këtij procesi (ndarjes së çështjeve me short në prokurori).

1.8.2 Në prokuroritë pranë gjykatave të shkallës së parë me juridiksion të përgjithshëm, shorti elektronik përdoret sistematikisht në bazë të regjistrimeve ditore, dmth kallëzimet/referimet penale që regjistrohen gjatë një dite, shortohen mes prokurorëve sipas rastit të seksionit ose prokurorisë përkatëse. Shorti kryhet automatikisht sapo bëhet regjistrimi i kallëzimit/referimit penal në sistem, i cili nëpërmjet një algoritmi përzgjedh prokurorin në mënyrë të rastësishme, duke pasur parasysh dhe ngarkesën e prokurorëve të tjerë të seksionit apo të një prokurorie me numër të vogël prokurorësh, aty ku nuk ka seksione. Sistemi i ndan në numër të barabartë kallëzimet/referimet penale të regjistruara brenda një seksioni apo prokurorie të caktuara brenda një dite.

1.8.3 Sistemi CAMS për shkak të gjendjes së përgjithshme teknike jashtë funksionimit nuk mundëson asnjë veprimtari tjetër të teknologjisë së informacionit në administrimin e çështjeve apo të dhënave statistikore në prokurori.

1.8.4 Sistemi e-tracking PRESTO, i krijuar me mbështetjen e Projekti EURALIS V dhe filluar funksionimi me urdhërin nr. 92/2021 “Për përdorimin e regjistrimit elektronik dhe përfitim të statistikave për çështje të pastrimit të parave në prokuroritë e shkallës së parë me juridiksion të përgjithshëm” është funksional dhe mundëson përfitim të statistikave në kohë reale sipas një baze të të dhënave të qëndrueshme e të besueshme, për të evidentuar gjendjen e treguesve statistikore për hetimin dhe ushtrimin e ndjekjes penale dhe nevojën për përmirësime të mëtejshme, për të rritur numrin e procedimeve penale të dërguara për gjykim dhe të dënimeve për veprat penale të pastrimit

²⁰ Shin, nenin 53 “Shpërndarja e çështjeve” të ligjit nr. 97/2016 “Për organizimin dhe funksionimin e prokurorisë në Republikën e Shqipërisë”

²¹ Shin, po aty nenin 53 të ligjit nr. 97/2016;

të parave si objektiv prioritarë i Prokurorisë së Përgjithshme dhe si rezultat imediat i përmbushur në zbatimin e Planit të Veprimit FATF/ICRG-Shqipëri.

1.8.5 Në kuadrin e këtij rekomandimi, për të mundësuar mbikëqyrje të vazhdueshme mbi hedhjen dhe administrimin e të dhënave në sistemin e-tracking PRESTO, Prokuroria e Përgjithshme ka miratuar udhëzimin e përgjithshëm nr. 3/2022, datë 6.09.2022 “Për disa ndryshime e shtesa në udhëzimin e përgjithshëm nr. 10/2020 “Për masat administrative dhe procedurale penale për rritjen e efektivitetit në luftën kundër pastrimit të parave, financimit të terrorizmit, krimeve financiare dhe në hetimet pasurore për sekuestrimin dhe konfiskimin e pasurive produkt i veprës penale ose i veprimtarisë kriminale në prokuroritë e juridiksion të përgjithshëm”, ku është normuar se prokurori i seksionit të posaçëm ose prokurori i dedikuar, i ndihmuar nga oficeri i policisë gjyqësore i caktuar pranë tij dhe/ose nëpunësi i administratës përkatës, (*për rastet e trajtuara lidhur me procedimet penale dhe hetimet pasurore në kompetencë lëndore sipas këtij udhëzimi*), hedhin në kohë reale të dhënat në regjistrin elektronik të sistemit e-tracking PRESTO²² sipas udhëzimeve në Manualin e përdorimit të tij²³. Ky udhëzim, gjithashtu, parashikon se në sistemin elektronik e-tracking PRESTO, përditësohet brenda ditës ecuria e veprimeve procedurale penale për secilin kallëzim/referim dhe/ose çështje penale dhe/ose procedim/hetim pasuror, sipas fazave të procedimit dhe tipologjive përkatëse, me synim për të përfutur të dhëna statistikore gjithëpërfshirëse, të hollësishme dhe të besueshme, si dhe për të analizuar dhe evidentuar arritjet dhe problematikat për këtë grupveprash penale.

1.8.6 Ndërsa, nisma për programin statistikor PRESTO, mbeti e pa realizuar me përfundimin e Projektit EURALIUS V, dhe përgjatë vitit 2022 e në vijim vazhdojnë përpjekjet për të mundësuar zhvillimin e mëtejshëm të këtij programi (PRESTO) për administrimin elektronik të regjistrave procedural dhe përfitimin e një sistemi statistikor fleksibël, në kohë reale dhe me të dhëna gjithëpërfshirëse, për periudhën tranzitore deri në ngritjen e sistemit të ri (CAMS). Për ngritjen e sistemit të menaxhimit të çështjeve në prokurori me standarde aktuale po vijon ecuria e masave institucionale e ndërinstitucionale në bashkërendim me Këshillin e Lartë Gjyqësor. Ky aistem i ri (CAMS) do të integrojë sistemet elektronike të pjesëshme aktuale në prokurori, përfshi dhe sistemin PRESTO dhe do të mundësojë të dhëna statistikore në standarde europiane, si dhe ndërveprimin me sistemet elektronike të aktorëve të tjerë të sistemit të drejtësisë penale të vendit.

🚩 Në përmbushje të detyrave kushtetuese e ligjore, rekomandimin e rezolutës dhe rekomandimin e KM, i konsiderojmë të realizuara masat/aktivitetet, për ndarjen e çështjeve nëpërmjet shortit elektronik nga sistemi CAMS, për nxjerrjen e udhëzimit të përgjithshëm nr. 3/2022 që mundëson përfitim nga sistemi PRESTO të të dhëna statistikore për grupvepra penale të pastrimit parave në zbatim dhe të Planit të Veprimit ICRG/FATF dhe është në proces dhe po ndiqet ecuria e masave për ngritjen e sistemit të ri CAMS (trajtuar në rekomandimin 1.8 më sipër). Ndërkohë, vijnë përpjekjet në këtë fazë të ndërmjetme/emergjente, për të mundësuar zhvillimin e mëtejshëm të programit PRESTO për përfitimin e një sistemi statistikor që do të mundësojë përfitim e të dhënave statistikore për gjithë grupveprat penale, deri në ngritjen e sistemit të ri CAMS.

1.9 Në zbatim të rekomandimit të rezolutës, “9. Të vijohet me përmirësimin më tej të efijencës së bashkëpunimit dhe koordinimit ndërinstitucional me institucionet dhe agjencitë ligjzbatuese

²² Shih, sistemi elektronik e-tracking PRESTO, miratuar me urdhërin e Prokurorit të Përgjithshëm nr. 92/2021 “Për përdorimin e regjistrit elektronik dhe përfitimin e statistikave për çështje të pastrimit të parave në prokuroritë e shkallës së parë me juridiksion të përgjithshëm”, bashkëlidhur manuali i përdorimit të tij.

²³ Manuali i përdorimit të “Regjistrit elektronik dhe statistikave për çështje të pastrimit të parave në prokurori”, e-tracking PRESTO, dërguar prokurorive bashkëlidhur urdhërit nr. 92/2021.

palë në marrëveshje dy ose shumë palëshe, si dhe në marrëdhëniet juridiksionale me autoritetet gjyqësore të huaja nëpërmjet Zyrës së Prokurorit ndërlidhës të Shqipërisë në Eurojust, veçanërisht për rritjen e numrit të skuadrave të përbashkëta hetimore dhe goditjen e veprimtarisë kriminale brenda dhe jashtë vendit”, i cili përkon me rekomandimin e BE-së në Raportin për Shqipërinë²⁴ 12 tetor 2022, Kapitulli 24, e citojmë, “→të vazhdojë të forcojë luftën kundër krimit të organizuar, duke përfshirë bashkëpunimin me Shtetet Anëtare të BE-së, si dhe me agjencitë e BE-së, duke përfshirë ...dhe Eurojust-in...”, që përkon me rekomandimin prioritar 5, drejtimi II i vendimit KM, e citojmë “Vijimin e bashkëpunimit me Prokurorinë e Posaçme për sa i përket hetimeve proaktive pasurore dhe financiare, për rastet që lidhen me veprat penale në fushën e korrupsionit në nivele të larta të politikës dhe administratës publike”, që përkon gjithashtu dhe me rekomandimet prioritare 5 e 7, drejtimi IV i vendimit KM, i citojmë “5.Vijimin e forcimit të bashkëpunimit ndërinstitucional ndërmjet strukturave të prokurorisë së juridiksioneve të përgjithshme, Prokurorisë së Posaçme, policisë gjyqësore, policisë së shtetit dhe agjencive të tjera shtetërore, për zbatimin e objektit dhe qëllimin e ligjit ...” dhe “7.Vijimin e... bashkëpunimit me Eurojust si dhe të bashkëpunimit rajonal ...” janë zhvilluar aktivitetet dhe arritur rezultatet si më poshtë:

1.9.1 Në kuadrin e këtij rekomandimi të rezolutës, rekomandimeve të BE-së dhe rekomandimeve prioritare të KM, në udhëzimin e përgjithshëm nr. 2/2022 drejtuesit e prokurorive dhe strukturave përkatëse në Prokurorinë e Përgjithshme janë udhëzuar për të vijuar rritjen e mëtejshme të bashkëpunimit me agjencitë ligjzbatuese rajonale e ndërkombëtare dhe nëpërmjet prokurorit ndërlidhës pranë Eurojust, në funksion të efektivitetit të hetimeve për veprat penale prioritare të rekomanduara, veçanërisht ato që lidhen me trafikimin e narkotikëve, pastrimit të parave, trafikimin e qenieve njerëzore, veprat penale kundër mjedisit, krimet kibernetike etj.

1.9.2 Prokuroria e Përgjithshme për rritjen e cilësisë dhe efikasitetit në hetimin dhe ushtrimin e ndjekjes penale dhe prioritetëve në luftën kundër kriminalitetit, përfshi veprat penale që lidhen me krimin e organizuar trafikimet e paligjshme dhe pastrimin e parave, ka vijuar dhe konsideruar domosdoshmëri qasjen e përbashkët dhe të unifikuar ndërmjet institucioneve ligjzbatuese, duke i kushtuar një vëmendje të veçantë bashkëpunimit operacional vendor në punën e përditshme të drejtuesve, prokurorëve dhe oficerëve të policisë gjyqësore, si në vijim të zbatimit të Aktit Koordinimit Ndërinstitucional, (datë 15.12.2020), “Për rritjen e efikasitetit nëpërmjet, bashkërendimit të Prokurorisë së Përgjithshme, me Prokurorinë e Posaçme dhe unifikimin e disa veprimtarive administrative dhe procedurale ndërinstitucionale, duke respektuar veçoritë dhe kompetencat institucionale të parashikuara në ligj”, ashtu dhe ka vijuar koordinimi në zbatim të memorandumit të bashkëpunimit ndërinstitucional (15 korrik 2020) ndërmjet Prokurorisë së Përgjithshme me - Ministrinë e Brendshme dhe -Ministrinë e Financave dhe Ekonomisë, ku përfshihen Drejtoria e Përgjithshme e Policisë së Shtetit, Drejtoria e Përgjithshme e Parandalimit të Pastrimit të Parave, Drejtoria e Përgjithshme e Tatimeve, Drejtoria e Përgjithshme e Doganave dhe Agjencia e Administrimit të Pasurive të Sekuestruara dhe Konfiskuara, për rritjen e efektivitetit në hetimet kundër pastrimit të parave, financimit të terrorizmit, krimeve financiare dhe procedimeve/hetimeve pasurore paralele, si dhe për vepra penale të fushës së krimeve të renda që mund të lidhen me format e veçanta të bashkëpunimit²⁵. Gjithashtu, Prokuroria e Përgjithshme ka vijuar zbatimin e marrëveshjeve dypalëshe të vitit 2020 me: -Drejtorinë e Përgjithshme të Policisë së Shtetit, - Kontrollin e Lartë të Shtetit, dhe -Inspektoratin e Lartë të Kontrollit të Pasurive dhe Konfliktit të

²⁴ Shih, pika 2.2.2 Kapitulli 24, “Drejtesia, liria dhe siguria”, Raporti për Shqipërinë 12 tetor 2022, <https://neighbourhood-enlargement.ec.europa.eu/system/files/2022-10/Albania%20Report%202022.pdf>

²⁵ Shih, nenin 28 “Format e veçanta të bashkëpunimit” të Kodit Penal, që sipas nenit 75/a të K.Pr.Penale janë në kompetencë lëndore të Prokurorisë së Posaçme.

Interesave, me synim rritjen e efektivitetit në hetimet që lidhen dhe me veprat penale të fushës së krimeve financiare, shpërdorimit të fondeve publike, dhe në fushën e veprimtarisë së ILDKPKI-së.

1.9.3 Në kuadrin e këtij rekomandimi, rekomandimeve të KSA-së për vitin 2022 dhe Planit Veprimit të ICRG/FATF, Prokuroria e Përgjithshme ka vijuar koordinimin dhe monitorimin për zbatimin e memorandumit të bashkëpunimit (15 korrik 2020) dhe udhëzimit të përgjithshëm nr. 10/2020, me synim rritjen e efikasitetit të koordinimit dhe mbikëqyrjes së zbatimit të këtij memorandumi bashkëpunimi dhe udhëzimit të përgjithshëm (nr. 10/2020) në nivel qendror dhe në nivel vendor, me institucionet dhe strukturat përkatëse.

1.9.4 Në kuadrin e këtij rekomandimi dhe udhëzimit të përgjithshëm nr. 2/2022 prokurorët kanë rritur rolin aktiv në hetimin paraprak, si nëpërmjet hetimeve të filluara kryesisht, ashtu dhe në kryerjen e hetimeve proaktive efektive dhe/ose me përdorim të mjeteve të posaçme/speciale të hetimit në funksion të hetimeve të filluara kryesisht nga vetë organi i prokurorisë.

1.9.4.1 Në këtë vështrim, në zbatim të udhëzimit të përgjithshëm nr. 2/2022 dhe të Aktit të Koordinimit Ndërinstitucional me Prokurorinë e Posaçme, në hetimet dhe ndjekjen penale për vepra penale në kompetencë lëndore të prokurorive me juridiksion të përgjithshëm, prokurorët me rol aktiv kanë vlerësuar drejt të dhënat/indiciet e përftuara nga përdorimi i mjeteve të posaçme të hetimit edhe për kryerjen e veprave penale në kompetencë lëndore të Prokurorisë së Posaçme.

1.9.4.2 Prokurorët në prokuroritë e juridiksionit të përgjithshëm në bashkëpunim me shërbimet e policisë gjyqësore në Policinë e Shtetit dhe agjencitë e zbatimit të ligjit, sipas kërkesave dhe procedurave ligjore, në vitin 2022 kanë rritur rolin aktiv në kryerjen e hetimeve proaktive dhe/ose me përdorim të mjeteve të posaçme të hetimit, në kuadrin e 573 procedimeve penale. Prokurorët kanë patur rol aktiv, si në regjistrimin e procedimeve, dhënien e autorizimeve ose mbi kërkesën e tyre me vendime gjyqësore është autorizuar përdorimi i mjeteve të posaçme të hetimit, ashtu dhe nëpërmjet lënies së detyrave oficerëve të policisë gjyqësore dhe kontrollit/mbikëqyrjes për zbatimin e tyre. Ky proces i ka shërbyer, si parandalimit dhe/ose ndërprerjes së mëtejshme të veprimtarisë kriminale, ashtu dhe goditjes/finalizimit me arrestimin në flagrancë apo ndalimin e 585 personave të dyshuar për kryerjen e veprave penale në kompetencë të prokurorive pranë gjykatave të shkallës së parë me juridiksion të përgjithshëm.

1.9.4.3 Në kryerjen e hetimeve proaktive dhe/ose me përdorim të mjeteve të posaçme të hetimit roli aktiv i prokurorëve dhe oficerëve të policisë gjyqësore përkatës ka mundur të përfillojë të dhënave nga interceptimi të shoqëruara me vëzhgime përtej veprave penale të regjistruar nga prokurori për të cilat ishte lejuar përgjimi dhe zbulimin në 12 raste të kryerjes së veprave penale, prej të cilave në 7 raste të kryerjes së veprave penale të korrupsionit të parashikuara nga nenet 244, 245/1, 259 319, 319/c, 319/ç të K.Penal në kompetencë të Prokurorisë së Posaçme për kryerjen e hetimeve të mëtejshme nga ajo prokurori, ndërsa në 5 raste të tjera është mundëzuar zbulimi i krimeve të tjera siç janë: “Prodhimi dhe shitja e narkotikëve”, “Kultivimi i bimëve narkotike”, “Shkelja e barazisë së pjesëmarrësve në tendera apo ankande publike” etj të parashikuara nga nenet 283, 284, 258, 114 dhe 197 të K.Penal.

1.9.4.4 Në hetimet dhe ndjekjen penale për vepra penale në kompetencë lëndore të prokurorive me juridiksion të përgjithshëm, prokurorët me rol aktiv kanë vlerësuar drejt të dhënat/indiciet e përftuara nga përdorimi i mjeteve të posaçme të hetimit edhe për kryerjen e veprave penale në kompetencë lëndore të Prokurorisë së Posaçme. Në zbatim të udhëzimit të përgjithshëm nr. 2/2022 dhe të Aktit të Koordinimit Institucional datë 15.12.2020 “Për rritjen e efikasitetit nëpërmjet, bashkërendimit të Prokurorisë së Përgjithshme me Prokurorinë e Posaçme”, sipas të dhënave statistikore dhe të konfirmuara nga informacioni i Prokurorisë së Posaçme, në vitin 2022, prokuroritë e juridiksionit të përgjithshëm kanë transferuar procedime/referime penale, prej të cilave në

Prokurorinë e Posaçme janë pranuar 61 procedime/referime, që përbëjnë 76.26 % e referimeve/procedimeve të transferuara ose me rritje 2.16 % të raportit në përqindje të referimeve/procedimeve të pranuar krahasuar me vitin 2021. Nga 61 procedimet/referimet e pranuar, 31 prej tyre janë për grupvepra kundër krimit të organizuar dhe 30 për grupvepra kundër korrupsionit në kompetencë lëndore të asaj prokurorie, që zënë përkatësisht 50.8 % dhe 49.2 % të referimeve/procedimeve penale të transferuara për kompetencë nga pruroritë e juridiksionit të përgjithshëm. Në këto raste kryerja e hetimeve të thelluara dhe/ose vlerësimi profesional i rrethanave të faktit dhe ligjit nga pruroritë e juridiksionit të përgjithshëm ka çuar në zbulimin e ekzistencës së elementëve të bashkëpunimit të veçantë ose korrupsionit në nivele të larta, për vijimin e kryerjes së hetimeve të mëtejshme nga ajo prokurori e posaçme në kuadrin e veprimtarisë kriminale të organizuar dhe/ose korrupsionit në nivele të larta.

1.9.5 Në kuadrin e forcimit të bashkëpunimit dhe koordinimit ndërinstitucional ndërmjet strukturave të prokurorisë, policisë gjyqësore në seksionet e prokurorive dhe shërbimeve të policisë gjyqësore në policinë e shtetit dhe agjencitë e tjera shtetërore, referuar të dhënave statistikore të vitit 2022, evidentohet ndikimi i masave në parandalimin e përgjithshëm dhe të posaçëm nëpërmjet hetimit dhe ndjekjes penale të autorëve të krimeve të rënda, përfshi trafikimet e paligjshme, prodhimi dhe/ose kultivimi i narkotikëve e krime të tjera të rënda.

1.9.6 Në kuadrin e këtij rekomandimi lidhur me “...**marrëdhëniet juridiksionale me autoritetet gjyqësore të huaja nëpërmjet Zyrës së Prokurorit Ndërlidhës të Shqipërisë në Eurojust, veçanërisht për rritjen e numrit të skuadrave të përbashkëta**”, dhe në përmbushje të rekomandimeve të BE-së, Prokuroria e Përgjithshme ka vijuar ndërveprimin për rritjen e efikasitetit në bashkëpunimin me autoritetet gjyqësore të huaja në fushën penale për fuqizimin e bashkëpunimit me agjencitë ligjzbatuese rajonale dhe ndërkombëtare, në funksion të efektivitetit të hetimeve, për veprat penale që lidhen sidomos me trafikimin e narkotikëve, pastrimin e parave, financimin e terrorizmit, trafikimin e qenieve njerëzore, etj.

1.9.7 Në këtë vështrim, Prokurori i Përgjithshëm në cilësinë e përfaqësuesit të autoritetit kompetent²⁶ ka vijuar zbatimin e Marrëveshjes së Bashkëpunimit me Eurojust, nëpërmjet veprimtarisë të Prokurorit Ndërlidhës të Shqipërisë në Eurojust, prania e të cilës ka vijuar konsolidimin e përvojës dhe kapaciteteve, në drejtim të bashkëpunimit, koordinimit mes Eurojust dhe autoriteteve shqiptare dhe shkëmbimit të shpejtë të informacionit me autoritet gjyqësore të vendeve evropiane dhe të vendeve të treta, përfshi dhe të rajonit, si dhe rritje të numrit të çështjeve të referuara, pjesëmarrjeve në mbledhje, numrit të skuadrave të përbashkëta hetimore, në cilësinë e çështjeve të ndjekura dhe rezultateve të arritura, të vlerësuara edhe brenda asaj Agjencie (Eurojust).

1.9.7.1 Referuar raportit vjetor për vitin 2022, nga Zyra Ndërlidhëse Shqiptare në Eurojust:

i) Janë regjistruar 85 çështje të reja (nga dhe kundrejt Shqipërisë) ose me rritje 63 % krahasuar me vitin 2021, prej të cilave: -38 çështje të reja me kërkesën e autoriteteve shqiptare kundrejt vendeve të Bashkimit Evropian (në vijim:BE-së) ose me rritje 80.95 % krahasuar me vitin 2021, ku vendin kryesor e zënë Italia, Greqia, Gjermania, Belgjika, Spanja, Holanda, etj, dhe -48 kërkesa/çështje të reja nga vendet e anetare të BE kundrejt Shqipërisë, ku vendin kryesor e zënë Italia, Greqia, Franca, Gjermania, etj.

ii) Janë ndjekur 162 çështje aktive, ku përfshihen dhe çështjet e mbartura, ose me rritje 43.3 % (nga 113 në 162) të numrit të rasteve aktive krahasuar me vitin 2021.

²⁶ Shih, “Marrëveshjen për bashkëpunimin ndërmjet Republikës së Shqipërisë dhe EUROJUST”, të ratifikuar nga Kuvendi i Shqipërisë me ligjin nr. 113/2018, në nenin 4 pika 1 parashikon: “1.Autoriteti kompetent i Republikës së Shqipërisë për zbatimin e kësaj Marrëveshjeje është Prokuroria e Përgjithshme e Republikës së Shqipërisë.”

iii) Janë nënshkruar 8 marrëveshje të reja për ngritjen e Skuadrave të Përbashkëta Hetimore me autoritetet gjyqësore të huaja, si dhe ka vijuar zbatimi i 10 marrëveshjeve të Skuadrave të Përbashkëta Hetimore të ngritura në vitet paraardhëse, të asistuar dhe financuar nga Eurojust, të ngritura mbi marrëveshje të nënshkruara mes Prokurorisë së Posaçme me perfaqesues të vende anëtare të Bashkimit Evropian si Itali, Spanjë, Suedi, Gjermani, Europol, Letoni, Finland, Ukraine, etj, për vepra penale të kryera nga grupet e strukturuar kriminale apo organizatat kriminale, kryesisht vepra penale të trafikimit të lëndëve narkotike, pastrimit të parasë dhe mashtrimi kibernetik, etj.

iv) Zyra Ndërlidhëse Shqiptare në Eurojust ka bashkëpunuar me autoritetet gjyqësore të shteteve anëtare të BE-se në 36 Mbledhje Koordinuese, ku vendin kryesor e zënë autoritetet gjyqësore nga Italia, Gjermania, Spanja, Lituania, etj, dhe në disa raste ka qenë i përfshirë edhe Europol, si dhe vendet anëtare, jo pjesë e BE-se, që kanë zyra ndërlidhëse në Eurojust siç janë Ukraina, Maqedonia e Veriut dhe Gjeorgjia.

v) Shqipëria e përfaqësuar nga kjo Zyrë ka marrë pjesë në 4 Qendra Koordinimi të Ngritura në Eurojust, që ka mundur koordinimin e përpjekjeve të autoriteteve kombëtare kompetente në ecurinë e operacioneve të përbashkëta, nëpërmjet ndihmës me këshilla ligjore dhe praktike apo lehtësimin e lëshimit të instrumentave ligjore, etj, duke siguruar që veprimet e ndërmarra të çojnë në ndjekje penale të suksesshme.

1.9.7.2 Në nëntor 2022, në një takim në Tiranë mes zv. Presidentit të Eurojust dhe Prokurorit të Përgjithshëm e drejtuesit të Prokurorisë së Posaçme (SPAK), u prezantua projekti më i ri i Eurojust “Rritja e bashkëpunimit ndërkufitar në drejtësinë penale në Ballkanin Perëndimor” që ka për qëllim kryesor të forcojë bashkëpunimit brenda Ballkanit Perëndimor dhe midis rajonit dhe BE-së për luftën kundër krimit të organizuar dhe terrorizmit, duke përdorur mjete dhe instrumenta modern. Kjo do të çojë në një nivel të zgjeruar të ndërveprimit dhe integritit midis BE-së dhe rajonit të Ballkanit Perëndimor (përfshirë Shqipërinë, Bosnje dhe Hercegovinën, Kosovën, Serbinë, Malin e Zi dhe Maqedoninë e Veriut”, përmes krijimit të një strukture (grupe kontakti) që do të mundësojë koordinimin e hetimeve mes prokurorive të këtyre vendeve, ku kryerja e hetimeve paralele dhe ngritja e grupeve të përbashkëta të hetimit, u vlerësohen si instrumentat që do të rrisin efikasitetin e punës së organeve ligjzbatuese në rajon. Tashmë Shqipëria përfaqësohet në këto grupe kontakti me dy përfaqësuesit e saj.

1.9.8 Prokuroria e Përgjithshme, gjithashtu, ndërmorri një hap të rëndësishëm në drejtim të bashkëpunimit dhe shkëmbimit të shpejtë të informacionit me autoritet gjyqësore të vendeve evropiane dhe euro-atlantike, me nënshkrimin e dy marrëveshjeve të bashkëpunimit, siç janë:

1.9.8.1 Me 4 korrik 2022 u nënshkrua marrëveshja e bashkëpunimit mes Zyrës së Prokurorit Publik Evropian me seli në Luksemburg dhe Prokurorisë së Përgjithshme, me synim për të lehtësohet bashkëpunimin në çështjet penale dhe shkëmbimin e informacionit, ku përfshihet ndër të tjera ngritja e grupeve të përbashkëta hetimore, ngrirja e asetëve me të ardhura nga veprimtaria kriminale dhe kryerja e veprimeve të tjera sipas ligjit.

1.9.8.2 Me 29 korrik 2022 u nënshkrua Memorandumi i Mirëkuptimit ndërmjet Prokurorisë së Përgjithshme (PP) dhe Shoqatës Ibero-Amerikane e Prokurorëve Publikë (AIAMP), me synim rritjen e gatishmërisë për bashkëpunimin në luftën kundër trafikëve të paligjshme, pastrimit të parave dhe çdo krim tjetër me interes të përbashkët si dhe për përmirësimin e kapaciteteve profesionale dhe shkencore në fushën penale sipas ligjit, etj.

1.9.9. Në kuadrin e fuqizimit të bashkëpunimit me agjencitë ligjzbatuese rajonale dhe ndërkombëtare, në funksion të rritjes së efikasitetit dhe efektivitetit të hetimeve dhe ndjekjes penale për veprat penale që lidhen me trafikimin e narkotikëve, trafikimin e qenieve njerëzore, pastrimin e parave, dhe financimin e terrorizmit etj., nga të dhënat statistikore të gjeneruara nga sistemi IMPRO, për vitin 2022, sipas grupveprave rezultojnë treguesit, si më poshtë:

1.9.9.1 Për veprën penale “Trafikimi i narkotikëve”:

- Ekstradime nga Shqipëria për jashtë vendit: 55 praktika;
- Ekstradime nga jashtë drejt Shqipërisë - 38 praktika ;
- Letërporosi nga Jashtë – 39 praktika ;
- Letërporosi për Jashtë – 40 praktika.

1.9.9.2 Për veprën penale “Trafikimi i qenieve njerëzore”:

- Ekstradime nga jashtë drejt Shqipërisë – 2 praktika;
- Ekstradime për jashtë vendit – 1 praktik;
- Letërporosi nga Jashtë – 35 praktika;
- Letërporosi për Jashtë - 4 praktika.

1.9.9.3 Për veprën penale “Pastrimi i produkteve të veprës penale”:

- Letërporosi nga Jashtë – 31 praktika;
- Letërporosi për Jashtë – 97 praktika.

1.9.9.4. Në vitin 2022 në kuadër të marrëdhënieve juridiksionale me autoritetet e huaja, rezultojnë të dhënat në total si më poshtë:

- Ekstradime nga Shqipëria për jashtë vendit, 119 praktika dhe janë përfunduar gjithsej 49 praktika;
- Ekstradime nga jashtë drejt Shqipërisë, 162 praktika, 62 të përfunduara;
- Urdhër arreste ndërkombëtare të lëshuara nga autoritetet e huaja për shtetasit shqiptarë të cilët nuk mund të ekstradohen për shkak të shtetësisë shqiptare, në total 252 praktika, 122 të përfunduara;
- Letërporosi nga Jashtë, 489 praktika, 284 të përfunduara;
- Letërporosi për jashtë, 526 praktika, 173 të përfunduara;
- Shpallje e shtetasve shqiptarë ose të huaj në kërkim ndërkombëtar, 245 praktika, 24 të përfunduara;
- Heqje e shtetasve shqiptarë nga kërkimi ndërkombëtar 134 praktika në total;
- Transferime të dënuarish nga jashtë, 10 praktika, 2 të përfunduara;
- Transferime të dënuarish për jashtë, 0 praktika;
- Transferim procedimi nga jashtë drejt Shqipërisë, 17 praktika;
- Transferim procedimi nga Shqipëria për jashtë, 11 praktika;
- Njohjet e vendimeve penale të ardhura nga jashtë, 19 praktika;
- Njohjet e vendimeve penale shqiptare të dërguara jashtë vendit, 7 praktika në total.

✚ Në përmbushje të funksioneve kushtetuese e ligjore, e konsiderojmë të zbatuar këtë rekomandim të rezolutës së Kuvendit dhe rekomandimet prioritare të KM, ashtu dhe rekomandimin e BE-së, për faktin se evidentohen arritje dhe progres, si në vijimin e zbatimit të politikave dhe masat administrative e procedurale institucionale dhe ndërinstucionale, dhe përmirësimi i strukturës koordinuese e monitoruese për rritjen më tej të efikasitetit në bashkëpunimin ndërinstucional me institucionet dhe agjencitë e përfshira në këtë fushë, ashtu dhe u konsolidua veprimtaria e Zyrës së Prokurorit Ndërlidhës Shqiptar në Eurojust dhe nëpërmjet saj bashkëpunimi i drejtpërdrejtë në marrëdhëniet juridiksionale me autoritetet gjyqësore të vendeve antare të BE-së dhe vendeve të rajonit e më gjërë në fushën penale. Gjithashtu, të dhënat dhe angazhimet institucionale të prokurorit ndërlidhës pranë Eurojust dhe prokurorive me juridiksion të përgjithshëm, evidentojnë tregues në rritje të bashkëpunimit me partnerët ndërkombëtarë dhe autoritetet gjyqësore të huaja në fushën penale, rritje të numrit të skuadrave të përbashkëta hetimore me vendet anëtare, dhe jo vetëm, dhe rritja më tej e besimit ndaj institucionit të prokurorisë shqiptare nga partnerët në marrëdhëniet juridiksionale me jashtë.

1.10 Në zbatim të rekomandimit të rezolutës, *“Të vijojë rritja e bashkërendimit dhe koordinimit me Komisionin e Policisë Gjyqësore, për forcimin e kapaciteteve profesionale të oficerëve të policisë gjyqësore në strukturat përkatëse të shërbimeve dhe seksioneve të policisë gjyqësore, me synim rritjen e cilësisë dhe efektivitetit në kryerjen e hetimeve në drejtimet prioritare të luftës kundër kriminalitetit në zbatim të Kodit të Procedurës Penale.”* i cili përkon me rekomandimin prioritar 4, drejtimi V, i vendimit KM, citojmë *“4.Vijimin e forcimit të kapaciteteve të seksioneve të posaçme pranë prokurorive me qëllim rritjen e numrit dhe cilësisë së hetimeve për veprat penale në kompetencë të këtyre seksioneve”*, janë zhvilluar aktivitetet dhe arritur rezultatet si më poshtë:

1.10.1 Në kuadrin e këtij rekomandimi, Prokuroria e Përgjithshme, nisur nga qëllimi për të lehtësuar rritjen e ngarkesës së prokurorëve dhe për forcimin e kapaciteteve të seksioneve të policisë gjyqësore në prokurori për të mbështetur veprimtarinë e prokurorëve me numër të reduktuar në sistemin e prokurorisë, për shkak të vakancave (dorëheqje dhe shkarkim nga detyra) nga procesi i rivlerësimit kalimtar, në projektbuxhetin për vitin 2022 i ka kërkuar Kuvendit të Shqipërisë rritjen e numrit organik të oficerëve të policisë gjyqësore të seksioneve në prokurori. Kuvendi i Shqipërisë me ligjin nr. 115/2021 datë 25.11.2021 *“Për buxhetin për vitin 2022”*, hyrë në fuqi me 1 janar 2022, ka **miratuar rritjen e numrit organik me 30 oficerë të policisë gjyqësore**, dmth nga numri organik që ishte **216**, aktualisht numri organik është **246 oficerë të policisë gjyqësore** në seksionet pranë prokurorive të juridiksionit të përgjithshëm.

1.10.2. Në kuadrin e rekrutimit të kandidatëve për oficer të policisë gjyqësore në seksionet e prokurorisë, mbi kërkesat e Prokurorit të Përgjithshëm, në zbatim të ligjit 25/2019 *“Për organizimin dhe funksionimin e policisë gjyqësore”* Komisioni i Policisë Gjyqësore përgjatë vitit 2022 ka shqyrtuar kërkesat dhe sipas nevojave ka vendosur emërimin e 21 oficerëve të Policisë Gjyqësore në seksionet e policisë gjyqësore në prokuroritë përkatëse, me synim për të lehtësuar dhe mbështetur veprimtarinë e prokurorëve në përballimin e volumit të punës në rritje. Ndërkohë, vijon procedura e konkurimit të kandidatëve të tjerë për rekrutimin dhe emërimin e tyre nga Komisioni i Policisë Gjyqësore.

1.10.3 Rekrutimi i kandidatëve për oficerëve të policisë gjyqësore të shpallur fitues është realizuar mbi bazën e konkurimit të hapur dhe transparent, pasi kandidatët kanë kaluar të gjitha fazat e konkurimit të përcaktuara në nenin 18 pikat 1, 2, 3 të ligjit nr. 25/2019 dhe në Rregulloren e Komisionit të Policisë Gjyqësore nr. 21, datë 10.06.2020 *“Për caktimin e rregullave për organizimin e procedurës së konkurimit dhe emërimit të oficerëve të Policisë Gjyqësore të Seksioneve të Prokurorisë”*.

1.10.4 Përgjatë vitit 2022 Komisionit ka miratuar *“Rregulloren për trajnimin fillestar për hetimin, të oficerëve të Policisë Gjyqësore”*, mbështetur në të cilën është kryer trajnimi fillestar për 21 oficerë të policisë gjyqësore të seksioneve të prokurorisë, të emëruar rishtas nga Komisioni i Policisë Gjyqësore.

1.10.5 Ndërkohë, për forcimin e kapaciteteve profesionale të oficerëve të policisë gjyqësore të strukturave përkatëse në Policinë e Shtetit, Akademia e Sigurisë po kryen trajnimet vazhduese me oficeret e policisë gjyqësore të strukturave shërbimeve policore përkatëse, sipas programeve që kjo Akademi ka dakortësuar me Drejtorinë e Përgjithshme të Policisë së Shtetit.

1.10.6 Për forcimin e kapaciteteve profesionale të oficerëve të policisë gjyqësore të seksionit në prokurori, Prokurorin e Përgjithshëm në bashkërendim me Komisionin e Policisë Gjyqësore dhe me Shkollën e Magjistraturës kanë mundur të përfshirjen e oficerëve të policisë gjyqësore të seksioneve

të prokurorisë në programin e trajnimit vazhdues të kësaj Shkolle për vitin 2022. Si rezultat i këtij bashkëpunimi oficerët e policisë gjyqësore të seksioneve në prokurori kanë marrë pjesë dhe kanë ndjekur programin e Shkollës së Magjistraturës në kuadër të trajnimeve vazhduese të prokurorëve dhe oficerëve të policisë gjyqësore, në kryerjen e trajnimeve të listuara në Aneksin 3 bashkëlidhur.

1.10.7 Komisioni i Policisë Gjyqësore, në ushtrim të kompetencës të parashikuar nga neni 29, pika 2 e ligjit nr. 25/2019 “Për organizimin dhe funksionimin e policisë gjyqësore”, dhe procedurave që parashikohen në “Rregulloren për sistemin e vlerësimit të rezultateve të punës dhe integritetit të oficerëve të policisë gjyqësore”, mbi bazën e vlerësimeve me pikë të dërguar nga drejtuesit e prokurorive, ka bërë për herë parë klasifikimin e vlerësimit të oficerëve të policisë gjyqësore, sipas kategorive, “mjaftueshëm”, “mirë” dhe “shumë mirë”. Përgjatë vitit 2022 nga ana e këtij Komisioni janë shqyrtuar dhe është vendosur vlerësimi i punës për 75 oficerë të Policisë Gjyqësore për vitin 2021. Referuar dhe bazuar në vlerësimet e bëra nga drejtuesit e prokurorive të shkallës së parë, Komisioni ka klasifikuar vlerësimet në kategoritë, -“Shumë mirë” për 54 vlerësime, -“Mirë” për 21 vlerësime, dhe -“Mjaftueshëm” për 2 vlerësime.

✚ Në përmbushje të detyrave kushtetuese e ligjore, këtë rekomandim të rezolutës dhe rekomandimin e KM, i konsiderojmë të zbatuar për faktin se janë marrë masat dhe zhvilluar aktivitetet e nevojshme si për rritjen e numrit të oficerëve të policisë gjyqësore në prokuroritë e të gjithë niveleve, për të lehtësuar rritjen e ngarkesës dhe mbështetur veprimtarinë e prokurorëve me numër të reduktuar në gjithë sistemin e prokurorisë me juridiksion të përgjithshëm, ashtu dhe për bashkërendim dhe koordinim me Komisionin e Policisë Gjyqësore për forcimin e kapaciteteve profesionale të oficerëve të policisë gjyqësore në strukturat përkatëse të shërbimeve dhe seksioneve të policisë gjyqësore dhe për rritjen e cilësisë e efektivitetit në kryerjen e hetimeve në drejtimet prioritare të luftës kundër kriminalitetit.

1.11 Në zbatim të rekomandimit të rezolutës, “11.Të vijojë fuqizimi i bashkëpunimit me Inspektorin e Lartë të Drejtësisë në kuadër të marrëveshjes së bashkëpunimit të lidhur ndërmjet tyre “Për kryerjen e inspektimeve institucionale e tematike dhe për shkelje individuale të magjistratëve/prokurorë në prokuroritë me juridiksion të përgjithshëm” dhe të vijohet roli proaktiv i Prokurorit të Përgjithshëm në bashkëpunimin me Këshillin e Lartë të Prokurorisë për të adresuar problematikat e moszbatimeve të udhëzimeve me karakter të përgjithshëm nga drejtues të prokurorive”, janë zhvilluar aktivitetet dhe arritur rezultatet si më poshtë:

1.11.1 Në përmbushje të këtij rekomandimi, ka vijuar mbikëqyrja e zbatimit të udhëzimit të përgjithshëm nr. 2/2022 ku janë normuar masa administrative dhe procedurale për vijimin e bashkëpunimit me Inspektorin e Lartë të Drejtësisë për kryerjen e inspektimeve institucionale e tematike dhe për shkelje individuale të magjistratëve/prokurorë në prokuroritë me juridiksion të përgjithshëm, për nxitjen e rolit aktiv të drejtuesve në prokurori në ushtrimin e kontrollit efektiv, llogaridhënien dhe transparencën në prokurori, si dhe në rastet e evidentimit të akteve dhe sjelljeve që përbëjnë shkelje disiplinore sipas ligjit, të iniciojnë dhe kërkojnë fillimin e procedimit disiplinor sipas ligjit.

1.11.2 Gjithashtu, ka vijuar mbikëqyrja e udhëzimit të përgjithshëm nr. 10/2021 ku normohet dhe qartësohet mënyrën e ushtrimit të funksionit të monitorimit (mbikëqyrje/verifikime) nga struktura/autoriteti i monitorimit në sistemin e prokurorisë me juridiksion të përgjithshëm, për të garantuar zbatimin e ligjit dhe udhëzimeve të përgjithshme, dhe si kanë ndikuar ato në efikasitetin dhe/ose efektivitetin e ushtrimit të kompetencave kushtetuese dhe ligjore të prokurorisë në drejtimet përkatëse në

bashkëpunim me Inspektoriatin e Lartë të Drejtësisë, për të siguruar ushtrimin e funksioneve dhe mbarëvajtjen, eficientë, ligjshmërinë dhe transparencën në veprimtarinë e sistemit të prokurorisë.

1.11.3 Në kuadrin e zbatimit të kompetencave kushtetuese e ligjore, Prokuroria e Përgjithshme, në 3 mujorin e parë 2022 dhe në vijim ka mbikëqyrur zbatimin e udhëzimit të përgjithshëm nr. 12/2020 “Mbi rregullimin e marrëdhënieve mes prokurorëve dhe drejtuesve të prokurorisë, informimin, transparencën dhe garantimin e pavarësisë në prokuroritë me juridiksion të përgjithshëm”, i ndryshuar, nëpërmjet kërkesave për informacion për zbatimin e këtij udhëzimi, dhe jo vetëm, paraqitjes së raporteve vjetore mbi ecurinë e punës në secilën prokurori të juridiksionit të përgjithshëm, si dhe pjesëmarrjes së Prokurorit të Përgjithshëm në analizat vjetore të punës së prokurorive për vitin 2021, ku janë evidentuar mangësi në dokumentimin e komunikimeve të ndërsjella të prokurorit me drejtuesin e prokurorisë për të cilët është tërhequr vëmendja për shmangien e tyre, dhe zbatimit të këtij udhëzimi të përgjithshëm të detyrueshëm për të garantuar pavarësinë dhe paanshmërinë e prokurorit në ushtrimin e funksioneve kushtetuese e ligjore.

1.11.3.1 Në kuadrin e forcimit të mekanizmit të kontrollit dhe llogaridhënies në sistemin e prokurorisë, dhe bashkëpunimit ndërinstitucional me Inspektoriatin e Lartë të Drejtësisë, Prokuroria e Përgjithshme në zbatim të kompetencave kushtetuese e ligjore²⁷, për shkelje individuale të konstatuara në tre subjekte, siç janë, -një magjistrat/gjyqtar në një gjykatë rrethi gjyqësor, dhe -dy magjistratë, një prokuror dhe një gjyqtar, pranë gjykatës të një rrethit gjyqësor, është përgatitur materiali dhe i janë dërguar për inicim të procesit të hetimit/inspektimit institucionit të Inspektoriatit të Lartë të Drejtësisë. Ndërsa, ankesa e një shtetasi e ardhur në Prokurorinë e Përgjithshme me pretendimin për shkelje të ligjit nga -një magjistrat/gjyqtar në gjykatën e një rrethi gjyqësor, i është dërguar për kompetencë Inspektoriatit të Lartë të Drejtësisë.

1.11.4 Prokuroria e Përgjithshme ka konsideruar dhe konsideron thelbësore bashkëpunimin me Këshillin e Lartë të Prokurorisë, si organi përgjegjës për karrierën e prokurorëve. Bashkëveprimi i të dy institucioneve është i domosdoshëm për mbarëvajtjen e sistemit të prokurorisë në këto rrethana aspak normale, për të mundësuar koordinimin ndërinstitucional në rastet e emërimeve të magjistratëve të rinj, transferimeve, transferimeve të përkohshme apo komandimeve të magjistratëve/prokurorë, me synim për të shmangur rëndimin e gjendjes të shkaktuar nga vakancat në prokurori.

1.11.5 Në raportin e Prokurorit të Përgjithshëm të paraqitur në Këshillin e Lartë të Prokurorisë me datë 16 maj 2022 është parashtruar vështirimi dhe vlerësimi institucional lidhur me konstatimin dhe vlerësimin e rregullimit ligjor aktual që vështirëson lidhjen organike efektive mes drejtuesve të prokurorive në prokuroritë e shkallës së parë dhe apeleve me Prokurorinë e Përgjithshme, në kuptim të ushtrimit të detyrave ligjore dhe kushtetuese, ndërkohë që angazhimet institucionale që dalin nga rezoluta e Kuvendit të Shqipërisë, rekomandimet e Këshillit të Ministrave apo raportet e organizmave të tjerë ndërkombëtarë, të cilët kërkojnë një nivel më të lartë kohezioni institucional. Gjithashtu, është trajtuar se vlerësimi i performancës së prokurorisë çmojmë se kërkon një përfshirje më të madhe të Prokurorit të Përgjithshëm në procesin e llogaridhënies dhe evidentimit të përgjegjësive në zbatimin e masave administrative e organizative, për sa kohë ka impakt mbi funksionimin në përditshmërinë e aktivitetit të prokurorive me juridiksion të përgjithshëm.

²⁷ Shih nenin 148/b shkronjat “b”, “c” e “dh” të Kushtetutës së Republikës së Shqipërisë dhe nenit 38 pika 2 shkronjat “b”, “f” “i”, “k” të ligjit nr. 97/2016 “Për organizimin dhe funksionimin e prokurorisë në R.Sh”

1.11.6 Në këtë vështrim, përgjatë vitit 2022, në marrëdhënie me Këshillin e Lartë të Prokurorisë evidentohen përmirësime në aspektin formal të pa normuara në kuadrin ligjor, siç janë: ftesa në disa raste e përfaqësuesve të Prokurorisë së Përgjithshme për të marrë pjesë në mbledhjet e KLP me rend dite çështje të rëndësishme të vlerësuara prej tyre, ashtu dhe është kërkuar dhënie mendimi përfshirë dhe për mënyrën e zbatimit të hartës së re gjyqësore në prokuroritë e juridiksionit të përgjithshëm, etj, aspekte të cilat vlerësojmë se duhen normuar me ndryshimet/shtesat përkatëse në paketën ligjore “Përmirësimi i funksionalitetit, efikasitetit dhe efektivitetit në sistemin e prokurorisë” të iniciuar nga Prokuroria e Përgjithshme, për ushtrimin e nismës nga Kuvendi i Shqipërisë objekt shqyrtimi në komisionet përkatëse të tij.

✚ Në përmbushje të detyrave kushtetuese e ligjore, e konsiderojmë të realizuar këtë rekomandim të rezolutës së Kuvendit, për faktin se Prokuroria e Përgjithshme ka vijuar mbikëqyrjen e zbatimit të udhëzimit të përgjithshëm nr. 10/2021²⁸ dhe udhëzimit të përgjithshëm nr. 2/2022 lidhur me masat administrative dhe procedurale dhe ka vijuar bashkëpunimin me Inspektoriatin e Lartë të Drejtësisë në kuadrin dhe të marrëveshjes së bashkëpunimit, “Për kryerjen e inspektimeve institucionale e tematike dhe për shkelje individuale të magjistratëve/prokurorë në prokuroritë me juridiksion të përgjithshëm”. Gjithashtu, ka vijuar bashkëpunimi me KLP në përmirësimin e koordinimit të aktiviteteve, shkëmbimit të informacionit dhe identifikimin e shkeljeve disiplinore, si dhe adresimin e tyre në ILD për kryerjen e hetimeve disiplinore për shkeljet individuale të konstatuara.

1.12 Në zbatim të rekomandimit të rezolutës, **“12.Të vijojë fuqizimi i bashkëpunimit me agjencitë ligjzbatuese rajonale dhe ndërkombëtare në funksion të efektivitetit të hetimeve për veprat penale që lidhen sidomos me trafikimin e narkotikëve, pastrimit të parave, financimin e terrorizmit, trafikimin e qënieve njerëzore, krimeve mjedisore”** i cili përkon me rekomandimet e BE-së në Raportin për Shqipërinë²⁹ 12 tetor 2022, Kapitulli 24, që i citojmë, **“→të vazhdojë zhvillimi i përdorimit sistematik të hetimeve financiare paralele kur kemi të bëjmë me ... trafikimin e paligjshëm, ... dhe pastrimin e parave”** dhe **“→të arrihet me shpejtësi përfundimi i vonuar i planit të veprimit të rënë dakord me Task Forcën e Veprimit Financiar (FATF) për parandalimin e pastrimit të parave dhe luftimin e financimit të terrorizmit me synimin për të hequr Shqipërinë nga lista e juridiksioneve të FATF-së nën monitorim të shtuar për mangësitë strategjike”**, që përkon gjithashtu me rekomandimet prioritare 1, 2, 7 e 8, drejtimi III i vendimit KM i citojmë **“1.Rritjen e numrit të procedimeve të regjistruara dhe të dërguara për gjykim dhe cilësisë së hetimit për veprat penale në fushën e narkotikëve, trafikeve dhe terrorizmit”**, **“2.Vijimin e rritjes së numrit dhe cilësisë së hetimeve financiare për veprat penale të pastrimit të parave dhe produkteve të veprës penale dhe atë në funksion të rritjes së numrit të çështjeve dhe të pandehurve të dërguar për gjykim”**, **“7.Vijimin e zbatimit të masave për përmbushjen e rekomandimeve të Moneyval për pastrimin e parave/luftimin e financimit të terrorizmit, të bashkëpunimit me Eurojust si dhe të bashkëpunimit rajonal në fushën e trafikimit të qënieve njerëzore”** dhe **“8.Përditësimin e sistemit statistikor të monitorimit të çështjeve të pastrimit të parave për të siguruar një bazë të besueshme për reforma të mëtejshme për të rritur numrin e procedimeve penale dhe dënimeve për veprat penale të pastrimit të parave”**, si dhe me rekomandimet prioritare 6 e 7, në drejtimin IV i vendimit KM, i citojmë **“7.Vijimin e zbatimit të masave për përmbushjen e rekomandimeve të Moneyval për pastrimin e parave/luftimin ... bashkëpunimit me Eurojust si dhe të bashkëpunimit rajonal ...”**

²⁸ Shih, udhëzimin e përgjithshëm nr. 10/2021, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, I ndryshuar/plotësuar me udhëzimin e përgjithshëm i PP nr. 4, datë 18.10.2022.

²⁹ Shih, pika 2.2.2 Kapitulli 24, “Drejhtësia, liria dhe siguria”, Raporti për Shqipërinë 12 tetor 2022, <https://neighbourhood-enlargement.ec.europa.eu/system/files/2022-10/Albania%20Report%202022.pdf>;

dhe “**6.Rritjen e vëmendjes në hetimin dhe dërgimin për gjykim të veprave penale në fushën e mjedisit**”, janë zhvilluar aktivitetet dhe arritur rezultatet si më poshtë:

1.12.1 Në kuadrin e këtij rekomandimi të rezolutës dhe në përmbushje të rekomandimeve të BE-së dhe rekomandimeve prioritare të KM, Prokuroria e Përgjithshme ka vijuar ndërveprimin për rritjen e efikasitetit në bashkëpunimin me autoritetet gjyqësore të huaja në fushën penale për fuqizimin e bashkëpunimit me agjencitë ligjzbatuese rajonale dhe ndërkombëtare, në funksion të efektivitetit të hetimeve, për veprat penale që lidhen sidomos me trafikimin e narkotikëve, trafikimin e armëve, pastrimin e parave, financimin e terrorizmit, trafikimin e qenieve njerëzore, etj.

1.12.2 Prokurori i Përgjithshëm në cilësinë e përfaqësuesit të autoritetit kompetent³⁰ ka vijuar zbatimin e Marrëveshjes së Bashkëpunimit me Eurojust, nëpërmjet veprimtarisë të Prokurorit Ndërlidhës të Shqipërisë në Eurojust, prania e të cilës ka vijuar konsolidimin e përvojës dhe kapaciteteve, në drejtim të bashkëpunimit, koordinimit të hetimeve dhe shkëmbimit të shpejtë të informacionit me autoritet gjyqësore të vendeve anëtare/evropiane dhe të vendeve të rajonit.

1.12.3 Prokuroria e Përgjithshme ka përmbushur detyrimet institucionale në kuadrin e zbatimit të Udhërrëfyesit Rajonal mbi Armët e Vogla dhe të Lehta, nëpërmjet dhënies së kontributeve për përgatitjen e progresit në zbatimin e planit të veprimit të Udhërrëfyesit Rajonal dhe pjesëmarrjes aktive të përfaqësuesit të Prokurorisë së Përgjithshme në takimet periodike, qershor-korrik dhe nëntor-dhjetor (dy herë në vit), të Grupit Lokal të Koordinimit dhe të Grupeve të Koordinimit Rajonal për zbatimin e Udhërrëfyesit në vendet e Ballkanit Përendimorë.

1.12.4 Prokuroria e Përgjithshme, ndërmorri një hap të rëndësishëm në drejtim të bashkëpunimit dhe shkëmbimit të shpejtë të informacionit me autoritet gjyqësore të vendeve evropiane dhe euro-atlantike, me nënkrimin e dy marrëveshjeve të bashkëpunimit, siç janë:

1.12.4.1 Me 4 korrik 2022 u nënshkrua marrëveshja e bashkëpunimit mes Zyrës së Prokurorit Publik Evropian me seli në Luksemburg dhe Prokurorisë së Përgjithshme, me synim për të lehtësohet bashkëpunimin në çështjet penale dhe shkëmbimin e informacionit, ku përfshihet ndër të tjera ngritja e grupeve të përbashkëta hetimore, ngrirja e aseteve me të ardhura nga veprimtaria kriminale dhe kryerja e veprimeve të tjera sipas ligjit.

1.12.4.2 Me 29 korrik 2022 u nënshkrua Memorandumi i Mirëkuptimit ndërmjet Prokurorisë së Përgjithshme (PP) dhe Shoqatës Ibero-Amerikane e Prokurorëve Publikë (AIAMP), me synim rritjen e gatishmërisë për bashkëpunimin në luftën kundër trafikëve të paligjshme, pastrimit të parave dhe çdo krim tjetër me interes të përbashkët si dhe për përmirësimin e kapaciteteve profesionale dhe shkencore në fushën penale sipas ligjit, etj.

1.12.5 Në nëntor 2022, në një takim në Tiranë, mes zv. Presidentit të Eurojust dhe Prokurorit të Përgjithshëm e drejtuesit të Prokurorisë së Posaçme (SPAK), u prezantua projekti më i ri i Eurojust për forcimin e bashkëpunimit në nivel rajonal, përmes krijimit të një strukture të vendeve të Ballkanit Perëndimor që do të mundësojë koordinimin e hetimeve mes prokurorive të këtyre vendeve, ku kryerja e hetimeve paralele dhe ngritja e grupeve të përbashkëta të hetimit, u vlerësuan si instrumentat që do të rrisin efikasitetin e punës së organeve ligjzbatuese në rajon.

1.12.6 Në kuadrin e forcimit të bashkëpunimit dhe koordinimit ndërinstitucional ndërmjet strukturave të prokurorisë, policisë gjyqësore në seksionet e prokurorive dhe shërbimeve të policisë

³⁰ Shih, “Marrëveshjen për bashkëpunimin ndërmjet Republikës së Shqipërisë dhe EUROJUST”, të ratifikuar nga Kuvendi i Shqipërisë me ligjin nr. 113/2018, në nenin 4 pika 1 parashikon: “1.Autoriteti kompetent i Republikës së Shqipërisë për zbatimin e kësaj Marrëveshjeje është Prokuroria e Përgjithshme e Republikës së Shqipërisë.”

gjyqësore në policinë e shtetit dhe agjencitë e tjera shtetërore si dhe me autoritetet gjyqësore të huaja, referuar të dhënave statistikore të vitit 2022, evidentohen efektet e masave për parandalimin e përgjithshëm dhe të posaçëm nëpërmjet hetimit dhe ndjekjes penale të autorëve të krimeve të rënda, përfshi trafikimet e paligjshme, prodhimi dhe/ose kultivimi i narkotikëve, pastrimit të parave dhe krimeve mjedisore si më poshtë:

1.12.6.1 Trafikimi, prodhimi dhe kultivimi i narkotikëve

i) Lidhur me luftën kundër **trafikimit të narkotikëve** parashikuar nga neni 283/a i Kodit Penal nga të dhënat statistikore (aneksi 1, tabela 36) për vitin 2022 janë regjistruar 43 procedime me 45 të pandehur, dhe 19 procedime me 36 të pandehur janë dërguar për gjykim, ose krahasuar me vitin 2021, vijon tendenca në ulje 31,7 % të numrit të procedimeve dhe ulje 45.1 % të numrit të pandehurve të regjistruara, si dhe me ulje 17.3 % të numrit të procedimeve dhe ulje 12.1 % të pandehurve të dërguara për gjykim për këtë veprë.

ii) Për veprën penale “**Prodhimi dhe shitja e narkotikëve**”, të parashikuar nga neni 283 i Kodit Penal, në vitin 2022, sipas të dhënave statistikore (aneksi 1, tabela 37) për këtë veprë janë regjistruar 1063 procedime me 995 të pandehur, prej të cilëve 560 procedime lidhur me 801 të pandehur janë dërguar për gjykim ose krahasuar me vitin 2021, vijon tendenca në rritje 3.2 % e numrit të procedimeve, ndërsa me ulje 3.4 % e numrit të pandehurve të regjistruar dhe rritje 19.1 % e numrit të procedimeve dhe rritje 23.2 % e numrit të pandehurve të dërguar për gjykim, si dhe rritje 13.8 % (nga 442 në 503) e numrit të personave të dënuar për këtë veprë penale.

iii) Për veprën penale “**Kultivimi i bimëve narkotikëve**” të parashikuar nga neni 284 i Kodit Penal, në përmbushje të rekomandimit të KSA *Shqipëria inkurajohet të vazhdojë dhe intensifikojë operacionet e vazhdueshme kundër kultivimit të kanabisit*, në vitin 2022, sipas të dhënave statistikore (aneksi 1, tabela 37) për këtë veprë janë regjistruar 479 procedime me 196 të pandehur dhe 167 procedime me 317 të pandehur janë dërguar për gjykim, ose krahasuar me vitin 2021, nga tendenca në rritje ndryshuar në tendencë në ulje 50.8 % të numrit të procedimeve dhe ulje 62.3 % të pandehurve të regjistruar, si dhe me ulje 18.9 % e numrit të procedimeve e ulje 0.06 % të numrit të pandehurve të dërguar për gjykim për këtë veprë penale, ndërsa me rritje 32.4 % (nga 197 në 261) të numrit të personave të dënuar për këtë veprë penale.

1.12.6.2 Trafikimi i paligjshëm i personave

i) Lidhur me veprat penale **trafikimi i paligjshëm i qenieve njerësore** të parashikuara nga nenet 110/a e 128/b të Kodit Penal, në përmbushje të rekomandimit të KSA *Shqipëria inkurajohet të shtojë përpjekjet për të luftuar trafikimin e qenieve njerëzore* në vitin 2022, sipas të dhënave statistikore (aneksi 1, tabela 36) evidentohet:

- Për veprën me **trafikimin e personave të rritur**, të parashikuar nga neni 110/a i Kodit Penal, janë regjistruar 7 procedime penale dhe janë dërguar për gjykim 2 të pandehur, ose krahasuar me vitin 2021 me ulje nga 8 në 7 të numrit të procedimeve të regjistruara dhe ulje nga 4 në 2 të numrit të pandehurve të dërguar për gjykim për këtë veprë penale.

- Për veprën penale “**Trafikimi i të miturve**” të parashikuar nga neni 128/b i Kodit Penal, janë regjistruar 4 procedime, ndërkohë nuk ka procedime apo të pandehur të dërguar për gjykim ose krahasuar me vitin 2021, me rritje nga 2 në 4 të numrit procedime të regjistruar dhe ulje të numrit nga 2 në 0 të procedimit dhe pandehurit të dërguar për gjykim për këtë veprë.

1.12.6.3 Trafikimi i paligjshëm dhe mbajtja pa leje ose prodhimi armëve e municioneve

i) Lidhur me **trafikimin e armëve dhe municionit** të parashikuar nga neni 278/a të Kodit Penal nga të dhënat statistikore (aneksi 1, tabela 36) në vitin 2022, janë regjistruar 10 procedime penale me 3 të pandehur dhe është dërguar për gjykim 1 procedim me 1 të pandehur, ose krahasuar me vitin

2021 me rritje 66.6 % (nga 6 në 10) të numrit të procedimeve dhe ulje nga 13 në 3 të numrit të pandehurve të regjistruara dhe ulje nga 3 në 1 të numrit të procedimeve të dërguara për gjykim për këtë vepër.

ii) Lidhur me **mbajtjen pa leje dhe prodhimin e armëve, armëve shpërthyes dhe i municionit** të parashikuar nga neni 278 i Kodit Penal nga të dhënat statistikore (aneksi 1, tabela 29) për vitin 2022 janë regjistruar 328 procedime me 264 të pandehur dhe 211 procedime me 260 të pandehur janë dërguar për gjykim ose krahasuar me vitin 2021 vihet re ulje 10.3 % e numrit të procedimeve të regjistruara dhe rritje 12,2 % e numrit të procedimeve dhe rritje 20.9 % e numrit të pandehurve të dërguara për gjykim për këtë vepër.

iii) Në kuadrin e zbatimit të Udhërrëfyesit Rajonal të Ballkanit Përfundimor mbi armët e vogla dhe të lehta, ku është e përfshirë dhe Prokuroria e Përgjithshme ka vijuar përmbushja e detyrimeve institucionale referuar të dhënave statistikore përgjatë vitit 2022, ku evidentohen tregues në rritje të procedimeve të regjistruara të veprës penale “Trafikimi i armëve dhe municionit” të parashikuar nga neni 278/a i Kodit Penal, ndërkohë evidentohen si tregues në ulje të procedimeve të regjistruara, ashtu dhe tregues në rritje të efektivitetit të ndjekjes penale për veprën penale “Mbajtja pa leje dhe prodhimi i armëve, armëve shpërthyes dhe i municionit” të parashikuar nga neni 278 i Kodit Penal.

1.12.6.4 Lufta kundër terrorizmit

Lidhur me këtë grupveprash, referuar nenit 75/a të K.Pr.Penale i ndryshuar, këto vepra penale janë në kompetencë të Prokurorisë së Posaçme.

i) Të dhënat statistikore (aneksi 1, tabela 25) në kuadrin e luftës kundër terrorizmit në vitin 2022, për këtë grupveprash penale është regjistruar vetëm 1 procedim penal për nenin 232/a “Nxitja, thirrja publike dhe prapaganda për kryerjen e veprave me qëllime terroriste”, i cili është në kompetencë lëndore të Prokurorisë së Posaçme dhe i është dërguar/transferuar për kompetencë asaj prokurorie.

1.12.6.5 Lufta kundër pastrimit të parave

1.12.6.5.1 Në kuadrin e këtij rekomandimi të rezolutës dhe rekomandimeve prioritare të KM, që përkojnë me rekomandimet e BE-së më sipër dhe KSA-së, Moneyval dhe Planit Veprimit të ICRG/FATF-Shqieri, si dhe objektivit prioritar institucional të prokurorisë, Prokuroria e Përgjithshme ka vijuar zbatimin e memorandumit të bashkëpunimit datë 15 korrik 2020, me autoritetet shqiptare³¹ (MB, MFE përfshirë DPPSH, DPPPP, DPD, DPT, AAPSK) dhe ka koordinuar dhe monitoruar zbatimin e udhëzimeve të përgjithshme nr. 10/2020³² dhe nr. 2/2022, si dhe ka vijuar bashkëpunimin ndërinstitucional në nivel vendor dhe qendror me DPPSH, DPPPP, DPT, DPD, AAPSK-së, me synim rritjen e efikasitetit të bashkëpunimit, koordinimit, monitorimit/mbikëqyrjes në zbatimin e memorandumit të bashkëpunimit dhe udhëzimit të përgjithshëm nr. 10/2020, rritjen e numrit të akuzave të ngritura në gjykatë dhe dënimeve për veprën penale të pastrimit të parave dhe rritjen e numrit të sekuestrimeve e konfiskimeve të produkteve kriminale, veçanërisht me persona të tretë, subjekte raportues (gatekeeper) dhe profesionist.

³¹ Memorandumi i bashkëpunimit datë 15.07.2020 u nënshkrua nga palët: Prokurori i Përgjithshëm, Ministri i Brendshëm dhe Ministri i Financave dhe Ekonomisë, si dhe agjencitë e tjera vartëse – Drejtoria e Përgjithshme e Policisë së Shtetit dhe Agjencia e Administrimit të Pasurive të Sekuestruara e Konfiskuara në vartësi të Ministrisë së Brendshme dhe Drejtoria e Përgjithshme e Parandalimit të Pastrimit të Parave, Drejtoria e Përgjithshme e Tatimeve dhe Drejtoria e Përgjithshme e Doganave në vartësi të Ministrisë së Financës e Ekonomisë.

³² Shih, udhëzimin e përgjithshëm nr. 10/2020 “Për masat administrative dhe procedurale për rritjen e efektivitetit në luftën kundër pastrimit të parave, financimit të terrorizmit, krimeve financiare dhe në hetimet pasurore në prokuroritë me juridiksion të përgjithshëm”.

1.12.6.5.2 Në kuadrin e rekomandimit prioritar **“Vijimin e zbatimit të masave për përmbushjen e rekomandimeve të Moneyval për pastrimin e parave...”** dhe rekomandimit R.38³³ të Komisionit të Ekspertëve të KiE-së Moneyval për Shqipërinë, ku përfshihet për dhënie kontributi dhe Prokuroria e Përgjithshme, rekomandime të lidhura edhe me zbatimin e planit të veprimit të ICRG/FATF për Shqipërinë, Prokuroria e Përgjithshme ka vijuar kontributin institucional për përmbushjen e këtij rekomandimi, nëpërmjet përgjigjeve/komenteve, me shkresat nr. 139/1 datë 2.02.2022, dhe nr. 131/3 datë 21.04.2022, dërguar në Sekretariatit e Moneyval për Rekomandimin R.38, konkretisht tek paragrafët c.38.1, c.38.2, c.38.3 e c.38.4, lidhur me kuptimin dhe zbatimin e kuadrit kushtetues dhe ligjor (*Kushtetuta, K.Pr.Penale, K.Penal, ligjin nr. 79/2020 “Për ekzekutimin e vendimeve penale”, ligjin nr. 10193/2009 “Per marrëdhëniet juridiksionale me autoritetet gjyqësore të huaja në fushën penale”, ligji nr. 34/2019 “Për Administrimit e Pasurive të Sekuestruara dhe Konfiskuara*) të ndryshuar/plotësuar me reformën në sistemin e drejtësisë penale, të shoqëruar me komente e interpretime, dhe me ekstrakte të dispozitave ligjore përkatëse, që kanë qartësuar se kuadri ligjor në fuqi është i plotësuar dhe në përfaqje me standardet e kërkuara në rekomandimin R.38 të Komisionit të Ekspertëve të KiE-së **“Për vlerësimin e masave kundër pastrimit të parave dhe financimit të terrorizmit”**.

i) Referuar Raport Progresit për Shqipërinë, publikuar në qershor 2022, Komisioni i Ekspertëve KiE, i Moneyval për rekomandimin 38 ka bërë vlerësimin, citojmë **“Në fushën e ndihmës së ndërsjellë juridike, Shqipëria ka krijuar mekanizmat e nevojshëm për ekzekutimin e urdhrave të konfiskimit të huaj, ndarjen e asetëve të konfiskuara me vendet e huaja dhe dhënien e ndihmës për konfiskimet pa dënim...”**, si dhe ka arritur në përfundimin se **“Në përgjithësi, Shqipëria ka adresuar të gjitha mangësitë sipas R.38. Prandaj, R.38 është përmirësuar në “C/complaint”, duke u përmbushur ky rekomandim dhe me kontributin institucional të prokurorisë.**

1.12.6.5.3 Rezulti i këtyre masave është progresi i dukshëm në zbatimin dhe të rezultateve imediate (IO.7 dhe IO.8) të Planit të Veprimit të ICRG/FATF-Shqipëri, ku evidentohen:

1.12.6.5.3.1 Plotësimi dhe konsolidimi i sistemit elektronik e-tracking PRESTO i menaxhimit të çështjeve të pastrimit të parave me të dhëna të përditësuara të të gjithë prokurorive, në zbatim të rezultatit imediat IO.7 pika 1 e planit të veprimit, si vijon:

i) Sistemi elektronik (e-tracking PRESTO), i krijuar me urdhër të Prokurorit të Përgjithshëm në qershor 2021 për hedhjen e të dhënave dhe përfundimin e statistikave për rastet e pastrimit të parave në gjithë vendin, ku përfshihen 7 prokuroritë që kanë seksione të posaçme dhe 14 prokurori që kanë prokuror të dedituar, sistem i cili ka filluar zbatimin me 1 shtator 2021, është në përdorim të plotë në 21 prokuroritë pranë gjykatave të shkallës parë, që kanë trajtuar çështje të pastrimit të parave.

ii) Prokuroria e Përgjithshme dhe Prokuroria e Posaçme (SPAK) në zbatim të ligjit³⁴ dhe aktit të koordinimit ndërinstitucional³⁵, kanë vijuar bashkërendimin dhe koordinimin për një sistem raportimi

³³ Rekomandimi 38 i Moneyval, ku përfshihen paragrafët: “c.38.1 “Vendet duhet të kenë autoritetin për ndërmarrjen e veprimeve të shpejta në përgjigje të kërkesave të vendeve të huaja për të identifikuar, ngrirë, sekuestruar ose konfiskuar: (a) pastruar pronën nga, (b) rrjedh nga, (c) instrumentet e përdorura në, ose (d) instrumentet e destinuara për përdorim në, pastrim parash, vepra penale, apo financim i terrorizmit; ose (e) vetinë me vlerën përkatëse”; - c.38.2 “Vendet duhet të kenë autoritetin për të ofruar ndihmë për kërkesat për bashkëpunim të bëra në bazë të procedurave të konfiskimit jo të dënuara dhe masave të përkohshme të lidhura, të paktën në rrethanat kur një kryes nuk është i disponueshëm për shkak të vdekjes, ikjes, mungesës ose kryesi është i panjohur, përveç nëse kjo nuk është në përputhje me parimet themelore të së drejtës së brendshme”; c.38.3 “Vendet duhet të kenë: (a) aranzhimet për bashkërendimin e veprimeve të sekuestrimit dhe konfiskimit me vendet e tjera; dhe (b) mekanizmat për menaxhimin dhe kur është e nevojshme për asgjësimin e pronës së ngrirë, sekuestruar ose konfiskuar”; c.38.4 “Vendet duhet të jenë në gjendje të ndajnë pronën e konfiskuara me vendet e tjera, veçanërisht kur konfiskimi është drejtpërdrejt ose indirekt rezultat i veprimeve të koordinuara të zbatimit të ligjit.”

³⁴ Shih, nenin 19 të ligjit nr. 95/2016 “Për organizimin dhe funksionimin e institucioneve për të luftuar korrupsionin dhe krimin e organizuar” i cili në pikën 1, shkronja “c” parashikon: “1. Sektori i dokumentacionit në Prokurorinë e Posaçme kryen këto detyra: c) i përcjell Prokurorisë së Përgjithshme... të dhëna statistikore sipas kompetencave të tyre”

³⁵ Shih, nenin 1 “Objekti” i Aktin e Koordinimit Ndërinstitucional datë 15 Dhjetor 2020 mes Prokurorit të Përgjithshëm dhe Drejtuesit të Prokurorisë së Posaçme, i cili në pikën 4 parashikon: “4. Shkëmbimi i informacioneve dhe të dhënave statistikore, si në kuadrin e

me të dhëna statistikore të qëndrueshme dhe të besueshme periodike, (3 mujore, 6 mujore, 9 mujore) dhe vjetore 2022, si dhe sa herë ka qenë e nevojshme, për treguesit lidhur me pastrimin e parave dhe sekuestrimin/konfiskimin e pasurive produnkte kriminale nëpërmjet administrimit, shkëmbimit të informacionit, analizimit dhe raportimit të të dhënave periodike progresive në zbatim të planit të veprimit.

-Këto tregues dhe ato të Prokurorisë së Posaçme lidhur me rezultatin imediat IO.7 pika 1 të planit të veprimit të ICRG/FATF-Shqipëri, në raport progresin e muajit maj 2022 nga grupi i ekspertëve janë vlerësuar të **adresuara gjerësisht** (mbi nivelin e gjendjes “zonë gri”).

1.12.6.5.3.2 Rritje dukshëm e efektivitetit në hetimin, ndjekjen penale, sekuestrimin e pasurive, dhe dyfishimi i akuzave të ngritura me kërkesat për gjykim për pastrimin e parave të dërguara në gjykatë, si dhe rritja dukshëm e dënimeve penale në vitin 2022, në zbatim të rezultateve imediate IO.7 pika 2 e planit të veprimit, si vijon:

i) Në vitin 2022, sipas të dhënave statistikore (aneksi 1, tabela 30) për veprat penale të parashikuara nga nenet 287 dhe 287/b të Kodit Penal, janë regjistruar 352 procedime penale, dhe u dërguar për gjykim 27 procedime me 43 të pandehur, si dhe janë dënuar 34 persona. Këto tregues evidentojnë rritje 50 % (nga 18 në 27) të numrit procedimeve dhe me rritje 30.3 % (nga 33 në 43) të numrit të pandehurve të dërguar gjyqit krahasuar me vitin 2021, si dhe janë dënuar 34 persona (27 persona dhe 7 persona juridik), prej të cilëve një person i tretë subjekt raportue (gatekeeper) ose me rritje 61.9 % të personave të dënuar krahasuar me vitin 2021.

ii) Në vitin 2022 vetëm për veprën penale të pastrimit të parave sipas nenin 287 të K.Penal janë 340³⁶ procedime të reja, dhe 16 procedime me 19 të pandehur janë dërguar për gjykim, si dhe 22³⁷ persona janë dënuar, prej të cilëve 7 persona juridik dhe 1 (një) person i tretë subjekt raportue (gatekeeper). Këto tregues krahasuar me vitin 2021, kanë rritje 60 % (nga 10 në 16) të numrit të procedimeve dhe rritje 90 % (nga 10 në 19) të numrit të pandehur të dërguara për gjykim, si dhe rritje 120 % (nga 10 në 22) të numrit të personave të dënuar për këtë vepër penale.

iii) Në rritjen e cilësisë dhe efijencës në hetimet dhe ndjekjen penale të pastrimit të parave me vepra penale të huaja, që janë në shifra dhe përqindje më të larta të shoqëruara me sekuestrime preventive në prokuroritë me juridiksion të përgjithshëm, kanë ndikuar dhe masat administrative dhe procedurale të marra nga Prokuroria e Përgjithshme përgjatë vitit 2022, nëpërmjet nxjerrjes së qarkores nr. 887/1, datë 29.06. 2022 “Për rritjen e efektivitetit të hetimit dhe ndjekjes penale të veprave penale të pastrimit të parave dhe procedimeve pasurore” e shoqëruar me bashkërendimin me drejtuesit e prokurorive për koordinimin dhe monitorimin e zbatimit të udhëzimit të përgjithshëm nr. 10/2020. Gjithastu, dhe nxjerrja e qarkorjes nr. 673, datë 19.05.2022 “Për hetimin, ndjekjen penale dhe përfaqësimin e akuzës në gjykatë për pastrimin e parave bazuar në standartet europinane”, e cila ka orjentuar referimin dhe zbatimin nga prokurorët të vendimit të GJEDNJ për çështjen Zschuchen kundër Belgjikës, vendim që i është dërguar gjithë prokurorive bashkëlidhur qarkores. Ky vendim i GJEDNJ ka orjentuar dhe është përdorur nga prokurorët për ngritjen e akuzës në gjykatë në rastet me rrethana fakti të ngjashme që kanë patur në ndjekje.

analizave dhe studimeve të përbashkëta, ashtu dhe në kuadrin e informimeve/raportimeve në përmbushje të detyrimeve ndërinstitucionale me institucionet brenda vendit dhe/ose me institucionet ndërkombëtare, veçanërisht në fushën e integritimit në BE, në zbatim të rekomandimeve të KSA-së, planit të veprimit të ICRG/FATF-së apo angazhime të tjera në këto fusha.”

³⁶ Koment: Në këtë shifrën të procedime të regjistruara janë përfshirë 110 procedime të regjistruara te raportuara për veprën penale parashikuar nga neni 287 i Kodit Penal në dhjetor 2022 nga Prokuroritë e rretheve gjyqësore Diber, Gjirokastr dhe Krujë, të cilat në të dhënat statistikore rezultojnë si procedime në fazën e hetimeve përgjate vitit 2022.

³⁷ Koment: Në shifrën 22 përfshihen dhe 1 (një) i dënuar shtetasi ThK për nenin 287 K.Penal nga Gjykata e Apelit Vlorë e cila në mars 2022 ka vendosur ndryshimin e vendimit gjyqësor penal nr. 110, datë 06.03.2018, të Gjykatës së Rrethit Gjyqësor Vlorë dhe deklarimin fajtor e dënimin e tij per nenet 186/1 e 287 të K.Penal dhe konfiskimin e pasurisë që nuk është pëfshirë në të dhënat statistikore, ndërsa Prokuroria e rrethit gjyqësor Korçë ka bërë raportim statistikor per 1 i denuar per veprën penale sipas nenit 287 të K.Penal më pas e ka raportuar si gabim material.

-Këto tregues dhe ato të Prokurorisë së Posaçme lidhur me rezultatin imediat IO.7 pika 2 të planit të veprimit të ICRG/FATF-Shqipëri, në raport progresin e shkurtit 2023 nga grupi i ekspertëve janë vlerësuar të **adresuara gjerësisht** (mbi nivelin e gjendjes “zonë gri”).

1.12.6.5.3.3 Rritje dukshëm e hetimeve financiare paralele ose procedime/hetime pasurore për sekuestrimin dhe konfiskimin e produkteve kriminale në vitin 2022, sipas tipologjive me vepra penale të huaja, bazuar në rrethana fakti objektive, në zbatim të rezultetit imediat IO.8 të planit të veprimit.

i) Në vitin 2022 në prokuroritë me juridiksion të përgjithshëm, në kuadrin e hetimit dhe ushtrimit të ndjekjes penale për veprën penale *“Pastrimi i produkteve të veprës penale ose veprimtarisë kriminale”* sipas nenit 287 të K.Penal dhe për vepra të tjera penale të lidhura me to, në zbatim të nenit 36 të Kodit Penal dhe neneve 274 dhe/ose 210, 190 e vijues të Kodit të Procedurës Penale, mbi kërkesat e prokurorëve gjykatat kanë vendosur: -konfiskime pasurie/aseteve kriminale në kuadrin e 6 çështje ose me rritje 2 herë (nga nga 2 në 6) të numrit të çështje krahasuar me vitin 2021, dhe -sekuestrime pasurie/aseteve kriminale në kuadrin e 18 çështjeve ose me rritje 2 herë (nga 6 në 18) të numrit të çështjeve krahasuar me vitin 2021, në tabelën 1, Aneksi 2 bashkëlidhur.

ii) Në këtë periudhë, në zbatim të nenit 3/1 e vijues të ligjit nr. 10192, datë 03.12.2009 *“Për parandalimin dhe goditjen e krimit të organizuar, trafikimit, korrupsionit dhe krimeve të tjera, nëpërmjet masave parandaluese kundër pasurisë”*, në kuadrin e procedimeve/hetimeve pasurore, mbi kërkesat e prokurorëve gjykatat kanë vendosur: -11 konfiskime pasurie/asete kriminale ose me rritje 10 herë (nga 1 në 11) të numrit të rasteve krahasuar me vitin 2021 dhe -7 sekuestrime pasurie/asete kriminale ose me rritje mbi 1 herë (nga 3 në 7) të numrit të rasteve të sekuestruara krahasuar me vitin 2021, në zbatim të ligjit 10192/2009, të cilët janë në tabelën 1, Aneksin 2 bashkëlidhur.

-Këto tregues dhe ato të Prokurorisë së Posaçme lidhur me rezultatin imediat IO.8 të planit të veprimit të ICRG/FATF-Shqipëri, në raport progresin e shtatorit 2022 nga grupi i ekspertëve janë vlerësuar të **adresuara gjërësisht** (mbi nivelin e gjendjes “zonë gri”).

1.12.6.5.4 Prokuroria e Përgjithshme në kuadrin e zbatimit të masave të planit të veprimit të ICRG/FATF-Shqipëri, ka përgatitur kontributin institucional të progresit dhe është përfaqësuar në takimet/mbledhjet e Grupit Ndërinstitucional të Punës për zbatimin e Planit të Veprimit dhe në mbledhjet e grupit të ekspertëve ndërinstitucional të Komitetit të Bashkëpunimit të Luftës Kundër Pastrimit të Parave në muajt: mars, prill, qershor, korrik, shtator dhe me 21 dhjetor 2022.

i) Prokuroria e Përgjithshme në bashkërendim e koordinim me Prokurorinë e Posaçme ka përgatitur kontributet ndërinstitucionale me materialet e progresit për raport progresin në kuadër të raportimit periodik, ku janë administruar dhe analizuar treguesit për rritjen e efektivitetit në luftën ndaj pastrimit të parave, sekuestrimet dhe konfiskimet e produkteve kriminale sipas tipologjive për periudhën janar-dhjetor dhe ecurinë e rasteve deri në dhjetor 2022. Gjithashtu, Prokuroria e Përgjithshme është përfaqësuar në takimin F2F, onlinë me 14 janar 2022 dhe në takimet me prani në pjesëmarrje me 5 maj 2022, 8 shtator 2022 dhe 12 janar 2023, me ekspertët e ICRG/FATF-së në kuadrin e zbatimit të Planit të Veprimit të FATF/ICRG-Shqipëri.

ii) Në plenaren e FATF³⁸, në Paris, 24 shkurt 2023, Shqipëria ndër të tjera, është vlerësuar, *“Shqipëria ka ndërmarrë hapa drejt përmirësimit të regjimit të saj të LPP/LFT, duke përfshirë demonstrimin e një rritje domethënëse në numrin e rasteve të regjistruara të pastrimit të parave, veçanërisht ato që rrjedhin nga vepra të huaja ku janë pastruar të ardhurat kriminale në Shqipëri. FATF ka bërë përcaktimin fillestar se Shqipëria ka përfunduar në mënyrë thelbësore planin e saj të veprimit dhe vlerëson punën e Shqipërisë për të adresuar mangësitë e saj strategjike.”*

³⁸ Shih: <https://www.fatf-gafi.org/en/publications/High-risk-and-other-monitored-jurisdictions/Increased-monitoring-february-2023.html>

1.12.7 Në kuadrin e këtij rekomandimi të rezolutës, në udhëzimin e përgjithshëm nr. 2/2022 drejtuesit e prokurorive dhe prokurorët janë udhëzuar për vijimin e rritjes së mëtijshme të bashkëpunimit nga struktura përkatëse me agjencitë ligjzbatuese rajonale dhe ndërkombëtare në funksion të efektivitetit të hetimeve për veprat penale prioritare të rekomanduara, veçanërisht dhe ato që lidhen me veprat penale kundër mjedisit.

1.12.7.1 Prokuroria e Përgjithshme për mbikëqyrjen e zbatimit të udhëzimit të përgjithshëm nr. 2/2022 dhe të kujdesit për ushtrimin e kompetencave kushtetuese e ligjore të prokurorisë, ka kërkuar nga drejtuesit, nëpërmjet kërkesave për informacion të dhëna statistikore për veprat penale kundër mjedisit.

1.12.7.1.1 Referuar të dhënave statistikore për vitin 2022, për grup veprat penale kundër mjedisit, evidentohet se, janë regjistruar 372 procedime me 103 të pandehur, ose me rritje 18,4 % të numrit të procedimeve krahasuar me vitin 2021, tregues që evidenton rritjen e treguesve në fazën e hetimeve për këto grupveprash. Janë dërguar për gjykim 75 procedime me 103 të pandehur, ose me ulje 6,2 % të procedimeve dhe ulje 17,9 % e të pandehurve të dërguar për gjykim, në krahasim me vitin 2021.

1.12.7.2 Në kuadrin e Planit të Formimit Vazhdues të Shkollës së Magjistraturës për vitin akademik 2022-2023, Prokuroria e Përgjithshme me synim forcimin e kapaciteteve profesionale të prokurorëve dhe oficerëve të policisë gjyqësore në këtë fushë, në bashkërendim me Shkollën e Magjistraturës, nisur nga objektivat prioritare institucionale të prokurorisë për forcimin e kapaciteteve profesionale të prokurorëve, bazuar në nevojat dhe interesin e përcjellë nga prokuroritë pranë gjykatave me juridiksion të përgjithshëm, ndër të tjera janë identifikuar dhe propozuar dy tema nëpërmjet të cilave nevojitet të qartësohen, zgjerohen dhe thellohen njohuritë e prokurorëve, në këtë fushë me temat siç janë: Kuptimi i veprave penale të reja: -kundër mjedisit (*shtuar me ligjin nr. 44/2019*), veçoritë metodike të hetimit dhe ndjekjes penale të veprave penale në këtë fushë, si dhe standartet dhe praktikat e mira europiane dhe -kundër regjimit juridik të tokës dhe ndërtimeve (*nenet 199/a § 2, dhe 199/b të K.Penal, ndryshuar me ligjin nr. 146/2020*), si dhe trajtimi i rasteve praktike lidhur me veçoritë në hetimin e veprave penale në këtë fushë.

1.12.7.3 Në kuadrin e Projektit të Prezencës së OSBE-së për “*Rritjen e Sigurisë dhe Qeverisjes Mjedisore në Shqipëri*”, ku është përfshirë dhe Prokuroria e Përgjithshme, i cili (projekti) është në fazën fillestare të tij, ka nisur përgatitjen e analizës lidhur me situatën dhe kompetencat e gjithë institucioneve të përfshira në krimin mjedisor, ku kontributi institucional ka filluar me diskutime për aspektet institucionale, statistikore dhe treguesit e ndjekjes penale të veprave kundër mjedisit. Nëpërmjet këtij projekti, Prokuroria e Përgjithshme synon forcimin e kapaciteteve profesionale të prokurorëve dhe oficerëve të policisë gjyqësore, nëpërmjet: -përgatitjes së një manuali praktik për policinë gjyqësore, prokurorët, dhe jo vetëm, lidhur me hetimin, ndjekjen penale dhe gjykimin e veprave penale kundër mjedisit; dhe –organizimin e trajnimimeve të përbashkëta me aktorët e përfshirë në luftën kundër veprave penale në fushën e mjedisit.

✚ Në përmbushje të funksioneve Kushtetuese e ligjore, e konsiderojmë të zbatuar rekomandimin e rezolutës së Kuvendit, që përkon me rekomandimet e BE-së lidhur dhe me përshpejtimin e zbatimit të planit të veprimit të FATF/ICRG, rekomandimit 38 të Komitetit të ekspertëve Moneyval të KiE, rekomandimet prioritare të KM dhe objektivin prioritar të prokurorisë në këtë fushë, për faktin se evidentohen arritje, si në vijimin e zbatimit të politikave dhe masat administrative e procedurale institucionale dhe ndër-institucionale, ashtu dhe përmirësimi i strukturës koordinuese e monitoruese për rritjen më tej të efikasitetit në bashkëpunimin ndër-institucional me institucionet dhe agjencitë e përfshira në këtë fushë (MB, MFE, DPPSH, AAPSK, DPPPP, DPD, DPT), forcimin e kapaciteteve

institucionale dhe profesionale si dhe bashkëpunimit me agjencitë ligjzbatuese rajonale dhe ndërkombëtare në funksion të efektivitetit të hetimeve për veprat penale që lidhen sidomos me trafikimin e narkotikëve, trafikimin e qënieve njerëzore, krimeve mjedisore, dhe rritjen dukshëm të procedimeve të dërguara për gjykim dhe të personave të dënuar si dhe rritjen dukshëm të numrit të pasurive produkte të veprimtarisë kriminale të konfiskuara dhe sekuestruara për veprën penale të pastrimit të parave dhe vepra penale të tjera të lidhura me të, përmbushja e të cilëve mundësoj vlerësimin e Shqipërisë në Plenaren e FATF se *Shqipëria ka përfunduar në mënyrë thelbësore planin e saj të veprimit dhe vlerëson punën e Shqipërisë për të adresuar mangësitë e saj strategjike*, si dhe mundësoj vlerësimin e Shqipërisë në Komitetin e Ekspertëve të Moneyval në KiE se *Shqipëria ka adresuar të gjitha mangësitë sipas R.38 dhe është përmirësuar në “C/complaint”*.

1.13 Në zbatim të rekomandimit të rezolutës, *“13.Të vijojë puna e nisur për forcimin e kapaciteteve profesionale në luftën kundër korrupsionit, pastrimit të parave dhe veprave penale në fushën e zgjedhjeve të lira, fushën e narkotikëve, veçanërisht sa i përket prodhimit dhe shitjes së lëndëve narkotike si dhe hetimin e veprave penale që lidhen me zhvillimin e paligjshëm të lojërave të fatit, nëpërmjet organizimit dhe zhvillimit të aktiviteteve të përbashkëta trajnuese me institucione/agjenci ligjzbatuese, në bashkëpunim dhe me misionet e projektet ndërkombëtare që asistojnë sistemin e prokurorisë”*, i cili përkon, me rekomandimin prioritar 4, drejtimi I, i vendimit KM, citojmë *“4. Marrjen e masave për rritjen profesionale dhe organizimin e trajnimeve kryesisht për oficerët e policisë gjyqësore, si dhe vijimin e trajnimeve të prokurorëve në fusha specifike, sipas ndarjes së tyre në seksione brenda prokurorisë, dhe në kuadër të politikave penale”*, me rekomandimin prioritar 4, drejtimi II, i vendimit KM, citojmë *“4.Vijimin e zhvillimit të kapaciteteve profesionale të prokurorëve nëpërmjet trajnimeve të përbashkëta me fokus në luftën kundër korrupsionit me agjencitë e zbatimit të ligjit, si dhe rritjen e numrit të trajnimeve për oficerët e policies gjyqësore”*, dhe me rekomandimin prioritar 6, drejtimi III, i vendimit KM citojmë *“6.Rritjen e kapaciteteve profesionale për prokurorët nëpërmjet trajnimeve në këtë fushë(kundër krimin të organizuar), duke përfshirë edhe trajnime të përbashkëta me oficerët e policisë gjyqësore”* janë zhvilluar aktivitetet dhe arritur rezultatet si më poshtë:

1.13.1 Në kuadrin e këtij rekomandimi, Prokuroria e Përgjithshme, rritjen profesionale të prokurorëve e ka vlerësuar si domosdoshmëri për forcimin e kapaciteteve profesionale në prokuroritë me juridiksion të përgjithshëm. Gjithashtu, Prokuroria e Përgjithshme ka bashkërenduar me Komisionin e Policisë Gjyqësore për forcimin e kapaciteteve profesionale të policisë gjyqësore të seksioneve, dhe jo vetëm, nëpërmjet realizimit dhe trajnimeve të përbashkëta me prokurorët dhe agjencitë ligjzbatuese të përfshira.

1.13.2 Prokuroria e Përgjithshme, si në aktet nënligjore të nxjerra nga Prokurori i Përgjithshëm, ashtu dhe në bashkëpunim me Shkollën e Magjistraturës dhe me misionet/projektet ndërkombëtare që asistojnë sistemin e drejtësisë penale, ku përfshihet prokuroria, e ka trajtuar me prioritet rritjen profesionale të prokurorëve, me synim rritjen e efikasitetit dhe efektivitetit në luftën kundër kriminalitetit, si dhe marrjen e masave për rritjen e kapaciteteve profesionale nëpërmjet organizimit të trajnimeve të prokurorëve dhe oficerëve të policisë gjyqësore.

1.13.3 Në këtë vështrim, në udhëzimin nr. 2/2022 drejtuesit e prokurorive udhëzohen të koordinojnë dhe organizojnë trajnime të përbashkëta me agjencitë e zbatimit të ligjit të përfshira në luftën kundër veprave penale prioritare të rekomanduara, si dhe të lehtësojnë pjesëmarrjen e prokurorëve dhe oficerëve të policisë gjyqësore në një ose më shumë trajnime të përbashkëta me agjencitë e tjera të zbatimit të ligjit në fushat e rekomanduara. Gjithashtu, në këtë udhëzim prokurorëve u kërkohet të synojnë rritjen dhe zhvillimin e kapaciteteve dhe aftësive profesionale të

tyre, nëpërmjet pjesëmarrjes në trajnime apo në tryeza diskutimesh, veçanërisht për zbatimin e dispozitave të reja të Kodit Penal, si dhe trajnime të përbashkëta me oficerët e policisë gjyqësore të seksioneve dhe të strukturave hetimore në shërbimet policore, me fokus në fushat dhe drejtimet prioritare të rekomanduara.

1.13.4 Prokuroria e Përgjithshme në bashkëpunim me Shkollën e Magjistraturës është angazhuar në organizimin e aktiviteteve të përbashkëta me pjesëmarrjen e prokurorëve dhe oficerëve të policisë gjyqësore të seksioneve në prokurori, për forcimin e kapaciteteve profesionale nëpërmjet trajnimeve, me synim rritjen e efikasitetit dhe efektivitetit në luftën kundër kriminalitetit. Në kuadrin e këtij bashkëpunimi në trajnimet vazhduese dhe në zbatim të ligjit, Shkollën e Magjistraturës është angazhuar në organizimin e aktiviteteve të përbashkëta me pjesëmarrjen e prokurorëve dhe oficerëve të policisë gjyqësore të seksioneve në prokurori, për forcimin e kapaciteteve profesionale nëpërmjet trajnimeve, me synim rritjen e efikasitetit dhe efektivitetit në luftën kundër kriminalitetit. Në kuadrin e trajnimit vazhdues dhe në zbatim të ligjit, përgjatë vitit 2022 në Shkollën e Magjistraturës janë organizuar dhe zhvilluar 61 tema në fusha të ndryshme të sistemit të drejtësisë penale, tema të përzgjedhura sipas ligjit nga 704 prokurorë dhe 83 oficerë të policisë gjyqësore pjesëmarrës, të listuara në aneksin 3, bashkëlidhur, ku mund të përmendim aktivitetet trajnuese të zhvilluara, sipas temave disa me shumë cikle, me pjesëmarrjen e prokurorëve, si vijojnë: -"Burimet e hapura. Fillimi kryesisht i procedimit penal dhe pavarësia e prokurorit", ku kanë marrë pjesë 33 prokurorë dhe 3 oficer i policise gjyqësore; -"Mjetet e posaçme të hetimit", ku kanë marrë pjesë 7 prokuror dhe 10 oficerë të policisë gjyqësore; -"Përgjimet procedurale" ku kanë marrë pjesë 34 prokurorë dhe 2 oficer te policise gjyqësore; -"Pastrimi i parave", temë e zhvilluar në pesë cikle, ku kanë marrë pjesë gjithsej 38 prokurorë dhe 7 oficer të policisë gjyqësore; -"Analiza Financiare dhe hetimet me burime te hapura", ku kanë marrë pjesë 12 prokurorë dhe 6 oficer te policise gjyqësore; -"Shfrytëzimi seksual online i të miturve dhe metodat e hetimit", ku kanë marrë pjesë 6 prokuror dhe 3 oficer te policise gjyqësore; -" Kuptimi juridiko-penal, në funksion të zbatimit të drejtë të dispozitave të K.Penal", ku kanë marrë pjesë 5 prokuror; -"Viktima, si subjekt i procesit penal", ku kanë marrë pjesë 7 prokuror dhe 6 oficerë të policisë gjyqësore; -"Probleme të praktikës në fushën e marrëdhënieve juridiksionale me jashtë", ku kanë marrë pjesë 6 prokurorë dhe 1 oficer i policise gjyqësore; -"Krimi Kibernetik, aktet me natyre raciste dhe ksenofobe", ku kanë marrë pjesë 6 prokuror dhe 6 oficer të policisë gjyqësore; -"Krimi kibernetik dhe provat elektronike", ku kanë marrë pjesë 7 prokuror dhe 7 oficer të policisë gjyqësore; -"Veprat penale në lidhje taksat dhe tatimet si dhe hetimi pasuror për çështjet që lidhen me to", ku kanë marrë pjesë 15 prokuror; -" Përgjimet procedurale dhe përgjimet parandaluese", ku kanë marrë pjesë 16 prokuror dhe 2 oficerë të policise gjyqësore; -"Trafikimi i Qenieve Njerëzore", ku kanë marrë pjesë 7 prokuror dhe 5 oficerë të policise gjyqësore; -"Hetimi i veprave penale që prekin zgjedhjet e lira dhe sistemin demokratik të zgjedhjeve", ku kanë marrë pjesë 27 prokurorë; -"Kërkesat e Prokurorisë për zgjatjen e afatit të hetimeve dhe pasojat e mosrespektimit të tyre", temë e zhvilluar në dy cikle, ku kanë marrë pjesë 71 prokurorë; -"Hierarkia e Prokurorisë dhe marrëdhënia procedurale ndërmjet prokurorit ndihmës dhe titullarit të prokurorisë", ku kanë marrë pjesë 35 prokurorë, etj.

1.13.5 Në kuadrin e Memorandumit të Mirëkuptimit (nr. 627, datë 13.04.2021) mes Prokurorisë së Përgjithshme dhe OSBE "Për bashkëpunimin dhe bashkërendimin në zbatimin e projekteve dhe veprimtarive në mbështetje të efikasitetit të sistemit të prokurorisë shqiptare", me fokus "Veprimi kundër trafikimit të qenieve njerëzore në Shqipëri", dhe objektiv të projektit, dhënien e kontributit drejt një pakësimi të përgjithshëm të përhapjes së trafikimit të qenieve njerëzore në Shqipëri dhe nga Shqipëria, në shkurt 2022 u publikua Manuali "Trafikimi i qenieve njerëzore" për gjyqtarë, prokurorë dhe profesionist të tjerë të ligjit. Ky manual vjen si nevojë për të reflektuar mbi rregullimet në kuadrin

rregullator vendas me objektiv ofrimin e qëndrimeve mbi standardet e zbatimit të tyre nëpërmjet analizës së rasteve të praktikës dhe sidomos përfaqes me rregullime në nivelin ndërkombëtar, si dhe synon të ofrojë një kornizë konceptuale mbi veprën penale të trafikimit të qenieve njerëzore, identifikimin dhe hetimin e saj, implikimet ligjore dhe praktike që rrjedhin nga karakterizimi i veprës penale të trafikimit, format e zhvillimit të saj dhe pasojat e trafikimit fizike dhe psikologjike mbi personat e trafikuar, të drejtat e viktimave dhe detyrimet pozitive për mbrojtje dhe asistencë të tyre. Manuali ju shpërnda prokurorëve në prokuroritë e juridiksionit të përgjithshëm për përdorim në veprimtarinë praktike të tyre. Gjithashtu, në kuadrin e këtij bashkërendimi janë zhvilluar dhe aktivitetet: -me 12 tetor 2022, prezantuar projekti: “Avancimi i kapaciteteve trajnuese të Shkollës së Magjistraturës dhe Akademisë së Sigurisë në luftën kundër trafikimit të qenieve njerëzore”, ku morrën pjesë një prokuror dhe një oficer i policisë gjyqësore; dhe -me 14.12.2022, tryezë e rumbullakët “Masat ndaj trafikimit të personave nëpërmjet teknologjisë”, ku kanë marrë pjesë tre prokurorë dhe një oficer i policisë gjyqësore.

1.13.6 Në kuadrin e disa projekteve dhe aktiviteteve rajonale dhe evropiane, përgjatë vitit 2022, janë përfshirë në trajnime, seminare, ëorkshope, kurse, me pjesëmarrjen e 84 prokurorëve të prokurorive të juridiksionit të përgjithshëm dhe 27 oficerëve të policisë gjyqësore të seksioneve në prokurori, për rritjen e kapaciteteve profesionale në fusha prioritare, siç janë:

1.13.6.1 Në kuadrin e Projektit EU4FOCAL u organizuan aktivitetet:

-trajnimi me temë “Për pastrimin e parave dhe rikuperimin e aseteve”, ku kanë marrë pjesë 14 prokuror dhe 9 oficerë të policisë gjyqësore, me 29 prill 2022;

-seminari ndërkombëtar me temë “Për njohjen dhe ndërveprimin me rrjetet e agjencive ligjzbatuese ndërkombëtare”, ku kanë 13 prokuror dhe 8 oficer të policisë gjyqësore (tre prokuror dhe tre oficerë të policisë gjyqësore të Prokurorisë së Përgjithshme), me 21-22 prill 2022;

-trajnimi me temë “Për pastrimin e parave, hetimin financiar dhe MLA (Ndihmë e Ndërsjelltë Ligjore)”, ku morrën pjesë 15 prokuror dhe 10 oficerë të policisë gjyqësore, zhvilluar në Tiranë, me 25 tetor 2022;

1.13.6.2 Në kuadrin e Strategjisë dhe Planit të Veprimit të Projektit UDHËRËFYESI Rajonal i Ballkanit Përendimor kundër AVL, UNODC, organizoi aktivitetet:

-trajnimi lidhur me mbledhjen e provave elektronike për veprat penale të mbajtjes, prodhimit dhe trafikimit të armëve, me pjesëmarrje, 7 (shtatë) prokurorë dhe 2 (dy) prokuror të SPAK, 8 (tetë) oficer të policisë gjyqësore, dhe 2 (dy) opgj nga BKH, zhvilluar në Tiranë, me 27-29 prill 2022;

-aktiviteti rajonal me temë “Zbatimi i masave/mjeteve speciale të hetimit”, me pjesëmarrjen e 2 (dy) prokurorëve dhe 1 (një) opgj, zhvilluar në Beograd, me 25-26 maj 2022;

-aktiviteti rajonal “Mbi provat elektronike”, ku morrën pjesë tre prokuror, zhvilluar në Beograd, Serbi, me 10-11 tetor 2022;

-aktiviteti rajonal me temë “Roli i prokurorëve në reagimin e drejtësisë penale kundër trafikimit të armëve të zjarrit”, ku morrën pjesë tre prokuror, zhvilluar në Serbi, më 9-10 nëntor 2022;

1.13.6.3 UNODC, organizoi aktivitetin për analizën e sistemeve të trafikimit, me temë: “Analiza e sistemeve dhe planifikimi i masave kundër trafikimit të drogës, kondrabandës së migracionit, trafikimit të njerësve dhe shfrytëzimit/skllavërisë modern”, ku morrën pjesë rreth 25 përfaqësues të agjencive ligjzbatuese informativo-gjurmuese, oficer të policisë gjyqësore të Policisë së Shtetit, përfshi dhe pesë prokurorë të juridiksionit të përgjithshëm, zhvilluar në Durrës, me 12-16 shtator 2022.

1.13.6.4 Trajnimi në Akademinë Ndërkombëtare të Zbatimit të Ligjit (ILEA) në Budapest, “Për dhunën në familje dhe dhunën me bazë gjinore”, ku morrën pjesë tre prokuror, një oficer i policisë gjyqësore dhe një kordinator i viktimave, zhvilluar në Budapers, Hungari, me 24-28 tetor 2022;

1.13.6.5 Trajnia “Mbi analitikën financiare dhe hetimin me burime të hapur” ku morrën pjesë 6 (gjashtë) prokuror dhe 4 (katër) oficerë të policisë gjyqësore, me 29-30 shtator 2022;

1.13.6.6 Seminari ndërkombëtar “Për kryerjen e hetimeve kriminale në sulmet e ransomëare (një lloj softueri me qëllim të keq i krijuar për të bllokuar aksesin në një sistem kompjuterik derisa të paguhet një shumë parash), ku morri pjesë një prokuror, zhvilluar në Hagë, Hollandë, më 3-4 nëntor 2022;

1.13.6.7 Forumi Ndërkombëtar i TAIEX për Prokurorët “Mbi luftën kundër krimit të Organizuar Ndërkufitar”, ku morrën pjesë dy prokurorë, zhvilluar në Budva, Mali i Zi, më 8-9 nëntor 2022;

1.13.6.8 UNODC-OSBE organizuar aktivitetin nisma e Paktit të Parisit “Për lëvizjet e paligjshme financiare” ku morri pjesë një prokurorë, zhvilluar në Vjenë, më 30-31 maj 2022;

1.13.6.9 UNICEF organizoi takimin e nivelit të lartë “Incidentet e abuzimit seksual të fëmijëve në internet u rritën jashtëzakonisht shumë në mbarë botën”, ku morri pjesë një prokuror, zhvilluar në Bruksel, më 1-2 qershor 2022;

1.13.6.10 Projekt i KiE dhe KE-së trajnimi me temë “Antikorrupsioni dhe Marrëdhëniet me Median – Politikat Ekzekutive dhe Zhvillimi”, ku morri pjesë një prokuror, zhvilluar në datat 16 qershor-1 korrik, 2022 në Budapest, Hungari.

✚ Në përmbushje të funksioneve kushtetuese e ligjore, e konsiderojmë të zbatuar këtë rekomandim të rezolutës dhe rekomandimet prioritare të KM që përkojnë me të, për faktin se evidentohen arritje, si në realizimin e politikave dhe masat administrative e procedurale institucionale të parashikuara në udhëzimin e përgjithshëm nr. 2/2022 për zbatimin e këtyre rekomandimeve, ashtu dhe objektivit institucional për forcimi i kapaciteteve profesionale të prokurorëve, oficerëve të policisë gjyqësore të seksioneve në prokurori dhe të shërbimeve në Policinë e Shtetit, si dhe në agjenci të tjera ligjzbatuese nëpërmjet trajnimeve në këtë fushë. Gjithashtu, janë zbatuar masat dhe kryer aktivitetet për organizimin, krahas trajnimeve vazhduese të prokurorëve dhe oficerëve të policisë gjyqësore në Shkollën e Magjistraturës sipas programit të sugjeruar dhe nga vetë prokurorët, ashtu dhe realizimin e trajnimeve të përbashkëta të prokurorëve dhe oficerëve të policisë gjyqësore të seksioneve ose agjencive të tjera policore e ligjzbatuese në bashkëpunim dhe me mbështetjen e misionëve dhe projekteve ndërkombëtare që asistojnë sistemin e drejtësisë penale përfshi dhe prokurorinë, me synim forcimin e kapaciteteve profesionale të tyre për rritjen e efektivitetit në luftën kundër kriminalitetit dhe forcimin e ligjshmerisë në ushtrimin e funksioneve, duke garantuar pavarësinë e prokurorit.

1.14 Në zbatim të rekomandimit të rezolutës, **“14.Të vijojë puna e nisur për përditësimin e manualit për pastrimin e parave dhe rikuperimin e aseteve, në kuadrin e Projektit FIIAPP.”**, janë zhvilluar aktivitetet dhe arritur rezultatet si më poshtë:

1.14.1 Në kuadrin e këtij rekomandimi të rezolutës, Prokuroria e Përgjithshme rritjen profesionale të prokurorëve, veçanërisht në luftën kundër pastrimit të parave e ka vlerësuar si objektivin më prioritar në vitet 2020-2022 e në vijim, për forcimin e kapaciteteve profesionale në prokuroritë me juridiksion të përgjithshëm, me synim rritjen e efikasitetit dhe efektivitetit kundër pastrimit të parave dhe sekuestrimin e konfiskimin e produkteve të kësaj veprimtarie kriminale.

1.14.2. Në kuadrin e këtij rekomandimi, Prokuroria e Përgjithshme ka vijuar bashkëpunimin me Projektin EU4FOCAL (FIIAPP-Spanjoll), i financuar nga Komisioni European nën Instrumentin e Asistencës së Para-Aderimit (IPA II). Ky projekt mbështet forcimin e kapaciteteve të prokurorëve të juridiksionit të përgjithshëm, përfshi Prokurorinë e Përgjithshme, SPAK-ut, Policisë së Shtetit dhe agjencive të tjera ligjzbatuese të përfshira në trajtimin e luftës kundër krimit të organizuar, dhe jo vetëm, nëpërmjet hetimeve kriminale dhe financiare proaktive dhe të bazuara në inteligjencë.

1.14.2.1 Në kuadrin e këtij Projekti ka vijuar mbështetja për forcimin e kapaciteteve profesionale në prokuroritë e juridiksionit të përgjithshëm, dhe jo vetëm, në fushën e pastrimit të parave nëpërmjet trajnimeve në këtë fushë të përmendura e listuara më sipër, etj.

1.14.2.2 Lidhur me aktivitetin “Për përgatitjen e manualit për pastrimin e parave” punë e cila ka filluar në nëntor 2021 me ngritjen e grupit të punës me ekspertë ndërkombëtarë të përfshirë, të cilët përgjatë vitit 2022 kanë përgatitur draftet për katër kapituj të manualit dhe anekset përkatëse, të cilët janë në fazë konsultimi me antarët e grupit ndërinstitucional i ngritur me përfaqësues të Prokurorisë së Përgjithshme dhe të prokurorive me juridiksion të përgjithshëm, Drejtorisë së Përgjithshme të Policisë së Shtetit dhe Drejtorisë së Përgjithshme të Parandalimit të Pastrimit të Parave. Vijon puna për përgatitjen e kapitullit pestë (fundit) të këtij manuali dhe sipas Projektit EU4FOCAL, është planifikuar të përfundojë në qershor të vitit 2023.

✚ Në përmbushje të funksioneve kushtetuese e ligjore, e konsiderojmë të zbatuar këtë rekomandim të rezolutës së Kuvendit, për faktin se, ka vijuar bashkëpunimin me Projektin EU4FOCAL (FIIAPP-Spanjoll), i financuar nga Komisioni European dhe sipas planifikimit janë përgatitur draftet për katër kapituj të manualit dhe anekset përkatëse, si dhe janë organizuar dhe vijojnë takime në fazën e konsultimit me antarë të grupit ndërinstitucional përfitues, proces që tejkalon vitin objekt raportimi.

1.15 Në zbatim të rekomandimit të rezolutës, **“15. Të angazhohet në procesin e zbatimit të hartës së re gjyqësore, duke synuar garantimin e të drejtave dhe lirive themelore të individit, me theks të vecantë tek e drejta e aksesit në drejtësi”**, janë zhvilluar aktivitetet dhe arritur rezultatet si më poshtë:

1.15.1 Në kuadrin e këtij rekomandimi, Prokuroria e Përgjithshme është përfshirë dhe angazhuar si në fazën përgatitore të përgatitjes së hartës së re gjyqësore dhe dhënies së mendimit për miratimin e saj, si një nevojë e domosdoshme në kushtet aktuale të gjendjes nga vakancat në sistemin e drejtësisë, ashtu dhe për zbatimin e hartës së re gjyqësore në bashkëpunim me Këshillin e Lartë Gjyqësor, Këshillin e Lartë të Prokurorisë dhe Ministrinë e Drejtësisë për të mundësuar rritjen e kapaciteteve akomoduese me ambjente pune për prokurorët, oficerët e policisë gjyqësore të seksioneve, administratën dhe shërbimet mbështetëse në prokuroritë me juridiksion të përgjithshëm dhe përdorimin me efektivitet i fondeve buxhetore për përmirësimin e infrastrukturës në prokurori, forcimin e kapaciteteve institucionale e profesionale dhe për sigurimin e aksesit të shtetasve në prokurori.

1.15.2 Në kuadrin e masave për zbatimin e hartës së re gjyqësore, Prokurori i Përgjithshëm ka miratuar urdhërin nr. 84, datë 15.11.2022 “Për ngritjen e grupit të punës për zbatimin e hartës së re gjyqësore në prokuroritë e juridiksionit të përgjithshëm”, ku janë parashikuar masat administrative që duhen marrë në ecurinë e procesit për zbatimin e hartës së re gjyqësore në prokuroritë pranë gjykatave të shkallës së parë dhe prokuroritë pranë gjykatave të apeleve.

1.15.3 Ndërkohë, është përgatitur projekt udhëzimi i përgjithshëm “Për masat administrative dhe procedurale për zbatimin e hartës së re gjyqësore në prokuroritë pranë gjykatave të shkallës së parë dhe gjykatës së apelit të juridiksionit të përgjithshëm”, i miratuar nga Prokurori i Përgjithshëm me nr. 1, datë 26.01.2023, nëpërmjet të cilit janë unifikuar masat administrative dhe procedurale që duhen marrë fillimisht nga prokuroritë pranë gjykatave të apelit dhe në vijim nga prokuroritë pranë gjykatave të shkallës së parë të juridiksionit të përgjithshëm, për identifikimin, administrimin dhe inventarizimin e akteve, dokumentave, regjistrave dhe arkivave të veprimtarive procedurale penale dhe administrative për administrimin e tyre pranë prokurorive që i përfshijnë brenda kompetencave

tokësore³⁹ të rretheve gjyqësore pranë gjykatave të shkallës së parë dhe gjykatës së apelit në kuadër të zbatimit të hartës së re gjyqësore si dhe për të garantuar respektimin e të drejtave dhe lirive të personave nën hetim, të pandehurve e viktimave në procesin penal, dhe ruajtjen e sekretit të hetimeve apo ndalimin e publikimit të akteve procedurale penale, në zbatim të parimit të ligjshmërisë dhe sigurimin e vazhdimësisë të shërbimeve për publikun në prokurori, sipas afateve të përcaktuara, për të mundësuar funksionalitetin e secilës prokurori.

1.15.4 Në zbatim të ligjit nr. 98/2016, “Për organizimin e pushtetit gjyqësor në Republikën e Shqipërisë” i ndryshuar, vendimit të Këshillit të Ministrave (KM) nr. 495, datë 21.7.2022 “Për riorganizimin e rretheve gjyqësore dhe kompetencave tokësore të gjykatave”, vendimit të Këshillit të Lartë Gjyqësor nr. 505, datë 21.11.2022 “Për fillimin e funksionimit të Gjykatës së Apelit të Juridiksionit të Përgjithshëm” dhe urdhrin nr. 09, datë 18.01.2023 “Për caktimin e strukturës organike të prokurorive pranë gjykatave të shkallëve të para dhe apelit të juridiksionit të përgjithshëm” në datë 31 janar 2023 me pushimin e funksionimit të Prokurorive pranë Gjykatave të Apelit Shkodër, Durrës, Vlorë, Gjirokastrë e Korçë, aktet dhe dokumentacioni përkatës i selilës prej tyre janë mbartur në Prokurorinë e Apelit të Juridiksionit të Përgjithshëm (Tiranë) me kompetenca tokësore në gjithë territorin e vendit, si dhe nga data 1 shkurt 2023 vijon ushtrimi i funksioneve të të gjithë prokurorëve të apelit në Gjykatën e Apelit të Juridiksionit të Përgjithshëm Tiranë.

1.15.5 Në kuadër të zbatimit të hartës së re gjyqësore, Prokurori i Përgjithshëm në bashkëpunim me Këshillin e Lartë Gjyqësor dhe Ministrinë e Drejtësisë kanë hartuar një Projekt Marrëveshje për sistemimin me ambjente pune në Prokuroritë dhe Gjykatat e shkallës së parë të juridiksionit të përgjithshëm që vijnë ushtrimin e funksioneve në datën 1 maj 2023. Në këtë kuadër është dakordësuar sistemimi me ambjente përkatëse pune ndërmjet prokurorive dhe gjykatave të juridiksionit të përgjithshëm Gjirokastrë, Vlorë dhe Durrës. Gjithashtu, vijon puna dhe për ngrihen e grupeve të përbashkëta për të koordinuar nevojat për ndërtesa të reja në Prokuroritë dhe Gjykatat e shkallës së parë Tiranë, Durrës, Lezhë dhe Fier, për faktin se objektet ekzistuese të këtyre prokurorive dhe gjykatave nuk plotësojnë kushtet minimale të punës dhe njëkohësisht nuk ofrojnë ambjente pune për të gjithë punonjësit në zbatimin e hartës së re gjyqësore. Ndërkohë, Ministria e Drejtësisë në cilësinë e pronarit të shumicës së ndërtesave të përbashkëta të prokurorive dhe gjykatave, si dhe ndërtesave të veçanta ka ndërmarë hapat për hartimin e një projektvendimi të Këshillit të Ministrave për të kaluar në pronësi të Prokurorive dhe Gjykatave ndërtesat respektive në të cilat ushtrojnë funksionet prokuroritë dhe gjykatat që nuk i kanë në pronësi të tyre.

✚ Në përmbushje të detyrave kushtetuese e ligjore, e konsiderojmë të realizuar këtë rekomandim të rezolutës dhe njëkohësisht objektiv prioritar i prokurorisë, për faktin se Prokuroria e Përgjithshme në bashkërendim dhe koordinim me Këshillin e Lartë Gjyqësor, Këshillin e Lartë të Prokurorisë dhe Ministrinë e Drejtësisë, është përfshirë, angazhuar dhe ka kontribuar si në fazën përgatitore të hartës së re gjyqësore dhe dhënies së mendimit për miratimin e saj, si një nevojë e domosdoshme në kushtet aktuale të gjendjes nga vakancat në sistemin e drejtësisë dhe për të mundësuar rritjen e kapaciteteve institucionale dhe profesionale në prokuroritë me juridiksion të përgjithshëm, si dhe për të mundësuar rritjen e kapaciteteve akomoduese me ambjente pune për prokurorët, oficerët e policisë gjyqësore të seksioneve, administratën dhe shërbimet mbështetëse në prokuroritë me juridiksion të përgjithshëm

³⁹ Shih, vendimin e Këshillit të Ministrave (KM) nr. 495, datë 21.7.2022 “Për riorganizimin e rretheve gjyqësore dhe kompetencave tokësore të gjykatave” pika 4 në lidhje me pikat 1, 2 e 5 shkronjat “a”, “b”, si dhe nenet 84-86 në Kodin e Procedurës Penale dhe nenet 3, 6 të ligjit nr. 10192/2017, “Për parandalimin dhe goditjen e krimit të organizuar, trafikimit dhe korrupsionit, si dhe krimeve të tjera, nëpërmjet masave parandaluese për hetimin e pasurisë” i ndryshuar;

dhe përdorimin me efektivitet të fondeve buxhetore për përmirësimin e infrastrukturës në prokurori, ashtu dhe pas miratimit për zbatimin e saj (hartës së re gjyqësore) është përgatitur projekt udhëzimi i përgjithshëm “Për masat administrative dhe proceduriale për zbatimin e hartës së re gjyqësore në prokuroritë pranë gjykatave të shkallës së parë dhe gjykatës së apelit të juridiksionit të përgjithshëm”, i miratuar nga Prokurori i Përgjithshëm me nr. 1, datë 26.01.2023, nëpërmjet të cilit janë unifikuar masat administrative dhe proceduriale që duhen marrë fillimisht nga prokuroritë pranë gjykatave të apelit dhe në vijim nga prokuroritë pranë gjykatave të shkallës së parë të juridiksionit të përgjithshëm, për administrimin e tyre pranë prokurorive që i përfshijnë brenda kompetencave tokësore⁴⁰ të rretheve gjyqësore pranë gjykatave të shkallës së parë dhe gjykatës së apelit sipas hartës së re gjyqësore, si dhe për të garantuar respektimin e të drejtave dhe lirive të personave nën hetim, të pandehurve e viktimeve në procesin penal, dhe ruajtjen e sekretit të hetimeve apo ndalimin e publikimit të akteve proceduriale penale, në zbatim të parimit të ligjshmërisë dhe sigurimin e vazhdimësisë të shërbimeve për publikun në prokurori, sipas afateve të përcaktuara, për të mundësuar funksionalitetin e secilës prokurori.

1.16 Në zbatim të rekomandimit të rezolutës, **“16.Së bashku me strukturat përgjegjëse shtetërore, organizatat e shoqërisë civile dhe asistencën e nevojshme ndërkombëtare të kontribuojë në krijimin e një qasje të integruar të politikës penale në luftën kundër kriminalitetit si një nevojë tashmë imediate e shoqërisë sonë, me fokus parandalimin e kriminalitetit të të miturit dhe të rinjtë”**, janë zhvilluar aktivitetet si më poshtë:

1.16.1 Në zbatim të këtij rekomandimi të Rezolutës, Prokuroria e Përgjithshme me shkresën nr. 1085/7, datë 05.12.2022 me lëndë “Për zbatimin e rekomandimit në Rezolutën e Kuvendit të Shqipërisë datë 14.07.2022” drejtuar Ministrisë së Shëndetësisë dhe Mbrojtjes Sociale, në cilësinë e autoritetit lidër dhe përgjegjës në këtë fushë, në kuadrin e bashkëpunimit ndërinstytucional, në mbështetje të kuadrit ligjor dhe në zbatim të rekomandimit në rezolutën e Kuvendit të Shqipërisë, ka kërkuar nevojën e bashkëpunimit dhe koordinimit ndërinstytucional dhe me institucione të tjera të përfshira sipas ligjit për marrjen e masave efektive për mbrojtjen e viktimeve të veprave penale të dhunës në familje dhe veprave penale ndaj të miturve bazuar në standardet ndërkombëtare.

1.16.1.1 Ndërkohë, mbetemi në pritje të angazhimeve të Ministrisë së Shëndetësisë dhe Mbrojtjes Sociale për ndërmarrjen e masave në kuadrin e koordinimit dhe bashkërendimit dhe me Prokurorinë e Përgjithshme, me fokus kriminaliteti të të miturit në konflikt me ligjin dhe të rinjtë.

1.16.2 Në kuadrin e këtij rekomandimi dhe në zbatim të udhëzimeve të përgjithshme nr. 5/2018 dhe nr. 17/2020 në sistemin e prokurorisë, Prokuroria e Përgjithshme, ka vijuar bashkëpunimin me Qendrën për Nisma Ligjore Qytetare dhe me mbështetjen e Ambasadës të Mbretërisë së Hollandës lidhur me projektin 3-vjeçar, “Angazhim Proaktiv për mbrojtjen dhe zbatimin e ligjit kundër dhunës me bazë gjinore dhe dhunës në familje”.

1.16.2.1 Në kuadër këtij Projekti dhe të nismës “16 Ditët e Aktivizimit Kundër Dhunës me Bazë Gjinore”, Prokurori i Përgjithshëm, në datë 9 Dhjetor 2022, organizoi Tryezën e 3-të të diskutimit me temë “Dhuna në familje dhe dhuna me bazë gjinore, efikasiteti dhe sfidat e prokurorisë në përballje me fenomenin”, me pjesëmarrjen e Ambasadorit të Mbretërisë së Hollandës, përfaqësues të këtij projekti, 9 prokuror të seksioneve të këtyre grupveprave, dhe 4 koordinatorë të viktimeve në prokuroritë e juridiksionit të përgjithshëm. Në këtë tryezë diskutimi u trajtuan si arritje administrimi

⁴⁰ Shih, vendimin e Këshillit të Ministrave (KM) nr. 495, datë 21.7.2022 “Për riorganizimin e rretheve gjyqësore dhe kompetencave tokësore të gjykatave” pika 4 në lidhje me pikat 1, 2 e 5 shkronjat “a”, “b”, si dhe nenet 84-86 në Kodin e Procedurës Penale dhe nenet 3, 6 të ligjit nr. 10192/2017, “Për parandalimin dhe goditjen e krimit të organizuar, trafikimit dhe korrupsionit, si dhe krimeve të tjera, nëpërmjet masave parandaluese për hetimin e pasurisë” i ndryshuar;

i rritjes së numrit të viktimave që kanë kallëzuar/referuar penalisht rastet e dhunës ndaj tyre rrjedhëj kjo dhe e rritjes së besimit të viktimave në organet/strukturat e policisë gjyqësore dhe prokurorisë, efiçenca dhe efektiviteti i lartë në hetimin, ndjekjen penale dhe dërgimin për gjykim të autorëve të veprave penale të dhunës me bazë gjinore, si dhe aspekte të bashkëpunimit ndërinstytucional në nivel vendor dhe në nivel qëndror për parandalimin e dhunës në familje dhe dhunës me bazë gjinore që përbën sfidë për shoqërinë shqiptare, dhe jo vetëm.

✚ Në përmbushje të detyrave kushtetuese e ligjore, rekomandimin e rezolutës në vështirimin institucional e konsiderojmë të realizuar për faktin se në vijim të mbikëqyrjes së zbatimit të udhëzimeve të përgjithshme nr. 5/2018 dhe nr. 17/2020 evidentohet se prokuroritë e juridiskionit të përgjithshëm dhe Prokuroria e Përgjithshme, kanë vijuar bashkëpunimin me organizata të shoqërisë civile dhe me mbështetjen/asistencën e nevojshme ndërkombëtare është mundësuar krijimi i një alternative të politikës penale në luftën kundër dhunës tek të miturit në konflikt me ligjin dhe viktimë, ndërsa një politikë e ashpër ndaj dhunës në familje dhe ndaj të miturve si nevoja imediate me fokus parandalimin e kriminalitetit në këtë fushë. Gjithashtu, në zbatim të këtij rekomandimi të rezolutës, në kuadrin e bashkëpunimit ndërinstytucional kemi nxitur bashkëpunimin me MSHMS, si autoritetit lidër dhe përgjegjës në këtë fushë dhe mbetemi në pritje të angazhimeve të saj për bashkëpunimin dhe koordinimin ndërinstytucional dhe me institucione të tjera të përfshira sipas ligjit, për marrjen e masave efektive për mbrojtjen e viktimave të veprave penale të dhunës në familje dhe veprave penale ndaj të miturve bazuar në standardet ndërkombëtare, duke shprehur dhe gatishmërinë për angazhimin dhe kontributin institucional të prokurorisë.

1.17 Në zbatim të rekomandimit të rezolutës, **“17.Të vijojnë përpjekjet për përmbushjen e detyrimeve që rrjedhin nga procesi i integritetit me Bashkimin Europian referuar rekomandimeve të lëna në Progres Raportin e datës 19.10.2021”**, janë zhvilluar aktivitetet dhe arritur rezultatet si më poshtë:

1.17.1 Në kuadrin e këtij rekomandimi të rezolutës dhe rekomandimeve të Progres Raportin për Shqipërinë 2021, Prokuroria e Përgjithshme me hapjen e negociatave dhe nisjes së procesit teknik për antarësimin e Shqipërisë në Bashkimin Europian, me synim normimin e organizimit dhe funksionimit të një zyre integrimi në përbërje të strukturës së Prokurorisë së Përgjithshme në funksion të përmbushjes së detyrave dhe angazhimeve institucionale të prokurorisë në ecurinë e procesit për integrimin europian të vendit, si dhe koordinimin dhe monitorimin e zbatimit të tij, me urdhërin nr. 61, datë 06.09.2022 “Për miratimin e ndryshimeve dhe shtesave në “Rregulloren “Për organizimin dhe funksionimin e Prokurorisë së Përgjithshme”, të miratuar me urdhërin nr. 136 datë 28.10.2020 “Për miratimin e rregullores së organizimit dhe funksionimit të Prokurorisë së Përgjithshme” ka miratuar ndryshimin e emërimit në “Sektori i Koordinimit, Studimeve dhe Integritetit” të strukturës përkatëse, si dhe janë normuar detyrat funksionale të kësaj strukture të ndryshuar “...për përgatitjen e materjaleve/informimeve periodike për progresin e prokurorisë në përmbushjen e detyrave dhe/ose angazhimeve në kuadrin e integritetit europian të vendit dhe përfaqësimin e prokurorisë në nivel teknik në takimet e grupit negocues ndërinstytucional Shqipëri - BE.”, etj.

1.17.2 Prokurori i Përgjithshëm në cilësinë e përfaqësuesit të autoritetit kompetent⁴¹ ka vijuar zbatimin e Marrëveshjes së Bashkëpunimit me Eurojust, nëpërmjet veprimtarisë të Prokurorit Ndërlidhës të Shqipërisë në Eurojust, prania e të cilës ka vijuar konsolidimin e përvojës dhe

⁴¹ Shih, “Marrëveshjen për bashkëpunimin ndërmjet Republikës së Shqipërisë dhe EUROJUST”, të ratifikuar nga Kuvendi i Shqipërisë me ligjin nr. 113/2018, në nenin 4 pika 1 parashikon: “1.Autoriteti kompetent i Republikës së Shqipërisë për zbatimin e kësaj Marrëveshjeje është Prokuroria e Përgjithshme e Republikës së Shqipërisë.”

kapaciteteve, në drejtim të bashkëpunimit, koordinimit të hetimeve dhe shkëmbimit të shpejtë të informacionit me autoritetet gjyqësore të vendeve anëtare të BE-së, vendeve treta, të rajonit e më gjërë.

1.17.2.1 Në vitin 2022, referuar raportit vjetor të Zyrës Ndërlidhëse Shqiptare në Eurojust:

i) Janë regjistruar 85 çështje të reja (nga dhe kundrejtë Shqipërisë) ose me rritje 63 % krahasuar me vitin 2021, prej të cilave: -38 çështje të reja me kërkesën e autoriteteve shqiptare kundrejt vendeve të Bashkimit Evropian ose me rritje 80.95 % krahasuar me vitin 2021, dhe -48 kërkesa/çështje të reja nga vendet e anetare të BE kundrejtë Shqipërisë.

ii) Janë ndjekur 162 çështje aktive, ku përfshihen dhe çështjet e mbartura, ose me rritje 43.3 % (nga 113 në 162) të numrit të rasteve aktive krahasuar me vitin 2021.

iii) Janë nënshkruar 8 marrëveshje të reja për ngritjen e Skuadrave të Përbashkëta Hetimore me autoritetet gjyqësore të huaja, si dhe ka vijuar zbatimi i 10 marrëveshjeve të Skuadrave të Përbashkëta Hetimore të ngritura në vitet paraardhëse, të asistuar dhe financuar nga Eurojust, të ngritura mbi marrëveshje të nënshkruara mes Prokurorisë së Posaçme me perfaqësues të vendeve anëtare të Bashkimit Evropian, për vepra penale të kryera nga grupet e strukturuar kriminale apo organizatat kriminale, kryesisht vepra penale të trafikimit të lëndëve narkotike, pastrimit të parasë dhe mashtrimi kibernetik, etj.

iv) Zyra Ndërlidhëse Shqiptare në Eurojust ka bashkëpunuar me autoritetet gjyqësore të shteteve anëtare të BE-se në 36 Mbledhje Koordinuese, ku vendin kryesor e zënë autoritetet gjyqësore nga Italia, Gjermania, Spanja, Lituania, etj, dhe në disa raste ka qenë i përfshirë edhe Europol, si dhe vendet anëtare jo anetare të BE-se.

v) Shqipëria ka marrë pjesë në 4 Qendra Koordinimi të Ngritura në Eurojust, që ka mundësuar koordinimin e përpjekjeve të autoriteteve kombëtare kompetente në ecurinë e operacioneve të përbashkëta.

1.17.3 Në nëntor 2022, në një takim në Tiranë mes zv. Presidentit të Eurojust dhe Prokurorit të Përgjithshëm e drejtuesit të Prokurorisë së Posaçme (SPAK), u prezantua projekti më i ri i Eurojust “Rritja e bashkëpunimit ndërkufitar në drejtësinë penale në Ballkanin Perëndimor”. Ky projekt ka për qëllim kryesor të forcojë bashkëpunimit brenda Ballkanit Perëndimor dhe midis rajonit dhe BE-së për luftën kundër krimit të organizuar dhe terrorizmit, duke përdorur mjete dhe instrumenta modern. Kjo do të çojë në një nivel të zgjeruar të ndërveprimit dhe integritit midis BE-së dhe rajonit të Ballkanit Perëndimor (përfshirë Shqipërinë, Bosnje dhe Hercegovinën, Kosovën, Serbinë, Malin e Zi dhe Maqedoninë e Veriut”, përmes krijimit të një strukture (grupe kontakti) që do të mundësojë koordinimin e hetimeve mes prokurorive të këtyre vendeve, ku kryerja e hetimeve paralele dhe ngritja e grupeve të përbashkëta të hetimit, u vlerësohen si instrumentat që do të rrisin efikasitetin e punës së organeve ligjzbatuese në rajon. Tashmë Shqipëria përfaqësohet në këto grupe kontakti me dy përfaqësuesit e saj.

1.17.4 Prokuroria e Përgjithshme është përfaqësuar në përbërje të Grupeve Ndërinstitucionale të Punës në takimet me ekspertët e BE-së dhe me ekspertët e MONEYVAL të FATF/ICRG:

1.17.4.1 Përgatitur dhe dërguar në Ministrinë për Europën dhe Punët e Jashtme (MEPJ) kontributin institucional “Mbi zhvillimin e takimeve të Nënkomitetit Bashkimi Evropian-Shqipëri “Drejtësia, Liria dhe Siguria” dhe të Komitetit të Stabilizim-Asociimit BE-Shqipëri, si dhe përfaqësuar në këto takime të zhvilluar me delagacionin e BE-së.

1.17.4.2 Përgatitur dhe dërguar Drejtorisë së Përgjithshme të Parandalimit të Pastrimit të Parave (DPPPP) kontributi institucional lidhur me *masave për përmbushjen e rekomandimeve të Moneyval*

për pastrimin e parave/luftimin e financimit të terrorizmit, konkretisht rekomandimit R.38⁴² të Komisionit të Ekspertëve Moneyval për Shqipërinë, dhe në Raport Progresit për Shqipërinë, publikuar në qershor 2022, Komisioni i Ekspertëve të KiE i Moneyval për rekomandimin R.38 ka bërë vlerësimin, citojmë **“Në fushën e ndihmës së ndërsjellë juridike, Shqipëria ka krijuar mekanizmat e nevojshëm për ekzekutimin e urdhrave të konfiskimit të huaj, ndarjen e aseteve të konfiskuara me vendet e huaja dhe dhënien e ndihmës për konfiskimet pa dënim...”**, si dhe ka arritur në përfundimin se **“Në përgjithësi, Shqipëria ka adresuar të gjitha mangësitë sipas R.38. Prandaj, R.38 është përmirësuar në “C/complaint”, duke u përmbushur ky rekomandim dhe me kontributin institucional të prokurorisë.**

1.17.4.3 Në kuadrin e rekomandimit të BE-së dhe masave të planit të veprimit të ICRG/FATF-Shqipëri, Prokuroria e Përgjithshme ka vijuar përgatitjen e kontributin institucional dhe në bashkërendim me Prokurorinë e Posaçme përmbushur rezultatet e pritshme imediate IO.7 dhe IO.8 të progres raportit, si dhe është përfaqësuar në takimet e përbashkëta (F2F), online me 14 janar 2022 dhe me prani në pjesëmarrje me 5 maj 2022, 8 shtator 2022 dhe 12 janar 2023, me ekspertët e ICRG/FATF-së në kuadrin e Planit të Veprimit të FATF/ICRG-Shqipëri.

i) Në plenaren e FATF⁴³, në Paris, 24 shkurt 2023, Shqipëria, ndër të tjera, është vlerësuar se **“...Shqipëria ka përfunduar në mënyrë thelbësore planin e saj të veprimit dhe vlerëson punën e Shqipërisë për të adresuar mangësitë e saj strategjike...”**

1.17.4.4 Në kuadrin e zbatimit të Udhërrëfyesit Rajonal mbi Armët e Vogla dhe të Lehta në vitet 2019-2024, Prokuroria e Përgjithshme ka përmbushur detyrimet institucionale nëpërmjet dhënies së kontributeve të prokurorisë për progresin në zbatimin e planit të veprimit të Udhërrëfyesit Rajonal dhe pjesëmarrjes aktive të përfaqësuesit të Prokurorisë së Përgjithshme në takimet periodike, qershor-korrik dhe nëntor-dhjetor (dy herë në vitin 2022), të Grupit Lokal të Koordinimit dhe të Koordinimit Rajonal për zbatimin e Udhërrëfyesit në vendet e Ballkanit Përendimorë.

1.17.4.5 Përgatitur dhe dërguar në Ministrinë për Europën dhe Punët e Jashtme (MEPJ) kontributin institucional për progresin në prokuroritë e juridiksionit të përgjithshëm, në kuadrin e dy Misioneve të Vlerësimit të Ekspertëve të BE-së, si Misioni “Mbi korrupsionin e niveleve të larta, krimin e organizuar dhe pastrimin e parave” në datat 31 janar – 4 shkurt 2022, ashtu dhe Misioni “Mbi vlerësimin e terrorizmit dhe ekstremizmin e dhunshëm” në datat 26-30 shtator 2022, si dhe pjesëmarrje në takimet e planifikuara me përfaqësuesit e dy misioneve, të cilët kanë shprehur vlerësime për progresin dhe në prokuroritë e juridiksionit të përgjithshëm.

1.17.5. Prokuroria e Përgjithshme është angazhuar dhe kontribuar në përmbushjen e detyrimeve që rrjedhin nga procesi i integritetit me Bashkimin Evropian në kuadër të takimeve dypalësh “Screening” Shqipëri-Bashkimi Evropian, për Kapitulli 23 “Gjyqësori dhe të Drejtat Themelore” dhe Kapitulli 24 “Drejtësia, Liria, Siguria” të zhvilluara në Bruksel, përkatësisht në datat 8-10 nëntor dhe 24- 25 nëntor 2022. Dy grupet e punës të ngritura në Prokurorinë e Përgjithshme kanë kontribuar në

⁴² Rekomandimi 38 i Moneyval, ku përfshihen paragrafët: “c.38.1 “Vendet duhet të kenë autoritetin për ndërmarrjen e veprimeve të shpejta në përgjigje të kërkesave të vendeve të huaja për të identifikuar, ngrirë, sekuestruar ose konfiskuar: (a) pastruar pronën nga, (b) rrjedh nga, (c) instrumentet e përdorura në, ose (d) instrumentet e destinuara për përdorim në, pastrim parash, vepra penale, apo financim i terrorizmit; ose (e) vetinë me vlerën përkatëse”; - c.38.2 “Vendet duhet të kenë autoritetin për të ofruar ndihmë për kërkesat për bashkëpunim të bëra në bazë të procedurave të konfiskimit jo të dënuara dhe masave të përkohshme të lidhura, të paktën në rrethanat kur një kryes nuk është i disponueshëm për shkak të vdekjes, ikjes, mungesës ose kryesi është i panjohur, përveç nëse kjo nuk është në përputhje me parimet themelore të së drejtës së brendshme”; c.38.3 “Vendet duhet të kenë: (a) aranzhimet për bashkërendimin e veprimeve të sekuestrimit dhe konfiskimit me vendet e tjera; dhe (b) mekanizmat për menaxhimin dhe kur është e nevojshme për asgjësimin e pronës së ngrirë, sekuestruar ose konfiskuar”; c.38.4 “Vendet duhet të jenë në gjendje të ndajnë pronën e konfiskuar me vendet e tjera, veçanërisht kur konfiskimi është drejtpërdrejt ose indirekt rezultat i veprimeve të koordinuara të zbatimit të ligjit.”

⁴³ Shih: <https://www.fatf-gafi.org/en/publications/High-risk-and-other-monitored-jurisdictions/Increased-monitoring-february-2023.html>

përgatitjen e materjaleve të prezantuara prej tyre në përbërje të delegacionit shqiptar në takimin dy palësh me delegacionin e BE-së lidhur me nivelin e përafrimit të legjislacionit shqiptar në fushën e drejtësisë penale me *acquis* e BE-së, politikat e ndjekura, kapacitetet institucionale për implementimin e legjislacionit të BE, fusha ku është kërkuar dhe integrimi i përshpejtuar, si dhe kontribuar edhe për përgatitjen e prezantimeve të institucioneve të tjera të përfshira.

✚ Në përmbushje të detyrave kushtetuese e ligjore, rekomandimin e rezolutës dhe rekomandimet e BE në vështrimin institucional të prokurorisë i konsiderojmë të përmbushura për vitin 2022 për faktin se, janë realizuar aktivitetet, si për ngritjen me akt normativ të strukturës perkatese të integritit në Prokurorinë e Përgjithshme ku normohen funksionet për përmbushjen e detyrave dhe/ose angazhimeve institucionale të prokurorisë në kuadrin e integritit evropian të vendit dhe përmbushjen e rekomandimeve që rrjedhin nga procesi i integritit në BE, nëpërmjet veprimtarisë të Prokurorit Ndërlidhës të Shqipërisë në Eurojust, plotësimin e kërkesave në rekomandimin R.38 të Komisionit të Ekspertëve të KiE-së Moneyval për Shqipërinë, plotësimin në bashkërendim e koordinim me Prokurorinë e Posaçme të rezultateve imediate IO.7 dhe IO.8 të planit të veprimit të FATF/ICRG dhe kontribuar në përmbushjen e detyrimeve që rrjedhin nga procesi i integritit në kuadër të takimeve dypalëshe “*Screening*” Bashkimi Evropian - Shqipëri, për Kapitullin 23 “Gjyqësori dhe të Drejtat Themelore”, Kapitullin 24 “*Drejtësia, Liria, Siguria*” dhe në aktivitetet e tjera të listuara në kuadrin e këtij rekomandimi.

Kontributi për reformimin e kuadrit ligjor në Kuvendin e Shqipërisë dhe institucione kushtetuese

1.18 Marrëdhëniet e Prokurorisë së Përgjithshme me Kuvendin e Shqipërisë janë në raporte bashkëpunimi për përmirësimin e projektligjeve objekt shqyrtimi në komisione.

1.18.1 Përgjatë vitit 2022 në kuadrin e reformës ligjore dhe bashkëpunimit ndërinstitucional me Kuvendin e Shqipërisë, dhe jo vetëm, mbi kërkesat e tyre për dhënie mendimi/opinionit për projektligje, Prokuroria e Përgjithshme bazuar në kërkimet, analizat dhe vlerësimet ligjore në fushat përkatës, me synim përjasjen e tyre me Kushtetutën e ligjet, dhe qartësimin e formulimit të tyre, në vështrimin institucional të prokurorisë ka përgatitur dhënie mendimi/opinionit dhe/ose sugjerime për ndryshime apo plotësime të nevojshme, në projektligje të ardhura për mendim, ku mund të përmendim: -projektligje të ardhura për mendim nga Komisioni për Çështjet Ligjore dhe Komisioni i Sigurisë Kombëtare të Kuvendit të Shqipërisë, -projektligje të ardhura nga institucionet kushtetuese, si Ministria e Drejtësisë; -Ministria e Brendshme, -Ministria e Financës dhe Ekonomisë etj.

i) Në projektligjet e iniciuar për ushtrimin e nismës për ndryshime e shtesa në ligje dhe objekt dhënie opinion, veçojmë disa projektligje:

- “Paketa me projektligje për përmirësimin e funksionalitetit, efikasitetit dhe efektivitetit në shtimin e prokurorisë”, paketë me projektligje të iniciuara nga Prokuroria e Përgjithshme për ushtrimin e nismës për ndryshime e shtesa në ligjet përkatëse;

-“Projektligji për ndryshime e shtesa në Kodin Penal”;

-“ Projektligji për disa shtesa dhe ndryshime në ligjin nr. 96, datë 06.10.2016 “Për statusin e gjyqtarëve dhe prokurorëve në Republikën e Shqipërisë” i ndryshuar”

“Projektligji për disa shtesa dhe ndryshime në ligjin nr. 119, datë 14.09.2014 “Për të drejtën e informimit”;

-“ Projektligji për amnistinë fiskale dhe penale të subjektet që bëjnë deklaram vullnetar të pasurive”

-“ Projektligji për disa shtesa dhe ndryshime në ligjin nr. 13/2015 “Për policinë ushtarake në Forcat e Armatosura të R.Sh”;

-“ Projektligji për nënshkrimin e Protokollit dytë shtesë të Konvetës së Këshillit të Europës “Për krimin kibernetik mbi rritjen e bashkëpunimit dhe zbulimin e provave elektronike”

Etj.

2. Zbatimi i rekomandimeve prioritare të Këshillit të Ministrave “Për luftën kundër kriminalitetit për vitin 2022”

Në zbatim të nenit 103 pika 3 të ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, Rekomandimet Prioritare “Për luftën kundër kriminalitetit për vitin 2022” të miratuara me vendimin e Këshillit të Ministrave nr. 304, datë 11.05.2022⁴⁴ ju bënë të njohura drejtuesve të prokurorisë të juridiksionit të përgjithshëm të gjithë niveleve, në një mbledhje të përbashkët të organizuar në datë 10.06.2022, ku mori pjesë edhe drejtuesi i Prokurorisë së Posaçme.

2.1 Prokurori i Përgjithshëm, në cilësinë e autoritetit që kujdeset për ushtrimin e kompetencave kushtetuese dhe ligjore të prokurorisë⁴⁵, në kuadrin e zbatimit si të Rezolutës së Kuvendit të Shqipërisë datë 14.07.2022, ashtu dhe zbatimit të rekomandimeve të KM, në datë 29.07.2022, miratoi udhëzimin e përgjithshëm⁴⁶ nr. 2/2022 “Për rekomandimet prioritare të Këshillit të Ministrave në luftën kundër kriminalitetit për vitin 2022 në prokuroritë e juridiksionit të përgjithshëm”, me synim orientimin e politikave institucionale për ndjekjen e unifikuar të rekomandimeve prioritare në luftën kundër kriminalitetit nëpërmjet masave administrative dhe procedurale të përcaktuara për drejtuesit dhe prokurorët e juridiksionit të përgjithshëm, duke siguruar pavarësinë e prokurorisë⁴⁷ si organ që garanton mbarëvajtjen, kontrollin e veprimtarisë së saj dhe respekton pavarësinë e brendshme të prokurorëve për hetimin dhe ndjekjen penale sipas ligjit, ku janë parashikuar:

2.1.1 Masa administrative të marra sipas ligjit për nxjerrjen e udhëzimit të përgjithshëm dhe për hartimin e miratimit të planit të veprimit, për të siguruar ndjekjen e rekomandimeve prioritare, në përputhje me specifikat dhe gjendjen e prokurorisë përkatëse që drejtojnë, përfshi nevojat për buxhet (nëse është i nevojshëm), për të siguruar ndjekjen e rekomandimeve prioritare, duke siguruar pavarësinë e institucionit të prokurorisë dhe garantuar pavarësinë e prokurorëve në ushtrimin e funksioneve kushtetuese dhe ligjore.

2.1.1.1 Mbikëqyrja e përditësimit dhe plotëshmërisë së të dhënave për procedimet/çështjet e pastrimit të parave dhe procedimeve pasurore nëpërmjet sistemit elektronik e-tracking PRESTO si për vënien në efikasitet sa më të plotë, ashtu dhe për përfundimin e të dhënave statistikore, sipas një baze të të dhënave të qëndrueshme e të besueshme, për reforma të mëtejshme, për të rritur numrin e procedimeve penale të dërguara për gjykim dhe të dënimeve për veprat penale prioritare dhe sipas tipologjive të rekomanduara.

2.1.1.2 Marrja e masave për rritjen më tej të efikasitetit në bashkëpunimin ndërinstitucional për përmbushjen e rekomandimeve të Moneyval-it, në kuadrin e mbikëqyrjes/monitorimit të zbatimit të udhëzimit të përgjithshëm nr. 10/2020 “Për masat administrative dhe procedurale për rritjen e

⁴⁴ Shih, vendimin e Këshillit të Ministrave nr. 304, datë 11.05.2022 “Për miratimin e rekomandimeve prioritare në luftën kundër kriminalitetit për vitin 2022” publikuar në Fletoren Zyrtare, Viti: 2022 – Numri: 74, publikuar me 18 maj 2022.

⁴⁵ Shih, neni 38 pikën 2 shkronja “F” të ligjit nr. 97/2016 “Për organizimin dhe funksionimin e prokurorisë në R.Sh” që parashikon: “2. Prokurori i Përgjithshëm ushtron këto kompetenca: f) kujdeset për ushtrimin e kompetencave ligjore e kushtetuese të prokurorisë.”

⁴⁶ Neni 46 “Udhëzimet e përgjithshme të detyrueshme” i ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, në pikën 1, parashikon: “1. Prokurorët më të lartë mund të nxjerrin udhëzime të përgjithshme dhe të arsyetuara me shkrim, të cilat janë të detyrueshme për prokurorët më të ulët...”

⁴⁷ Neni 148 i Kushtetutës së Republikës së Shqipërisë, i cili në pikën 2 parashikon: “2. Prokuroria është organ i pavarur që garanton mbarëvajtjen, kontrollin e veprimtarive të saj dhe respekton pavarësinë e brendshme të prokurorëve për hetimin dhe ndjekjen penale sipas ligjit”

efektivitetit në luftën kundër pastrimit të parave e krimeve financiare dhe financimin e terrorizmit, dhe në hetimet pasurore në prokuroritë me juridiksion të përgjithshëm” si për të rritur më tej numrin e procedimeve dhe të pandehurve të dërguar për gjykim, dhe të dënuarve për veprat penale të pastrimit të parave, veçanërisht persona të tretë profesionistë dhe/ose subjekte raportuese (gatekeeper), ashtu dhe për rritjen më tej të hetimeve financiare e pasurore për identifikimin, sekuestrimin dhe/ose konfiskimin e pasurive produkte të veprimtarisë kriminale, ose vlerën ekuivalente, bazuar në prova/rrethana fakti objektive sipas ligjit.

2.1.1.3 Masa në drejtim të riorganizimit të brendshëm, koordinimit dhe forcimit të kapaciteteve institucionale dhe profesionale prioritare të rekomanduara dhe mbikëqyrjen/monitorimin në vazhdimësi të ecurisë së tyre, si dhe të informojnë Prokurorinë e Përgjithshme sa herë kërkohet⁴⁸, për progresin e arritur, dhe si kanë ndikuar rekomandimet prioritare mbi gjendjen e kriminalitetit në prioritetet e rekomanduara.

2.1.2 Masa procedurale nga drejtuesi i prokurorisë ose sipas rastit nga shefi i seksionit në fazën e hetimeve, ushtrimit të ndjekjes penale dhe përfaqësimit të akuzave/çështjeve në gjykim, si:

i) nxjerrja e udhëzimeve të përgjithshme që sigurojnë zbatimin e rekomandimeve prioritare dhe garantojnë e lehtësojnë zbatimin e udhëzimeve të përgjithshme të Prokurorit të Përgjithshëm;

ii) nxjerrja e udhëzimeve jo të detyrueshme për çështje konkrete;

iii) proaktiv në fillimin kryesisht të procedimeve/hetimeve, verifikimin e ecurisë dhe përfundimin e çështjeve për veprat penale prioritare të rekomanduara, duke monitoruar në veçanti, afatet procedurale, rritjen e efektivitetit dhe plotshmërisë së hetimeve, si dhe respektimin e të drejtave të subjekteve të procedimit penal dhe garantimin e procesit të rregullt ligjor;

iv) koordinimin e veprimtarisë me prokuroritë e tjera për çështje konkrete që lidhen me fushat/drejtimit prioritare të rekomanduara;

v) kërkimi i informacionit, verifikimi i ecurisë dhe përfundimit të procedimeve për veprat penale prioritare të rekomanduara;

vi) verifikimi i ecurisë dhe përfundimit të çështjeve për veprat penale prioritare të rekomanduara sipas ligjit dhe në kuadrin e forcimit të mekanizmit të kontrollit e llogaridhënies, duke garantuar paanshmërinë dhe shmangien e çdo lloj influence apo ndikimi ndaj prokurorit gjatë kryerjes së hetimeve/ndjekjes penale në drejtimit prioritare të rekomanduara;

vii) marrja e masave administrative të nevojshme nga prokurorët që në koordinim me zyrën e regjistrimit të pasqyrohen të dhënat e sakta për ecurinë e procedimit/çështjes me synim përmirësimin e koordinimit institucional në raportimin e të dhënave statistikore në drejtimit prioritare të rekomanduara;

viii) zhvillimi i mbledhjeve tematike me prokurorët e seksioneve dhe/ose me prokurorët e caktuar për ndjekjen e çështjeve apo me oficerët e policisë gjyqësore të seksioneve apo të strukturave hetimore në shërbimet e Policisë së Gjyqësore të caktuar për kryerjen e hetimeve për veprat penale prioritare të rekomanduara;

ix) nxjerrja e urdhrave për policinë gjyqësore që kanë në juridiksion lidhur me rritjen e cilësisë dhe efektivitetit në ushtrimin e funksioneve në luftën kundër veprave penale prioritare të rekomanduara;

⁴⁸ Shih, nenet 50 pika 1 e 103 pika 5 të ligjit nr. 97/2016 “Për organizimin dhe funksionimin e prokurorisë në R.Sh”, në lidhje me nenin 6, paragrafi 32 i ligjit nr. 8678, datë 14.5.2001 “Për organizimin dhe funksionimin e Ministrisë së Drejtësisë” i ndryshuar, që parashikon: “... Ministri i Drejtësisë ndjek në vazhdimësi mënyrën e zbatimit të rekomandimeve të dhëna prej Këshillit të Ministrave. Për këtë qëllim, Ministri i Drejtësisë kërkon jo më pak se dy herë në vit pranë Prokurorit të Përgjithshëm dhe Drejtuesit të Prokurorisë së Posaçme informacion mbi zbatimin e tyre...” dhe nenin 50 pika 1 e ligjit nr. 97/2016 “Për organizimin dhe funksionimin e prokurorisë në R.Sh”

x) mbështetje për prokurorët në ushtrimin e funksioneve nëpërmjet menaxhimit të duhur të burimeve njerëzore dhe logjistikës në dispozicion, si dhe për krijimin e ambienteve të përshtatshme në prokurori në zbatim të Kodit të Drejtësisë për të Mitur për të siguruar aksesin për persona me paaftësi fizike dhe pritjen e publikut, sipas prioriteteve të rekomanduara;

xi) bashkëpunimi në mënyrë efektive me institucionet shtetërore dhe ato ligjzbatuese me rol të posaçëm në luftën kundër veprave penale prioritare të rekomanduara, si dhe organizimi dhe zhvillimi i analizave të përbashkëta ndërinstitucionale në drejtimet/fushat ose për veprat penale prioritare të rekomanduara;

xii) koordinimi dhe organizimi i trajnimeve të përbashkëta me agjencitë e zbatimit të ligjit dhe lehtësimit i pjesëmarrjes së prokurorëve dhe oficerëve të policisë gjyqësore në trajnime të përbashkëta me agjencitë e tjera të zbatimit të ligjit për forcimin e kapaciteteve profesionale në fushat e rekomanduara.

2.1.3 Masa procedurale që duhen marrë nga prokurorët lidhur me rekomandimet prioritare për luftën ndaj kriminalitetit, për rritjen e efikasitetit dhe efektivitetit në luftën kundër kriminalitetit sipas prioriteteve të rekomanduara, duke ruajtur pavarësinë nga çdo ndikim të paligjshëm në vendimarrjen e tyre, si:

i) të jenë aktiv gjatë hetimeve paraprake sipas ligjit⁴⁹, në funksion të shtimit të rasteve të hetimeve të filluara kryesisht për veprat penale prioritare të rekomanduara;

ii) kryerja e hetimeve të plota e të gjithanshme për veprat penale prioritare të rekomanduara, sipas kompetencës lëndore, në bashkërendim me Prokurorinë e Posaçme sipas ligjit dhe aktit të koordinimit ndërinstitucional⁵⁰, duke rritur më tej treguesit/rastet e hetimeve proaktive efektive, dhe përdorimin e mjeteve/metodave speciale të hetimit dhe hetimeve financiare/pasurore, për sekuestrimin/konfiskimin e pasurive/aseteve prodhuese të veprës penale ose veprimtarisë kriminale prioritare të rekomanduara;

iii) lidhja e marrëveshjeve të bashkëpunimit në zbatim të nenit 37/a të Kodit të Procedurës Penale, për vënien përpara përgjegjësisë të çdo bashkëpunëtorit në veprimtarinë kriminale, me synim për të parandaluar dhe riparuar dëmet e shkaktuara për veprat penale prioritare të rekomanduara;

iv) përdorimi i bazave të të dhënave të institucioneve ligjzbatuese të tjera ku prokuroria ka akses për rritjen e efikasitetit të hetimit;

v) kryerja e analizave të përbashkëta me oficerët e policisë gjyqësore të seksioneve dhe të shërbimeve policore në strukturat hetimore përkatëse dhe/ose të agjencive ligjzbatuese, për rastet e referuara, shkëmbimin dhe kërkimin e ekspertizës në funksion të përmirësimit të shpejtësisë e gjithanshmërisë në ecurinë e hetimeve të specializuara, për veprat penale dhe/ose ndaj subjekteve prioritare të rekomanduara;

vi) tregojnë kujdes të shtuar për ruajtjen e sekretit të hetimit dhe ndalimi i publikimit të akteve në luftën kundër krimeve të rënda prioritare të rekomanduara;

vii) sigurimi i zbatimit të udhëzimeve të përgjithshme të Prokurorit të Përgjithshëm, sipas fushave/drejtimeve prioritare të rekomanduara;

viii) sigurimi i zbatimit efektiv të të drejtave procedurale penale të pandehurve, personave nën hetim apo të dyshuarve, ashtu dhe të viktimave, për veprat penale prioritare të rekomanduara;

ix) ndjekja e një politike penale efektive dhe eficiente, me synim rritjen e efektivitetit në luftën kundër krimeve prioritare të rekomanduara, ashtu dhe për parandalimin e posaçëm dhe të

⁴⁹ Shih, nenin 24 “Funksionet e prokurorit” të K.Pr.Penale, i cili në pikën 6 parashikon: “6. Kur nuk është i nevojshëm ankimi i viktimës, ndjekja penale ushrohet kryesisht”, në lidhje me nenin 5 “Detyrueshmëria e ushtrimit të ndjekjes penale” të ligjit nr. 97/2016 “Për organizimin dhe funksionimin e prokurorisë në R.SH”, i cili parashikon: “Ushtrimi i ndjekjes penale është i detyrueshëm, me përjashtim të rasteve kur ligji parashikon ndryshe”.

⁵⁰ Shih, Aktin e Koordinimit Ndërinstitucional, datë 15 dhjetor 2020, mes Prokurorit të Përgjithshëm dhe Drejtuesit të Prokurorisë së Posaçme.

përgjithshëm të veprave penale prioritare të rekomanduara, veçanërisht, duke analizuar, vlerësuar dhe arsyetuar në aktet/kërkesat/konkluzionet procedurale, si rrethanat e faktit të bazuara në prova, ashtu dhe kushtet/kriteret ligjore për:

- ashpërsimin e kërkesave për caktimin e masave të sigurimit personal dhe për caktimin e llojit dhe masës së dënimit për veprat penale kultivimi i narkotikve, dhuna në familje, dhuna gjinore, krimet seksuale dhe/ose vepra penale të tjera të rekomanduara;
- vijimin e aplikimit të masave alternative të shmangies ndaj të miturve në konflikt me ligjin sipas rekomandimeve prioritare;
- zbutjen e dënimit apo aplikimin e dënimeve alternative në rastet e veprave penale dhe/ose autorëve me rrezikshmëri të ulët shoqërore, personave vulnerabël ose personave me probleme serioze shëndetësore sipas rekomandimeve prioritare;

x) rritja e numrit të kërkesave për gjykim të drejtpërdrejtë dhe për zbatimin e instituteve procedurale penale (gjykimi me marrëveshje dhe urdhri penal), duke vlerësuar kushtet dhe kriteret ligjore dhe synimet prioritare të rekomanduara;

xi) rritja e aftësive profesionale të tyre nëpërmjet pjesëmarrjes në trajnime dhe në tryeza diskutimesh, veçanërisht për zbatimin e dispozitave të reja të Kodit Penal, si dhe trajnime të përbashkëta me oficerët e policisë gjyqësore të seksioneve dhe të strukturave hetimore në shërbimet, me fokus në fushat dhe drejtimit prioritare të rekomanduara.

2.1.4 Në datë 29.07.2022, Prokurori i Përgjithshëm miratoi urdhrin nr. 57/2022 “Për miratimin e planit të veprimit për zbatimin e “Rekomandimeve të Këshillit të Ministrave në luftën kundër kriminalitetit për vitin 2022”.

2.1.4.1 Këto akte u dërguan për njohje e zbatim në prokuroritë e juridiksionit të përgjithshëm me shkresat nr. 1108 datë 29.07.2022 dhe nr. 1108/4 datë 29.07.2022 të Prokurorisë së Përgjithshme.

2.2 Prokurori i Përgjithshëm, me shkresat nr. 1108/9 datë 04.11.2022 dhe nr. 118 datë 25.01.2022 ka kërkuar informacion nga prokuroritë e juridiksionit të përgjithshëm për ecurinë e këtyre rekomandimeve, nëpërmjet zbatimit të udhëzimit të përgjithshëm nr. 2/2022 dhe planit të veprimit të miratuar me urdhrin nr. 57/2022, të shoqëruar me disa tregues statistikor të vitit 2022, dhe me shpjegime të qarta mbi angazhimet, rezultatet dhe problematikat në zbatimin e tyre.

2.2.1 Përveç sa u trajtua më sipër lidhur me zbatimin e rekomandimeve të Rezolutës së Kuvendit datë 14.07.2022, ku përfshihen zbatimi i gjithë rekomandimeve prioritare të **drejtimit I “Garantimi i pavarësisë dhe përgjegjshmërisë së prokurorit”** dhe **drejtimit II “Lufta kundër korrupsionit”** të vendimit KM, gjejmë me vend t’ju informojmë për masat e tjera të marra dhe progresin në përmbushjen e disa rekomandimeve prioritare në drejtimet e tjera të vendimit të Këshillit Ministrave përgjatë vitit 2022, sipas drejtimeve ku fokusohen, si më poshtë:

Lidhur me rekomandime në drejtimin: Lufta kundër krimit të organizuar.

2.3. Lidhur me rekomandimin prioritar **“4.Ashpërsimin e politikës penale për veprat penale në fushën e narkotikëve lidhur me masat e sigurimit personal dhe dënimin e tyre”**, janë zhvilluar aktivitetet dhe arritur rezultatet si më poshtë:

2.3.1 Në kuadrin e këtij rekomandimi, në zbatim të udhëzimit të përgjithshëm nr. 2/2022 “Për rekomandimet prioritare të Këshillit të Ministrave në luftën kundër kriminalitetit për vitin 2022 në prokuroritë e juridiksionit të përgjithshëm” prokurorët janë udhëzuar për ndjekin e një politike penale efikase/efektive, duke analizuar, vlerësuar dhe arsyetuar në aktet/kërkesat/konkluzionet procedurale, si rrethanat e faktit të bazuara në prova, ashtu dhe kushtet/kriteret ligjore, në ashpërsimin ... e politikës së dënimit, nëpërmjet kërkesave për caktimin e masave të sigurimit personal, ashtu dhe për

mënyrën e caktimit të llojit dhe masës së dënimit për veprat penale prioritare të rekomanduara si prodhimi dhe kultivimi i narkotikëve, me synim rritjen e efektivitetit në luftën kundër këtyre krimeve prioritare të rekomanduara.

2.3.2 Në këtë vështrim, referuar të dhënave statistikore, kërkesat e prokurorit lidhur me masat e sigurimit për persona që kanë kryer krime në fushën e narkotikëve janë të ashpra, ku 99.98 % është numri (947) i personave me masa shtrënguese, prej të cilëve 83,3 % janë kërkesa për masa sigurimi me arrest ose krahasuar me vitin 2021 ky raport rezulton i njëjtë (83.2 %) i kërkesa për masa sigurimi me arrest.

2.3.3 E njëjta politikë penale vërehet edhe në lidhje me kërkesat për caktimin e dënimit, për të pandehurit e akuzuar për këto krime. Kështu, në vitin 2022 numri i kërkesave për caktimin e dënimit me burg është 66.2% dhe numri i kërkesave për caktimin e alternativave të dënimit me burg është 33.8 %. Krahasuar me vitin 2021, ky raport ishte më i zbutur, pasi numri i kërkesave me burgim ka qenë 64.5 % dhe numri i kërkesave për alternativa dënimi me burgim ka qenë 35.5 %. Gjithashtu, krahasimi i dy periudhave të dënimeve me burgim evidenton se në vitin 2022: dënimet maksimale janë rritur 130 %; dënimet mesatare janë rritur 29.9 % dhe dënimet minimale janë rritur 4 % krahasuar me vitin 2021.

✚ Në përmbushje të detyrave kushtetuese e ligjore, e konsiderojmë të përmbushur këtë rekomandim prioritar të KM, për faktin se, në zbatim të udhëzimit të përgjithshëm nr. 2/2022 treguesit statistikorë për veprat penale në fushën e narkotikëve evidentojnë se, politika penale e kërkesave të prokurorëve ka qenë e ashpër, si për caktimin e masave të sigurimit personal, ashtu dhe në caktimin e llojit dhe masave të dënimit ndaj autorëve të veprave penale në fushën e narkotikëve. Rritja e efektivitetit në ushtrimin e ndjekjes penale dhe ashpërsimi i politikës së dënimit për grupveprat në fushën e narkotikëve, krahas masave të tjera, kanë ndikuar në uljen e veprave penale në këtë fushë, veçanërisht të veprës penale kultivimi i bimëve narkotike.

Lidhur me rekomandimet në drejtimin: Forcimi i respektimit të të drejtave të njeriut.

2.4 Lidhur me rekomandimin: ***“2.Shtimin e numrit të rasteve të zbatimit të instrumenteve lehtësuese penale (marrëveshje, urdhri penal) dhe rritja e rasteve të gjykimit të drejtpërdrejtë, me synim hetimin dhe gjykimin e çështjeve penale në një afat sa më të shpejtë, duke mbajtur në konsideratë kompleksitetin, rrezikshmërinë e veprës, si dhe duke ruajtur efikasitetin dhe cilësinë e hetimeve”***, janë zhvilluar aktivitetet dhe arritur rezultatet si më poshtë:

2.4.1 Në kuadrin e këtij rekomandimi, në udhëzimin e përgjithshëm nr. 2/2022 prokurorët janë udhëzuar për të ndjekur një politikë penale efektive dhe eficiente, për vijimin në rritjen e numrit të kërkesave për gjykim të drejtpërdrejtë dhe për rritjen e numrit të kërkesave në zbatimin e instituteve procedurale penale të gjykimit me marrëveshje dhe urdhrin penal, duke vlerësuar kushtet dhe kriteret ligjore dhe synimet prioritare të rekomanduara për parandalimin e posaçëm dhe të përgjithshëm të veprave penale, duke analizuar, vlerësuar dhe arsyetuar në aktet/kërkesat/konkluzionet procedurale, si rrethanat e faktit të bazuara në prova, ashtu dhe kushtet/kriteret ligjore.

2.4.2 Prokuroria e Përgjithshme ka vijuar mbikëqyrjen e zbatimit të udhëzimit të përgjithshëm nr. 9, datë 21.12.2021 ***“Për marrëveshjen mbi kushtet për pranimin e fajësisë dhe për caktimin e dënimit”***, nëpërmjet të dhënave statistikore periodike, treguesve lidhur me kërkesat e prokurorit në gjykimin e çështjeve në zbatimin e këtyre instituteve, ashtu dhe nëpërmjet informacioneve, për problematikat dhe praktikatat e mira të shoqëruara me praktikë gjyqësore sa më të konsoliduar në zbatimin e këtyre

institutive të reja procedurale penale, me synim shtimin e numrit të rasteve dhe unifikimin e akteve procedurale penale në zbatimin e institutit të marrëveshjes mbi kushtet për pranimin e fajësisë dhe për caktimin e dënimit të pandehurit në prokuroritë me juridiksion të përgjithshëm, si dhe rritjen e efikasitetit në veprimtarinë e sistemit të drejtësisë penale.

2.4.2.1 Referuar të dhënave statistikore për vitin 2022 prokurorët kanë kërkuar në gjykatë: - miratimi i urdhrit penal për 254 çështje me 265 të pandehur për kundravajtje penale ose me shifra të njëjta (nga 269 në 265) të pandehurve krahasuar me vitin 2021, të cilat kryesisht janë për vepra penale me rrezikshmëri shoqërore të ulët; -miratimin e marrëveshjes për pranimin e fajësisë për 265 çështje me 268 të pandehur ose me ulje 49 % të çështjeve dhe 50 % të pandehurve krahasuar me vitin 2021, si dhe -kanë kërkuar gjykimin e drejtpërdrejtë për 245 çështje me 247 të pandehur ose me ulje 14,6 % të çështjeve dhe 14,8 % të pandehurve krahasuar me vitin 2021.

✚ Në përmbushje të funksioneve kushtetuese e ligjore, e konsiderojmë të zbatuar pjesërisht këtë rekomandim, për faktin se evidentohen shifra të njëjta në aplikimin e urdhrit penal, dhe ka shifra në rënien tek marrëveshja për pranimin e fajësisë dhe për gjykimet e drejtpërdrejta krahasuar me vitin 2021. Në këtë vështrim, do kërkohej nga drejtuesit e prokurorive për të analizuar shkaqet e rënies të treguesve në zbatim të këtyre dy gjykimeve të posaçme dhe marrjen e masave sipas ligjit, për zbatimin e udhëzimit të përgjithshëm nr. 9/2021 dhe udhëzimit nr. 2/2022 për rritjen e treguesve në aplikimin e këtyre gjykimeve të posaçme për vitin 2023.

2.5. Lidhur me rekomandimin: “Nxitjen e aplikimit të dënimeve alternative në rastet e veprave penale dhe/ose autorëve me rrezikshmëri të ulët shoqërore, personave vulnerabël dhe personave me probleme shëndetësore” janë zhvilluar aktivitetet dhe arritur rezultatet e mundshme si më poshtë:

2.5.1 Në kuadrin e këtij rekomandimi, në udhëzimin e përgjithshëm nr. 2/2022 prokurorët janë udhëzuar për të ndjekur një politikë penale efikente dhe efektive, duke analizuar, vlerësuar dhe arsyetuar në aktet/kërkesat/konkluzionet përkatëse, si referuar në rrethanat e faktit të bazuara në prova, ashtu dhe në kushtet/kriteret ligjore, për zbutjen e dënimit apo aplikimin e dënimeve alternative në rastet e veprave penale dhe/ose autorëve me rrezikshmëri të ulët shoqërore, personave vulnerabël ose personave me problem serioze shëndetësore sipas ligjit, me synim rehabilitimin dhe parandalimin e posaçëm e të përgjithshëm të veprave penale të kryera nga kjo kategori subjektsh, duke analizuar, vlerësuar dhe arsyetuar rast pas rasti në aktet/kërkesat apo konkluzionet sipas cilësive të veçanta të subjekteve përkatëse për tu konsideruar si rrethana lehtësuese në kuptim dhe zbatim të nenit 49 të Kodit Penal.

2.5.2 Në përmbushje të funksioneve kushtetuese dhe ligjore, Prokuroria e Përgjithshme në kuadrin e mbikëqyrjes së zbatimit, si të udhëzimit të përgjithshëm nr. 2/2022, ashtu dhe të udhëzimeve të përgjithshme nr. 5/2018 dhe nr. 17/2020, në vijimësi ka kërkuar informacion si po respektohet zbatimi i detyrimeve ligjore dhe atyre që rrjedhin nga këto udhëzime të përgjithshme për aplikimin e dënimeve alternative në rastet e veprave penale dhe/ose autorëve me rrezikshmëri të ulët shoqërore, personave vulnerabël dhe personave me probleme shëndetësore.

2.5.2.1 Nisur nga natyra specifike që ka secili grup subjektsh, objekt i këtij rekomandimi, siç janë “autorë me rrezikshmëri të ulët shoqërore”, “persona vulnerable” dhe “persona me probleme shëndetësore”, të cilët mund të jenë autorë të drejtpërdrejtë të veprës/ve penale dhe/ose bashkëpunëtorë apo bashkëautorë të përfshirë me persona të tjerë në kryerjen e veprës penale, në trajtimin e tyre sipas specifikave dhe kërkesat për caktimin e dënimit ndaj tyre, prokurorët e nxituri për aplikimin e kërtimeve me dënime alternative, por dhe gjykatat, rast pas rasti kanë vlerësuar kushtet dhe kriteret ligjore për caktimin e dënimit ndaj tyre duke marrë parasysh rrezikshmërinë e

veprës penale, të autorit të përfshirë në këtë grup subjektësh, shkallën e fajit si dhe rrethanat lehtësuese të parashikuara në nenet 47, 48, 49të Kodit Penal, si dhe caktimin e dënimeve alternative ndaj tyre sipas neneve 59, 60 e vijues të Kodit Penal.

2.5.2.1 Referuar të dhënave statistikore për vitin 2022 lidhur me alikimin e dënimeve alternative në raport me dënimet me burgim, rezulton se për të gjitha kategoritë e veprave penale që mund të jenë kryer dhe nga persona të përfshirë në këtë grup subjektësh janë dhënë gjithsejt 9447 dënime me burgim, prej të cilëve 6303 janë dënime alternative të dënimit me burgim, të cilët mund të jenë dhënë dhe ndaj “autorëve me rrezikshmëri të ulët shoqërore”, “personave vulnerable” dhe “personave me probleme shëndetësore”. Këto tregues evidentojnë se në vitin 2022 dënimet alternative zënë 66,7 % të dënimeve me burgim, ndërsa në vitin 2021 zënë 60,7 % të dënimeve me burgim ose me rritje 6 % të këtij raporti në përqindje krahasuar me vitin 2021, ku sipas rasteve mund të jenë përfshirë dhe “autorë me rrezikshmëri të ulët shoqërore”, “persona vulnerable” dhe “persona me probleme shëndetësore”, të cilët për cilësitë e veçanta që kanë si subjekte të veprës penale plotësojnë elementët e kushteve dhe kriterëve ligjore për të përfutur caktimin ndaj tyre të dënimeve alternative të dënimit me burgim.

2.5.3 Në udhëzimin e përgjithshëm nr. 2/2022 prokurorët për të mitur kanë bërë kujdes që ndaj të miturve në konflikt me ligjin për të kërkuar masa alternative të dënimit, si shmangia, ndërmjetësimi, këshillimi për të miturin apo familjen dhe paralajmërimi me shkrim, si dhe ndaj tyre të procedohet në sa më pak raste me arrestime apo ndalime, duke i kryer hetimet me masa sigurimi “Vendosja në mbikëqyrje” dhe “Vendosja në një shërbim të specializuar”, të parashikuara nga nenet 83 e 84 të Kodit të Drejtësisë Penale për të Miturit apo në masa sigurimi të tjera alternative.

2.5.3.1 Referuar të dhënave statistikore për vitin 2022, bazuar në disponimet e Kodit të Drejtësisë Penale për të Mitur, lidhur me vendimmarrjen e prokurorit për çështjet ku përfshihen të mitur në konflikt me ligjin, evidentojnë se, -është vendosur mosfillimi i procedimit për 561 referime/kallëzime penale ndaj të miturve ose me rritje 14 % krahasuar me vitin 2021; -janë pushuar 318 çështje me 281 të pandehur të mitur në konflikt me ligjin ose me rritje 5 % të çështjeve dhe ulje 1 % e të pandehurve të pushuara krahasuar me vitin 2021; dhe -janë dërguar për gjykim 206 çështje me 225 të pandehur të mitur në konflikt me ligjin ose me ulje 2 % të çështjeve dhe 15.4 % të pandehurve persona në konflikt me ligjin të dërguar për gjykim krahasuar me vitin 2021.

2.5.3.2 Sa i përket aplikimit të masës alternative të shmangies, nga të dhënat statistikore rezulton se: në kuadrin e procedimeve të mosfilluara në 82 raste është aplikuar shmangia, ndër të cilat në 11 raste është vendosur këshillim për të miturin dhe familjen, në 1 rast është vendosur paralajmërim me gojë, dhe në 70 raste është vendosur paralajmërim me shkrim. Ndërkohë, për çështjet e pushuara në 266 raste është aplikuar shmangia, ndër të cilat në 8 rast është vendosur ndërmjetësimi, në 6 raste është vendosur këshillimi, në 3 raste është vendosur këshillim, në 3 raste është vendosur paralajmërim me gojë, në 254 raste është vendosur paralajmërim me shkrim dhe në një rast është vendosje nën kujdesje. Aplikimi i shmangies nga dënimi i të miturit në konflikt me ligjin është rritur 8.1 % krahasuar me vitin 2021.

2.5.4 Sa i përket mbrojtjes dhe respektimit të të drejtave të viktimave gjatë procedimit penal deri në përfundimin e procesit gjyqësor, në vijimësi është kërkuar e po respektohet zbatimi i detyrimeve ligjore dhe atyre që rrjedhin nga udhëzimet e përgjithshme nr. 17/2020 dhe nr. 5/2018, lidhur me mbrojtjen e viktimave. Respektimi i këtyre detyrimeve po monitorohet si në kuadër të raportimeve periodike nga drejtuesit e prokurorive pranë gjykatave të shkallës së parë me juridiksion të përgjithshëm, ashtu edhe nga prokuroritë e apelit gjatë gjykimit të çështjeve të ankmuara.

✚ Në përmbushje të funksioneve kushtetuese e ligjore, e konsiderojmë të zbatuar këtë rekomandim prioritar, si për faktin se janë zbatuar udhëzimet e përgjithshëm nr. 2/2022 dhe nr. 8/2021 “Për hetimin dhe ndjekjen penale efektive për veprat penale me të mitur në konflikt me ligjin, viktimat dhe/ose dëshmitarë”, si dhe evidentohet, rritja e dënimeve alternative të dënimeve me burgim ndaj kategorive të subjekteve vulnerable, përfshi ata me rrezikshmëri të ulët dhe me probleme shëndetsore, ashtu dhe shifra dukshëm në rritje për aplikimin e dënimeve alternative të shmangies në rastet e të miturve në konflikt me ligjin.

Lidhur me rekomandimet në drejtimin: Forcimi e bashkëpunimit ndërinstitucional.

2.6. Lidhur me rekomandimin: “1. Forcimin e luftës kundër informalitetit, duke rritur numrin e çështjeve të regjistruara dhe të dërguara për gjykim, për grupveprat penale në fushën e taksave dhe tatimeve, si dhe rritjen e numrit të hetimeve paralele financiare”, janë zhvilluar aktivitetet dhe arritur rezultatet si më poshtë:

2.6.1 Në kuadrin e këtij rekomandimi, në udhëzimin e përgjithshëm nr. 2/2022, drejtuesit e prokurorive janë udhëzuar të koordinojnë dhe organizojnë marrjen e masave për vijimin e rritjes së mëtejshme të luftës kundër krimeve financiare dhe bashkëpunimit nga struktura përkatëse me agjencitë ligjzbatuese, në funksion të efektivitetit të hetimeve për veprat penale prioritare, përfshi ato që lidhen me hetimet financiare ose procedimet pasurore (*ndiq paranë*), si mjete për kërkimin e provave dhe për sekuestrimin/konfiskimin e pasurive/aseteve prodhues të veprave penale ose veprimtarive kriminale prioritare të rekomanduara.

2.6.2 Në kuadrin e vijimit të mbikëqyrjes/monitorimit të zbatimit të udhëzimit të përgjithshëm nr. 10/2020 “Për masat administrative dhe procedurale për rritjen e efektivitetit në luftën kundër pastrimit të parave e krimeve financiare dhe financimin e terrorizmit, dhe në hetimet pasurore në prokuroritë me juridiksion të përgjithshëm” janë udhëzuar prokurorët për të rritur më tej numrin e procedimeve dhe të pandehurve të dërguar për gjykim, ashtu dhe për rritjen më tej të hetimeve financiare paralele dhe hetimeve/procedimeve pasurore për identifikimin, sekuestrimin dhe/ose konfiskimin e pasurive prodhues të veprimtarisë kriminale, ose vlerën ekuivalente, bazuar në prova/rrethana fakti objektive sipas ligjit, etj.

2.6.3 Referuar të dhënave statistikore për grupveprat penale në lidhje me taksat dhe tatimet, në vitin 2022, evidentohet se: janë regjistruar 313 procedime penale me 48 të pandehur ose me rritje 0,9 % të numrit të procedimeve të regjistruara për këto vepra krahasuar me vitin 2021. Janë dërguar në gjykatë 85 çështje penale me 117 të pandehur ose krahasuar me vitin 2021 me ulje 9,5 % të numrit të procedimeve dhe ulje 18.1 % të pandehurve të dërguar për gjykim për këtë grupveprash.

2.6.4 Ndërsa, referuar të dhënave statistikore për grupveprat penale në lidhje me krime në fushën e doganëve, në vitin 2022, evidentohet se: janë regjistruar 259 procedime penale me 232 të pandehur ose me rritje 54,1 % të numrit të procedimeve dhe rritje 74.3 % të pandehurve të regjistruara krahasuar me vitin 2021. Janë dërguar në gjykatë 134 çështje penale me 190 të pandehur ose me rritje 32,6 % të numrit të procedimeve dhe rritje 54.4 % të pandehurve të dërguar për gjykim për këtë grupveprash krahasuar me vitin 2021.

✚ Në përmbushje të detyrave kushtetuese e ligjore, e konsiderojmë të zbatuar rekomandimin e KM, për faktin se treguesit statistikor evidentojnë rritje të numrit të procedimeve të regjistruara për grupveprat penale në lidhje me taksat dhe tatimet dhe rritje të numrit të procedimeve dhe të

pandehurve të regjistruar dhe të dërguar për gjykim për grupepra penale në fushën e doganave, por evidentohet.

2.7 Lidhur me rekomandimin: **“2. Vijimin e bashkëpunimit me institucionet përkatëse dhe rritjen e efektivitetit të hetimeve ndaj subjekteve që priren të kryejnë evazion fiskal dhe ndaj nëpunësve publikë të administratës tatimore dhe doganore”**, janë zhvilluar aktivitetet dhe arritur rezultatet si më poshtë:

2.7.1 Në kuadrin e këtij rekomandimi prioritar, rekomandimeve të KSA-së, si dhe të Planit Veprimit të ICRG/FATF, Prokuroria e Përgjithshme ka vijuar zbatimin e memorandumit të bashkëpunimit (15 korrik 2020), me synim rritjen e efikasitetit të bashkëpunimit, koordinimit dhe mbikëqyrjes së zbatimit të memorandumit të bashkëpunimit dhe udhëzimit të përgjithshëm nr. 10/2020 në nivel qendror dhe në nivel vendor, për rritjen e efektivitetit të hetimeve ndaj subjekteve që priren të kryejnë evazion fiskal, por edhe nëpunësve publikë të administratës tatimore dhe asaj doganore nga përfaqësuesit e DPPPP, DPT, DPD, etj.

2.7.2 Krahas të dhënave statistikore të vitit 2022, si për grupveprat penale në lidhje me taksat dhe tatimet, ashtu dhe për grupveprat penale në lidhje me krime në fushën e doganëve, konstatohet se, për veprën penale “Moskryerja e detyrave nga organet tatimore” sipas nenit 181/a i K.Penal, ku përfshihen nëpunësit publik të administratës tatimore nuk është regjistruar asnjë procedim penal, ndërsa për veprën penale “Kondrabanda nga punonjës që lidhen me veprimtarinë doganore” sipas nenit 175 i K.Penal, ku përfshihen nëpunësit publik të dyshuar të administratës doganore ndaj të cilëve janë regjistruar 3 (tre) procedime penale.

🚩 Në kuadrin e detyrave kushtetuese e ligjore, konstatohet se ndaj subjekteve nëpunësve publikë të administratës tatimore dhe doganore janë regjistruar gjithsej 3 procedime, kjo për shkak të numrit të ulët të referimeve dhe/ose kallëzimeve penale të bëra ndaj tyre nga strukturat përkatëse në administratën tatimore dhe doganore për parandalimin e posaçëm dhe të përgjithshëm të veprave penale në fushën e evazionit fiskal.

2.8 Lidhur me rekomandimin: **“3. Vijimin e bashkëpunimit ndërmjet institucioneve ligjzbatuese kombëtare dhe ndërkombëtare, me qëllim rritjen e cilësisë dhe efikasitetit në hetimin dhe ushtrimin e ndjekjes penale të suksesshme të kriminalitetit, shkëmbimin e të dhënave në funksion të hetimit të specializuar, të shpejtë dhe të gjithanshëm të grupeve kriminale me rrezikshmëri të lartë shoqërore dhe hetimeve proaktive që lidhen me veprat penale në fushën e krimeve financiare, shpërdorimit të fondeve publike, pastrimit të parave, financimit të terrorizmit, krimeve financiare dhe hetimeve pasurore si dhe për veprat penale të fushës së krimeve të rënda që mund të lidhen me format e veçanta të bashkëpunimit”**, janë zhvilluar aktivitetet dhe arritur rezultatet si më poshtë:

2.8.1 Në kuadrin e këtij rekomandimi, në udhëzimin e përgjithshëm nr. 2/2022, drejtuesit e prokurorive janë udhëzuar të koordinojnë dhe organizojnë marrjen e masave për vijimin e rritjes së mëtejshme të bashkëpunimit nga struktura përkatëse me agjencitë ligjzbatuese rajonale dhe ndërkombëtare në funksion të efektivitetit të hetimeve për veprat penale prioritare të rekomanduara, veçanërisht ato që lidhen me korrupsionin, trafikimin e narkotikëve, pastrimit të parave, trafikimin e qenieve njerëzore, krimet financiare, veprat penale kundër mjedisit, krimet kibernetike, etj.

2.8.2 Prokuroria e Përgjithshme ka vijuar bashkëpunimin dhe koordinimin ndërinstitucional në nivel vendor në punën e përditshme të drejtuesve, prokurorëve dhe oficerëve të policisë gjyqësore, dhe në nivel qendror, për rritjen e cilësisë së hetimeve dhe ndjekjes penale për veprat në detyrë dhe në fushën e korrupsionit, trafikimet e paligjshme, pastrimin e parave, krimeve financiare apo krimeve

të tjera të rënda, si me Prokurorinë e Posaçme më zbatim të Aktit Koordinimit Institucional, (nënshkruar datë 15.12.2020), “Për rritjen e efikasitetit nëpërmjet, bashkërendimit të Prokurorisë së Përgjithshme, me Prokurorinë e Posaçme dhe unifikimin e disa veprimtarive administrative dhe procedurale ndërinstytucionale, duke respektuar veçoritë dhe kompetencat institucionale të parashikuara në ligj”, ashtu dhe në vijimin e zbatimit të memorandumit të bashkëpunimit ndërinstytucional me 15 korrik 2020 ndërmjet Prokurorisë së Përgjithshme me: -Ministrinë e Brendshme dhe -Ministrinë e Financave dhe Ekonomisë, ku përfshihen dhe Drejtoria e Përgjithshme e Policisë së Shtetit, Drejtoria e Përgjithshme e Parandalimit të Pastrimit të Parave, Drejtoria e Përgjithshme e Tatimeve, Drejtoria e Përgjithshme e Doganave dhe Agjencia e Administrimit të Pasurive të Sekuestruara dhe Konfiskuara, dhe zbatim të marrëveshjeve dy palëshe të vitit 2020 ndërmjet Prokurorisë së Përgjithshme me: -Drejtorinë e Përgjithshme të Policisë së Shtetit, -Kontrollin e Lartë të Shtetit, dhe -Inspektoratin e Lartë të Kontrollit të Pasurive dhe Konfliktit të Interesave, me synim rritjen e efektivitetit në hetimet që lidhen dhe me veprat penale të fushës së krimeve financiare, shpërdorimit të fondeve publike, në fushën e veprimtarisë së ILDKPKI-së, dhe pastrimit të parave, financimit të terrorizmit, krimeve financiare dhe hetimeve pasurore, si dhe për vepra penale të fushës së krimeve të rënda që mund të lidhen me format e veçanta të bashkëpunimit.

2.8.3 Në vitin 2022 Prokuroria e Përgjithshme në zbatim të nenit 108/a të ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, në bashkërendim me Ministrinë e Drejtësisë është mundësuar aksesit në bazën e të dhënave të sistemit elektronik të noterisë. Ndërkohë, në zbatim të ligjit nr. 112/2020 “Për regjistrin e pronarëve përfitues”, ligjit nr. 154/2020 “Për regjistrin qendror të llogarive bankare”, dhe vendimin nr. 415, datë 08.07.2021 të Këshillit të Ministrave i nxjerrë për zbatimin e këtij ligji, dhe jo vetëm, ka kërkuar dhe është në pritje të marrjes së aksesit në bazën e të dhënave në “regjistrin e pronarëve përfitues”, dhe “regjistrin qendror të llogarive bankare”, bazën e të dhënave të Drejtorisë së Përgjithshme të Doganave dhe bazën e të dhënave në Drejtorisë së Përgjithshme të Tatimeve në vartësi të Ministrisë së Financave dhe Ekonomisë, si dhe bazën e të dhënave në Sistemin Elektronik të çështjeve të Përmbartimit Gjyqësor në vartësi të Ministrisë së Drejtësisë.

2.8.4 Në kuadrin e këtij rekomandimi, dhe në vijim të informacionit më sipër për ecurinë e secilit rekomandim prioritar, ritheksojmë se Prokuroria e Përgjithshme ka nxitur shkëmbimin e të dhënave me agjencitë ligjzbatuese për marrjen e aksesit në baza të të dhënave shtetërore dhe rritjen e efikasitetit dhe efektivitetit në hetimin dhe ushtrimin e ndjekjes penale efektive të të kriminalitetit sipas prioriteteve në luftën kundër tij, përfshi veprat penale që lidhen me detyrën dhe korrupsionin, veprat penale kundër pastrimit të parave, krimet financiare, krimet e trafikimit dhe krime të tjera të rënda.

2.8.5 Prokurori i Përgjithshëm, në kuadrin e kërkesave të Rezolutës së Kuvendit dhe rekomandimeve të Këshillit të Ministrave, dhe jo vetëm, ashtu dhe në kuadrin e implementimit të reformës ligjore në sistemin e prokurorisë, me synim për të normuar veprimtarinë administrative dhe procedurale në prokuroritë me juridiksion të përgjithshëm, përgjatë vitit 2022 ka vlerësuar detyrimet dhe nevojat për nxjerrjen e akteve të reja normative dhe/ose ndryshime/plotësime të tyre, dhe ka miratuar aktet normative, të cilët janë, udhëzime të përgjithshme, urdhra, ka nënshkruar marrëveshje bashkëpunim, etj.

2.8.6 Drejtuesit e prokurorive janë udhëzuar për marrjen e masave në zbatim të kompetencave ligjore të tyre, si për nxjerrjen e udhëzimeve të përgjithshme për të lehtësuar zbatimin e udhëzimeve

të Prokurorit të Përgjithshëm⁵¹, ashtu dhe për nxjerrjen e udhëzimeve jo të detyrueshme⁵² për prokurorët për çështje konkrete, me synim, që të garantojnë pavarësinë e prokurorit në ushtrimin e funksioneve dhe të sigurojnë efikasitetin, ligjshmërinë e transparencën në veprimtarinë e prokurorive që drejtojnë.

2.8.7 Prokuroria e Përgjithshme në përmbushje të detyrave kushtetuese e ligjore, po bashkëpunon me Këshillin e Lartë të Prokurorisë dhe me Shkollën e Magjistraturës, për të siguruar mbarëvajtjen e punës administrative në prokurori, rritjen e kapaciteteve profesionale të prokurorëve dhe lehtësimin drejt shmangies së problematikave që janë e po krijohen me vakancat e prokurorëve në sistemin e prokurorisë në këtë periudhë të procesit të rivlerësimit kalimtar.

2.8.7.1 Në kuadrin e zbatimit të ligjit dhe bashkërendimit të punës me këto institucione janë kryer aktivitetet:

i) Prokurori i Përgjithshëm, në mbështetje të nenit 105 të ligjit nr. 97/2016 “Për organizimin dhe funksionimin e prokurorisë...” me datë 16 maj 2022 raportoi në KLP “Për ecurinë e veprimtarisë së prokurorive me juridiksion të përgjithshëm”, ku janë trajtuar masat e mara, administrative dhe procedurale, për forcimin dhe garantimin e pavarësisë së prokurorëve, për rritjen e performancës së prokurorive nëpërmjet rritjes së rolit të drejtuesve të prokurorive sipas ligjit, përmirësimin e funksionimit të prokurorive, rritjen e efikasitetit të punës në veprimtarinë e çdo prokurorie, monitorimin e treguesve të veprimtarisë administrative dhe procedurale të prokurorive, objektivat prioritare për vitin 2022, si dhe problematikat, nevojat dhe mjetet ligjore për zgjidhjen e tyre.

ii) Prokurori i Përgjithshëm në kuadrin e bashkëpunimit me Këshillin e Lartë Gjyqësor, Këshillin e Lartë të Prokurorisë dhe Ministrin e Drejtësisë dhe në raportimin periodik në Kuvendin e Shqipërisë, veç të tjerash, është angazhuar në aktivitete dhe diskutime për miratimin e hartës së re gjyqësore, ashtu dhe për përmirësime në infrastrukturë në sistemin e prokurorisë, ngritjen sa më parë të sistemit të menaxhimit të çështjeve në prokurori, rritje të kapaciteteve akomoduese me ambiente pune për prokurorët, oficerët e policisë gjyqësore të seksioneve, administratën dhe shërbimet mbështetëse në prokurori, me synim për të lehtësuar rritjen e ngarkesës dhe mbështetur veprimtarinë e prokurorëve me numër të reduktuar dhe përmirësuar kushtet e punës, në gjithë sistemin e prokurorisë me juridiksion të përgjithshëm.

iii) Propozimi/inicimi i Prokurorisë së Përgjithshme në prill 2022 për ushtrimin e nismës nga Kuvendi i Shqipërisë për ndryshime e shtesa në paketën ligjore “Përmirësimi i funksionalitetit, efikasitetit dhe efektivitetit në sistemin e prokurorisë” e përgatitur nga grupi punës ndërinstitucional me asistencën e ekspertëve të projektit EURALIUS V, misionit OPDAT dhe projektit PAMECA V, në kuadrin e urdhërit të Prokurorit të Përgjithshëm nr. 52 datë 12.05.2021 është diktuar si rezultat i nevojës për të adresuar një sërë problematikash të evidentuara gjatë zbatimit në praktikë të këtij kuadri ligjor, dhe ka si qëllim vazhdimin e implementimit të reformës në prokurori, pjesë e reformës në sistemin e drejtësisë penale, si dhe normalizimin e situatës së krijuar nga boshllëku ligjor, për të shmangur problematikat shqetësuese të evidentuara në performancën e veprimtarisë organizative dhe administrative të prokurorive me juridiksion të përgjithshëm dhe për të rritur efikasitetin dhe përmirësuar performancën në veprimtarinë e tyre.

iv) Këto masa dhe kërkesa për forcimin e kapaciteteve institucionale në sistemin e prokurorisë janë shoqëruar dhe me kërkesën për projektbuxhetin e Prokurorisë së Përgjithshme për vitin 2023, i cila është miratuar nga Kuvendi i Shqipërisë me ligjin e ri për buxhetin 2023.

⁵¹ Shih, po aty pikën 4 të nenit 46 që parashikon: “4. Drejtuesi i prokurorisë mund të nxjerr udhëzime të përgjithshme për çështje të organizimit dhe të funksionimit të prokurorisë që drejton, si dhe për lehtësimin e zbatimit të udhëzimeve të Prokurorit të Përgjithshëm...”

⁵² Shih, po aty nenet 43 e 48.

2.8.8 Prokuroria e Përgjithshme, në zbatimin të Strategjive dhe Planeve të Veprimit ndërinstucionale për aktivitete brenda vendit dhe me institucionet ndërkombëtare dhe rajonale ku është përfshirë prokuroria, veç sa më sipër, ka kontribuar periodikisht dhe përgatitur informacionet/materialet lidhur me progresin institucional të prokurorisë në zbatimin e Strategjisë Ndërsëktoriale të Drejtësisë (SNSD), Strategjisë Kundër Korrupsionit (SNKK), Strategjisë së Drejtësisë për të Mitur, Strategjisë Kundër Armëve të Vogla e të Lehta (SKAVL), Strategjisë Kundër Krimit të Organizuar (SKKO) dhe Strategjisë Kundër Veprave Penale me Qëllime Terroriste, si dhe i ka dërguar institucioneve përgjegjëse përkatëse (Ministrisë së Drejtësisë dhe Ministrisë së Brendshme) informacione për zbatimin e tyre.

✚ Në përmbushje të detyrave kushtetuese e ligjore, e konsiderojmë të realizuar këtë rekomandim prioritar të KM, për faktin se janë realizuar masat dhe aktivitetet më sipër në zbatim të udhëzimit të përgjithshëm nr. 2/2022 për zbatimin e rekomandimeve prioritare dhe akteve/marrveshjeve ndërinstucionale, krahas masave dhe aktiviteteve në kuadrin e bashkëpunimit ndërinstucional të realizuara në përmbushje dhe të rekomandimeve të Rezolutës së Kuvendit të trajtuara më sipër, ku përkojnë dhe përfshihen edhe masat/aktivitetet lidhur me zbatimin e këtij rekomandimi.

2.9 Lidhur me rekomandimin: “6.Shtimin e kapaciteteve profesionale nëpërmjet trajnimeve të përbashkëta me oficerët e policive gjyqësore në drejtim të ligjshmërisë së veprimeve hetimore dhe vlerës së provave veçanërisht në rastet e hetimeve financiare, evazionit fiskal dhe krimit kibernetik”, janë zhvilluar aktivitetet dhe arritur rezultatet si më poshtë:

2.9.1 Lidhur me ecurinë e këtij rekomandimi, në vijim të informacionit për rritjen e kapaciteteve profesionale nëpërmjet trajnimeve të prokurorëve dhe oficerëve të policisë gjyqësore, ritheksojmë se me udhëzimin e përgjithshëm nr. 2/2022, drejtuesit e prokurorive janë udhëzuar të koordinojnë dhe organizojnë trajnime të përbashkëta, si dhe të lehtësojnë pjesëmarrjen e prokurorëve dhe oficerëve të policisë gjyqësore në trajnime në bashkëpunim edhe me agjencitë e tjera ligjzbatuese, ndërsa prokurorëve u kërkohet të synojnë rritjen e zhvillimin e kapaciteteve dhe aftësive profesionale të tyre, nëpërmjet pjesëmarrjes në trajnime apo në tryeza diskutimesh, veçanërisht për zbatimin e dispozitave të reja të Kodit Penal, me fokus në fushat dhe drejtimet prioritare të rekomanduara, ku përfshihet hetimet financiare, evazoni fiskal dhe krimit kibernetik.

2.9.2 Prokuroria e Përgjithshme në bashkëpunim me Shkollën e Magjistraturës është angazhuar në organizimin e aktiviteteve të përbashkëta me pjesëmarrjen e prokurorëve, për forcimin e kapaciteteve profesionale nëpërmjet trajnimeve, me synim rritjen e aftësive profesionale nëpërmjet trajnimeve veçanërisht edhe për hetimet financiare, evazionin fiskal dhe krimet kibernetik, ku mund të përmendim aktivitet trajnues të zhvilluara sipas temave me pjesëmarrjen e prokurorëve dhe oficerëve të policisë gjyqësore, si vijojnë: -"Krimi kibernetik dhe provat elektronike", ku kanë marrë pjesë 7 prokuror dhe 7 oficerë të policisë gjyqësore; -"Pastrimi i parave", ku kanë marrë pjesë 8 prokurorë dhe 7 oficerë të policisë gjyqësore; -"Krimi Kibernetik, Aktet me natyrë rraciste dhe ksenofobe", ku kanë marrë pjesë 6 prokuror dhe 6 oficerë të policisë gjyqësore; -"Veprat penale në lidhje taksat dhe tatimet si dhe hetimi pasuror për çështjet që lidhen me to", ku kanë marrë pjesë 15 prokuror; -"Viktima, si subjekt i procesit penal", ku kanë marrë pjesë 7 prokuror dhe 6 oficerë të policisë gjyqësore, etj., të listuara në Aneksin 3 bashkëlidhur

✚ Në përmbushje të funksioneve kushtetuese e ligjore, e konsiderojmë të zbatuar këtë rekomandim prioritar, për faktin se evidentohen arritje, si në realizimin e politikave dhe masat administrative e procedurale institucionale të parashikuara në udhëzimin e përgjithshëm nr. 2/2022 për zbatimin e rekomandimeve prioritare, ashtu dhe forcimi i kapaciteteve profesionale të prokurorëve,

oficerëve të policisë gjyqësore të seksioneve dhe të shërbimeve në Policinë e Shtetit, si dhe agjencive ligjzbatuese nëpërmjet trajnimeve në këtë fushë.

3. Aktet normative të nxjerra nga Prokurori i Përgjithshëm dhe mbikëqyrja e zbatimit të tyre.

3.1 Prokurori i Përgjithshëm, në përmbushje të objektivave prioritare të prokurorisë lidhur me procesin e implementimit të reformës ligjore në prokuroritë e juridiksionit të përgjithshëm, në zbatim të detyrave Kushtetuese (*neni 148/b*) e ligjore (*nenet 38, 46, 103, 104 e vijues të ligjit nr. 97/2016*), rekomandimeve të Rezolutave të Kuvendit të Shqipërisë dhe rekomandimeve prioritare të Këshillit të Ministrave, dhe jo vetëm, me synim për të normuar dhe unifikuar veprimtarinë administrative dhe procedurale në prokuroritë me juridiksion të përgjithshëm, përgjatë tre viteve në kuadrin e implementimit të reformës në prokuroritë e juridiksionit të përgjithshëm ka vlerësuar detyrimet dhe nevojat për nxjerrjen e akteve të reja normative dhe/ose ndryshimin/plotësimin e tyre, dhe ka miratuar aktet normative si udhëzime të përgjithshme, urdhra për miratimin e rregulloreve ose planeve të veprimit për zbatimin e politikave institucionale, ndërinstitutionale dhe rekomandimeve të institucioneve kushtetuese e ndërkombëtare, ku për vitin 2022 mund të veçojmë aktet normative, si vijojnë:

3.1.1 Udhëzimet e Përgjithshme të miratuara nga Prokurori Përgjithshëm:

- ✓ “Për rekomandimet prioritare në luftën kundër kriminalitetit për vitin 2022 në Prokuroritë e Juridiksionit të Përgjithshëm”, miratuar me nr. 02, datë 29.07.2022;
- ✓ “Për administrimin qarkullimin dhe ruajtjen e vendimeve të përgjimit parandalues të klasifikuara “Sekret shtetëror”, miratuar me nr. 01, datë 25.02.2022.
- ✓ “Për disa ndryshime e shtesa në udhëzimin e përgjithshëm nr. 10, datë 17.07.2020”Për masat administrative dhe procedurale për rritjen e efektivitetit në luftën kundër pastrimit të parave, krimeve financiare, financimit të terrorizmit dhe hetimet pasurore në prokuroritë e juridiksionit të përgjithshëm”, miratuar me nr. 03, datë 06.09.2022
- ✓ “Për disa shtesa në udhëzimin e përgjithshëm nr. 10, datë 30.12.2021”Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, miratuar me nr. 04, datë 18.10.2022

3.1.2 Urdhra të Prokurorit të Përgjithshëm, ku ndër të tjerët, parashtroj:

- “Për miratimin e një shtese në “Rregulloren standart të organizimit dhe funksionimit të prokurorive pranë gjykatave të shkallës së parë me juridiksion të përgjithshëm” miratuar me urdhrin nr. 164 datë 18.12.2020”, miratuar me nr. 40, datë 20.06.2022.
- “Për miratimin e planit të veprimit për zbatimin e rezolutës së kuvendit datë 14.07.2022 “Për vlerësimin e veprimtarisë së prokurorisë së përgjithshme për vitin 2021”, miratuar me nr. 56, datë 29.07.2022.
- “Për miratimin e planit të veprimit për zbatimin e “Rekomandimeve prioritare në luftën kundër kriminalitetit për vitin 2022””, miratuar me nr. 57, datë 29.07.2022.
- “Për miratimin e ndryshimeve dhe shtesave në “Rregulloren për organizimin dhe funksionimin e prokurorisë së përgjithshme”, miratuar me urdhrin nr. 136 datë 28.10.2020”, miratuar me nr. 61, datë 06.09.2022.

3.1.3 Marrëveshje Bashkëpunimi dhe Memorandume Mirëkuptimi:

- Marrëveshja e Bashkëpunimit mes Prokurorit të Përgjithshëm, Ministrin të Brendshëm dhe Ministrin të Kulturës Rinisë dhe Sportit “Për ruajtjen e përkohshme të objekteve të sekuestruara pjesë e trashëgimisë kulturore” nënshkruar me nr. 1547, datë 15 nëntor 2022;

- Marrëveshja e Punës mes Prokurorisë së Përgjithshme dhe Zyra e Prokurorit Publik Evropian (“ZPPE”) “Për bashkëpunimin ndërmjet Zyrës së Prokurorit Publik Evropian (ZPPE) dhe Prokurorisë së Përgjithshme të Republikës së Shqipërisë” nënshkruar me datë 04 korrik 2022;
- Memorandum Mirëkuptimit ndërmjet Prokurorisë së Përgjithshme të Republikës së Shqipërisë (PP) dhe Shoqatës Ibero-Amerikane e Ministrive Publike (AIAMP), nënshkruar me datë 29 korrik 2022

3.1.4 Udhëzimet e përgjithshme dhe aktet e tjera normative në zbatim të ligjit⁵³ janë të publikuara në faqen e internetit të Prokurorisë së Përgjithshme dhe i janë dërguar për zbatim të gjithë prokurorive pranë gjykatave të juridiksionit të përgjithshëm.

3.1.5 Drejtuesit e prokurorive janë udhëzuar për marrjen e masave në zbatim të kompetencave ligjore të tyre, si për nxjerrjen e udhëzimeve të përgjithshme për të lehtësuar zbatimin e udhëzimeve të Prokurorit të Përgjithshëm⁵⁴, dhe për nxjerrjen e udhëzimeve jo të detyrueshme⁵⁵ për prokurorët për çështje konkrete, ashtu dhe për mbikëqyrjen e zbatimit të tyre sipas ligjit, me synim që të sigurohet respektimi i parimit detyrueshmëria⁵⁶ e ndjekjes penale, efica, ligjshmëria dhe transparenca në veprimtarinë e prokurorive që drejojnë, duke garantuar pavarësinë e prokurorit⁵⁷ në ushtrimin e funksioneve kushtetuese e ligjore.

3.2 Në kuadrin e mbikëqyrjes së zbatimit të udhëzimeve të përgjithshme dhe kujdesit për ushtrimin e kompetencave kushtetuese dhe ligjore të prokurorisë, në mbështetje të nenit 148/b shkronja “b” e Kushtetutës, neneve 38 pika 2 shkronjat “b”, “c”, “f”, 104 pika 2 e vijues të ligjit nr. 97/2016 i ndryshuar, Prokurori i Përgjithshëm për të monitoruar si zbatimin, ashtu dhe si kanë ndikuar udhëzimet e përgjithshme në gjendjen e kriminalitetit në fushat e rekomanduara dhe efektivitetin e ushtrimit të ndjekjes penale në fushat përkatëse, periodikisht ka kërkuar informacione drejtuesve të prokurorive me juridiksion të përgjithshëm lidhur me masat e marra në zbatim të kompetencave ligjore të tyre, nëse kanë nxjerrë udhëzime të përgjithshme për të lehtësuar zbatimin e udhëzimeve të Prokurorit të Përgjithshëm, dhe nëse kanë marrë masa, për koordinimin e veprimtarisë me prokuroritë e tjera, apo për kërkimin e informacionit për ecurinë e procedimeve dhe/ose për nxjerrjen e udhëzimeve jo të detyrueshme për prokurorët lidhur me çështje konkrete, apo nxjerrjen e urdhrave për policinë gjyqësore lidhur me ushtrimin e funksioneve të tyre.

i) Kjo veprimtari ka synuar dhe synon që drejtuesit e prokurorive të sigurojnë efica, ligjshmërinë dhe transparençën në veprimtarinë e prokurorisë, si dhe efektivitetin në ushtrimin e ndjekjes penale nga prokurorët e prokurorisë që drejojnë, në përmbushje të rekomandimeve, si në marrëdhënie me institucionet kushtetuese brenda vendit, ashtu dhe në marrëdhënie me institucionet apo autoritetet ndërkombëtare dhe në raportimin e progresit në kuadrin e integritetit evropian të vendit, gjithmonë duke garantuar pavarësinë e prokurorit në ushtrimin e funksioneve kushtetuese e ligjore.

⁵³ Shih, nenin 46 pika 5 e ligjit nr. 97/2016 “Për organizimin dhe funksionimin e prokurorisë në Republikën e Shqipërisë”

⁵⁴ Shih, po aty pikën 4 të nenit 46 që parashikon: “4. Drejtuesi i prokurorisë mund të nxjerr udhëzime të përgjithshme për çështje të organizimit dhe të funksionimit të prokurorisë që drejton, si dhe për lehtësimin e zbatimit të udhëzimeve të Prokurorit të Përgjithshëm...”

⁵⁵ Shih, po aty nenet 43 e 48. ⁵⁶ Shih, po aty nenet 43 e 48.

⁵⁶ Shih, po aty nenin 5 që parashikon: “Ushtrimi i ndjekjes penale është i detyrueshëm, me përjashtim të rasteve kur ligji parashikon ndryshe”

⁵⁷ Shih, po aty, nenin 5 që në pikat 1 e 2 parashikon: “1.Në ushtrimin e funksioneve të tyre, prokurorët kryejnë veprime, parashitje të kërkesa dhe marrin vendime në mënyrë të pavarur, bazuar në parimet e ligjshmërisë, objektivitetit dhe paanshmërisë. 2.Prokurorët u nënshtrohen udhëzimeve të përgjithshme me shkrim të prokurorit më të lartë, sipas dispozitave të këtij ligji.”

3.3 Në informacionet e përcjella nga drejtuesit e prokurorive me juridiksion të përgjithshëm rezulton se pothuajse përgjatë vitit 2022 të gjitha prokuroritë kanë marrë masa për zbatimin e udhëzimeve të përgjithshme dhe akteve të tjera nënligjore të Prokurorit të Përgjithshëm.

i) Në disa prokurori drejtuesit e prokurorisë kanë marrë, si masa administrative për nxjerrjen e udhëzimeve të përgjithshme dhe/ose hartimin e planeve të veprimit për të lehtësuar zbatimin e udhëzimeve të përgjithshme dhe/ose planeve të veprimit të Prokurorit të Përgjithshëm, ashtu dhe masa procedurale për nxjerrjen e udhëzimeve jo të detyrueshme dhe/ose kërkuar informacion prokurorëve për ecurinë e çështje konkrete, duke garantuar pavarësinë e tyre.

ii) Në disa prokurori të tjera, drejtuesit e prokurorisë rezultojnë se nuk kanë marrë masa të plota administrative dhe/ose procedurale për zbatimin e udhëzimeve të përgjithshme dhe planeve të veprimit të Prokurorit të Përgjithshëm, të nxjerrë në kuadrin e rekomandimeve të Rezolutës së Kuvendit dhe rekomandimeve prioritare të KM, apo për nxjerrjen e udhëzimeve jo të detyrueshme për çështje konkrete, duke i zbatuar ato pjesërisht apo me mangësi serioze.

iii) Gjithashtu, vijon konstatimi i rasteve të mungesës së përsëritur të informimit dhe/ose mosrepektimit të afateve nga drejtuesit e disa prokurorive mbi zbatimin e udhëzimeve të përgjithshme dhe/ose lehtësimin e kushteve për zbatimin e tyre, ose mosdërgimi Prokurorit të Përgjithshëm i raportit vjetor për ecurinë e punës së prokurorisë që drejton brenda afatit ligjor⁵⁸.

3.4 Në këtë gjendje vijuese jo efiçente në marrëdhënie me drejtuesit e prokurorive dhe në veprimtarinë administrative të tyre me ndikime në performancën e prokurorive që drejtojnë, vlerësojmë se vijon ndikon edhe boshllëku i evidentuar në kuadrin ligjor në fuqi, ku vijojmë të veçojmë drejtimet siç janë:

i) Rregullimi ligjor aktual vështirëson lidhjen organike efektive mes zyrave të prokurorisë dhe Prokurorisë së Përgjithshme, në kuptim të ushtrimit të detyrave ligjore dhe kushtetuese, ndërkohë që angazhimet institucionale që dalin nga rekomandimet e rezolutës së Kuvendit të Shqipërisë, rekomandimet prioritare të Këshillit të Ministrave apo rekomandimet e institucioneve ndërkombëtare kërkojnë një nivel më të lartë kohezioni institucional.

ii) Rregullimi ligjor aktual në procesin e promovimit/caktimit, vlerësimit të veprimtarisë, pezullimit apo shkarkimit të drejtuesve të prokurorisë nuk është i qartë dhe nuk parashikon vlerësimin e indikatorëve ligjorë matës të performancës së drejtuesve në veprimtarinë organizative dhe/ose administrative, dhe të marrëdhënieve të drejtuesit të prokurorisë me Prokurorin e Përgjithshëm në këtë fushë, element këto shumë të rëndësishëm në mbarëvajtjen e punës dhe në ushtrimin e kompetencave kushtetuese e ligjore në prokuroritë me juridiksion të përgjithshëm.

iii) Në kuadrin ligjor në fuqi, gjithashtu evidentohet boshllëku ligjor në drejtim të vlerësimit të performancës së prokurorive me juridiksion të përgjithshëm dhe përgjegjësia e drejtuesve për vlerësimin e performancës së prokurorisë që drejtojnë, e cila ndryshon nga vlerësimi individual i performancës së drejtuesve apo prokurorëve.

iv) Në këtë vështrim, vlerësimi i performancës së prokurorive kërkon një përfshirje më të madhe të Prokurorisë së Përgjithshme në procesin e llogaridhënies dhe evidentimit të përgjegjësive e masave vijuese, për sa kohë ai (Prokurori i Përgjithshëm) kujdeset për ushtrimin e kompetencave kushtetuese e ligjore të prokurorisë dhe është përgjegjës dhe për punën e prokurorive pranë gjykatave të apelit dhe shkallës së parë të juridiksionit të përgjithshëm.

⁵⁸ Neni 50 “Raportimi vjetor te Prokurori i Përgjithshëm” i ligjit nr. 97/2016 “Për organizimin dhe funksionimin e prokurorisë në Republikën e Shqipërisë”, i cili në pikën 2 parashikon: “2. Drejtuesit e prokurorive pranë gjykatave të shkallës së parë dhe apelit të juridiksionit të përgjithshëm, brenda muajit shkurt të çdo viti, raportin vjetor mbi ecurinë e punës në prokurorinë përkatëse dhe ia paraqesin Prokurorit të Përgjithshëm...”

3.5 Sigurimi i pavarësisë së prokurorëve është një arritje, e cila duhet të garantohet, por problematikat dhe gjendja e kuadrit ligjor në drejtimet e evidentuara vlerësojmë se ka nevojë për ndërhyrje të nevojshme nëpërmjet ndryshimeve dhe plotësimeve ligjore që do të sigurojnë funksionimin e prokurorisë si një e tërë, që vepron shpejt në drejtim të përcaktimit të prioriteve, ndjekjes së tyre në mënyrë të bashkërenduar brenda saj dhe me insitucionet e tjera, përmes masave organizative, administrative apo mirëpërdorimit të burimeve njerëzore e financiare, duke pasur në themel pavarësinë e prokurorëve në ushtrimin e funksioneve kushtetuese e ligjore.

3.6 Në këtë vështrim dhe për këto arsye, siç është trajtuar dhe më sipër në këtë raport, aktualisht propozimi i Prokurorisë së Përgjithshme për ushtrimin e nismës nga Kuvendi i Shqipërisë për ndryshime e shtesa në paketën ligjore “Përmirësimi i funksionalitetit, efikasitetit dhe efektivitetit në sitemin e prokurorisë” është dhe po shqyrtohet në komisionet përkatëse të Kuvendit, si rezultat i nevojës për të adresuar një sërë problematikash të evidentuara gjatë zbatimit në praktikë të këtij kuadri ligjor, dhe ka si qëllim vazhdimin e implementimit të reformës në prokurori, pjesë e reformës në sistemin e drejtësisë penale, si dhe normalizimin e situatës së krijuar nga boshllëku ligjor, për të shmangur problematikat shqetësuese të evidentuara në performancën e veprimtarisë organizative dhe administrative të prokurorëve me juridiksion të përgjithshëm dhe për të rritur efikasitetin dhe përmirësuar performancën në veprimtarinë e tyre.

4. Përmbledhje e tendencave të kriminalitetit sipas grupveprave

Në analizë dhe vlerësim të ndikimit të politikave institucionale dhe politikave të rekomanduara në kërkesat e Rezolutës së Kuvendit të Shqipërisë, rekomandimet prioritare të Këshillit të Ministrave, rekomandimet e BE-së për Shqipërinë, dhe jo vetëm, të përcuara nga Prokurori i Përgjithshëm nëpërmjet udhëzimeve të përgjithshëm dhe akteve normative të tjera në prokuroritë me juridiksion të përgjithshëm, se si kanë ndikuar ato, dhe jo vetëm, mbi tendenca e kriminalitetit të reflektuara në numrin e procedimeve të regjistruara, evidentohen treguesit statistikorë, si më poshtë:

4.1 Për vitin 2022 vërehet **tendencë në ulje e numrit të procedimeve të regjistruara për veprat penale** si më poshtë:

- “Krimet Kundër jetës të kryera me dashje”, **22,82 %**;
- “Veprat Penale kundër shëndetit të kryera me dashje”, **18,96 %**;
- “Veprat penale që rrezikojnë jetën dhe shëndetin nga ndërprerja e shtatzënisë ose nga mosdhënia e ndihmës”, **18 %**;
- “Veprat penale kundër vjedhjes së pasurisë⁵⁹”, **14,3 %**;
- “Veprat penale të mashtrimit”, **10,72 %**;
- Veprat penale të shkatërrimit të pronës”, **2,76 %**;
- “Veprat penale të kryera në shoqëritë tregtare⁶⁰”, **7,69 %**;
- “Veprat penale në lidhje me taksat dhe tatimet”, **0,95 %**;
- “Veprat penale të falsifikimit të monedhave dhe letrave me vlerë”, **31,25 %**;
- “Veprat penale të falsifikimit të dokumenteve”, **9,26 %**;
- Veprat penale që çënojnë regjimin juridik të tokës”, **33,62 %**;
- “Veprat penale kundër veprimtarisë shtetërore të kryera nga shtetasit⁶¹”, **6,73 %**;

⁵⁹ Veçuar trafikimi i mjeteve motorike dhe trafikimi i veprave të artit dhe kultures;

⁶⁰ Veçuar korrupsioni në sektorin privat;

⁶¹ Veçuar korrupsioni, neni 244 K.Penal;

- “Veprat penale kundër veprimtarisë shtetërore të kryera nga punonjësit shtetërorë ose në shërbim publik⁶²”, **2,02 %**;
- “Veprat penale kundër rendit dhe sigurisë publike”, **1,33 %**;
- “Veprat penale kundër sekretit dhe kufijve shtetërorë”, **14,07 %**;
- “Veprat penale kundër prodhimit dhe kultivimit të narkotikëve”, **23,21 %**.
- “Veprat penale të trafiqeve të paligjshme”, **33,60 %**;
- “Veprat penale që prekin zgjedhjet e lira dhe sistemin demokratik të zgjedhjeve”, **44,68 %**.

4.2 Për sa i përket veprave penale të mëposhtme, vihet re **një rritje e numrit të procedimeve të regjistruara** për vitin 2022. Kështu:

- “Veprat penale kundër shëndetit të shkaktuar me pakujdesi”, **20 %**;
- “Krimet seksuale”, **2,53 %**;
- “Veprat penale kundër lirisë së personit”, **12,62 %**;
- “Veprat penale kundër moralit dhe dinjitetit”, **1,41 %**;
- “Veprat penale kundër fëmijëve, martesës dhe familjes⁶³”, **4,70 %**;
- “Veprat penale në lidhje me ushtrimin e veprimtarive bankare dhe financiare”, **26,32 %**;
- “Krimet në fushën e doganave”, **54,17 %**;
- “Zhvillimi i palejuar i lojërave të fatit”, **19,82 %**;
- “Veprat penale kundër mjedisit”, **18,47 %**;
- Veprat penale kundër drejtësisë⁶⁴”, **4,86 %**;
- “Veprat penale kundër krimit kompjuterik”, **10,39 %**;
- “Veprat penale kundër korrupsionit”, **162 % ose 2,6 herë**.

Në të njëtin nivel:

- “Krimet kundër jetës të shkaktuar me pakujdesi”.

4.3 Referuar analizës dhe vlerësimit të tendencave të kriminalitetit sipas grupveprave më sipër, bazuar në të dhënat statistikore, të trajtuara edhe tek efektiviteti i ndjekjes penale në raport, evidentohet se tendencat në ulje dhe/ose në rritje të numrit të procedimeve të regjistruara për disa grup veprash penale, jo në të gjitha rastet kanë qenë të ndikuara nga efektiviteti i ndjekjes penale të ushtruar për këto grup veprash.

i) Analizës dhe vlerësimit të shkaqeve të uljes dhe/ose rritjes së tendencave të kriminalitetit, theksojmë se i mungon kontributi në raportet vjetore të ecurisë së punës të prokurorive të rretheve gjyqësore, megjithë se ju është kërkuar zyrtarisht drejtuesve të prokurorive për të vlerësuar dhe pasqyruar në raportet vjetore për vitin 2022 dhe këtë aspekt të punës së prokurorisë që ata drejtojnë.

5. Efektiviteti i ndjekjes penale, cilësia e përfaqësimit të akuzës në gjyq dhe elemente të tjerë thelbësorë të veprimtarisë së institucionit

Në analizë dhe vlerësim të ndikimit të politikave institucionale dhe politikave të rekomanduara nga institucionet kushtetuese, të përcuara nëpërmjet udhëzimeve të përgjithshëm dhe akteve normative të tjera në prokuroritë me juridiksion të përgjithshëm, mbi disa tregues sintetik siç janë dhe efektiviteti i ndjekjes penale, cilësia e përfaqësimit të akuzës në gjyq dhe elemente të tjerë thelbësorë në ndjekjen penale, dhe jo vetëm, evidentohen treguesit statistikorë, si më poshtë:

⁶² Veçuar korrupsioni, neni 259 K.Penal;

⁶³ Veçuar trafiku i personave dhe trafiku i të miturve;

⁶⁴ Veçuar nenet e korrupsionit në drejtësi

5.1 Tregues të përgjithshëm të efektivitetit të ndjekjes penale dhe përfaqësimit të çështjeve/akuzave në gjyq

i) Gjatë vitit 2022 janë përfunduar 25853 çështje që përbën rritje prej 0,64 % të çështjeve të përfunduara krahasuar me vitin 2021, prej të cilave: 42,49 % janë dërguar për gjykim, 25,30 % janë pushuar, 30,03 % janë pezulluar dhe 2,18 % janë transferuar në prokuroritë kompetente.

ii) Janë dërguar në gjykatë 10984 çështje me akuzë ndaj 12936 të pandehurve. Krahasimisht me vitin 2021 rezultojnë një rritje prej 4,64 e numrit të çështjeve të dërguara në gjykatë dhe 4,80 % e numrit të të pandehurve dërguar në gjykatë.

iii) Në lidhje me vendimet e gjykatës, nga të dhënat statistikore rezultojnë se në vitin 2022 janë dënuar 10546 të pandehur dhe për 217 të pandehur është dhënë vendim për deklarimin të pafajshëm, që zë 2 % të personave të dënuar, ose krahasuar me vitin 2021 me rritje 14,53 % e numrit të pandehurve të dënuar.

iv) Në gjykatë janë dërguar 254 kërkesa për miratim të urdhrit penal në lidhje me 265 të pandehur ose krahasuar me vitin 2021 me ulje 3,79 % e numrit të kërkesave dhe ulje 1,49 % e numrit të të pandehurve, ndërsa nga gjykata është vendosur refuzimi i miratimit të urdhrit penal dhe kthimi i akteve në 8 raste ose ulje prej 33,33 % krahasuar me vitin 2021 dhe refuzimi i urdhrit penal dhe pushimi i çështjes në 1 rast, po aq sa në vitin 2021.

v) Në gjykatë, gjithashtu, janë dërguar 265 kërkesa për miratim të marrëveshjes së fajësisë në lidhje me 268 të pandehur ose krahasuar me vitin 2021 me ulje 49,04 % numrit të kërkesave për miratim marrëveshje dhe ulje 50,09 % të numrit të të pandehurve, ndërkohë nga gjykata është vendosur refuzimi i miratimit të marrëveshjes dhe kthimi i akteve në 12 raste ose krahasuar me vitin 2021 me ulje 50 % dhe refuzimi i miratimit të marrëveshjes dhe pushimi i çështjes në 5 raste ose me ulje 44,44 % krahasuar me vitin 2021.

vi) Gjatë vitit 2022, u dërguan në gjykatë për pushim 5440 çështje ose me rritje 16,09 % krahasuar me vitin 2021. Nga të dhënat rezultojnë se për 140 çështje gjykata ka vendosur kthimin e akteve dhe vazhdimin e hetimeve ose me ulje 2,78 % krahasuar me vitin 2021, ndërsa në 6 çështje është vendosur kthimi i akteve dhe formulimi i akuzës, shifër e njëjtë me vitin 2021.


vii) Ndërkohë, është kërkuar gjykim i drejtëpërdrejtë për 245 çështje me 247 të pandehur, që krahasuar me vitin 2021, përbëjnë ulje prej 11,87 % të numrit të çështjeve dhe 14,83 % të numrit të të pandehurve për të cilët është kërkuar ky lloj gjykimi.

5.2 Efektiviteti i përgjimit të komunikimeve elektronike në hetimet paraprake


i) Gjatë vitit 2022, në kuadrin e 573 procedimeve penale, me anë të përdorimit të mjeteve të posaçme hetimore, në zbatim të kriterëve ligjore, është arritur në arrestimin/ndalimin e 585 personave të dyshuar për krime kundër rendit dhe sigurisë publike, kundër jetës dhe kundër autoritetit të shtetit, dhe për vepra penale kundër lirisë së personit, korrupsion, shpërdorim detyre, në fushën e narkotikëve, pastrimi produkteve të veprimtarisë kriminale, trafiqe të paligjshme e vepra të tjera të rënda, duke parandaluar kështu pasojat më të mëtejshme për shtetin dhe shtetasit.

ii) Në shifra të përgjithshme, gjatë vitit 2022 janë ekzekutuar gjithsej 1312 vendime për përgjim të autorizuar nga gjykata në hetimet paraprake dhe 607 autorizime dhe urdhra të prokurorit. Për sa më sipër është mundur interceptimi për 3391 pajisje fundore në përdorim të 3089 personave të dyshuar si të përfshirë në vepra penale.

Ecuria e këtij mjeti kërkimi prove në tre vitet e fundit paraqitet në grafikun në vijim:



Grafiku më poshtë paraqet procedimet sipas grupveprave penale për të cilat është kërkuar përgjimi i komunikimeve elektronike në hetimet paraprake:




II. ANALIZA E TREGUESVE TË KRIMINALITETIT, TË DHËNA PËR NUMRIN, LLOJET, SHTRIRJEN TERRITORIALE DHE FORMAT E KRIMINALITETIT

VOLUMI I PUNËS NË HETIM PËR VITIN 2022⁶⁵

Gjatë vitit 2022, në organin e prokurorisë janë trajtuar 61114 materiale në shqyrtim⁶⁶ që përbën një rritje prej 0,16 % në krahasim me vitin 2021. Janë ndjekur gjithsej 48315 procedime penale, që përbëjnë një rritje prej 1,69 % në krahasim me vitin 2021, nga të cilat 25737 janë procedime penale të regjistruara, me një ulje prej 9,27 % në krahasim me vitin 2021 dhe 695 procedime penale të rifilluara, që tregojnë një ulje prej 26,06 % në krahasim me vitin 2021. Janë mbartur 21883 procedime penale me një rritje prej 20,21 % krahasuar me procedimet e mbartura në vitin 2021. Është vendosur mosfillimi për 12799 referime dhe kallëzime penale, që do të thotë një ulje prej 5,21 % në krahasim me vitin 2021.

Volumi i punës në hetim i organit të prokurorisë për vitin 2022 paraqitet si vijon:



2.2 ÇËSHTJE TË PËRFAQËSUARA NË GJYKATË

Gjatë vitit 2022 nga prokuroritë pranë gjykatës të shkallës së parë është ngritur dhe përfaqësuar akuza në gjykatë në emër të shtetit shqiptar për 11006 procedime penale (rritje prej 4,75 % në krahasim me

⁶⁵ Procedimi penal nuk njehet me veprën penale, pasi:

- 1- Sistemi statistikor i prokurorisë regjistron të dhëna për veprën penale më të rëndë, pavarësisht se mund të jenë kryer disa vepra penale.
- 2- Në bazë të nenit 79 e 93 të Kodit të Procedurës Penale prokurori vendos bashkimin ose ndarjen e procedimeve.


⁶⁶ Tek kjo shifër e materialeve të trajtuara/shqyrtuara përfshihen: procedimet e mbartura; procedimet e reja të regjistruara gjatë vitit 2022 për veprat penale të parashikuara në Kodin Penal dhe Kodin Penal Ushtarak; procedimet e rifilluara gjatë vitit 2022; si dhe vendimet e mosfillimit të marra gjatë vitit 2022.

vitin 2021) me 12958 të pandehur (rritje prej 4,90 % në krahasim me vitin 2021). Gjithashtu, janë paraqitur në gjykatë 13138 kërkesa për caktimin e masave të sigurimit personal.

Nga prokuroritë pranë gjykatës të apelit është përfaqësuar akuza në emër të shtetit shqiptar për 1935 çështje themeli (rritje prej 29,78 % në krahasim me vitin 2021) dhe 2596 raste për masat e sigurimit personal (ulje prej 6,42 % në krahasim me vitin 2021).

Prokurorët e Prokurorisë së Përgjithshme kanë përfaqësuar organin e akuzës pranë Gjykatës së Lartë në 75 çështje, prej të cilave 65 gjykime themeli (nga 34 gjykime themeli në vitin 2021), 4 përfaqësime në gjykime për të njësuar/ndryshuar praktikën gjyqësore, dhe 6 gjykime për masa sigurimi (20 gjykime për masa sigurimi në vitin 2021), si dhe në cilësinë e subjektit të interesuar pranë Gjykatës Kushtetuese për 11 çështje (nga 5 çështje në vitin 2021).

Në grafikun e mëposhtëm paraqiten të dhënat në përqindje për çështjet e përfaqësuara në gjykatë në të tre shkallët:




2.3 TREGUESIT KRYESORË TË PUNËS SË PROKURORISË NË PESË VITET E FUNDIT

Procedime të regjistruara dhe në ndjekje

Në vitin 2022 janë regjistruar 25737 procedime penale, me një ulje prej 9,27 % krahasuar me vitin 2021 në të cilin rezultojnë 28368 procedime penale të regjistruara, që krahasuar me vitin 2020, përbën rritje prej 1,71 % ndërkohë që në vitin 2020 janë regjistruar 27890 procedime penale që përbën ulje prej 9,29 % krahasuar me vitin 2019.

Në vitin 2022 rezultojnë 48315 procedime penale në ndjekje me një rritje prej 1,69 % krahasuar me vitin 2021 në të cilin rezultojnë 47512 procedime, që përbën rritje prej 5,97 % krahasuar me vitin 2020 ndërkohë që në vitin 2020 rezultojnë 44834 procedime në ndjekje penale që përbën rritje prej 1,23 % krahasuar me vitin 2019.

Më poshtë paraqiten në mënyrë grafike të dhënat e pesë viteve të fundit:



Ndjekja penale në bazë të Kodit Penal Ushtarak

Pesha specifike që zënë procedimet penale të regjistruara në bazë të Kodit Penal Ushtarak në numrin total të procedimeve penale të regjistruara në prokurori gjatë vitit 2022 është 0,11 %, ndërkohë që në vitin 2021 ka qenë 0,07 %.

Në vitin 2022, janë regjistruar 29 procedime penale në bazë të Kodit Penal Ushtarak, janë mbartur 18 procedime penale, janë rifilluar 18 procedime penale dhe është vendosur mosfillimi për 4 kallëzime/referime.

Gjatë vitit 2022 nga prokuroritë pranë gjykatës të shkallës së parë është ngritur dhe përfaqësuar akuza në gjykatë në emër të shtetit shqiptar në 22 procedime penale dhe është pushuar 1 procedim.

Grafikët në vijim paraqesin të dhënat e volumit të punës në lidhje me ushtrimin e ndjekjes penale dhe përfaqësimin e akuzës, për veprat penale në fushën e zbatimit të Kodit Penal Ushtarak:



Në vijim të dhënat lidhen me vepra penale të parashikuara në Kodin Penal, ligji nr. 7895/1995 i ndryshuar.

Çështje të përfunduara

Në lidhje me **çështjet e përfunduara**⁶⁷, të dhënat statistikore tregojnë se në vitin 2022 rezulton një rritje prej 0,64 % e çështjeve të përfunduara në krahasim me vitin 2021, ndërkohë që në vitin 2021

⁶⁷ Në këtë tregues përveç çështjeve të pushuara, pezulluara dhe dërguar gjyqit mblidhen edhe çështjet e transferuara.

rezulton një ulje prej 1,84 % e çështjeve të përfunduara në krahasim me vitin 2020 dhe në vitin 2020 rezulton një ulje prej 7,14 % e çështjeve të përfunduara në krahasim me vitin 2019.


Në lidhje me **çështjet e pushuara**, në vitin 2022 rezulton një rritje prej 12,56 % e çështjeve të pushuara në krahasim me vitin 2021, ndërkohë që në vitin 2021 rezulton ulje prej 1,82 % e çështjeve të pushuara në krahasim me vitin 2020 dhe në vitin 2020 rezulton një rritje prej 1,67 % e çështjeve të përfunduara në krahasim me vitin 2019.

Në lidhje me **çështjet e pezulluara**, në vitin 2022 rezulton një ulje prej 10,39 % e çështjeve të pezulluara në krahasim me vitin 2021, ndërkohë që në vitin 2021 rezulton ulje prej 7,84 % e çështjeve të pezulluara në krahasim me vitin 2020 dhe në vitin 2020 rezulton një ulje prej 6,80 % e çështjeve të pezulluara në krahasim me vitin 2019.

Në lidhje me **çështjet e dërguara në gjykatë**⁶⁸, në vitin 2022 rezulton një rritje prej 4,64 % e çështjeve të dërguara në gjykatë në krahasim me vitin 2021, ndërkohë që në vitin 2021 rezulton një rritje prej 5,25 % e çështjeve të dërguara në gjykatë në krahasim me vitin 2020 dhe në vitin 2020 rezulton një ulje prej 4,07 % e çështjeve të dërguara në gjykatë në krahasim me vitin 2019.


Lidhur me numrin e të **pandehurve** të dërguar në gjykatë vërehet se në vitin 2022 rezulton një rritje prej 4,80 % e numrit të të pandehurve të dërguar në gjykatë në krahasim me vitin 2021, ndërkohë që në vitin 2021 numri i të pandehurve dërguar në gjykatë është rritur me 7,3 % krahasuar me vitin 2020 dhe në vitin 2020 numri i të pandehurve dërguar në gjykatë është ulur me 5,39 % krahasuar me vitin 2019.

Më poshtë paraqiten në mënyrë grafike të dhënat e pesë viteve të fundit lidhur me çështjet sipas mënyrës së përfundimit:



Më poshtë paraqiten të dhëna në lidhje me të pandehurit sipas mënyrës së përfundimit të ndjekjes penale në hetimet paraprake në pesë viteve të fundit:

⁶⁸ Në këtë tregues janë përfshirë edhe kërkesat për dërgimin e çështjes në gjykatë drejtuar gjyqtarit të seancës paraprake si dhe kërkesat për miratimin e urdhrin penal dhe marrëveshjes së fajësisë.




Vendimmarrja e gjykatës

Vendi që zënë vendimet e gjykatës për **pushimin e çështjeve**, përkundrajt numrit total të çështjeve të dërguara në gjyq, në vitin 2022 përbën 2,10 % të çështjeve të dërguara në gjyq, në vitin 2021 përbën 1,35 % të çështjeve të dërguara në gjyq, ndërsa në vitin 2020 ky tregues është 1,28 %.

Në lidhje me **pushimin e akuzës** për të pandehurit, në vitin 2022 është vendosur pushimi i akuzës për 0,17 % të akuzave të ngritura, në vitin 2021 është vendosur pushimi i akuzës për 0,18 % të akuzave të ngritura, ndërsa në vitin 2020 është vendosur pushimi i akuzës për 0,13 % të akuzave të ngritura.

Në lidhje me **vendimet e gjykatës për pafajësinë**, nga të dhënat statistikore rezulton se në vitin 2022 nga totali i të pandehurve të dërguar në gjykatë 1,68 % kanë marrë pafajësi, në vitin 2021 nga totali i të pandehurve të dërguar në gjykatë 1,17 % kanë marrë pafajësi, ndërsa në vitin 2020 kanë marrë pafajësi 1,32 % e totalit të pandehurve të dërguar në gjykatë.


Më poshtë paraqiten të dhëna në pesë vite (2018-2022) në lidhje me të pandehurit për të cilët është ngritur akuzë në gjykatë nga organi i prokurorisë dhe vendimet e gjykatës për dhënie pafajësi:




Pezullimet

Në vitin 2022 procedimet që është vendosur pezullimi i hetimeve përbëjnë 30,03 % të procedimeve të përfunduara. Të dhënat tregojnë se ndër 7764 procedime të pezulluara, 7762 prej tyre janë pezulluar për shkak se nuk njihet autori i veprës penale dhe 2 procedime penale janë pezulluar për shkak se i pandehuri vuan nga një sëmundje e rëndë që ndalon hetimin e mëtejshëm.

Grafiku në vijim paraqet të dhënat për procedimet e pezulluara në vitet 2018-2022:




Procedimet penale të pezulluara sipas grup veprave penale për vitin 2022, paraqiten grafikisht si më poshtë (në grafik nuk janë përfshirë procedimet e pezulluara për grup veprat penale numri i të cilave është më i ulët se 20):



Mosfillimet

Në lidhje me referimet dhe kallëzimet për të cilat është vendosur mosfillimi, nga të dhënat statistikore rezultojnë se, në vitin 2022 është vendosur mosfillimi i procedimit penal për 12795 referime dhe kallëzime ose një ulje prej 5,24 % krahasuar me vitin 2021, në vitin 2021 është vendosur mosfillimi i procedimit penal për 13503 referime dhe kallëzime ose një ulje prej 0,94 % krahasuar me vitin 2020 dhe në vitin 2020 të dhënat statistikore tregojnë se është vendosur mosfillimi i procedimit penal për 13631 referime dhe kallëzime ose një ulje prej 12,60 % kundrejt vendimeve të mosfillimit të marra në vitin 2019.


Të dhëna të detajuara gjenden në grafikun e mëposhtëm:



2.4 PROCEDIME PENALE TË REGJISTRUARA SIPAS PROKURORIVE PRANË GJYKATËS TË SHKALLËS SË PARË

Paraqitja grafike në vijim paraqet të dhënat për procedimet penale të regjistruara në prokuroritë e shkallës së parë në vitet 2021-2022, tendencën e tyre dhe shpërndarjen gjeografike.

Siç vërehet, numri më i madh i procedimeve penale të regjistruara rezulton në prokuroritë pranë gjykatës së shkallës së parë Tiranë me 33,88 % të numrit total të procedimeve të regjistruara në shkallë vendi; Durrës 8,90 %; Elbasan 6,89 %; Shkodër 6,87 %; Vlorë 6,27 %; Fier 5,77 %; Korçë 4,74 % të numrit total të procedimeve penale të regjistruara në shkallë vendi. Numri më i vogël i procedimeve penale të regjistruara është në prokuroritë pranë gjykatave të shkallës së parë Tropojë, Mat, Përmet e Pukë, me më pak se 1 % të numrit total të procedimeve penale të regjistruara në shkallë vendi.



2.5 KOEFICIENTËT E KRIMINALITETIT PËR 100,000 BANORË⁶⁹



Koeficienti i kriminalitetit për procedimet penale të regjistruara, për 100,000 banorë në vitin 2022 është **920**, ndërsa në vitin 2021 koeficienti i kriminalitetit ka qenë **1002**. Në lidhje me koeficientet e kriminalitetit për 100,000 banorë sipas qarqeve, të dhënat statistikore rezultojnë si më poshtë:

Në qarkun Berat që përfshin prokurorinë pranë gjykatës së shkallës së parë Berat koeficienti i kriminalitetit për 100,000 banorë në vitin 2022 është 591; në qarkun Dibër që përfshin prokuroritë pranë gjykatave të shkallës së parë Dibër dhe Mat, koeficienti i kriminalitetit për 100,000 banorë është 633; në qarkun Durrës që përfshin prokuroritë pranë gjykatave të shkallës së parë Durrës dhe Krujë, koeficienti i kriminalitetit për 100,000 banorë është 956; në qarkun Elbasan që përfshin prokurorinë pranë gjykatës së shkallës së parë Elbasan koeficienti i kriminalitetit për 100,000 banorë është 683; në qarkun Fier që përfshin prokuroritë pranë gjykatave të shkallës së parë Fier dhe Lushnjë koeficienti i kriminalitetit për 100,000 banorë është 812; në qarkun Gjirokastrë që përfshin prokuroritë pranë gjykatave të shkallës së parë Gjirokastrë dhe Përmet koeficienti i kriminalitetit për 100,000 banorë është 1386; në qarkun Korçë që përfshin prokuroritë pranë gjykatave të shkallës së parë Korçë dhe Pogradec koeficienti i kriminalitetit për 100,000 banorë është 847; në qarkun Kukës që përfshin prokuroritë pranë gjykatave të shkallës së parë Kukës dhe Tropojë koeficienti i kriminalitetit për 100,000 banorë është 992; në qarkun Lezhë që përfshin prokuroritë pranë gjykatave të shkallës së parë Lezhë dhe Kurbin koeficienti i kriminalitetit për 100,000 banorë është 1124; në qarkun Shkodër që përfshin prokuroritë pranë gjykatave të shkallës së parë Shkodër dhe Pukë koeficienti i kriminalitetit për 100,000 banorë është 946; në qarkun Tiranë që përfshin prokuroritë pranë gjykatave të shkallës së parë Tiranë dhe Kavajë koeficienti i kriminalitetit për 100,000 banorë është 1006 dhe në qarkun Vlorë që përfshin prokuroritë pranë gjykatave të shkallës së parë Vlorë dhe Sarandë koeficienti i kriminalitetit për 100,000 banorë është 1062.

Siç rezulton nga të dhënat, përqindjen më të ulët të koeficientit të kriminalitetit në vitin 2022 e ka qarku Berat, ndërsa përqindjen më të lartë e ka qarku Gjirokastrë.

Renditja dhe të dhënat e kriminalitetit në dy vitet e fundit paraqiten grafikisht në vijim:

⁶⁹ <https://www.instat.gov.al/media/9831/t-2.xlsx>



2.6 TË DHËNA NË LIDHJE ME NJOFTIMET PËR VEPRAT PENALE

Bazuar në të dhënat statistikore rezultojnë se në vitin 2022 janë **filluar kryesisht** 124 procedime penale nga ana e prokurorisë.

Kallëzime nga nëpunësit publikë: në vitin 2022 rezultojnë të kenë ardhur në prokurori 1031 kallëzime, që përbën rritje prej 27,28 % krahasuar me vitin 2021, në vitin 2021 rezultojnë të kenë ardhur në prokurori 810 kallëzime, që përbën ulje prej 3,57 % krahasuar me vitin 2020, ndërkohë që në vitin 2020 rezultojnë të kenë ardhur në prokurori 840 kallëzime, që përbën ulje prej 41,59 % krahasuar me vitin 2019.

Kallëzime nga personeli mjekësor: në tre vitet e fundit 2020-2022, nuk rezultojnë kallëzime nga personeli mjekësor.


Kallëzime nga shtetasit: në vitin 2022 rezulton të kenë ardhur në prokurori 2388 kallëzime, që përbën ulje prej 1,36 % krahasuar me vitin 2021, në vitin 2021 rezulton të kenë ardhur në prokurori 2421 kallëzime, që përbën rritje prej 36,56 % krahasuar me vitin 2020, ndërkohë që në vitin 2020 rezulton të kenë ardhur në prokurori 1769 kallëzime, që përbën ulje prej 46,70 % krahasuar me vitin 2019.

Kallëzime për vepra penale që ndiqen mbi ankim: në vitin 2022 rezulton të kenë ardhur në prokurori 137 ankime nga viktimat, që përbën ulje prej 26,74 % krahasuar me vitin 2021, në vitin 2021 rezulton të kenë ardhur në prokurori 187 ankime nga viktimat, që përbën rritje prej 0,57 % krahasuar me vitin 2020, ndërkohë që në vitin 2020 rezulton të kenë ardhur në prokurori 186 kallëzime për vepra penale që ndiqen mbi ankim, që përbën ulje prej 6,53 % krahasuar me vitin 2019.

Në vitin 2022 rezulton të jetë marrë njoftim për 3324 ngjarje, që do të thotë ulje prej 25,49 % në krahasim me vitin 2021, në vitin 2021 rezulton të jetë marrë njoftim për 4461 ngjarje, që do të thotë ulje prej 8,9 % në krahasim me vitin 2020, ndërkohë që gjatë vitit 2020 rezulton të jetë marrë njoftim për 4897 ngjarje, që do të thotë ulje prej 12,93 % në krahasim me vitin 2019.

Referime nga Policia e Shtetit dhe polici të tjera me atributet e policisë gjyqësore, në vitin 2022 rezulton të kenë ardhur në prokurori 31557 referime, që përbën ulje prej 6,25 % në krahasim me vitin 2021, ndërkohë që në vitin 2021 rezulton të kenë ardhur në prokurori 33662 referime, që përbën rritje prej 5,86 % në krahasim me vitin 2020, ndërkohë që në vitin 2020 rezulton të kenë ardhur në prokurori 31798 referime që përbën ulje prej 13,50 % krahasim me vitin 2019.

Të dhënat e pesë viteve për njoftimet për vepra penale paraqiten në grafikun më poshtë:




2.7 TREGUESIT E EKZEKUTIMIT TË VENDIMEVE GJYQËSORE PENALE TË FORMËS SË PRERË

Nga të dhënat statistikore rezulton se në vitin 2022 urdhrat për ekzekutim e vendimeve gjyqësore penale të formës së prerë (në vijim: vendime) të dënimeve kryesore me burgim, gjobë dhe dënime plotësuese, zënë 31,10 % të totalit të urdhrave për ekzekutim të lëshuara nga prokurori, ndërsa urdhrat për ekzekutim të dënimeve alternative zënë 68,90 % të totalit të urdhrave për ekzekutim të lëshuara nga prokurori. Krahasuar me vitin 2021, urdhrat e ekzekutimit për dënimet me burgim të përjetshëm, me burgim, me gjobë dhe dënime plotësuese kanë pësuar një ulje prej 21,72 %, ndërsa ato për dënimet alternative kanë pësuar një ulje prej 15,97 %.

Gjatë vitit 2022 janë ekzekutuar 4897 vendime, ndërsa kanë mbetur pa u ekzekutuar 3806 vendime. Numri i vendimeve sipas llojit të tyre të mbetura pa ekzekutuar është 6 vendime për dënime me burgim të përjetshëm, 571 vendime me burgim, 516 vendime për dënime me gjobë, 25 dënime plotësuese dhe 2688 dënime alternative.

Grafikun në vijim paraqet raportin në përqindje të vendimeve të ekzekutuara dhe të vendimeve të pa ekzekutuara:




2.8 KRIMINALITETI SIPAS STRUKTURËS SË KODIT PENAL

Raporti krime dhe kundërvajtje

Më poshtë paraqitet analiza e strukturës së kriminalitetit për vitin 2022, sipas ndarjes në krime dhe kundërvajtje penale⁷⁰ duke përfshirë të dhëna që lidhen me procedimet penale të regjistruara në prokurori sipas veprave penale:

⁷⁰ Në këtë shifër janë përfshirë edhe veprat penale për të cilat parashikohet dënim deri në 2 vjet




Raporti i grupveprave me numrin e procedimeve të regjistruara në prokurori, sipas strukturës së Kodit Penal, rezulton si vijon:

- Raporti që zënë **krimet kundër njerëzimit**, në numrin e përgjithshëm të procedimeve të regjistruara në prokurori për vitin 2022, është 0 %;
- Raporti që zënë **krimet kundër jetës të kryera me dashje**, në numrin e përgjithshëm të procedimeve të regjistruara në prokurori për vitin 2022, është 1,38 %⁷¹;
- Raporti që zënë **krimet kundër jetës të kryera me pakujdesi** në numrin e përgjithshëm të procedimeve të regjistruara në prokurori për vitin 2022, është 0,03 %;
- Raporti që zënë **krimet kundër shëndetit të kryera me dashje** në numrin e përgjithshëm të procedimeve të regjistruara në prokurori për vitin 2022, është 2,59 %;
- Raporti që zënë **krimet kundër shëndetit të kryera me pakujdesi** në numrin e përgjithshëm të procedimeve të regjistruara në prokurori për vitin 2022, është 0,05 %;
- Raporti që zënë **veprat penale që rrezikojnë jetën dhe shëndetin nga ndërprerja e shtatzënisë ose mosdhënia e ndihmës** në numrin e përgjithshëm të procedimeve të regjistruara në prokurori për vitin 2022, është 1,12 %;
- Raporti që zënë **krimet seksuale** në numrin e përgjithshëm të procedimeve të regjistruara në prokurori për vitin 2021, është 0,63 %;
- Raporti që zënë **veprat penale kundër lirisë së personit** në numrin e përgjithshëm të procedimeve të regjistruara në prokurori për vitin 2022, është 0,48 %;
- Raporti që zënë **veprat penale kundër moralit dhe dinjitetit** në numrin e përgjithshëm të procedimeve të regjistruara në prokurori për vitin 2022, është 1,12 %;
- Raporti që zënë **veprat penale kundër fëmijëve, martesës dhe familjes** në numrin e përgjithshëm të procedimeve të regjistruara në prokurori për vitin 2022, është 6,08 %;
- Raporti që zënë **veprat penale kundër lirisë së besimit** në numrin e përgjithshëm të procedimeve të regjistruara në prokurori për vitin 2022, është 0,01 %;
- Raporti që zënë **vjedhja e pasurisë** në numrin e përgjithshëm të procedimeve të regjistruara në prokurori për vitin 2022, është 26,16 %;
- Raporti që zënë **mashttrimet** në numrin e përgjithshëm të procedimeve të regjistruara në prokurori për vitin 2022, është 2,71 %;
- Raporti që zënë **shkatërrimi i pronës** në numrin e përgjithshëm të procedimeve të regjistruara në prokurori për vitin 2022, është 4,38 %;
- Raporti që zënë **veprat penale të kryera në shoqëritë tregtare** në numrin e përgjithshëm të procedimeve të regjistruara në prokurori për vitin 2022, është 0,19 %;

⁷¹ Përfshirë vrasjet e mbetura në tentativë.

- Raporti që zënë veprat penale në lidhje me **veprimtarinë bankare dhe financiare** në numrin e përgjithshëm të procedimeve të regjistruara në prokurori për vitin 2022, është 0,09 %;
- Raporti që zënë **krimet në fushën e doganave** në numrin e përgjithshëm të procedimeve të regjistruara në prokurori për vitin 2022, është 1,01 %;
- Raporti që zënë **veprat penale në lidhje me taksat dhe tatimet** në numrin e përgjithshëm të procedimeve të regjistruara në prokurori për vitin 2022, është 1,22 %;
- Raporti që zënë **falsifikimi i monedhave dhe letrave me vlerë** në numrin e përgjithshëm të procedimeve të regjistruara në prokurori për vitin 2022, është 0,17 %;
- Raporti që zënë **falsifikimi i dokumenteve** në numrin e përgjithshëm të procedimeve të regjistruara në prokurori për vitin 2021, është 3,06 %;
- Raporti që zënë **veprat penale në fushën e falimentimit** në numrin e përgjithshëm të procedimeve të regjistruara në prokurori për vitin 2022, është 0 %;
- Raporti që zënë **zhvillimi i palejuar i lojërave të fatit** në numrin e përgjithshëm të procedimeve të regjistruara në prokurori për vitin 2022, është 1,01 %;
- Raporti që zënë **veprat penale që cënojnë regjimin juridik të tokës** në numrin e përgjithshëm të procedimeve të regjistruara në prokurori për vitin 2022, është 5,05 %;
- Raporti që zënë **veprat penale kundër mjedisit** në numrin e përgjithshëm të procedimeve të regjistruara në prokurori për vitin 2022, është 1,45 %;
- Raporti që zënë **krimet kundër pavarësisë dhe integritetit** në numrin e përgjithshëm të procedimeve të regjistruara në prokurori për vitin 2022, është 0,01 %;
- Raporti që zënë **krimet kundër rendit kushtetues** në numrin e përgjithshëm të procedimeve të regjistruara në prokurori për vitin 2022, është 0,01 %;
- Raporti që zënë **krimet që cenojnë marrëdhëniet me shtetet e tjera** në numrin e përgjithshëm të procedimeve të regjistruara në prokurori për vitin 2022, është 0 %;
- Raporti që zënë **veprat me qëllime terroriste** në numrin e përgjithshëm të procedimeve të regjistruara në prokurori për vitin 2022, është 0 %;
- Raporti që zënë **krimet kundër veprimtarisë shtetërore të kryera nga shtetasit** në numrin e përgjithshëm të procedimeve të regjistruara në prokurori për vitin 2022, është 2,79 %;
- Raporti që zënë **krimet kundër veprimtarisë shtetërore të kryera nga punonjësit shtetërorë ose në shërbim publik** në numrin e përgjithshëm të procedimeve të regjistruara në prokurori për vitin 2022, është 2,51 %;
- Raporti që zënë **veprat penale kundër rendit dhe sigurisë publike** në numrin e përgjithshëm të procedimeve të regjistruara në prokurori për vitin 2022, është 29,45 %;
- Raporti që zënë **veprat penale kundër sekretit dhe kufijve shtetërorë** në numrin e përgjithshëm të procedimeve të regjistruara në prokurori për vitin 2022, është 2,87 %;
- Raporti që zënë **veprat penale kundër drejtësisë** në numrin e përgjithshëm të procedimeve të regjistruara në prokurori për vitin 2022, është 2,27 %;
- Raporti që zënë **veprat penale që prekin zgjedhjet e lira**, në numrin e përgjithshëm të procedimeve të regjistruara në prokurori për vitin 2022, është 0,11 %.

Numri i procedimeve sipas grup veprave penale dhe raporti i tyre me numrin e përgjithshëm të procedimeve të regjistruara gjatë vitit 2022 dhe krahasuar me vitin 2021, paraqiten grafikisht si më poshtë:



Në vijim do të analizohet në mënyrë më të detajuar secili nga seksionet e Kodit Penal:

2.9 ANALIZA E VEPRAVE PENALE SIPAS STRUKTURËS SË KODIT PENAL

KRIME KUNDËR NJËRËZIMIT

Në vitin 2022 nuk rezultojnë procedime të regjistruara në lidhje me krimet e parashikuara në Kreun I të Kodit Penal, “Krime kundër njerëzimit”.

KRIME KUNDËR JETËS TË KRYERA ME DASHJE


Pesha specifike⁷² që zë ky grup veprash penale për vitin 2022 është 1,24 % e numrit total të procedimeve penale të regjistruara në shkallë vendi, ndërsa për vitin 2021 ky grup veprash përbënte 1,69 % të totalit të procedimeve. Pra vihet re një ulje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 11,38, ndërsa në vitin 2021 ka qenë 16,96.

TENDENCA

Nga të dhënat statistikore (tabela 1), rezulton se në vitin 2022 ka një ulje prej 22,82 % të numrit të procedimeve të regjistruara për “Krime kundër jetës të kryera me dashje” në krahasim me vitin 2021 dhe ulje prej 31,50 % të numrit të procedimeve të dërguara në gjykatë në krahasim me një vit më parë. Në lidhje me të pandehurit regjistruar për këtë grup veprash penale, vihet re ulje prej 21,60 % përkundrejt këtij totali në vitin 2021, numri i të pandehurve të cilët janë dërguar në gjykatë është ulur me 23,75 % dhe numri i të pandehurve të dënuar nga gjykata është rritur me 20,83 % përkundrejt vitit 2021.

Grafikisht tendenca e krimeve kundër jetës të kryera me dashje për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

⁷² “Pesha specifike” është llogaritur si raport i grupveprave të renditura në tabelë me numrin total të procedimeve të regjistruara. Për shkak të grupimit të veprave jo gjithmonë sipas strukturës së Kodit Penal, por edhe sipas fushës, mund të mos ketë përputhje midis këtij treguesi dhe raportit të grup veprave me numrin e procedimeve të regjistruara në prokurori, sipas strukturës së Kodit Penal.

Në lidhje me gjininë e të pandehurve vihet re se 96,06 % e tyre janë meshkuj (nga të cilët 1.17 % janë të mitur) dhe 3.94 % janë femra (ndër të cilat nuk rezultojnë të mitura).

Në lidhje me arsimin e të pandehurve, rezultojnë se për këto grup veprash penale 4 % e të pandehurve të regjistruar janë me arsim të lartë, 39,5 % e të pandehurve të regjistruar janë me arsim të mesëm dhe pjesa tjetër e të pandehurve, prej 56,5 % rezultojnë me arsim deri 9-vjeçar.


Për sa i përket gjendjes shoqërore, nga të dhënat statistikore rezultojnë se rreth 72,2 % e të pandehurve janë të papunë, 26,8 % e të pandehurve janë të punësuar në sektorin privat dhe 1 % rezultojnë të punësuar në sektorin shtetëror.

Rezultojnë se, rreth 52,3 % e të pandehurve për këtë grup veprash janë banues në qytet dhe 47,7 % e tyre, në fshat.

Në lidhje me gjendjen gjyqësore të të pandehurve, vihet re se 0,6 % janë përsëritës për të njëjtën veprë penale, 11,31 % e tyre janë përsëritës për vepra të tjera dhe 88,09 % janë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të krimeve kundër jetës të kryera me dashje në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për krime kundër jetës të kryera me dashje është në prokuroritë pranë gjykatave të shkallës së parë: Tiranë dhe Shkoder regjistruar përkatësisht rreth 17 % e numrit total të procedimeve të regjistruara për këtë grupveprë në shkallë vendi; Elbasan 8 % e numrit total të procedimeve të regjistruara, Fier dhe Korçë 7 % e numrit total të procedimeve të regjistruara, Vlorë dhe Durrës regjistruar secila 6 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i

procedimeve të regjistruara për këtë grupvepër penale është në prokuroritë pranë gjykatave të shkallës së parë: Dibër, Pukë, Kukës, Mat, Gjirokastrë, Kavajë ku janë regjistruar rreth 1 % e numrit total të procedimeve të regjistruar, si dhe në Përmet ku nuk është regjistruar asnjë procedim penal për këtë grupvepër.

VEPRAT PENALE KARAKTERISTIKE TË GRUPIT

Vrasja me dashje

Pesha specifike që zë kjo vepër penale në grupin e veprave penale “Krime kundër jetës të kryera me dashje” për vitin 2022 është 7,86 %, ndërsa në vitin 2021 ka qenë 6,55 %.

Të dhënat statistikore tregojnë se në vitin 2022 janë regjistruar 25 procedime për veprën penale të parashikuar nga neni 76 i Kodit Penal “Vrasja me dashje”, që rezultojnë me një ulje prej 7,41 % në krahasim me vitin 2021.

Vrasja me paramendim

Pesha specifike që zë kjo vepër penale në grupin e veprave penale “Krime kundër jetës të kryera me dashje” për vitin 2022 është, 10,38 %, ndërkohë që në vitin 2021 ka qenë 10,02 %.

Nga të dhënat statistikore rezultojnë se në vitin 2022, ka një ulje prej 21,43 % të procedimeve të regjistruara për veprën penale të parashikuar nga neni 78 “Vrasja me paramendim”, krahasuar me vitin 2021.

Vrasja në rrethana të tjera cilësuese

Pesha specifike që zë kjo vepër penale në grupin e veprave penale “Krime kundër jetës të kryera me dashje” është 4,09 % për vitin 2022, ndërkohë që në vitin 2021 ka qenë 5,83 %.

Nga të dhënat statistikore rezultojnë se në vitin 2022, ka një ulje prej 45,83 % të procedimeve penale të regjistruara për veprën penale të parashikuar nga neni 79 i Kodit Penal “Vrasja në rrethana të tjera cilësuese”, krahasuar me vitin 2021.

Vrasja për shkak të marrëdhënieve familjare

Pesha specifike që zë kjo vepër penale në grupin e veprave penale “Krime kundër jetës të kryera me dashje” është 4,40 % për vitin 2022, ndërkohë që në vitin 2021 ka qenë 4,6 %.


Nga të dhënat statistikore rezultojnë se në vitin 2022 janë regjistruar 14 procedime penale për veprën penale të vrasjes për shkak të marrëdhënieve familjare, që ndaj 19 procedimeve të regjistruara në vitin 2021, përbën ulje prej 26,32 %.

Kanosja

Në grupin e veprave penale “Krime kundër jetës të kryera me dashje” peshën specifike më të lartë e përbën vepra penale e parashikuar nga neni 84 i Kodit Penal “Kanosja”, që në vitin 2022 zë 69,81 % ndërkohë që në vitin 2021 ka qenë 69,66 %.

Nga të dhënat statistikore rezultojnë se në vitin 2022 janë regjistruar 222 procedime penale që përbëjnë një ulje prej 22,65 % krahasuar me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 98,83 % janë meshkuj madhorë, 56,5 % janë me arsim deri 9-vjeçar, 72,2 %, janë të papunë dhe 11,31 % janë të dënuar për vepra të tjera.

Gjeografia sociale: numri më i lartë i procedimeve për krime kundër jetës me dashje, është regjistruar në prokurorinë e shkallës së parë Tiranë dhe Shkodër me nga 17 %, ndërkohë që koeficienti më i lartë për 100,000 mijë banorë rezulton në qarqet Shkodër me 29 procedime dhe Lezhë me 23 procedime.

Politika Penale: Për këtë grup veprash, 91,01 % e kërkesave të prokurorit për masa sigurimi lidhen me caktimin e masave të sigurimit me arrest, ndërkohë që nga gjykata në 85,4 % të kërkesave është vendosur masë sigurimi me arrest.

Në kërkesat e prokurorit për llojin dhe masën e dënimit, rezulton se në 88,3 % të pandehurve është kërkuar dënim me burg dhe në 11,7 % dënim me gjobë (ku të gjitha rastet i përkasin kanosjes), ndërkohë që është kërkuar pushim çështjeje në 10 raste. Sa i përket masës së dënimit, është kërkuar aplikimi i pezullimit të dënimit dhe vendosja në provë për 20 % të të pandehurve (76,2 % e të cilëve të akuzuar për kanosje), 4,7 % e kërkesave rezulton për caktimin e dënimit në minimum, 48,6 % në marzhin mesatar të dënimit të parashikuar nga dispozita, 21,9 % në maksimumin e dënimit të parashikuar nga dispozita dhe 4,8 % e kërkesave rezultojnë për dënim të përjetshëm. Gjykata ka vendosur në 90,5 % të dënimeve, dënim me burg dhe në 9,3 % dënim me gjobë, ndërkohë që kemi 11 pushim çështjeje dhe 2 vendim pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 19,1 % të të pandehurve (75 % e të cilëve për kanosje), 10,5 % e dënimeve rezulton për caktimin e dënimit në minimum, 51,4 % në marzhin mesatar të dënimit të parashikuar nga dispozita, 13,3 % në maksimumin e dënimit të parashikuar nga dispozita dhe 4,8 % dënime të përjetshme dhe në 1 rast ulje e dënimit nën minimum.

Siguria publike: Për këtë grup veprash, në vitin 2022 janë pezulluar hetimet për 71 procedime që përbëjnë 22,3 % të procedimeve të regjistruara, ndërkohë që në vitin 2021 kjo peshë ishte 16,26 %.

Viktimat: Për këtë grup veprash në vitin 2022 nga numri total i viktimave rezultojnë 96,73 % viktimat të rritur dhe 3,27 % (të mitur nën 18 vjeç). Nga viktimat në moshë madhore, 83,05 % janë meshkuj dhe 16,95 % janë femra.

KRIME KUNDËR JETËS SHKAKTUAR ME PAKUJDESI

Nga të dhënat statistikore (tabela 2) rezulton se në vitin 2022 procedimet penale dhe të pandehurit e regjistruar për “Krime kundër jetës shkaktuar me pakujdesi”, janë në të njëjtin nivel me ato të regjistruar në vitin 2021, konkretisht 7 procedime penale me 2 të pandehur. Sa i përket numrit të procedimeve dhe të pandehurve të dërguar në gjykatë rezulton ulje nga 6 procedime me 9 të pandehur në vitin 2021, në 2 procedime me 2 të pandehur në vitin 2022, ndërkohë janë dënuar 4 të pandehur për këtë veprë gjatë vitit 2022.

VEPRA PENALE KUNDËR SHËNDETIT TË KRYERA ME DASHJE


Pesha specifike që zë ky grup veprash penale për vitin 2022 është 2,59 % e numrit total të procedimeve penale të regjistruara në shkallë vendi, ndërsa për vitin 2021 ky grup veprash përbënte 2,9 % të totalit të procedimeve. Pra, vihet re ulje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 23,88, ndërsa në vitin 2021 ka qenë 29,08.

TENDENCA

Nga të dhënat statistikore (tabela 3), rezulton se, në vitin 2022 numri i procedimeve të regjistruara është ulur me 18,96 %, numri i procedimeve dërguar në gjykatë ka pësuar ulje prej 19,70 %, numri i të pandehurve të regjistruar rezulton me ulje 23,70 %, numri i të pandehurve të dërguar në gjykatë është ulur me 16,98 % dhe numri i të pandehurve të dënuar nga gjykata është ulur me 11,31 % krahasuar me vitin 2021.

Grafikisht tendenca e veprave penale të kryera me dashje kundër shëndetit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Në lidhje me gjininë e të pandehurve vihet re se 3,98 % e tyre janë femra dhe 96,01 % janë meshkuj, ndër të cilët 5,33 % janë të mitur (14-18 vjeç).

Në lidhje me arsimin e të pandehurve rezulton se për këto grup veprash penale 7 % e tyre janë me arsim të lartë, 41,6 % e të pandehurve janë me arsim të mesëm dhe pjesa tjetër prej 51,4 % e të pandehurve, rezultojnë me arsim deri 9-vjeçar.


Për sa i përket gjendjes shoqërore, nga të dhënat statistikore rezulton se rreth 75,2 % e të pandehurve janë të papunë, rreth 24,5 % e të pandehurve janë të punësuar në sektorin privat dhe 0,3 % të punësuar në sektorin shtetëror.

Rezulton se 53,4 % e të pandehurve kanë vendbanimin në qytet, ndërsa 46,6% prej tyre në fshat.

Në lidhje me gjendjen gjyqësore të të pandehurve, 6,8 % prej tyre janë të dënuar për vepra të tjera penale dhe 93,2 % janë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në përqindje sipas secilës prokurori:



Paraqitja grafike eidenton se numri më i lartë i procedimeve të regjistruara për veprat penale të kryera me dashje kundër shëndetit është në prokuroritë pranë gjykatave të shkallës së parë: Tiranë regjistruar 30 % e numrit total të procedimeve të regjistruara për këto grupvepra në shkallë vendi, Elbasan 9 % e numrit total të procedimeve të regjistruara, Korçë 8 % e numrit total të procedimeve të regjistruara, Durrës 7 % e numrit total të procedimeve të regjistruara, etj, ndërsa vërehet se numri

më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Mat, Përmet, Kurbin, regjistruar rreth 1% e totalit të procedimeve të regjistruara në shkallë vendi, për këtë grupvepër si dhe në prokurorinë Pukë ku nuk është regjistruar asnjë procedim penal për këtë grupvepër.

VEPRAT PENALE KARAKTERISTIKE TË GRUPIT

Plagosja e rëndë me dashje

Pesha specifike që zë kjo vepër penale në grupin e “Veprave penale të kryera me dashje kundër shëndetit” për vitin 2022 është 14,54 %, ndërkohë që në vitin 2021 ka qenë 12,5 %.


Nga të dhënat statistikore rezulton se në vitin 2022 ka një tendencë në ulje prej 5,83 % të numrit të procedimeve të regjistruara për veprën penale të parashikuar nga neni 88 i Kodit Penal “Plagosja e rëndë me dashje”, në krahasim me vitin 2021.

Plagosja e lehtë me dashje

Pesha specifike që zë kjo vepër penale në grupin e “Veprave penale të kryera me dashje kundër shëndetit” për vitin 2022 është 82,01 %, ndërkohë që në vitin 2021 ka qenë 82,99 %.

Në vitin 2022, të dhënat statistikore tregojnë tendencë në ulje prej 19,91 % të numrit të procedimeve të regjistruara për veprën penale të parashikuar nga neni 89 i Kodit Penal “Plagosja e lehtë me dashje”, krahasuar me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 96,01 % janë meshkuj madhorë, 51,4 % janë me arsim deri 9-vjeçar, 75,2 % janë të papunë, ku 6,8 % janë të dënuar për vepra të tjera.

Gjeografia sociale: numri më i lartë i procedimeve për krime kundër shëndetit me dashje, është regjistruar në prokurorinë e shkallës së parë Tiranë 30 %, ndërkohë që koeficienti më i lartë për

100,000 mijë banorë rezulton në qarkun Dibër me 38 procedime, qarku Korçë me 32 procedime dhe qarku Vlorë me 31 procedime.

Politika Penale: për këtë grup veprash, 70,9% e kërkesave të prokurorit për masa sigurimi lidhen me caktimin e masave të sigurimit me arrest, ndërkohë që nga gjykata në 68,6 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në 65,2 % e të pandehurve është kërkuar dënim me burg dhe në 34,8 % dënim me gjobë, ndërkohë që ka patur 32 kërkesa për pushim çështjeje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 47,19 % të të pandehurve, 19,01 % e kërkesave rezulton për caktimin e dënimit në minimum, 33,1 % në marzhin mesatar të dënimit të parashikuar nga dispozita dhe 0,7 % në maksimumin e dënimit të parashikuar nga dispozita. Gjykata ka vendosur në 71,2 % të dënimeve dënim me burg dhe në 28,8 % dënim me gjobë, ndërkohë që janë vendosur 40 pushim çështjeje dhe 1 vendim pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 61,2 % të të pandehurve, në 18,5 % është vendosur caktimi i dënimit në minimum, 19,7 % në marzhin mesatar të dënimit të parashikuar nga dispozita dhe në 0,6 % të çështjeve është vendosur dënimi në maksimum.

Siguria publike: pezullimi i procedimit për këto grupvepra përbën 7,8 % të çështjeve të regjistruara në vitin 2022 dhe 7,65 % në vitin 2021, përkatësisht 52 procedime të pezulluara në vitin 2022 dhe 63 procedime të pezulluara në vitin 2021.

Viktimat: Për këtë grup veprash në vitin 2022 nga numri total i viktimave rezultojnë 94,7 % viktimat të rritur dhe 5,3 % (të mitur-nën 18 vjeç). Nga viktimat në moshë madhore, 87,5 % janë meshkuj dhe 12,5 % janë femra.

VEPRA PENALE KUNDËR SHËNDETIT TË KRYERA NGA PAKUJDESIA

Të dhënat statistikore (tabela 4) tregojnë se numri i procedimeve penale për “Vepra penale kundër shëndetit të kryera nga pakujdesia” të regjistruara në vitin 2022 është rritur nga 10 në 12 procedime të regjistruara në vitin 2021. Për këtë periudhë rezultojnë 2 procedime të dërguara në gjykatë, 3 të pandehur të regjistruar, 5 të pandehur të dërguar në gjykatë dhe 1 i pandehur i dënuar.

VEPRA PENALE QË RREZIKOJNË JETËN DHE SHËNDETIN NGA NDËRPRERJA E SHTATZËNËSISË OSE MOSDHËNIA E NDIHMËS

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 1,12 %. Ky tregues për vitin 2021 ka qenë 1,23 %, pra vihet re ulje e tij për vitin 2022 në krahasim me vitin 2021.


Koeficienti i kriminalitetit për 100,000 banorë për këtë grup veprash në vitin 2022 është 10,27, ndërsa në vitin 2021 ka qenë 12,37.

TENDENCA

Nga të dhënat statistikore (tabela 5) rezulton se në vitin 2022 ka një ulje prej 18 % të numrit të procedimeve të regjistruara për “Vepra penale që rrezikojnë jetën dhe shëndetin nga ndërprerja e shtatzënësisë ose nga mosdhënia e ndihmës”, në krahasim me vitin 2021. Numri i procedimeve dërguar në gjykatë është ulur nga 14 në 10, numri i të pandehurve të regjistruar është ulur nga 4 në 3

dhe numri i të pandehurve dërguar në gjykatë është ulur nga 17 në 12. Në lidhje me numrin e të pandehurve të dënuar nga gjykata, rezultojnë 10 të pandehur të dënuar në vitin 2022, kundrejt 1 të pandehuri në vitin 2021.

Grafikisht tendenca e veprave penale që rrezikojnë jetën dhe shëndetin nga ndërprerja e shtatzënësisë ose mosdhënia e ndihmës për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të gjithë të pandehurit rezultojnë të moshës madhore, dhe meshkuj. Ndërkohë rezultojnë 1 shtetas i huaj.


Në lidhje me arsimin e të pandehurve rezultojnë se 50 % e të pandehurve janë me arsim të lartë, dhe 50% janë me arsim të mesëm.

Për sa i përket gjendjes shoqërore, nga të dhënat statistikore rezultojnë se rreth 50 % e të pandehurve janë të punësuar në sektorin shtetëror.

Rezultojnë se 92,8 % e të pandehurve e kanë vendbanimin në qytet ndërsa pjesa tjetër në fshat, ndërsa në lidhje me gjendjen gjyqësore të të pandehurve, të gjithë të pandehurit janë të padënuar më parë.

SHËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale që rrezikojnë jetën dhe shëndetin nga ndërprerja e shtatëzënisë ose mosdhënia e ndihmës është në prokuroritë pranë gjykatës së shkallës së parë: Tiranë regjistruar 23 % e numrit total të procedimeve të regjistruara për këto vepra në shkallë vendi, Korçë regjistruar 20 % e numrit total të procedimeve të regjistruara, Fier regjistruar 11 % e numrit total të procedimeve të regjistruara, Vlorë regjistruar 7 % e numrit total të procedimeve të regjistruara, Shkodër dhe Dibër regjistruar secila 5 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Tropojë, Gjirokastër, Lushnjë, Sarandë, Përmet, Tropojë, Kurbin regjistruar secila 1 % e ose më pak se 1% e totalit të procedimeve në shkallë vendi, për vepra penale që rrezikojnë jetën dhe shëndetin nga ndërprerja e shtatëzënisë ose mosdhënia e ndihmës.

VEPRAT PENALE KARAKTERISTIKE TË GRUPIT

Neglizhenca në trajtimin mjekësor

Pesha specifike që zë kjo vepër penale në grupin e veprave penale “Vepra penale që rrezikojnë jetën dhe shëndetin nga ndërprerja e shtatëzënisë ose nga mosdhënia e ndihmës” është 16,03 % për vitin 2022, ndërkohë që në vitin 2021 ka qenë 14,86 %.


Të dhënat statistikore tregojnë se numri i procedimeve penale të regjistruara në vitin 2022 për këtë vepër penale është ulur me 11,54 % krahasuar me vitin 2021.

Shkaktimi i vetëvrasjes

Pesha specifike që zë kjo vepër penale në grupin e veprave penale “Vepra penale kundër shëndetit të kryera nga pakujdesia” është 81,18 % për vitin 2022, ndërkohë që në vitin 2021 ka qenë 84,86 %.

Nga të dhënat statistikore vihet re tendenca në ulje prej 21,55 % e procedimeve të regjistruara në vitin 2022, për veprën penale të parashikuar nga neni 99 i Kodit Penal “Shkaktimi i vetëvrasjes”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Gjeografia sociale: numri më i lartë i procedimeve për vepra penale që rrezikojnë jetën dhe shëndetin nga ndërprerja e shtatëzanisë ose mosdhënia e ndihmës, është regjistruar në prokurorinë e shkallës së parë Tiranë 23 %, ndërkohë që koeficienti më i lartë për 100,000 mijë banorë rezulton në qarkun Korçë me 33 procedime dhe në qarkun Dibër me 18 procedime.

Viktimat: Për këtë grup veprash në vitin 2022 nga numri total i viktimave rezultojnë 91,7 % viktimat të rritur dhe 8,3 % (të mitur-nën 18 vjeç). Nga viktimat në moshë madhore, 91,7 % janë meshkuj dhe 8,3 % janë femra.


KRIME SEKSUALE

Pesha specifike që zë ky grup veprash penale për vitin 2022 përkundrejt numrit total të procedimeve penale të regjistruara në shkallë vendi, është 0,63 % ndërkohë që për vitin 2021 ka qenë 0,56 %. Koeficienti i kriminalitetit për 100,000 banorë për këtë grup veprash në vitin 2022 është 5,80 ndërsa në vitin 2021 ka qenë 5,58.

TENDENCA

Nga të dhënat statistikore (tabela 6) rezulton se në vitin 2022 ka rritje prej 2,53 % të numrit të procedimeve të regjistruara për krime seksuale në krahasim me vitin 2021 dhe një rritje prej 4,82 % të procedimeve të dërguara në gjykatë në krahasim me vitin 2021. Në lidhje me të pandehurit për këtë grup veprash penale, vihet re ulje e numrit të të pandehurve të regjistruar përkundrejt këtij totali në vitin 2021 prej 10,28 %, rritje e numrit të të pandehurve të cilët janë dërguar në gjykatë me 2,15 % dhe rritje e numrit të të pandehurve të dënuar nga gjykata me 6,45 % përkundrejt vitit 2021.

Grafikisht tendenca e krimeve seksuale për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, moshë, arsimit, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Në lidhje me gjininë dhe moshën për të pandehurit, nga të dhënat statistikore rezulton se 98,4 % e të pandehurve (mbi 18 vjeç) janë meshkuj dhe 1,6 % janë femra. Ndërkohë nga numri i përgjithshëm i të pandehurve meshkuj, 2,3 % janë të mitur (14-18 vjeç).

Në lidhje me arsimin e të pandehurve rezulton se 54,2 % e të pandehurve janë me arsim deri 9-vjeçar, 39,7 % me arsim të mesëm dhe 6,1 % me arsim të lartë.


Për sa i përket gjendjes shoqërore nga të dhënat statistikore vihet re se 68,9 % e të pandehurve janë të papunë, 28,4 % e të pandehurve janë të punësuar në sektorin privat ndërkohë 2,7 % janë të punësuar në sektorin shtetëror.

Rezulton se 50,4 % e të pandehurve kanë vendbanimin në qytet ndërsa 49,6 % prej tyre në fshat.

Në lidhje me gjendjen gjyqësore të të pandehurve, 89 % e të pandehurve janë të padënuar më parë, 10,2 % e të pandehurve janë përsëritës për vepra penale të ndryshme nga ajo që procedohen dhe vetëm 0,8 % janë përsëritës për të njëjtën vepër penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për krime seksuale është në prokuroritë pranë gjykatës së shkallës së parë: Tiranë regjistruar 32 %, e numrit total të procedimeve të regjistruara për këto vepra në shkallë vendi, Durrës regjistruar 11 % e procedimeve, Korçë 8% e procedimeve, Shkodër dhe Fier regjistruar nga 6 %, Elbasan dhe Lushnjë regjistruar nga 5 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Sarandë, Pukë, Kukës, Kurbin, Përmet, Mat, Dibër, regjistruar secila rreth 1 % e totalit të procedimeve të regjistruara në shkallë vendi për këtë grup veprash.

VEPRAT PENALE KARAKTERISTIKE TË GRUPIT

Marrëdhënie seksuale ose homoseksuale me të mitur

Pesha specifike që zë kjo vepër penale në grupin e veprave penale “Krime seksuale” në vitin 2022 është 13,58 %, ndërsa për vitin 2021 ka qenë 15,8 %.


Në vitin 2022 vihet re ulje e numrit të procedimeve të regjistruara për veprën penale të parashikuar nga neni 100 i Kodit Penal “Marrëdhënie seksuale ose homoseksuale me të mitur”, prej 12 % në krahasim me vitin 2021.

Ngacmimi seksual

Pesha specifike që zë kjo vepër penale në grupin e veprave penale “Krime seksuale” është 53,70 % për vitin 2022, ndërkohë që në vitin 2021 ka qenë 43,04 %. Pra vihet re rritje e këtij treguesi krahasuar me vitin 2021.

Në vitin 2022, në grupin e krimeve seksuale vihet re një rritje prej 27,94 % e procedimeve të regjistruara për veprën penale të parashikuar nga neni 108/a i Kodit Penal “Ngacmimi seksual”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 98,4 % janë meshkuj madhorë, 2,3 % janë meshkuj të mitur, 54,2 % janë me arsim deri 9 – vjeçar, 68,9 % janë të papunë dhe 10,2 % janë të dënuar për vepra të tjera.

Gjeografia sociale: numri më i lartë i procedimeve për krime seksuale, është regjistruar në prokurorinë e shkallës së parë Tiranë 32 %, ndërkohë që koeficienti më i lartë për 100,000 mijë banorë rezulton në qarkun Korçë me 9 procedime dhe në qarkun Durrës me 7 procedime.

Politika Penale: për këtë grup veprash, 88,8 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 90,3 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në të gjitha rastet është kërkuar dënim me burg. Sa i përket masës së dënimit, është kërkuar aplikimi i pezullimit të dënimit dhe vendosja në provë në 17,8 % të të pandehurve, 15,1 % e kërkesave rezulton për caktimin e dënimit në minimum, 52,1 % në marzhin mesatar të dënimit të parashikuar nga dispozita dhe 15 % rezulton caktim dënimi në maksimum. Gjykata ka vendosur në të gjithë dënimet, dënim me burg. Sa i përket masës së dënimit, është vendosur aplikimi i pezullimit të dënimit dhe vendosja në provë për 18,2 % të të pandehurve, 25,7 % rezulton për caktimin e dënimit në minimum, 46,9 % në marzhin mesatar të dënimit të parashikuar nga dispozita dhe 9,2 % në maksimum të dënimit që parashikon dispozita.

Siguria publike: pezullimi i procedimit për këto grupvepra përbën 11,7 % të çështjeve të regjistruara në vitin 2022 dhe 10,13 % në vitin 2021, përkatësisht 19 të pezulluara në vitin 2022 dhe 16 procedime të pezulluara në vitin 2021.

Viktimat: Për këtë grup veprash në vitin 2022 nga numri total i viktimave rezultojnë 60,5 % viktimat të mitur-nën 18 vjeç dhe 39,5 % të rritur. Nga viktimat e mitura, 4,35 % janë meshkuj dhe 95,65 % janë femra.

VEPRA PENALE KUNDËR LIRISË SË PERSONIT


Pesha specifike që zë ky grup veprash penale për vitin 2022 përkundrejt numrit total të procedimeve penale të regjistruara në shkallë vendi është 0,45 % dhe për vitin 2021 ka qenë 0,36 %. Pra vihet re një rritje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 4,15, ndërsa në vitin 2021 ka qenë 3,64.

TENDENCA

Nga të dhënat statistikore (tabela 7) rezulton se në vitin 2022 ka një rritje prej 12,62 % të numrit të procedimeve të regjistruara për “Vepra penale kundër lirisë së personit” dhe rritje prej 11,43 % e numrit të procedimeve të dërguara në gjykatë në krahasim me vitin 2021. Në lidhje me të pandehurit e regjistruar për këtë grup veprash penale, vihet re një rritje përkundrejt këtij totali në vitin 2021 prej 16,67 %, rritje e numrit të të pandehurve të cilët janë dërguar në gjykatë prej 6,52 % dhe ulje e numrit të të pandehurve të dënuar nga gjykata me 20,37 %, përkundrejt vitit 2021.

Grafikisht tendenca e krimeve kundër lirisë së personit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Në lidhje me gjininë, 91,2 % e të pandehurve janë meshkuj (nga këta 4,8 % janë të mitur 14-18 vjeç) dhe 8,8 % janë femra.

Në lidhje me arsimin e të pandehurve rezulton se 49,4 % e të pandehurve janë me arsim deri 9-vjeçar, 42,7 % me arsim të mesëm dhe 7,9 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektorin privat janë regjistruar 48,5 % e të pandehurve, dhe të papunë janë 51,5 %.

Rezulton se 70,1 % e të pandehurve kanë vendbanimin në qytet ndërsa 29,9 % prej tyre në fshat.

Në lidhje me gjendjen gjyqësore të të pandehurve, rezulton se 91,9 % e tyre janë të padënuar më parë dhe 8,1 % janë përsëritës për vepra të tjera penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër lirisë së personit është në prokuroritë pranë gjykatës së shkallës së parë: Tiranë regjistruar 31 % e numrit total të procedimeve të regjistruara për këto vepra në shkallë vendi, Durrës regjistruar 12 %, Elbasan regjistruar 9 %, Fier regjistruar 8 %, Lushnjë regjistruar 6 %, e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Kurbin, Pogradec, Tropojë, Gjirokastër, Krujë, regjistruar përkatësisht rreth 1 % e totalit të procedimeve të regjistruara në shkallë vendi për grupvepra kundër lirisë së personit, ndërkohë prokuroritë e shkallës së parë Sarandë, Dibër Pukë nuk kanë regjistruar asnjë procedim penal për këtë grup veprash.

VEPRAT PENALE KARAKTERISTIKE TË GRUPIT

Rrëmbimi ose mbajtja peng e personit

Pesha specifike që zë kjo vepër penale në grupin e veprave penale “Vepra penale kundër lirisë së personit” është 11,21 % për vitin 2022, ndërkohë që në vitin 2021 ka qenë 12,62 %.

Shtrëngimi me anë të kanosjes ose dhunës për dhënien e pasurisë


Pesha specifike që zë kjo vepër penale për vitin 2022, në grupin “Vepra penale kundër lirisë së personit” është 40,52 % ndërkohë që në vitin 2021 ka qenë 45,63 %.

Heqja e paligjshme e lirisë

Pesha specifike që zë kjo vepër penale në grupin e veprave penale “Kundër lirisë së personit” është 35,34 % për vitin 2022, ndërkohë që në vitin 2021 ka qenë 26,2 %.

Nga të dhënat statistikore vërehet se kemi rritje prej 51,85 % të numrit të procedimeve penale të regjistruara për veprën penale të parashikuar nga neni 110 i Kodit Penal “Heqja e paligjshme e lirisë” krahasuar me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 91,2 % janë meshkuj, 49,4 % janë me arsim 9-vjeçar, 51,5 % janë të papunë, dhe 8,1 % rezultojnë të dënuar për vepra të tjera penale.

Gjeografia sociale: numri më i lartë i procedimeve për vepra penale kundër lirisë së personit është regjistruar në prokurorinë e shkallës së parë Tiranë 31 %, ndërkohë që koeficienti më i lartë për 100,000 mijë banorë rezultojnë në qarkun Gjirokastrë me 9 procedime dhe Fier me 6 Procedime.

Politika Penale: për këtë grup veprash 85,4 % e kërkesave të prokurorit për masa sigurimi lidhen me caktimin e masave të sigurimit me arrest, ndërkohë që nga gjykata në 75 % të kërkesave është vendosur masë sigurimi me arrest.

Sa i përket masës së dënimit, është kërkuar aplikimi i pezullimit të dënimit dhe vendosja në provë në 35,5 % të të pandehurve, 6,7 % e kërkesave rezultojnë për caktimin e dënimit në minimum dhe 57,8 % në marzhin mesatar të dënimit të parashikuar nga dispozita. Sa i përket masës së dënimit, është vendosur aplikimi i pezullimit të dënimit dhe vendosja në provë për 35,7 % të të pandehurve, 14,3 % rezultojnë për caktimin e dënimit në minimum dhe 50 % në marzhin mesatar të dënimit të parashikuar nga dispozita, ndërkohë që ka vendosur në 3 raste pushim çështje dhe në 2 raste pafajësi.

Siguria publike: për këtë grup veprash, në vitin 2022 janë pezulluar 35 procedime që përbëjnë 30,17 % të procedimeve të regjistruara, ndërkohë që në vitin 2021 pesha që zinin procedimet e pezulluara ishte 22,33 %.

Viktimat: Për këtë grup veprash në vitin 2022 nga numri total i viktimave rezultojnë, 80 % viktimat të rritur dhe 20 % (të mitur nën 18 vjeç). Nga viktimat në moshë madhore, 50 % janë femra.

VEPRA PENALE KUNDËR MORALIT DHE DINJITETIT


Pesha specifike që ky grup veprash penale zë për vitin 2022, përkundëjt numrit total të procedimeve penale të regjistruara në shkallë vendi është 1,12 % ndërkohë që në vitin 2021 ky tregues ka qenë 1 %.

Koeficienti i kriminalitetit për 100,000 banorë për këtë grup veprash në vitin 2022 është 10,31 ndërsa në vitin 2021 ka qenë 10,03.

TENDENCA

Nga të dhënat statistikore (tabela 8) rezulton se numri i procedimeve për “Vepra penale kundër moralit dhe dinjitetit” në vitin 2022 ka një rritje prej 1,41 % të numrit të procedimeve të regjistruara dhe rritje prej 12,05 % të numrit të procedimeve të dërguara në gjykatë në krahasim me vitin 2021. Ndërkaq rezulton ulje në lidhje me numrin e të pandehurve regjistruar për këtë grup veprash penale prej 15,28 % përkundëjt këtij totali në vitin 2021, ulje prej 13,45 % e numrit të të pandehurve të cilët janë dërguar në gjykatë dhe ulje prej 1,96 % e numrit të të pandehurve të dënuar nga gjykata, krahasuar me vitin 2021.

Grafikisht tendenca e veprave penale kundër moralit dhe dinjitetit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Në lidhje me gjininë, 82,04 % e të pandehurve janë meshkuj dhe 17,96 % janë femra. Ndërkohë rezultojnë dhe 3 të pandehur shtetas të huaj.

Në lidhje me arsimin e të pandehurve rezulton se 42,4 % e të pandehurve janë me arsim deri 9-vjeçar, 44,9 % me arsim të mesëm dhe 12,7 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektorin privat janë regjistruar 32,1 % e të pandehurve, të punësuar në sektorin shtetëror nuk rezultojnë dhe të papunë janë 67,9 %.

Rezulton se 64,8 % e të pandehurve kanë vendbanimin në qytet ndërsa 35,2 % prej tyre në fshat.

Në lidhje me gjendjen gjyqësore të të pandehurve, rezulton se 93,7 % e tyre janë të padënuar më parë dhe 5,7 % janë përsëritës për vepra të tjera dhe 0,6 % janë përsëritës për të njëjtën vepër penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër moralit dhe dinjitetit është në prokuroritë pranë gjykatës së shkallës së parë: Tiranë regjistruar 35 % e numrit total të procedimeve të regjistruara për këto vepra në shkallë vendi, Fier regjistruar 12 %, Elbasan regjistruar 9 %, Shkodër regjistruar 7 %, Durrës dhe Korçë regjistruar secila nga 6 %, e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Përmet, Kavajë, Tropojë, Kukës, Gjirokastër, Kurbin regjistruar përkatësisht rreth 1 % e totalit të procedimeve të regjistruara në shkallë vendi për grupvepra kundër lirisë së personit, ndërkohë prokuroritë e shkallës së parë Sarandë, Mat, Pukë nuk kanë regjistruar asnjë procedim penal për këtë grup veprash.

VEPRAT PENALE KARAKTERISTIKE TË GRUPIT

Shfrytëzimi i prostitucionit

Pesha specifike që zë kjo veprë penale në grupin e veprave penale “Vepra penale kundër moralit dhe dinjitetit” është 10,07 % për vitin 2022, ndërkohë që në vitin 2021 ka qenë 8,09 %.


Nga të dhënat statistikore vihet re në vitin 2022 tendenca në rritje 26,09 % e procedimeve të regjistruara për veprën penale të parashikuar nga neni 114 i Kodit Penal “Shfrytëzimi i prostitucionit”, në krahasim me vitin 2021.

Përndjekja

Pesha specifike që zë kjo veprë penale në grupin e veprave penale “Vepra penale kundër moralit dhe dinjitetit” është 56,94 % për vitin 2022, ndërkohë që në vitin 2021 ka qenë 51,06 %.

Nga të dhënat statistikore vërehet se në vitin 2022 numri i procedimeve të regjistruara për veprën penale të parashikuar nga neni 121/a i Kodit Penal “Përndjekja”, është rritur me 13,10 % krahasuar me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: meshkuj janë 82,04 % dhe femra janë 17,96 %. 44,95 % janë me arsim të mesëm, 67,9 % janë të papunë, 5,7 % e tyre janë përsëritës në vepra penale të ndryshme dhe 93,7 % janë të padënuar.

Gjeografia sociale: numri më i lartë i procedimeve për vepra penale kundër moralit dhe dinjitetit, është regjistruar në prokurorinë e shkallës së parë Tiranë 35 %, ndërkohë që koeficienti më i lartë për 100,000 mijë banorë rezulton në qarkun Fieri me 16 procedime dhe Korçë me 13 procedime.

Politika Penale: për këtë grup veprash, 80,6 % e kërkesave të prokurorit për masa sigurimi lidhen me caktimin e masave të sigurimit me arrest, ndërkohë që nga gjykata në 75,8 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në 98,02 % të të pandehurve është kërkuar dënim me burg dhe në 1,98 % dënim me gjobë, ndërkohë që është kërkuar në 1 çështje pushimi i saj. Sa i përket masës së dënimit, është kërkuar aplikimi i pezullimit të dënimit dhe vendosja në provë për 37,4 % të të pandehurve, 30,3 % e kërkesave rezulton për caktimin e dënimit në minimum dhe 31,3 % në marzhin mesatar të dënimit të parashikuar nga dispozita dhe në 1 rast është kërkuar dënim me kohën e paraburgimit. Gjkata ka vendosur në 97 % të dënimeve, dënim me burg dhe në 3 % dënim me gjobë, ndërkohë që ka vendosur në 1 rast pushim çështje dhe në 2 raste pafajësi. Sa i përket masës së dënimit, është vendosur aplikimi i pezullimit të dënimit dhe vendosja në provë për 40,2 % të të pandehurve, 36,1 % e dënimeve rezulton për caktimin e dënimit në minimum dhe 23,7 % në marzhin mesatar të dënimit të parashikuar nga dispozita.

Siguria publike: pezullimi i procedimit për këto grupvepra përbën 21,2 % të çështjeve të regjistruara në vitin 2022 dhe 16,55 % në vitin 2021, përkatësisht 61 të pezulluara në vitin 2022 dhe 47 procedime të pezulluara në vitin 2021.

Viktimat: Për këtë grup veprash në vitin 2022 nga numri total i viktimave rezultojnë, 87,5 % viktima të rritur dhe 12,5 % (të mitur-nën 18 vjeç). Nga viktimat në moshë madhore, 4,8 % janë meshkuj dhe 95,2 % janë femra.

VEPRA PENALE KUNDËR FËMIJËVE, MARTESËS DHE FAMILJES


Pesha specifike që ky grup veprash penale zë për vitin 2022, përkundrejt numrit total të procedimeve penale të regjistruara në shkallë vendi është 6,06 % ndërsa për vitin 2021 ka qenë 5,25 %.

Koeficienti i kriminalitetit për 100,000 banorë për këtë grup veprash në vitin 2022 është 55,81 ndërsa në vitin 2021 ka qenë 52,6.

TENDENCA

Sikurse vihet re edhe nga tabela, nga të dhënat statistikore në vitin 2022 për “Vepra penale kundër fëmijëve, martesës dhe familjes”, rezulton rritje prej 4,70 % e numrit të procedimeve të regjistruara në krahasim me vitin 2021 e ndërkaq kemi rritje prej 4,64 % të procedimeve të dërguara në gjykatë në krahasim me vitin 2021. Në lidhje me të pandehurit për këtë grup veprash penale, vihet re ulje e numrit të të pandehurve të regjistruar përkundrejt këtij totali në vitin 2021 prej 1,34 %, rritje e numrit të të pandehurve të cilët janë dërguar në gjykatë me 4,82 % dhe rritje e numrit të të pandehurve të dënuar nga gjykata me 16,81 % përkundrejt vitit 2021.

Grafikisht tendenca e veprave penale kundër fëmijëve, martesës dhe familjes për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

92,8 % e të pandehurve janë meshkuj ku 0,44 % e përbëjnë të miturit dhe 7,2 % janë të pandehura femra.

Për këto vepra, rezultojnë edhe 3 të pandehur me shtetësi të huaj.

Në lidhje me arsimin e të pandehurve rezulton se 52 % e të pandehurve janë me arsim deri 9-vjeçar, 42,2 % me arsim të mesëm dhe 5,8 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se gjithsej të punësuar në sektorin shtetëror rezultojnë 0,1 % e të pandehurve, në sektorin privat 36 % e të pandehurve dhe të papunë 63,9 %.

Rezulton se 55,7 % e të pandehurve kanë vendbanimin në qytet, ndërsa 42,3 % prej tyre në fshat.

Në lidhje me gjendjen gjyqësore të të pandehurve, rezulton se 85,9 % e të pandehurve janë të padënuar më parë, 4,3 % janë përsëritës për të njëjtën vepër penale, ndërsa 9,8 % e të pandehurve janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër fëmijëve, martesës dhe familjes, është regjistruar në prokuroritë pranë gjykatës së shkallës së parë: Tiranë regjistruar 30 % e numrit total të procedimeve të regjistruara për këto vepra në shkallë vendi, Durrës regjistruar 13 %, Elbasan regjistruar 8 %, Fier regjistruar 6 %, e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Kukës, Përmet, Mat, Tropojë, regjistruar rreth 1 % dhe Pukë ku janë regjistruar më pak se 1 % e numrit total të procedimeve penale të regjistruar për këtë grup veprash.

VEPRAT PENALE KARAKTERISTIKE TË GRUPIT

Braktisja e fëmijëve të mitur

Pesha specifike që zë kjo vepër penale në grupin “Vepra penale kundër fëmijëve, martesës dhe familjes” për vitin 2022 është 1,86 % ndërkohë që në vitin 2021 ka qenë 1,75 %.

Nga të dhënat statistikore vihet re tendenca në rritje për veprën penale të parashikuar nga neni 124 i Kodit Penal “Braktisja e fëmijëve të mitur”, në vitin 2022 në krahasim me vitin 2021, nga 26 në 29 procedime të regjistruara ose 11,54 %.

Keqtrajtimi i të miturit

Pesha specifike që zë kjo vepër penale në grupin “Vepra penale kundër fëmijëve, martesës dhe familjes” për vitin 2022 është 2,89 %, ndërkohë që në vitin 2021 ka qenë 2,15 %.

Nga të dhënat statistikore vihet re tendenca në rritje për veprën penale të parashikuar nga neni 124/b i Kodit Penal “Keqtrajtimi i të miturit”, në vitin 2022 në krahasim me vitin 2021, nga 32 në 45 procedime të regjistruara, ose 40,63 %.

Shtrengimi ose pengimi për të bashkëjetuar ose për të zgjidhur martesë

Pesha specifike që zë kjo vepër penale në grupin “Vepra penale kundër fëmijëve, martesës dhe familjes” për vitin 2022 është 0,77 %, ndërkohë që në vitin 2021 ka qenë 0,20 %.

Nga të dhënat statistikore vihet re tendenca në rritje për veprën penale të parashikuar nga neni 130 i Kodit Penal “Shtrengimi ose pengimi për të bashkëjetuar ose për të zgjidhur martesë”, në vitin 2022 në krahasim me vitin 2021, nga 3 në 12 procedime të regjistruara.

Dhuna në familje

Pesha specifike që zë kjo vepër penale në grupin “Vepra penale kundër fëmijëve, martesës dhe familjes” për vitin 2022 është 93,20 %, ndërsa në vitin 2021 pesha e kësaj vepre rezulton në masën 94,43 %.

Nga të dhënat statistikore në vitin 2022 vihet re tendenca në rritje prej 3,34 % e procedimeve të regjistruara për veprën penale të parashikuar nga neni 130/a i Kodit Penal “Dhuna në familje”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 92,8% janë meshkuj, 52 % janë me arsim deri 9-vjeçar, 63,9 %, janë të papunë, 4,3 % prej tyre janë përsëritës për të njëjtën vepër penale, ndërsa 9,8 % e të pandehurve janë përsëritës për vepra penale të ndryshme.

Gjeografia sociale: numri më i lartë i procedimeve për vepra penale kundër fëmijëve, martesës dhe familjes, është regjistruar në prokurorinë e shkallës së parë Tiranë 30 %, ndërkohë që koeficienti më i lartë për 100,000 mijë banorë rezulton në qarqet Durrës me 79 procedime, Lezhë me 72 procedime dhe qarku Gjirokastrë me 60 procedime.

Politika Penale: për këtë grup veprash, 86,25 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 82,01 % të kërkesave është vendosur masë sigurimi me arrest, ndërkohë që janë vendosur edhe 15 masa ndaluese.

Në kërkesat lidhur me llojin e masën e dënimit të kërkuar nga prokurori, rezulton se në 99,7 % të të pandehurve është kërkuar dënim me burg dhe në 0,3 % dënim me gjobë, ndërkohë që është kërkuar pushimi në 12 çështje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 38,6 % të të pandehurve, për 0,4 % është kërkuar dënim me kohën e paraburgimit, 24,1 % e kërkesave rezulton për caktimin e dënimit në minimum, 36,1 % në marzhin mesatar dhe 0,8 % në marzhin maksimal të dënimit të parashikuar nga dispozita. Gjykata ka vendosur në 99,5 % të dënimeve, dënim me burg dhe në 0,5 % dënim me gjobë, ndërkohë që ka vendosur 15 pushim çështje dhe 11 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 42 % të të pandehurve, për 0,4 % është kërkuar dënim me kohën e paraburgimit, 21,8 % e dënimeve rezulton për caktimin e dënimit në minimum, 32,9 % në marzhin mesatar të dënimit të parashikuar nga dispozita dhe 2,9 %, me marzhin maksimal të dënimit.

Viktimat: Për këtë grup veprash në vitin 2022, nga numri total i viktimave rezultojnë, 91,5 % viktima të rritur dhe 8,5 % (të mitur-nën 18 vjeç). Nga viktimat në moshë madhore, 97,9 % janë femra dhe 20,1 % janë meshkuj.

VEPRAT PENALE KUNDËR LIRISË SË BESIMIT

Në lidhje me veprat penale kundër lirisë së besimit, gjatë vitit 2022 janë regjistruar 2 procedime penale konkretisht, 1 procedim për veprën penale “Pëngimi i veprimtarive të organizatave fetare” parashikuar nga neni 131 i Kodit Penal dhe 1 procedim për veprën penale “Shkatërrimi ose dëmtimi i objekteve të kultit” parashikuar nga neni 132 i Kodit Penal, për të cilën rezulton edhe 1 i pandehur i regjistruar.


VEPRAT PENALE KUNDËR PASURISË DHE NË SFERËN EKONOMIKE VJEDHJA E PASURISË

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 25,77 %, ndërsa në vitin 2021 ka qenë 27,26 %. Koeficienti i kriminalitetit për 100,000 banorë për këtë grup veprash në vitin 2022 është 237,11, ndërsa në vitin 2021 ka qenë 273,13.

TENDENCA

Nga të dhënat statistikore (tabela 11) rezulton se në vitin 2022 ka një ulje prej 14,3 % të numrit të procedimeve të regjistruara për vjedhjen e pasurisë dhe një ulje prej 12,39 % të procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale vihet re ulje e numrit të të pandehurve të regjistruar përkundrejt këtij totali në vitin 2021 prej 14,4 %, rritje e numrit të të pandehurve të cilët janë dërguar në gjykatë prej 9 % dhe rritje e numrit të të pandehurve të dënuar nga gjykata me 9,88 % përkundrejt vitit 2021.

Grafikisht tendenca e veprave penale të vjedhjes së pasurisë për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim: 92,8 % e të pandehurve janë meshkuj, ku 7,5 % e përbëjnë të miturit, dhe 7,2 % janë të pandehura femra ndër të cilat rezultojnë të jenë 0,9 % të mitura.

Në këtë grup veprash janë marrë të pandehur 13 shtetas të huaj.

Në lidhje me arsimin e të pandehurve rezulton se 62,6 % e të pandehurve janë me arsim deri 9-vjeçar, 32,3 % me arsim të mesëm 5,1 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se gjithsej të punësuar në sektorin shtetëror rezultojnë 1,35 % e të pandehurve, në sektorin privat 14,25 % e të pandehurve dhe të papunë 84,4 %.

Rezulton se 56,6 % e të pandehurve kanë vendbanimin në qytet, ndërsa 43,7 % prej tyre në fshat.

Në lidhje me gjendjen gjyqësore të të pandehurve, rezulton se 79,3 % e të pandehurve janë të padënuar më parë, 6,2 % prej tyre janë përsëritës për të njëjtën vepër penale, ndërsa 14,5 % e të pandehurve janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për grupveprat e vjedhjes së pasurisë është në prokuroritë pranë gjykatës së shkallës së parë: Tiranë regjistruar 41 % e numrit total të procedimeve të regjistruara për këto vepra në shkallë vendi, Durrës regjistruar 12 % e numrit total të procedimeve të regjistruara, Vlorë regjistruar 7 % e numrit total të procedimeve të regjistruara, Elbasan 6 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë, siç janë: Dibër, Krujë, Sarandë, Pogradec, Kukës regjistruar përkatësisht nga 1 % e numrit total të procedimeve në shkallë vendi dhe Tropojë, Përmet, Mat, Pukë regjistruar më pak se 1 % e totalit e numrit të procedimeve të regjistruara në shkallë vendi për vitin 2021, për veprat penale të vjedhjes së pasurisë.

VEPRAT PENALE KARAKTERISTIKE TË GRUPIT

Vjedhja

Pesha specifike që zë kjo vepër penale në grupin “Vepra penale kundër pasurisë dhe në sferën ekonomike” është 91,98 % për vitin 2022, ndërkohë që në vitin 2021 ka qenë 90,69 %.

Nga të dhënat vihet re se procedimet e regjistruara për veprën penale të parashikuar nga neni 134 i Kodit Penal “Vjedhja”, në vitin 2022 janë ulur me 13,08 % në krahasim me vitin 2021.

Vjedhja e kryer duke shpërdoruar detyrën

Pesha specifike që zë kjo vepër penale në grupin e veprave penale kundër vjedhjes së pasurisë në vitin 2022 është 1,19 %, ndërsa për vitin 2021 ky tregues ka qenë 1 %.

Nga të dhënat statistikore në vitin 2022 vërehet tendenca në rritje prej 1,28 % e procedimeve të regjistruara për veprën penale të parashikuar nga neni 135 i Kodit Penal “Vjedhja e kryer duke shpërdoruar detyrën”, në krahasim me vitin 2021.

Vjedhja e bankave dhe arkave të kursimit

Pesha specifike që zë kjo vepër penale në grupin e veprave penale kundër vjedhjes së pasurisë në vitin 2022 është 0,08 %, ndërsa për vitin 2021 ky tregues ka qenë 0,05 %.

Nga të dhënat statistikore në vitin 2022 vërehet trendi në rritje i procedimeve të regjistruara për veprën penale të parashikuar nga neni 135 i Kodit Penal “Vjedhja e bankave dhe arkave të kursimit” në krahasim me vitin 2021, nga 4 në 5 procedime të regjistruara.

Vjedhja e energjisë elektrike ose impulseve telefonike

Pesha specifike që zë kjo vepër penale në grupin e veprave penale “Vjedhja e pasurisë” për vitin 2022 është 5,13 %, ndërkohë që për vitin 2021 ka qenë 6,48 %.

Nga të dhënat statistikore rezulton se në vitin 2022 numri i procedimeve penale të regjistruara për veprën penale të parashikuar nga neni 137 “Vjedhja e energjisë elektrike ose impulseve telefonike” i Kodit Penal, ka një ulje prej 32,14 % në krahasim me vitin 2021.

Vjedhja me dhunë

Pesha specifike që zë kjo vepër penale në grupin e veprave penale “Vjedhja e pasurisë” për vitin 2022 është 1,27 % ndërkohë që për vitin 2021 ka qenë 1,45 %.


Nga të dhënat statistikore rezulton se në vitin 2022 ka ulje prej 25 % të procedimeve penale të regjistruara për veprën penale të parashikuar nga neni 139 i Kodit Penal “Vjedhja me dhunë”, në krahasim me vitin 2021.

Vjedhja me armë

Pesha specifike që zë kjo vepër penale në grupin e veprave penale “Vjedhja e pasurisë” për vitin 2022 është 0,24 % ndërkohë që për vitin 2021 ka qenë 0,14 %.

Nga të dhënat statistikore vërehet një rritje e numrit të procedimeve penale të regjistruara për veprën penale të parashikuar nga neni 140 i Kodit Penal “Vjedhja me armë” prej 45,45 %.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 92,5 % janë meshkuj nga të cilët të mitur 7,5 %, 62,6 % janë me arsim deri 9-vjeçar, 84,4 % janë të papunë, 6,2 % prej tyre janë përsëritës për të njëjtën vepër penale, ndërsa 14,5 % e të pandehurve janë përsëritës për vepra penale të ndryshme.

Gjeografia sociale: numri më i lartë i procedimeve për vjedhjen e pasurisë, është regjistruar në prokurorinë e shkallës së parë Tiranë, 41 % e tyre, ndërkohë që koeficienti më i lartë për 100,000 mijë banorë rezultojnë në qarkun Tiranë me 322 procedime, qarkun Durrës me 309 procedime dhe qarkun Vlorë me 267 procedime.

Politika Penale: për këtë grup veprash, 82,3 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 78,3 % të kërkesave është vendosur masë sigurimi me arrest, ndërkohë që janë vendosur edhe 3 masa ndaluese.

Në kërkesat lidhur me llojin e masën e dënimit të kërkuar nga prokurori, rezultojnë se në 97,8 % të të pandehurve është kërkuar dënim me burg dhe në 2,2 % dënim me gjobë, ndërkohë që është kërkuar pushimi i 20 çështjeve. Sa i përket masës së dënimit, është kërkuar aplikimi i pezullimit të dënimit dhe vendosja në provë në 45,9 % të të pandehurve, për 0,4 % është kërkuar dënim me kohën e paraburgimit, 14,5 % e kërkesave rezultojnë për caktimin e dënimit në minimum, 38,6 % në marzhin mesatar, 0,6 % në marzhin maksimal të dënimit të parashikuar nga dispozita. Gjykata ka vendosur në 98,02 % të dënimeve, dënim me burg dhe në 1,98 % dënim me gjobë, ndërkohë që ka vendosur kthim aktesh në 2 çështje, 19 pushim çështje dhe 24 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 49,8 % të të pandehurve, për 0,6 % është vendosur dënim me kohën e paraburgimit, për 16,1 % e dënimeve rezultojnë për caktimin e dënimit në minimum, 33,2 % në marzhin mesatar të dënimit të parashikuar nga dispozita, 0,3 % në marzhin maksimal të dënimit.

Siguria publike: për këtë grup veprash, në vitin 2022 janë pezulluar 5189 procedime që përbëjnë **78,3 %** të procedimeve të regjistruara. Ky tregues është me ulje krahasuar me 6622 procedime të pezulluara në vitin 2021, gjatë të cilit procedimet e pezulluara përbënin një peshë prej **85,68 %** të procedimeve të regjistruara.

Viktimat: Për këtë grup veprash në vitin 2022 nga numri total i viktimave rezultojnë, 95,7 % viktimat të rritur dhe 4,3 % (të mitur-nën 18 vjeç). Nga viktimat në moshë madhore, 72,7 % janë meshkuj dhe 27,3 % janë femra.

MASHTRIMET


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 2,37 %, ndërsa në vitin 2021 është 2,4 %.

Koeficienti i kriminalitetit për 100,000 banorë për këtë grup veprash në vitin 2022 është 21,76, ndërsa në vitin 2021 ka qenë 24,07.

TENDENCA

Nga të dhënat statistikore (tabela 12) rezultojnë se në vitin 2022 ka një ulje prej 10,72 % të numrit të procedimeve regjistruar krahasuar me vitin 2021 dhe ulje prej 13,21 % e procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re ulje e numrit të të pandehurve të regjistruar përkundrejt këtij totali në vitin 2021 prej 31,32 %, ulje e numrit të të pandehurve të cilët janë dërguar në gjykatë me 12,94 % dhe ulje e numrit të të pandehurve të dënuar nga gjykata me 19,39 % përkundrejt vitit 2021.

Grafikisht tendenca e veprave penale të mashtrimeve për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim: Rezulton se 84,3 % e të pandehurve janë meshkuj dhe 15,7 % e të pandehurve janë femra.

Në këtë grup veprash rezultojnë të pandehur edhe 7 shtetas të huaj.

Për sa i përket arsimit të të pandehurve rezulton se 21,7 % e të pandehurve janë me arsim deri 9 vjeçar, 61,7 % me arsim të mesëm dhe 16,6 % me arsim të lartë.


Për sa i përket gjendjes shoqërore nga të dhënat statistikore vihet re se në sektorin privat rezultojnë 55 % e të pandehurve, 3,75 % janë të punësuar në sektorin shtetëror dhe 41,25 % janë të papunë.

Rezulton se 82,2 % e të pandehurve kanë vendbanimin në qytet, ndërsa 17,8 % prej tyre në fshat.

Në lidhje me gjendjen gjyqësore të të pandehurve, vërehet se 0,4 % e tyre rezultojnë përsëritës për të njëjtën vepër, 11,2 % prej tyre janë përsëritës për vepra penale të ndryshme, ndërsa 88,4 % janë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për grupveprat e mashtrimit është në prokuroritë pranë gjykatave së shkallës së parë, siç janë: Tiranë, 50 % e numrit total të procedimeve të regjistruara, Durrës 11 % e numrit total të procedimeve të regjistruara, Shkodër 7 % dhe Vlorë 5 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë, siç janë: Sarandë, Tropojë, Lushnjë, Kurbin, Kukës, Lezhë, etj, ku janë regjistruar rreth 1 % e numrit total të procedimeve të regjistruara në shkallë vendi dhe Pukë, Përmet, Gjirokastër, Mat ku janë regjistruar më pak se 1% e procedimeve për këtë grupvepër.

VEPRAT PENALE KARAKTERISTIKE TË GRUPIT

Mashtrimi

Pesha specifike që zë kjo veprë penale në grupin e veprave penale “Mashtrimet” është 86,35 % për vitin 2022, ndërkohë që në vitin 2021 ka qenë 85,02 %.

Në këtë grup veprash penale në vitin 2022 vihet re një tendencë në ulje prej 9,33 % e procedimeve të regjistruara për veprën penale të parashikuar nga neni 143 i Kodit Penal “Mashtrimi”, në krahasim me vitin 2021.

Mashtrimi në sigurime

Pesha specifike që zë kjo veprë penale në grupin e veprave penale “Mashtrimet” është 3,13 % për vitin 2022, ndërkohë që në vitin 2021 ka qenë 2,35 %.


Nga të dhënat statistikore vihet re rritje me 18,75 % e numrit të procedimeve të regjistruara për veprën penale të parashikuar nga neni 145 i Kodit Penal “Mashtrimi në sigurime”, krahasuar me vitin 2021.

Mashtrimi në kredi

Pesha specifike që zë kjo vepër penale në grupin e veprave penale kundër mashtrimit për vitin 2022 është 5,43 %, ndërsa në vitin 2021 ka qenë 9,4 %.

Nga të dhënat statistikore në vitin 2022 vërehet tendenca në ulje prej 48,44 % e procedimeve të regjistruara për veprën penale të parashikuar nga neni 146 i Kodit Penal “Mashtrimi në kredi”, krahasuar me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 84,3 % janë meshkuj, 61,7 % janë me arsim të mesëm, 41,25 % janë të papunë, 0,4 % e tyre rezultojnë përsëritës për të njëjtën vepër, 11,2 % prej tyre janë përsëritës për vepra penale të ndryshme.

Gjeografia sociale: numri më i lartë i procedimeve për veprat penale të mashtrimit, është regjistruar në prokurorinë e shkallës së parë Tiranë, 50 % e tyre, ndërkohë që koeficienti më i lartë për 100,000 mijë banorë rezultojnë në qarkun Tiranë me 34 procedime, Durrës me 27 procedime dhe Shkodër me 22 procedime.

Politika Penale: për këtë grup veprash, 68,6 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 65,7 % të kërkesave është vendosur masë sigurimi me arrest.

Në kërkesat lidhur me llojin e masës së dënimit të kërkuar nga prokurori, rezultojnë se në 97,4 % të të pandehurve është kërkuar dënim me burg dhe në 2,6 % dënim me gjobë, ndërkohë që janë kërkuar 5 pushim çështjeje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 34,6 % të të pandehurve, për 0,7 % të të pandehurve është kërkuar dënim me kohën e paraburgimit, për 28,1 % të kërkesave rezultojnë për caktimin e dënimit në minimum dhe 36,6 % në marzhin mesatar të dënimit të parashikuar nga dispozita. Gjykata ka vendosur në 96,8 % të dënimeve, dënim me burg dhe në 3,2 % dënim me gjobë, ndërkohë që ka vendosur 8 pushim çështjeje, dhe 13 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 38,6 % të të pandehurve, 28,7 % rezultojnë për caktimin e dënimit

në minimum, 32 % në marzhin mesatar të dënimit të parashikuar nga dispozita dhe 0,7 % në marzhin maksimal.

Siguria publike: për këtë grup veprash, në vitin 2022 janë pezulluar 95 procedime që përbëjnë 15,6 % të procedimeve të regjistruara. Ky tregues është me ulje krahasuar me 153 procedime të pezulluara në vitin 2021, gjatë të cilit procedimet e pezulluara përbënin një peshë prej 22,47 % të procedimeve të regjistruara.

Viktimat: Për këtë grup veprash në vitin 2022 nga numri total i viktimave rezultojnë, 94,2 % viktima të rritur dhe 5,8 % (të mitur-nën 18 vjeç). Nga viktimat në moshë madhore, 81,25 % janë meshkuj dhe 18,75 % janë femra.


SHKATËRRIMI I PRONËS

Pesha specifike që ky grup veprash penale zë për vitin 2022, përkundrejt numrit total të procedimeve penale të regjistruara në shkallë vendi, është 4,38 % ndërsa në vitin 2021 ky tregues ka qenë 4,08 %. Koeficienti i kriminalitetit për 100,000 banorë për këtë grup veprash në vitin 2022 është 40,31, ndërsa në vitin 2021 ka qenë 40,92.

TENDENCA

Nga të dhënat statistikore (tabela 13) rezulton se në vitin 2022 ka trend në ulje të numrit të procedimeve të regjistruara për veprat penale të shkatërrimit të pronës në krahasim me vitin 2021, e konkretisht 2,76 %. Ndërkohë vërehet rritje prej 18,45 % e numrit të procedimeve të dërguara në gjykatë në krahasim me vitin 2021, ulje 1,31 % e numrit të të pandehurve të regjistruar përkundrejt këtij totali në vitin 2021, rritje e numrit të të pandehurve të cilët janë dërguar në gjykatë prej 25 % dhe rritje e numrit të të pandehurve të dënuar nga gjykata me 52,54 % përkundrejt vitit 2021.

Grafikisht tendenca e veprave penale të shkatërrimit të pronës për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga të pandehurit 8,25 % janë femra dhe 91,75 % meshkuj (nga këta 1,79 % meshkuj të mitur).

Në lidhje me arsimin e të pandehurve rezulton se 54,9 % e të pandehurve janë me arsim deri 9-vjeçar, 39,7 % me arsim të mesëm dhe 5,4 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektor shtetëror janë regjistruar 3,1 % e të pandehurve, në sektorin privat rezultojnë 27,5 % e të pandehurve dhe 69,4 % janë të papunë.

Rezulton se 57.9 % e të pandehurve kanë vendbanimin në qytet ndërsa 42.1 % prej tyre në fshat.

Në lidhje me gjendjen gjyqësore të të pandehurve, theksojmë se pjesa më e madhe e tyre janë të padënuar më parë, 85,2 % e të pandehurve, ndërsa 14,8 % prej tyre janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për grupveprat e shkatërrimit të pronës është në prokuroritë pranë gjykatave së shkallës së parë: Elbasan 18 % e numrit total të procedimeve të regjistruara, Tiranë 13 % e numrit total të procedimeve të regjistruara, Vlorë 10 % dhe Fier 10 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Tropojë, Përmet, Mat, Kurbin, Kavajë, Pukë ku janë regjistruar rreth 1 % ose më pak se 1 % e numrit total të procedimeve të regjistruara në shkallë vendi.

VEPRAT PENALE KARAKTERISTIKE TË GRUPIT

Shkatërrimi i pronës

Pesha specifike që zë kjo vepër penale në grupin e veprave penale “Shkatërrimi i pronës” është 34,99 % për vitin 2022, ndërkohë që për vitin 2021 ka qenë 42,66 %.

Nga të dhënat statistikore në vitin 2022 vihet re se numri i procedimeve të regjistruara për veprën penale të parashikuar nga neni 150 i Kodit Penal “Shkatërrimi i pronës” është në ulje me 20,24 % në krahasim me vitin 2021.

Shkatërrimi i pronës me zjarr

Pesha specifike që zë kjo vepër penale në grupin e veprave penale “Shkatërrimi i pronës” është 37,74 % për vitin 2022, ndërkohë që për vitin 2021 ka qenë 43 %.

Nga të dhënat statistikore në vitin 2022, vihet re tendenca në ulje me 14,66 % e numrit të procedimeve të regjistruara për veprën penale të parashikuar nga neni 151 i Kodit Penal “Shkatërrimi i pronës me zjarr”, në krahasim me vitin 2021.

Shkatërrimi i pronës me eksploziv

Pesha specifike që zë kjo vepër penale në grupin e veprave penale “Shkatërrimi i pronës” për vitin 2022 është 3,46 %, ndërsa në vitin 2021 ky tregues ka qenë 2,76 %.

Nga të dhënat statistikore vihet re rritje prej 21,88 % e numrit të procedimeve të regjistruara në vitin 2022, për veprën penale të parashikuar nga neni 152 i Kodit Penal “Shkatërrimi i pronës me eksploziv”, konkretisht nga 32 procedime penale të regjistruara në vitin 2021 në 39 procedimeve penale.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 91,75 % janë meshkuj, 54,9 % janë me arsim deri 9-vjeçar, 69,4 %, janë të papunë dhe 14,8 % prej tyre janë përsëritës për vepra penale të ndryshme.

Gjeografia sociale: numri më i lartë i procedimeve për shkatërrimin e pronës, është regjistruar në prokurorinë e shkallës së parë Elbasan 18 %, ndërkohë që koeficienti më i lartë për 100,000 mijë banorë rezulton në qarqet Elbasan me 79 procedime dhe qarku Vlorë me 74 procedime.

Politika Penale: për këtë grup veprash, 61,7 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 50 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në 87,3 % të të pandehurve është kërkuar dënim me burg dhe në 12,7 % dënim me gjobë, ndërkohë që është kërkuar në 3 raste pushim akuze. Sa i përket masës së dënimit, është kërkuar aplikimi i pezullimit të dënimit dhe vendosja në provë në 47,6 % të të pandehurve, për 12,7 % të kërkesave rezulton për caktimin e dënimit në minimum dhe 34,1 % në marzhin mesatar të dënimit të parashikuar nga dispozita. Gjykata ka vendosur në 87,7 % të dënimeve, dënim me burg dhe në 12,2 % dënim me gjobë, ndërkohë që ka vendosur 3 pushim çështje, 2 kthim aktesh dhe 3 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 50,6 % të të pandehurve, 15,2 % rezulton për caktimin e dënimit në minimum, 34,2 % në marzhin mesatar të dënimit të parashikuar nga dispozita.

Siguria publike: Për këtë grup veprash, në vitin 2022 janë pezulluar 560 procedime që përbëjnë 49,7 % të procedimeve të regjistruara, një ulje krahasuar me vitin 2021 ku procedimet e pezulluara përbënin 52,16 % të numrit të procedimeve të regjistruara.

Viktimat: Për këtë grup veprash në vitin 2022 rezultojnë 19 viktimat meshkuj në moshë madhore.

VEPRA PENALE TË KRYERA NË SHOQËRITË TREGTARE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 0,19 %, ndërkohë që për vitin 2021 ka qenë 0,18 %.

Koeficienti i kriminalitetit për 100,000 banorë për këtë grup veprash në vitin 2022 është 1,72, ndërsa në vitin 2021 ka qenë 1,84.

TENDENCA

Nga të dhënat statistikore (tabela 14) rezulton se në vitin 2022 numri i procedimeve penale të regjistruara është ulur me 7,69 %, numri i procedimeve të dërguar në gjykatë është në të njëjtin nivel me vitin 2021, numri i të pandehurve të regjistruar është rritur me 42,86 %, numri i të pandehurve të dërguar gjykatë është ulur me 22,22 % dhe numri i të pandehurve të dënuar është ulur me 80,95 % përkundrejt vitit 2021.

Grafikisht tendenca e veprave penale të kryera në shoqëritë tregtare për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, moshë, arsimit, gjendja shoqërore, vendbanimi e gjendja gjyqësore, tregojnë se, 90 % e të pandehurve janë meshkuj të moshës madhore.


Në lidhje me arsimin e të pandehurve rezulton se 66,6 % e të pandehurve janë me arsim të mesëm dhe 33,6 % janë me arsim të lartë.

Lidhur me vendbanimin rezulton se të gjithë të pandehurit e kanë vendbanimin në qytet.

Në lidhje me gjendjen gjyqësore të të pandehurve, rezulton se 66,7 % janë të padënuar më parë dhe 33,3 % janë përsëritës për vepra penale të ndryshme nga ajo që procedohet.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat sipas prokurorive, ku vërehet se prokuroria pranë gjykatës së shkallës së parë e Tiranë, ka regjistruar numrin më të lartë të procedimeve penale për këtë grupveprash me 52 % e ndjekur nga prokuroria pranë gjykatës së shkallës së parë Korçë me 17% dhe Durrës me 8 %. Ndërkohë prokuroritë e shkallës së parë Pukë, Krujë, Lushnjë, Përmet, Mat, Kurbin, Gjirokastrë, Tropojë, Dibër, Kavajë, Kukës, Vlorë nuk kanë regjistruar asnjë procedim penal për vepra penale të kryera në shoqëritë tregtare.




VEPRAT PENALE KARAKTERISTIKE TË GRUPIT

Punësimi i paligjshëm

Pesha specifike që zë kjo veprë penale në grupin e veprave penale “Vepra penale të kryera në shoqëritë tregtare” në vitin 2022 është 56,25 %, ndërkohë që në vitin 2021 ka qenë 75 %.

Nga të dhënat statistikore vërehet tendencë në ulje e procedimeve të regjistruara për veprën penale të parashikuar nga neni 170/a i Kodit Penal “Punësimi i paligjshëm”. Kështu në vitin 2022 janë regjistruar 27 procedime penale, kundrejt 39 procedimeve penale të regjistruara në vitin 2021 ose me ulje prej 30,77 %.

Grafikisht, ecuria 5-vjeçare e kësaj veprë paraqitet si vijon:




VEPRA PENALE NË LIDHJE ME USHTRIMIN E VEPRIMTARIVE BANKARE DHE FINANCIARE

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 0,09, ndërsa në vitin 2021, ka qenë 0,067 %. Koeficienti i kriminalitetit për 100,000 banorë për këtë grup veprash në vitin 2022 është 0,86, ndërsa në vitin 2021 ka qenë 0,67.

TENDENCA

Në vitin 2022 (tabela 15) numri i procedimeve të regjistruara për vepra penale në lidhje me ushtrimin e veprimtarive bankare dhe financiare në krahasim me vitin 2021 ka pësuar rritje nga 19 në 24 procedime, ndërkohë që numri i të pandehurve të regjistruar është rritur nga 12 në 13. Numri i procedimeve të dërguara gjyqit është rritur nga 15 procedime në vitin 2021 në 16 procedime në vitin 2022, numri i të pandehurve dërguar gjyqit është ulur nga 25 në 16 të pandehur, ndërkohë që të pandehurit e dënuar nga gjykata rezultojnë me rritje nga 6 në 8 të pandehur.

Grafikisht tendenca e veprave penale në lidhje me ushtrimin e veprimtarive bankare dhe financiare, për vitin 2022 krahasuar me vitin 2021, paraqitet si vijon:



KRIME NË FUSHËN E DOGANAVE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 1,01 %, ndërsa në vitin 2021 ka qenë 0,59 %. Koeficienti i kriminalitetit për 100,000 banorë për këtë grup veprash në vitin 2022 është 9,27, ndërsa në vitin 2020 ka qenë 5,94.

TENDENCA

Nga të dhënat statistikore (tabela 16) rezulton se në vitin 2022 ka një rritje prej 54,17 % të numrit të procedimeve të regjistruara për krime në fushën e doganave dhe rritje prej 32,67 % të procedimeve

të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re një rritje e numrit të të pandehurve të regjistruar përkundrejt këtij totali në vitin 2021 prej 74,44 %, numri i të pandehurve të dërguar në gjykatë është rritur me 54,47 %, ndërsa numri i të pandehurve të dënuar nga gjykata është ulur me 30,61 % krahasuar me vitin 2021.

Grafikisht tendenca e veprave penale në fushën e doganave për vitin 2022 krahasuar me vitin 2021, paraqitet si vijon:



TË PANDEHURIT

Rezulton se 90,86 % e të pandehurve të rritur janë meshkuj dhe 9,14 % janë femra.

Në lidhje me arsimin e të pandehurve rezulton se 13 % e të pandehurve janë me arsim deri 9-vjeçar, 69 % me arsim të mesëm dhe 18 % të pandehurve janë me arsim të lartë.


Për sa i përket gjendjes shoqërore nga të dhënat statistikore vihet re se gjatë vitit 2022 gjithsej të punësuar në sektorin privat zënë 64,4 % të numrit të të pandehurve dhe 34,8 % rezultojnë të papunë. Rezultojnë edhe 25 shtetas të huaj të pandehur për këtë grup veprash penale në vitin 2022.

Sa i përket vendbanimit, 83,6 % e të pandehurve kanë vendbanimin në qytet, ndërsa 16,4 % prej tyre në fshat.

Në lidhje me gjendjen gjyqësore të të pandehurve, 97,03 % e të pandehurve janë të padënuar më parë, dhe 2,97 % përsëritës për vepra të tjera të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për krime në fushën e doganave është në prokuroritë pranë gjykatave së shkallës së parë: Tiranë, 27 % e numrit total të procedimeve të regjistruara, Durrës 17 % e numrit total të procedimeve të regjistruara, Shkodër 13 % dhe Korçë 8 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Kurbin, Përmet, Lushnjë, Lezhë dhe Tropojë, ku janë regjistruar rreth 1 % e numrit total të procedimeve të regjistruara në shkallë vendi dhe Berat, Kavajë, Krujë Mat, Pukë ku nuk ka asnjë procedim të regjistruar për këtë grupvepër.

VEPRAT PENALE KARAKTERISTIKE TË GRUPIT

Kontrabanda me mallra që paguhet akcizë

Pesha specifike që zë kjo veprë penale në vitin 2022 në grupin e krimeve në fushën e doganave është 16,22 %, ndërsa për vitin 2021 ky tregues ka qenë 13,1 %.

Nga të dhënat statistikore në vitin 2022 vërehet tendenca në rritje e procedimeve të regjistruara për veprën penale të parashikuar nga neni 172 i Kodit Penal “Kontrabanda me mallra që paguhet akcizë”, në shifra nga 22 në 42 procedime ose 90,91 % në krahasim me vitin 2021.

Kontrabanda me mallra të tjera

Pesha specifike që zë kjo veprë penale në grupin e veprave penale “Krime në fushën e doganave” është 30,50 % për vitin 2022, ndërkohë që në vitin 2021 ka qenë 18,45 %.

Nga të dhënat statistikore vihet re se procedimet penale të regjistruara për këtë veprë janë rritur me 2,5 herë ose 154,84 %, konkretisht në vitin 2022 janë regjistruar 79 procedime penale kundrejt 31 procedimeve të regjistruara në vitin 2021 për veprën penale të parashikuar nga neni 174 i Kodit Penal “Kontrabanda me mallra të tjera”.

Tregtimi dhe transportimi i mallrave që janë kontrabandë

Në grupin e krimeve në fushën e doganave në vitin 2022 vihet re tendenca në rritje me 29,79 % e procedimeve të regjistruara për veprën penale të parashikuar nga neni 178 i Kodit Penal “Tregtimi dhe transportimi i mallrave që janë kontrabandë”, ku kjo veprë ka një peshë prej 23,55 % të procedimeve të regjistruara.

Mosdeklarimi në kufi i të hollave dhe i sendeve me vlerë

Në grupin e krimeve në fushën e doganave në vitin 2022 vihet re tendencë në rritje e procedimeve të regjistruara për veprën penale të parashikuar nga neni 179/a i Kodit Penal “Mosdeklarimi në kufi i të hollave dhe i sendeve me vlerë”, ku kjo veprë ka një peshë prej 18,53 % të procedimeve të regjistruara.

Nga të dhënat statistikore vërehet se për vitin 2022 janë regjistruar 48 procedime penale ndaj 36 procedimeve të regjistruara në vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 85,6 % janë meshkuj madhorë, 69,3 % janë me arsim deri 9-vjeçar, 64,4 % janë të punësuar në sektorin privat, dhe 2,97 % janë të dënuar për vepra të tjera.

Gjeografia sociale: numri më i lartë i procedimeve për krime në fushën e doganave, është regjistruar në prokurorinë e shkallës së parë Tiranë, 27 %, ndërkohë që koeficienti më i lartë për 100,000 mijë banorë rezultojnë në qarqet Gjirokastrë me 34 procedime dhe qarku Kukës me 29 procedime.

Politika Penale: Për këtë grup veprash, në kërkesat lidhur me llojin e masës së dënimit, të kërkuar nga prokurori, rezultojnë se në 64 % të të pandehurve është kërkuar dënim me burg dhe në 36 % dënim me gjobë. Sa i përket masës së dënimit, është kërkuar aplikimi i pezullimit të dënimit dhe vendosja në provë në 70,9 % të të pandehurve. Gjykata ka vendosur në 66,2 % të dënimeve, dënim me burg

dhe në 33,8 % dënim me gjobë, ndërkohë që ka vendosur 1 pushim akuze, 6 pushim çështjeje dhe 1 pafajësi. Sa i përket masës së dënimit, është vendosur aplikimi i pezullimit të dënimit dhe vendosja në provë për 68,8 % të të pandehurve.

Siguria publike: Për këtë grup veprash, në vitin 2022 janë pezulluar 18 procedime që përbëjnë 3,09 % të procedimeve të regjistruara, tregues në ulje krahasuar me vitin 2021 ku procedimet e pezulluara përbënin 8,93 % të numrit të procedimeve të regjistruara.

VEPRAT PENALE NË LIDHJE ME TAKSAT DHE TATIMET


Pesha specifike që ky grup veprash penale zë për vitin 2022, përkundrejt numrit total të procedimeve penale të regjistruara në shkallë vendi është 1,22 %, ndërsa për vitin 2021 është 1,11 %. Pra vihet re një rritje e lehtë e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është, 11,20 ndërsa në vitin 2021 ka qenë 11,17.

TENDENCA

Nga të dhënat statistikore (tabela 17) rezulton se për “Veprat penale në lidhje me taksat dhe tatimet”, në vitin 2022 ka një ulje prej 0,95 % të numrit të procedimeve të regjistruara dhe ulje prej 9,57 % të numrit të procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re ulje e numrit të të pandehurve të regjistruar përkundrejt këtij totali në vitin 2021 prej 38,46 %, ulje e numrit të të pandehurve të cilët janë dërguar në gjykatë prej 18,18 % dhe ulje e numrit të të pandehurve të dënuar nga gjykata me 24,49 %.

Grafikisht tendenca e veprave penale në fushën e taksave dhe tatimeve për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim: Të pandehurit janë të gjithë të rritur ku 9,35 % femra dhe 90,65 % meshkuj.

Në lidhje me arsimin e të pandehurve rezultojnë se 8,9 % e të pandehurve janë me arsim deri 9-vjeçar, 63,4 % me arsim të mesëm dhe 27,7 % e të pandehurve me arsim të lartë.

Për këto vepra rezultojnë të marrë si të pandehur edhe 4 shtetas të huaj.


Sa i përket gjendjes shoqërore, 75 % e të pandehurve rezultojnë të punësuar në sektorin privat, 25 % janë të papunë.

Lidhur me vendbanimin, rezultojnë se 81,8 % e të pandehurve kanë vendbanimin në qytet ndërsa 18,2 % prej tyre në fshat.

Në lidhje me gjendjen gjyqësore të të pandehurve, 97,96 % janë të padënuar më parë, 1,02 % e tyre janë përsëritës për vepra penale të ndryshme dhe po aq janë përsëritës për të njëjtën vepër.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale në lidhje me taksat dhe tatimet është në prokuroritë pranë gjykatave së shkallës së parë: Tiranë 25 % e numrit total të procedimeve të regjistruara, Fier 16 %, Vlorë 12 %, Shkodër me 10 % të numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Tropojë, Berat, Kavajë ku janë regjistruar rreth 1 % e numrit total të procedimeve të regjistruara në shkallë vendi dhe prokuroritë Kurbin dhe Pukë nuk kanë asnjë procedim të regjistruar për këtë grupvepër.

VEPRAT PENALE KARAKTERISTIKE TË GRUPIT

Fshehja e të ardhurave

Pesha specifike që zë kjo vepër penale në grupin “Vepra penale në lidhje me taksat dhe tatimet” është 71,57 % për vitin 2022, ndërkohë që në vitin 2021 ka qenë 73,1 %.


Nga të dhënat statistikore të vitit 2022 vërehet tendenca në ulje prej 3,03 % e numrit të procedimeve të regjistruara për veprën penale të parashikuar nga neni 180 i Kodit Penal “Fshehja e të ardhurave” në krahasim me vitin 2021.

Mospagimi i taksave dhe i tatimeve

Pesha specifike që zë kjo vepër penale në grupin e veprave penale “Veprat penale në lidhje me taksat dhe tatimet” është 9,90 % për vitin 2022, ndërkohë që në vitin 2021 ka qenë 14,56 %.

Nga të dhënat statistikore vërehet tendenca në ulje e procedimeve të regjistruara në vitin 2022 për veprën penale të parashikuar nga neni 181 i Kodit Penal “Mospagimi i taksave dhe i tatimeve”, prej 32,61 % krahasuar me procedimet e regjistruara në vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 90,65 % janë meshkuj madhorë, 63,4 % janë me arsim të mesëm, 75 %, janë të punësuar në sektorin privat dhe 1,02 % janë të dënuar për vepra të tjera.

Gjeografia sociale: numri më i lartë i procedimeve për vepra penale në lidhje me taksat dhe tatimet, është regjistruar në prokurorinë e shkallës së parë Tiranë, 25 %, ndërkohë që koeficienti më i lartë për 100,000 mijë banorë rezulton në qarqet Fier dhe Vlorë secila me nga 22 procedime dhe qarku Shkodër me 17 procedime.

Politika Penale: Për këtë grup veprash, në kërkesat lidhur me llojin e masën e dënimit, të kërkuar nga prokurori, rezulton se në 25 % të të pandehurve është kërkuar dënim me burg dhe në 75 % dënim me gjobë, ndërkohë që janë kërkuar 2 pushim çështje. Sa i përket masës së dënimit, është kërkuar

aplikimi i pezullimit të dënimit dhe vendosja në provë në 80,7 % të të pandehurve, 1,75 % e kërkesave rezultojnë për caktimin e dënimit në minimum dhe 1,75 % në marzhin mesatar të dënimit të parashikuar nga dispozita. Gjykata ka vendosur në 74,33 % të dënimeve, dënim me burg dhe në 25,67 % dënim me gjobë, ndërkohë ka vendosur 2 pushim çështje dhe 5 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 81,82 % të të pandehurve, minimumi i dënimit për 16,36 % të të pandehurve dhe aplimi i nenit 53 të kodit penal për 1 të pandehur.

Siguria publike: Për këtë grup veprash, në vitin 2022 janë pezulluar 12 procedime po aq sa në vitin 2021.

FALSIFIKIMI I MONEDHAVE DHE LETRAVE ME VLERË


Pesha specifike që ky grup veprash penale zë për vitin 2022 përkundërt numrit total të procedimeve penale të regjistruara në shkallë vendi, është 0,17 %, ndërsa në vitin 2021 ishte 0,23.

Koeficienti i kriminalitetit për 100,000 banorë për këtë grup veprash në vitin 2022 është 1,58, ndërsa në vitin 2021 ka qenë 2,26.

TENDENCA

Nga të dhënat statistikore (tabela 18) rezultojnë se në vitin 2022 ka një ulje prej 31,25 % të numrit të procedimeve të regjistruara për grupveprat e “Falsifikimi i monedhave dhe letrave me vlerë” në krahasim me vitin 2021 dhe ulje prej 26,09 % të procedimeve të dërguara në gjykatë. Në lidhje me të pandehurit, për këtë grup veprash penale vihet re një ulje e numrit të të pandehurve të regjistruar përkundërt këtij totali në vitin 2021 prej 33,33 %, rritje e numrit të të pandehurve të cilët janë dërguar në gjykatë prej 3,45 % dhe rritje e numrit të të pandehurve të dënuar nga gjykata me 38,46 % përkundërt vitit 2021.

Grafikisht tendenca e veprave penale të falsifikimit të monedhave dhe letrave me vlerë për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga të pandehurit të gjithë janë meshkuj, nga këta 13,8 % janë të mitur 14-18 vjeç.

Në lidhje me arsimin e të pandehurve rezulton se 28,6 % e të pandehurve janë me arsim deri 9-vjeçar, 67,8 % me arsim të mesëm dhe 3,6 % e të pandehurve me arsim të lartë.


Në lidhje me gjendjen shoqërore rezulton se 62,5 % e të pandehurve kanë qenë të papunë, 37,5 % të punësuar në sektorin privat.

Rezulton se 67,8 % e të pandehurve kanë vendbanimin në qytet ndërsa 32,2 % prej tyre në fshat.

Në lidhje me gjendjen gjyqësore të të pandehurve, 3,6 % rezulojnë përsëritës për të njëjtën veprë penale, 10,7 % rezultojnë përsëritës për vepra penale të ndryshme dhe 85,7 % e të pandehurve rezultojnë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për falsifikimin e monedhave dhe letrave me vlerë është në prokuroritë pranë gjykatave së shkallës së parë: Tiranë 34 % e numrit total të procedimeve, Vlorë 18 % e numrit total të procedimeve të regjistruara, Fier me 7 % dhe Durrës me 5% të numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Berat, Lezhë, Sarandë, Krujë, Pukë ku janë regjistruar rreth 2 % e numrit total të procedimeve të regjistruara në shkallë vendi dhe prokuroritë Mat, Kavajë, Tropojë, Kurbin, Dibër, Kukës, Përmet nuk kanë asnjë procedim të regjistruar për këtë grupvepër.


VEPRAT PENALE KARAKTERISTIKE TË GRUPIT

Falsifikimi i monedhave

Për vitin 2022 pesha specifike e kësaj vepre përbën 95,45 % të procedimeve të regjistruara për grupin e veprave penale “Falsifikimi i monedhave dhe letrave me vlerë”, ndërkohë që në vitin 2021 ka qenë 96,88 %.

Nga të dhënat statistikore në vitin 2022 vërehet tendencë në ulje e procedimeve të regjistruara për veprën penale të parashikuar nga neni 183 i Kodit Penal “Falsifikimi i monedhave”, prej 32,26 % në krahasim me vitin 2021.

Ecuria e kësaj vepre penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 86,2 % janë meshkuj madhorë, 67,8 % janë me arsim të mesëm, 62,5 %, janë të papunë dhe 10,7 % janë të dënuar për vepra të tjera.

Gjeografia sociale: numri më i lartë i procedimeve për falsifikimin e monedhave, është regjistruar në prokurorinë e shkallës së parë Tiranë, 34 %, ndërkohë që koeficienti më i lartë për 100,000 mijë banorë rezulton në qarqet Vlorë me 5 procedime.

Politika Penale: Për këtë grup veprash, sa i përket masës së dënimit, është kërkuar aplikimi i pezullimit të dënimit dhe vendosja në provë për 26,3 % të të pandehurve, 52,6 % e kërkesave rezulton për caktimin e dënimit në minimum dhe 21,1 % në marzhin mesatar të dënimit të parashikuar nga dispozita. Gjykata po ashtu ka vendosur në 16,7 % të dënimeve, aplikimin e pezullimit të dënimit dhe vendosjen në provë, në 50 % të dënimeve caktimin e dënimit në minimum dhe në 33,3 %, caktimin e dënimit në marzhin mesatar të përcaktuar nga dispozita.

Siguria publike: Për këtë grup veprash, në vitin 2022 janë pezulluar 24 procedime që përbëjnë 54,5 % të procedimeve të regjistruara, tregues në ulje krahasuar me vitin 2021, ku ky tregues përbënte 64,06 % të çështjeve.

Viktimat: Për këtë grup veprash në vitin 2022 shifra është e ulët. Viktimat janë të gjithë të rritur meshkuj.

FALSIFIKIMI I DOKUMENTEVE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 2,71 %, po aq sa në vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 24,91, ndërsa në vitin 2021 ka qenë 27,01.

TENDENCA

Nga të dhënat statistikore (tabela 19) rezulton se në vitin 2022 ka ulje prej 9,26 % të numrit të procedimeve të regjistruara për grupveprat e falsifikimit të dokumenteve në krahasim me vitin 2021, ulje të numrit të procedimeve të dërguara në gjykatë me 5,34 %, ulje të numrit të të pandehurve të regjistruar përkundrejt këtij totali në vitin 2021 prej 23,81 %, ulje të numrit të të pandehurve të dërguar në gjykatë prej 5,34 % dhe rritje të numrit të të pandehurve të dënuar nga gjykata me 60,89 % përkundrejt vitit 2021.

Grafikisht tendenca e veprave penale të falsifikimit të dokumenteve për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të dhënat lidhur me gjininë e të pandehurve tregojnë se nga të pandehurit madhorë 87,5 % e tyre janë meshkuj dhe 12,5 % janë femra.

Në vitin 2022 rezultojnë të pandehur 93 shtetas të huaj.

Në lidhje me arsimin e të pandehurve, rezulton se 18,9 % e të pandehurve janë me arsim deri 9-vjeçar, 63,3 % me arsim të mesëm dhe 17,8 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se gjithsej të punësuar në sektorin shtetëror janë 4,6 % e të pandehurve, të punësuar në sektorin privat janë 26,9 % e të pandehurve dhe pjesa tjetër prej 68,5 % e të pandehurve, rezultojnë të papunë.

Rezulton se 76,9 % e të pandehurve kanë vendbanimin në qytet ndërsa 23,1 % e të pandehurve në fshat.

Në lidhje me gjendjen gjyqësore të të pandehurve, theksojmë se 95,7 % e tyre janë të padënuar më parë dhe 3,6 % e tyre rezultojnë të dënuar për vepra penale të ndryshme dhe 0,7 % janë të dënuar për të njëjtën vepër penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për falsifikimin e dokumenteve është në prokuroritë pranë gjykatave së shkallës së parë: Tiranë, 41 % e numrit total të procedimeve, Durrës, Vlorë secila nga 10 % e numrit total të procedimeve të regjistruara, etj, sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Kurbin, Dibër, Kavajë, Kukës, Tropojë, Krujë, Pukë, regjistruar rreth 1 % ose më pak se 1 % e numrit total të procedimeve të regjistruara në shkallë vendi.

VEPRAT PENALE KARAKTERISTIKE TË GRUPIT

Falsifikimi i dokumenteve

Pesha specifike që zë kjo vepër penale në grupin e veprave penale “Falsifikimi i dokumenteve” është 66,52 % për vitin 2022, ndërkohë që në vitin 2021 ka qenë 62,45 %.

Nga të dhënat statistikore vërehet ulje prej 3,34 % e numrit të procedimeve të regjistruara për vitin 2022 në krahasim me vitin 2021, në lidhje me veprën penale të parashikuar nga neni 186 i Kodit Penal, “Falsifikimi i dokumenteve”.

Falsifikimi i letërnjoftimeve, i pasaportave ose i vizave

Pesha specifike që zë kjo veprë penale në grupin e veprave penale “Falsifikimi i Dokumenteve” për vitin 2022 është 18,39 %, ndërkohë që vitin 2021 është 19,8 %.

Nga të dhënat statistikore vërehet se në vitin 2022 procedimet e regjistruara për veprën penale të parashikuar nga neni 189 i Kodit Penal “Falsifikimi i letërnjoftimeve, i pasaportave ose i vizave”, kanë pësuar një ulje prej 15,79 % krahasuar me një vit më parë.

Falsifikimi i vulave, i stampave ose i formularëve

Pesha specifike që zë kjo veprë penale në grupin e veprave penale “Falsifikimi i dokumenteve” është 8,33 % për vitin 2022, ndërkohë që për vitin 2021 rezulton 8,21 %.

Nga të dhënat statistikore, në vitin 2022 vërehet ulje prej 7,94 % e numrit të procedimeve të regjistruara për veprën penale të parashikuar nga neni 190 i Kodit Penal “Falsifikimi i vulave, i stampave ose i formularëve”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 87,5 % janë meshkuj madhorë, 63,3 % janë me arsim të mesëm, 68,5 %, janë të papunë dhe 3,6 % janë të dënuar për vepra të tjera.

Gjeografia sociale: numri më i lartë i procedimeve për falsifikimin e dokumenteve, është regjistruar në prokurorinë e shkallës së parë Tiranë, 41 %, ndërkohë që koeficienti më i lartë për 100,000 mijë banorë rezulton në qarkun Gjirokastrë me 52 procedime dhe qarkun Vlorë me 48 procedime.

Politika Penale: Për këtë grup veprash, në kërkesat lidhur me llojin e masën e dënimit, të kërkuar nga prokurori, rezulton se në 94,5 % të të pandehurve është kërkuar dënim me burg dhe në 5,5 % dënim me gjobë, ndërkohë që është kërkuar pushimi i çështjes në 9 raste. Sa i përket masës së dënimit,

është kërkuar aplikimi i pezullimit të dënimit dhe vendosja në provë në 64,3 % të të pandehurve, 19,9 % e kërkesave rezulton për caktimin e dënimit në minimum dhe 15,1 % në marzhin mesatar të dënimit të parashikuar nga dispozita, ndërkohë për 1 rast është kërkuar dënim me kohën e paraburgimit dhe për 1 rast është kërkuar dënim në maksimumin e dispozitës. Gjykata ka vendosur në 94,2 % të dënimeve, dënim me burg dhe në 5,8 % dënim me gjobë, ndërkohë ka vendosur 9 pushim çështje dhe 8 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 66 % të të pandehurve, 26,1 % e dënimeve rezulton për caktimin e dënimit në minimum dhe 6,8 % në marzhin mesatar të dënimit të parashikuar nga dispozita. Në 2 raste është vendosur dënimi nën minimum, parashikuar nga neni 53 i kodit penal dhe në 1 rast është vendosur dënimi me kohën e paraburgimit.

Siguria publike: Për këtë grup veprash, në vitin 2022 janë pezulluar 98 procedime që përbëjnë 14,08 % të procedimeve të regjistruara, tregues në ulje krahasuar me vitin 2021 ku procedimet e pezulluara përbënin 18,25 % të numrit të procedimeve të regjistruara.

VEPRAT PENALE NË FUSHËN E FALIMENTIMIT

Tabela 20 paraqet të dhëna në lidhje me veprat penale të parashikuara në seksionin e IX-të të Kreut të tretë të Kodit Penal, veprat penale në fushën e falimentimit, ku siç vërehet gjatë vitit 2022 është regjistruar 1 procedim penal për veprën penale të parashikuar nga neni 196 i Kodit Penal, “Shkelja e detyrimeve”.

ZHVILLIMI I PALEJUAR I LOJËRAVE TË FATIT


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 1,01 %, ndërsa për vitin 2021 është 0,76 %.

Koeficienti i kriminalitetit për 100,000 banorë për këtë grup veprash në vitin 2022 është 9,31, ndërsa në vitin 2021 ka qenë 7,66.

TENDENCA

Nga të dhënat statistikore (tabela 21) rezulton se në vitin 2022 ka një rritje të numrit të procedimeve të regjistruara për grupveprat penale “Zhvillimi i palejuar i lojërave të fatit”, në krahasim me vitin 2021 me 19,82 %, numri i procedimeve të dërguara në gjykatë ka pësuar rritje me 105,81 %, numri i të pandehurve të regjistruar për këtë grup veprash penale është rritur me 19,75 % përkundrejt këtij totali në vitin 2021, numri i të pandehurve të cilët janë dërguar në gjykatë është rritur me 32,68 % dhe numri i të pandehurve të dënuar nga gjykata është rritur 121,43 % përkundrejt vitit 2021.

Grafikisht tendenca e veprave penale të zhvillimit të palejuar të lojërave të fatit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të pandehurit rezultojnë 99,3 % meshkuj të rritur dhe 0,7 % femra të rritura.

Në lidhje me arsimin e të pandehurve rezultojnë se 19,9 % e të pandehurve janë me arsim deri 9-vjeçar, 66,7 % me arsim të mesëm dhe 13,4 % e të pandehurve me arsim të lartë.


Sa i përket gjendjes shoqërore, të punësuar në sektorin shtetëror rezultojnë 0,8% e të pandehurve, në sektorin privat rezultojnë 60,6 % e të pandehurve, 38,6 % rezultojnë të papunë.

Nga treguesit vërehet se 64,6 % e të pandehurve kanë vendbanimin në qytet, ndërsa 35,4 % prej tyre në fshat.

Në lidhje me gjendjen gjyqësore të të pandehurve, theksojmë se pjesa më e madhe e të pandehurve, 94,05 % janë të padënuar më parë dhe 5,7 % rezultojnë të dënuar për vepra të tjera dhe 0,25 % janë të dënuar për të njëjtën vepër penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për zhvillimin e palejuar të lojrave të fatit është në prokuroritë pranë gjykatave të shkallës së parë: Tiranë 40 % e numrit total të procedimeve të regjistruara, Korçë 13%, , Durrës 8%, Berat 7%, Elbasan 5% të numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë: Dibër, Lushnjë, Kukës, Shkodër, etj, ku janë regjistruar rreth 1 % e numrit total të procedimeve të regjistruara në shkallë vendi dhe prokuroritë Mat dhe Tropojë, nuk kanë asnjë procedim të regjistruar për këtë grupvepër.


VEPRAT PENALE KARAKTERISTIKE TË GRUPIT

Organizimi i lotarive të palejuara

Pesha specifike që zë kjo vepër penale në grupin e veprave penale “Zhvillimi i palejuar i lojërave të fatit” është 97,31 % për vitin 2022, ndërkohë që në vitin 2021 ka qenë 93,55 %.

Nga të dhënat statistikore vihet re tendencë në rritje e procedimeve të regjistruara për veprën penale të parashikuar nga neni 197 i Kodit Penal “Organizimi i llotarive të palejuara”, në vitin 2022, me 24,63 % në krahasim me vitin 2021.

Ecuria e kësaj vepre penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 99,3 % janë meshkuj madhorë, 66,7 % janë me arsim të mesëm, 60,6 % janë të punësuar në sektorin privat dhe 5,7 % janë të dënuar për vepra të tjera.

Gjeografia sociale: numri më i lartë i procedimeve për zhvillimin e palejuar të lojrave të fatit është regjistruar në prokurorinë e shkallës së parë Tiranë, 40 %, ndërkohë që koeficienti më i lartë për 100,000 mijë banorë rezulton në qarkun Korçë me 19 procedime dhe në qarkun Berat me 15 procedime.

Politika Penale: për këtë grup veprash, 38,3 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 27,3 % të kërkesave është vendosur masë sigurimi me arrest.

Për këtë grup veprash, në kërkesat lidhur me llojin e masën e dënimit, të kërkuar nga prokurori, rezulton se në 98,88 % të të pandehurve është kërkuar dënim me burg dhe në 1,12 % dënim me gjobë. Sa i përket masës së dënimit, është kërkuar aplikimi i pezullimit të dënimit dhe vendosja në provë në 82,9 % të të pandehurve. Gjykata ka vendosur në 98,7 % të dënimeve, dënim me burg dhe në 1,3 % dënim me gjobë, ndërkohë ka vendosur pushimin e çështjes për 1 rast dhe për 1 rast ka vendosur pafajësi. Sa i përket masës së dënimit, është vendosur aplikimi i pezullimit të dënimit dhe vendosja në provë për 92,1 % të të pandehurve.


VEPRA PENALE QË CËNOJNË RREGJIMIN JURIDIK TË TOKËS

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 5,05 %, ndërsa për vitin 2021 ky tregues ka qenë 6,9 %. Koeficienti i kriminalitetit për 100,000 banorë për këtë grup veprash në vitin 2022 është 46,50, ndërsa në vitin 2021 ka qenë 69,15.

TENDENCA

Nga të dhënat statistikore (tabela 22) rezulton se në vitin 2022 ka një ulje prej 33,62 % të numrit të procedimeve të regjistruara për vepra penale që çënojnë rregjimin juridik të tokës në krahasim me vitin 2021, dhe ulje prej 1,55 % të procedimeve të dërguara në gjykatë. Në lidhje me të pandehurit, për këtë grup veprash penale, vihet re ulje prej 43,05 % e numrit të të pandehurve të regjistruar përkundrejt këtij totali në vitin 2021, ulje e numrit të të pandehurve të cilët janë dërguar në gjykatë prej 3,72 % dhe ulje e numrit të të pandehurve të dënuar nga gjykata me 0,81 % krahasuar me vitin 2021.

Grafikisht tendenca e veprave penale kundër rregjimit juridik të tokës për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga numri i të pandehurve të rritur, rezultojnë se 7,4 % e përbëjnë femrat dhe 92,6 % meshkujt.

Në lidhje me arsimin e të pandehurve rezulton se 38,1 % janë me arsim të mesëm, 3,4 % të pandehur me arsim të lartë dhe pjesa tjetër prej 58,5 % me arsim 9 vjeçar.


Në sektorin privat rezultojnë të punësuar 45,7 % e të pandehurve, në sektorin shtetëror 0,4 % dhe pjesa tjetër e të pandehurve prej 53,9 % janë të papunë.

Nga treguesit vërehet se 33 % e të pandehurve kanë vendbanimin në qytet, ndërsa 67 % prej tyre në fshat.

Në lidhje me gjendjen gjyqësore të të pandehurve, theksojmë se pjesa më e madhe e tyre, 96,2 % janë të padënuar më parë, 0,5 % e të pandehurve përsëritës për të njëjtën vepër dhe 3,3 % përsëritës për vepra të ndryshme penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale që çënojnë regjimin juridik të tokës është në prokuroritë pranë gjykatave së shkallës së parë: Tiranë 18 % e numrit total të procedimeve të regjistruara, Shkodër e Vlorë 12%, Elbasan 9 % të numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë, siç janë: Gjirokastër, Kurbin Përmet, Mat, Pukë, ku janë regjistruar 1 % ose më pak se 1% e numrit total të procedimeve të regjistruara në shkallë vendi për këtë grupvepër.


VEPRAT PENALE KARAKTERISTIKE TË GRUPIT

Ndërtimi i paligjshëm

Pesha specifike që zë kjo veprë penale në grupin e veprave penale që çënojnë regjimin juridik të tokës është 86,61 % për vitin 2022, ndërkohë që në vitin 2021 ka qenë 89,78 %.

Vihet re tendenca në ulje e procedimeve të regjistruara për veprën penale të parashikuar nga neni 199/a i Kodit Penal “Ndërtimi i paligjshëm” në vitin 2022 prej 35,97 % në krahasim me vitin 2021.

Ecuria e kësaj veprë penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 92,6 % janë meshkuj madhorë, 58,2 % janë me arsim deri 9-vjeçar, 53,9 % janë të papunë.

Gjeografia sociale: numri më i lartë i procedimeve për vepra penale kundër regjimit juridik të tokës, është regjistruar në prokurorinë e shkallës së parë Tiranë, 18 %, ndërkohë që koeficienti më i lartë për 100,000 mijë banorë rezulton në qarkun Kukës me 126 procedime dhe qarkun Vlorë me 106 procedime.

Politika Penale: Për këtë grup veprash, në kërkesat lidhur me llojin e masën e dënimit, të kërkuar nga prokurori, rezulton se 2,4 % e kërkesave kanë qenë për dënimin me gjobë dhe 97,6 % për dënimin me burg, ku është kërkuar aplikimi i pezullimit të dënimit dhe vendosja në provë për 89,9 % të rasteve. Gjykata ka vendosur në 2,2 % të dënimeve dënimin me gjobë dhe në 97,8 % dënimin me burg, ku në 92,6 % të rasteve është pezulluar vendimi i dënimit me burgim dhe i pandehuri është vendosur në provë. Në 6 raste është vendosur pushim çështje dhe 8 raste pafajësi.

Viktimat: Për këtë grup veprash në vitin 2022 të gjitha viktimat janë në moshë madhore, nga ku 88,3 % janë meshkuj dhe 11,7 % janë femra.

VEPRA PENALE KUNDËR MJEDISIT


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 1,45 %, ndërkohë që për vitin 2021 është 1,12 %. Pra vihet re rritje e peshës specifike të këtij grupi veprash penale për vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 13,32, ndërsa në vitin 2021 ka qenë 11,09.

TENDENCA

Nga të dhënat statistikore (tabela 23) rezulton se në vitin 2021 ka një rritje prej 18,47 % të numrit të procedimeve të regjistruara dhe ulje prej 6,25 % të procedimeve të dërguara në gjykatë për vepra penale kundër mjedisit, në krahasim me vitin 2021. Në lidhje me të pandehurit, për këtë grup veprash penale, vihet re një ulje e numrit të të pandehurve të regjistruar përkundrejt këtij totali në vitin 2021 prej 21,97 %, rritje e numrit të të pandehurve të dërguar në gjykatë prej 15,73 % dhe rritje e numrit të të pandehurve të dënuar nga gjykata me 12,31 % përkundrejt vitit 2021.

Grafikisht tendenca e veprave penale kundër mjedisit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të pandehurit rezultojnë 98,7 % meshkuj të rritur dhe 1,3 % femra të rritura.

Në lidhje me arsimin e të pandehurve rezulton se 58 % e të pandehurve janë me arsim deri 9-vjeçar dhe 31,2 % me arsim të mesëm dhe 10,8 % me arsim të lartë.


Të punësuar në sektorin privat rezultojnë 40,8 % e të pandehurve dhe të papunë rezultojnë të jenë 59,2 %.

Ndërsa lidhur me vendbanimin rezulton se 23,6 % e të pandehurve kanë vendbanimin në qytet, ndërsa 76,4 % prej tyre në fshat.

Në lidhje me gjendjen gjyqësore të të pandehurve, theksojmë se pjesa më e madhe e tyre, 92,7 % janë të padënuar më parë, 1,46 % prej tyre janë përsëritës për të njëjtën vepër dhe 5,84 % janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër mjedisit është në prokuroritë pranë gjykatës së shkallës së parë: Tiranë regjistruar 16 % e numrit total të procedimeve për këto vepra në shkallë vendi, Elbasan regjistruar 13 %, Shkodër regjistruar 10 %, Fier me 8 % të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Kavajë, Kurbin, Krujë, Pukë ku janë regjistruar rreth 1 % e numrit të procedimeve penale në shkallë vendi për këtë grupvepër.

VEPRAT PENALE KARAKTERISTIKE TË GRUPIT

Ndotja e ajrit, e ujrave dhe e tokës

Pesha specifike që zë kjo vepër penale në grupin e veprave penale “Kundër mjedisit” është 5,38 % për vitin 2022, ndërkohë që për vitin 2021 ka qenë 7,64 %.

Nga të dhënat statistikore, vërehet tendenca në ulje e procedimeve të regjistruara për veprën penale të parashikuar nga neni 201 i Kodit Penal “Ndotja e ajrit” në krahasim me vitin 2021, me 16,67 %.

Dëmtimi i habitateve në zonat e mbrojtura mjedisore

Pesha specifike që zë kjo vepër penale në grupin e veprave penale “Kundër mjedisit” është 4,03 % për vitin 2022, ndërkohë që për vitin 2021 ka qenë 4,46 %.


Nga të dhënat statistikore, vërehet tendenca në rritje e procedimeve të regjistruara për veprën penale të parashikuar nga neni 202/b i Kodit Penal “Dëmtimi i habitateve në zonat e mbrojtura mjedisore” në krahasim me vitin 2021, me 7,14 %.

Prerja e paligjshme e pyjeve

Pesha specifike që zë kjo vepër penale në grupin e veprave penale “Kundër mjedisit” për vitin 2022 është 52,69 %, ndërsa në vitin 2021 është, 47,13 %.

Nga të dhënat statistikore vërehet tendenca në rritje e procedimeve të regjistruara për veprën penale të parashikuar nga neni 205 i Kodit Penal “Prerja e paligjshme e pyjeve”, në vitin 2022 prej 32,43 % në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: Meshkuj madhorë janë, 98,7 % e të pandehurve; me arsim deri 9-vjeçar janë 58 %; të papunë janë 59,2 %; përsëritës për të njëjtën vepër janë 1,46 % dhe 5,84 % janë përsëritës për vepra të tjera.

Gjeografia sociale: numri më i lartë i procedimeve për vepra penale kundër mjedisit, është regjistruar në prokurorinë e shkallës së parë Tiranë me 16 %, ndërkohë që koeficienti më i lartë për 100,000 mijë banorë rezulton në qarkun Gjirokastrë me 47 procedime dhe qarkun Kukës me 41 procedime.

Politika Penale: Për këtë grup veprash, në kërkesat lidhur me llojin e masën e dënimit, të kërkuar nga prokurori, rezulton se 38,96 % e kërkesa kanë qenë për dënimin me gjobë dhe 61,04 % për dënimin me burg, ku është kërkuar aplikimi i pezullimit të dënimit dhe vendosja në provë për 91,5 % të rasteve. Gjykata ka vendosur në 41,09 % të dënimeve dënimin me gjobë dhe në 58,91 % dënimin me burg, ku në 90,7 % të rasteve është pezulluar vendimi i dënimit me burgim dhe i pandehuri është vendosur në provë. Në 1 rast është vendosur pushim çështje dhe 5 raste pafajësi.

Siguria publike: Për këtë grup veprash, në vitin 2022 janë pezulluar 99 procedime që përbëjnë 26,6 % të procedimeve të regjistruara, tregues në rritje krahasuar me vitin 2021 ku procedimet e pezulluara përbënin 25,48 % të numrit të procedimeve të regjistruara.

KRIME KUNDËR PAVARËSISË E RENDIT KUSHTETUES dhe KRIME QË CËNOJNË MARRËDHËNIET ME SHTETET E TJERA

Pesha specifike që zënë krimet kundër rendit kushtetues dhe krimet që çënojnë marrëdhëniet me shtetet e tjera në numrin e përgjithshëm të procedimeve të regjistruara në prokurori për vitin 2022 është 0,02 %, ndërsa në vitin 2021 ka qenë 0,007 %.

Krime kundër rendit kushtetues

Të dhënat statistikore (tabela 24) tregojnë se gjatë vitit 2022 janë regjistruar 4 procedime penale me 3 të pandehur për krime kundër pavarësisë dhe rendit kushtetues, ndërkohë që është dënuar 1 i pandehur nga gjykata. Konkretisht, janë regjistruar 2 procedime penale me 3 të pandehur për veprën penale të parashikuar nga neni 214 i Kodit Penal “Sigurimi i informatave”, 1 procedim penal për veprën penale të parashikuar nga neni 223 i Kodit Penal “Thirrjet publike për veprime të dhunshme” për të cilën rezulton edhe 1 i pandehur i dënuar dhe 1 procedim për veprën penale të parashikuar nga neni 225 i Kodit Penal “Shpërndarja e shkrimeve antikushtetuese”.

VEPRA ME QËLLIME TERRORISTE

Nga të dhënat statistikore (tabela 25) rezulton se numri i procedimeve të regjistruara për vepra penale me qëllime terroriste në vitin 2022 është 1, ndërsa në vitin 2021 ka qenë 9.

Ky procedim penal është regjistruar për nenin 232/a të Kodit Penal “Nxitja, thirrja publike dhe propaganda për kryerjen e veprave me qëllime terroriste”, ndërkohë që rezulton 1 i pandehur dënuar nga gjykata për nenin 230 të Kodit Penal “Vepra me qëllime terroriste”.

VEPRA PENALE KUNDËR VEPRIMTARISË SHTETËRORE TË KRYERA NGA SHTETASIT


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 1,94 %, ndërkohë që në vitin 2021 ka qenë 1,89 %.

Koeficienti i kriminalitetit për 100,000 banorë për këtë grup veprash në vitin 2022 është 17,86, ndërsa në vitin 2021 ka qenë 18,91.

TENDENCA

Nga të dhënat statistikore (tabela 27) rezulton se në vitin 2022 ka një ulje prej 6,73 % të numrit të procedimeve të regjistruara për “Vepra penale kundër veprimtarisë shtetërore të kryera nga shtetasit” dhe ka një ulje prej 3,08 % të procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re një ulje 8,83 % e numrit të të pandehurve të regjistruar përkundrejt këtij totali në vitin 2021, ulje e numrit të të pandehurve të cilët janë dërguar në gjykatë prej 11,52 % dhe rritje e numrit të të pandehurve të dënuar nga gjykata me 2,15 % përkundrejt vitit 2021.

Grafikisht tendenca e veprave penale kundër veprimtarisë shtetërore të kryera nga shtetasit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim: Nga të pandehurit, rreth 1,97 % kanë qenë të pandehur të mitur. Të pandehur të rritur (mbi 18 vjeç) rezultojnë 97,4 % meshkuj dhe 2,6 % femra.

Në këtë grup veprash rezultojnë edhe 3 të pandehur të huaj.


Në lidhje me arsimin e të pandehurve rezulton se 37,6 % e të pandehurve janë me arsim deri 9-vjeçar, 50,4 % me arsim të mesëm dhe 12 % e të pandehurve me arsim të lartë.

Për sa i përket gjendjes shoqërore nga të dhënat statistikore vihet re se të punësuar në sektorin shtetëror rezultojë 2,4 % e të pandehurve, nga sektori privat janë regjistruar 29,4 % e të pandehurve dhe të papunë 68,2 %.

Rezulton se 64,02 % e të pandehurve kanë vendbanimin në qytet, ndërsa 35,98 % prej tyre në fshat. Në lidhje me gjendjen gjyqësore të të pandehurve, theksojmë se pjesa më e madhe e të pandehurve rreth 88,4 % janë të padënuar më parë ndërsa 11,4 % prej tyre janë përsëritës për vepra penale të ndryshme, 0,2 % përsëritës për të njëjtën vepër penale.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër veprimtarisë shtetërore të kryera nga shtetasit është në prokuroritë pranë gjykatës së shkallës së parë: Tiranë regjistruar 35 % e numrit total të procedimeve të regjistruara për këto vepra në shkallë vendi, Korçë dhe Elbasan përkatësisht me nga 7 %, Vlorë dhe Durrës me nga 6 % të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Kurbin, Kavajë, Përmet, Sarandë, Tropojë, ku janë regjistruar 1 % dhe më pak së 1% e numrit total të procedimeve penale të regjistruara për këtë grupvepër, si dhe në prokurorinë pranë gjykatës së shkallës së parë Pukë ku nuk është regjistruar asnjë procedim për këtë grupvepër.

VEPRAT PENALE KARAKTERISTIKE TË GRUPIT

Kundërshtimi i punonjësit të policisë së rendit publik

Pesha specifike që zë kjo vepër penale në grupin e veprave penale “Kundër veprimtarisë shtetërore të kryera nga shtetasit” është 23,25 % për vitin 2022, ndërkohë që në vitin 2021 ka qenë 23,55 %.

Nga të dhënat statistikore vihet re tendenca në ulje prej 7,94 % e procedimeve të regjistruara në vitin 2022 për veprën penale të parashikuar nga neni 236 i Kodit Penal “Kundërshtimi i punonjësit të policisë së rendit publik” në krahasim me vitin 2021.

Goditjet për shkak të detyrës

Pesha specifike që zë kjo vepër penale në grupin e veprave penale “Kundër veprimtarisë shtetërore të kryera nga shtetasit” në vitin 2022 është 13,43 % ndërsa në vitin 2021 ka qenë 17,38 %.


Për këtë vepër penale rezulton tendenca në ulje prej 27,96 % e procedimeve të regjistruara në vitin 2022 krahasuar me vitin 2021.

Mosbindja ndaj urdhrorit të punonjësit të policisë së rendit publik

Pesha specifike që zë kjo vepër në grupin e veprave penale “Kundër veprimtarisë shtetërore të kryera nga shtetasit” është 50,70 % në vitin 2022, ndërsa në vitin 2021 ka qenë 40 %.

Nga të dhënat statistikore në vitin 2022 vërehet tendencë në rritje prej 18,22 % e procedimeve të regjistruara për veprën penale të parashikuar nga neni 242 i Kodit Penal “Mosbindja ndaj urdhrit të punonjësit të policisë së rendit publik”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 97,4 % janë meshkuj madhorë, 50,4 % janë me arsim të mesëm, 68,2 %, janë të papunë dhe 11,4 % janë përsëritës për vepra të ndryshme penale.

Gjeografia sociale: numri më i lartë i procedimeve për vepra penale kundër veprimtarisë shtetërore të kryera nga shtetasit, është regjistruar në prokurorinë e shkallës së parë Tiranë 35 %, ndërkohë që koeficienti më i lartë për 100,000 mijë banorë rezultojnë në qarkun Gjirokastrë me 42 procedime dhe qarkun Kukës me 27 procedime.

Politika Penale: për këtë grup veprash, 53,4% e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 50,4 % të kërkesave është vendosur masë sigurimi me arrest.

Në kërkesat lidhur me llojin e masës së dënimit të kërkuar nga prokurori, rezultojnë se në 67,2 % të të pandehurve është kërkuar dënim me burg dhe në 32,8 % dënim me gjobë, ndërkohë që janë kërkuar edhe 3 pushim çështjeje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 61,3 % të të pandehurve, për 25 % të kërkesave rezultojnë për caktimin e dënimit në minimum dhe 12,5 % në marzhin mesatar të dënimit të parashikuar nga dispozita, ndërsa për 0,8 % është kërkuar masa maksimale e dënimit. Për 0,4 % të rasteve është kërkuar dënim i të pandehurve me masën e paraburgimit. Gjykata ka vendosur në 66,3 % të dënimeve, dënim me burg dhe në 33,7 % dënim me gjobë, ndërkohë që ka vendosur 4 kthim aktesh, 3 pushim çështjeje dhe 7 vendime pafajësie. Sa i përket masës së dënimit, është vendosur aplikimi i pezullimit të dënimit dhe

vendosja në provë për 65,1 % të të pandehurve, 24,6 % rezulton për caktimin e dënimit në minimum, 9,5 % në marzhin mesatar të dënimit të parashikuar nga dispozita dhe 0,8 % në marzhin maksimal të parashikuara nga dispozita.

Viktimat: Për këtë grup veprash në vitin 2022 të gjitha viktimat rezultojnë të rritur, nga këta 89,6 % janë meshkuj dhe 10,4 % janë femra.

VEPRA PENALE KUNDËR VEPRIMTARISË SHTETËRORE TË KRYERA NGA PUNONJËSIT SHTETËRORE OSE NË SHËRBIM PUBLIK


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 2,36 %, ndërsa në vitin 2021 pesha e këtyre veprave ka qenë 2,09 %. Pra, vihet re rritje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 21,69, ndërsa në vitin 2021 ka qenë 20,99.

TENDENCA

Nga të dhënat statistikore (tabela 28) rezulton se në vitin 2022 ka një rritje prej 2,02 % të numrit të procedimeve të regjistruara për vepra penale kundër veprimtarisë shtetërore të kryera nga punonjësit shtetërorë ose në shërbim publik, në krahasim me vitin 2021 dhe ulje prej 2,82 % të procedimeve të dërguara në gjykatë. Në lidhje me të pandehurit për këtë grup veprash penale, vihet re një rritje e numrit të të pandehurve të regjistruar përkundrejt këtij totali në vitin 2021 prej 11,30 %, rritje e numrit të të pandehurve të cilët janë dërguar në gjykatë me 48,67 %, dhe rritje e numrit të të pandehurve të dënuar nga gjykata me 24,19 % përkundrejt vitit 2021.

Grafikisht tendenca e veprave penale kundër veprimtarisë shtetërore të kryera nga punonjësit, për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të pandehurit e rritur (mbi 18 vjeç) rezultojnë 10,6 % femra dhe 89,4 % meshkuj.

Lidhur me arsimin rezulton se 54,35 % e tyre janë me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektorin shtetëror janë 82,6 % e të pandehurve, nga të cilët 84,2 % janë nëpunës të thjeshtë.

Rezulton se 77,5 % e të pandehurve kanë vendbanimin në qytet ndërsa 22,5 % prej tyre në fshat.

Në lidhje me gjendjen gjyqësore të të pandehurve, theksojmë se 95,5 % e të pandehurve janë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër veprimtarisë shtetërore të kryera nga punonjësit është në prokuroritë pranë gjykatës së shkallës së parë: Tiranë regjistruar 27 % e numrit total të procedimeve të regjistruara për këto vepra në shkallë vendi, Vlorë dhe Korçë me nga 8 %, Elbasan 8 %, Shkodër 7 % të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Mat, Krujë ku janë regjistruar rreth 1 % e numrit të procedimeve penale të regjistruara në shkallë vendi për këtë grupvepër, si dhe në Pukë nuk është regjistruar asnjë procedim për këtë grupvepër.

VEPRAT PENALE KARAKTERISTIKE TË GRUPIT

Shpërdorim detyre

Pesha specifike që zë kjo vepër penale në vitin 2022 në grupin e veprave penale “Vepra penale kundër veprimtarisë shtetërore të kryera nga punonjësit shtetërorë ose në shërbim publik” është 92,57 %, ndërsa për vitin 2021 ky tregues ka qenë 93,09 %.

Nga të dhënat statistikore vërehet tendenca në rritje e procedimeve të regjistruara për veprën penale të parashikuar nga neni 248 i Kodit Penal “Shpërdorim detyre”, në vitin 2022, prej 1,45 % në krahasim me vitin 2021.

Kryerja e veprimeve arbitrare

Pesha specifike që zë kjo vepër penale në grupin e veprave penale “Vepra penale kundër veprimtarisë shtetërore të kryera nga punonjësit shtetërorë ose në shërbim publik” në vitin 2022 është 5,45 % ndërsa në vitin 2021 ka qenë 4,89 %.


Nga të dhënat statistikore vërehet se numri i procedimeve të regjistruara për veprën penale të parashikuar nga neni 250 i Kodit Penal “Kryerja e veprimeve arbitrare” në vitin 2022 është rritur me 13,79 %, krahasuar me vitin 2021.

Refuzimi për deklarimin, mosdeklarimi, fshehja ose deklarimi i rremë i pasurive, interesave private të personave të zgjedhur dhe nëpunësve publikë ose i çdo personi tjetër që ka detyrimin ligjor për deklarim

Pesha specifike që zë kjo vepër në grupin e veprave penale kundër veprimtarisë shtetërore të kryera nga punonjësit shtetërorë në vitin 2022 është 1,16 % ndërsa në vitin 2021 ka qenë 0,17 %.

Nga të dhënat statistikore vërehet se për veprën penale të parashikuar nga neni 257/a i Kodit Penal “Refuzimi për deklarimin, mosdeklarimi, fshehja ose deklarimi i rremë i pasurive, interesave private të personave të zgjedhur dhe nëpunësve publikë ose i çdo personi tjetër që ka detyrimin ligjor për deklarim” ka tendencë në rritje të numrit të procedimeve e konkretisht nga 1 procedim i regjistruar në vitin 2021, në 7 procedime të regjistruara në vitin 2022.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 89,4 % janë meshkuj madhorë dhe 54,35 % janë me arsim të lartë.

Gjeografia sociale: numri më i lartë i procedimeve për vepra penale kundër veprimtarisë shtetërore të kryera nga punonjësit, është regjistruar në prokurorinë e shkallës së parë Tiranë 27 %, ndërkohë që

koeficienti më i lartë për 100,000 mijë banorë rezulton në qarkun Kukës me 59 procedime dhe qarkun Gjirokastrë me 49 procedime.

Politika Penale: për këtë grup veprash, 31,3 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 28,8 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në 96,5 % të të pandehurve është kërkuar dënim me burg dhe në 3,5 % dënim me gjobë, ndërkohë që janë kërkuar në 12 raste pushim çështjeje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 51,2 % të të pandehurve, për 18,3 % të kërkesave rezulton për caktimin e dënimit në minimum dhe 30,5 % në marzhin mesatar të dënimit të parashikuar nga dispozita. Gjykata ka vendosur në 97,4 % të dënimeve, dënim me burg dhe në 2,6 % dënim me gjobë, ndërkohë që ka vendosur 15 pushim çështje dhe 16 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 73,3 % të të pandehurve, 14,6 % rezulton për caktimin e dënimit në minimum, 10,7 % në marzhin mesatar të dënimit të parashikuar nga dispozita dhe 1,4 % nën minimumin e parashikuar nga ligji.

VEPRA PENALE KUNDËR RENDIT DHE SIGURISË PUBLIKE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 21,99 % ndërsa në vitin 2021 ka qenë 20,21 %. Pra vihet re një rritje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 202,39, ndërsa në vitin 2021 ka qenë 202,49.

TENDENCA

Nga të dhënat statistikore për “Vepra penale kundër rendit dhe sigurisë publike” (tabela 29) rezulton se në vitin 2022 ka një ulje prej 1,33 % të numrit të procedimeve të regjistruara dhe ulje prej 5,25 % të numrit të të pandehurve të regjistruar në krahasim me vitin 2021. Në lidhje me numrin e procedimeve të dërguara në gjykatë për këtë grup veprash penale, vihet re një rritje përkundrejt këtij totali në vitin 2021 prej 8,74 %, rritje e numrit të të pandehurve të cilët janë dërguar në gjykatë prej 7,82 % si dhe rritje e numrit të të pandehurve të dënuar nga gjykata me 23,85 % përkundrejt vitit 2021.

Grafikisht tendenca e veprave penale kundër rendit dhe sigurisë publike për vitin 2022 krahasuar me vitin 2021, paraqitet si vijon:



TË PANDEHURIT

Nga të pandehurit, 4.3 % kanë qenë të pandehur të mitur dhe 95,7 % të rritur (mbi 18 vjeç). Të pandehurit meshkuj përbëjnë edhe për këtë grup veprash pjesën më të madhe e konkretisht 97,4 % dhe 2,6 % femra të rritura.

Rezultojnë 45 të pandehur me shtetësi të huaj.

Në lidhje me arsimin e të pandehurve, rezulton se 44,5 % e të pandehurve janë me arsim deri 9-vjeçar, 40,5 % me arsim të mesëm dhe 15 % e të pandehurve me arsim të lartë.


Për sa i përket gjendjes shoqërore, nga të dhënat statistikore vihet re se të punësuar në sektorin shtetëror janë rreth 0,9 % e të pandehurve, në sektorin privat rezultojnë të punësuar 40,2 % e të pandehurve dhe të papunë 58,9 %.

Rezulton se 60,5 % e të pandehurve kanë vendbanimin në qytet, ndërsa 39,5 % prej tyre në fshat.

Në lidhje me gjendjen gjyqësore të të pandehurve, theksojmë se 93,9 % e tyre janë të padënuar më parë, 5,3 % prej tyre janë përsëritës në vepra penale të ndryshme dhe 0,8 % përsëritës për të njëjtën veprë.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale kundër rendit dhe sigurisë publike është në prokuroritë pranë gjykatës së shkallës së parë: Tiranë regjistruar 36 % e numrit total të procedimeve të regjistruara për këto vepra, Durrës 8 %, Elbasan 7 %, Shkodër 7 % e procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Mat, Pukë, Tropojë, Përmet, Sarandë ku janë regjistruar rreth 1 % ose me pak se 1 % e numrit të procedimeve penale në shkallë vendi për këtë grupvepër.

VEPRAT PENALE KARAKTERISTIKE TË GRUPIT

Vetëgjyqësia

Pesha specifike që zë kjo vepër penale në grupin “Vepra penale kundër rendit dhe sigurisë publike” për vitin 2022 është 3,15 %, ndërsa për vitin 2021 ka qenë 3,53 %.

Nga të dhënat statistikore në vitin 2022 vërehet tendenca në ulje prej 11,88 % e procedimeve të regjistruara për veprën penale të parashikuar nga neni 277 i Kodit Penal “Vetëgjyqësia”, në krahasim me vitin 2021.

Prodhimi dhe mbajtja pa leje e armëve luftarake dhe e municionit

Pesha specifike që zë kjo vepër penale në grupin “Vepra penale kundër rendit dhe sigurisë publike” për vitin 2022 është 5,80 %, ndërkohë që në vitin 2021 ka qenë 6,39 %.


Nga të dhënat statistikore në vitin 2022 vërehet tendenca në ulje prej 10,38 % e procedimeve të regjistruara për veprën penale të parashikuar nga neni 278 i Kodit Penal “Prodhimi dhe mbajtja pa leje e armëve luftarake dhe municionit” në krahasim me vitin 2021.

Prodhimi dhe mbajtja pa leje e armëve të ftohta

Pesha specifike që zë kjo vepër penale në grupin “Vepra penale kundër rendit dhe sigurisë publike” për vitin 2022 është 4,07 %, ndërkohë që në vitin 2021 ka qenë 3,4 %.

Nga të dhënat statistikore në vitin 2022 vërehet tendenca në rritje prej 17,95 % e procedimeve të regjistruara për veprën penale të parashikuar nga neni 279 i Kodit Penal “Prodhimi dhe mbajtja pa leje e armëve të ftohta”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



Shkelja e rregullave të qarkullimit rrugor

Pesha specifike që zë kjo vepër penale në grupin e “Vepra penale kundër rendit dhe sigurisë publike” për vitin 2022 është 16,11 %, ndërkohë që për vitin 2021 ka qenë 16,91 %.

Nga të dhënat statistikore në vitin 2022 vërehet tendenca në ulje prej 5,99 % e procedimeve të regjistruara për veprën penale të parashikuar nga neni 290 i Kodit Penal “Shkelja e rregullave të qarkullimit rrugor”, në krahasim me vitin 2021.

Largimi nga vendi i aksidentit

Pesha specifike që zë kjo vepër penale në grupin e “Vepra penale kundër rendit dhe sigurisë publike” është 5,54 % për vitin 2022, ndërsa në vitin 2021 pesha specifike e kësaj vepre ka qenë 4,92 %.

Nga të dhënat statistikore në vitin 2022 vërehet se procedimet e regjistruara për veprën penale të parashikuar nga neni 273 i Kodit Penal “Largimi nga vendi i aksidentit”, janë rritur 10,99 % krahasuar me vitin 2021.

Drejtimi i automjeteve në mënyrë të parregullt

Pesha specifike që zë kjo vepër penale në grupin e “Vepra penale kundër rendit dhe sigurisë publike” për vitin 2022 është 55,91 %, që përbën edhe peshën më të lartë, ndërsa në vitin 2021 ky tregues ka qenë 54,5 %.

Nga të dhënat statistikore vërehet tendencë në rritje e procedimeve të regjistruara për veprën penale të parashikuar nga neni 291 i Kodit Penal “Drejtimi i automjeteve në mënyrë të parregullt” në vitin 2022, prej 1,22 % në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 95,7 % janë meshkuj të rritur, 44,5 % janë me arsim deri 9-vjeçar, 58,9 % janë të papunë, 0,8 % janë përsëritës për të njëjtën veprë dhe 5,3 % janë të dënuar për vepra të tjera.

Gjeografia sociale: numri më i lartë i procedimeve për vepra penale kundër rendit dhe sigurisë, është regjistruar në prokurorinë e shkallës së parë Tiranë 36 %, ndërkohë që koeficienti më i lartë për 100,000 mijë banorë rezulton në qarkun Lezhë me 337 procedime dhe qarkun Gjirokastrë me 241 procedime.

Politika Penale: për këtë grup veprash, 23,9 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 21,2 % të kërkesave është vendosur masë sigurimi me arrest.

Në kërkesat lidhur me llojin e masës së dënimit të kërkuar nga prokurori, rezulton se në 93,5 % të të pandehurve është kërkuar dënim me burg dhe në 6,5 % dënim me gjobë, ndërkohë që janë kërkuar tërheqja e akteve në 3 raste, 3 pushim akuze dhe 16 pushim çështjeje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 80,56 % të të pandehurve, për 0,14 % të tyre është kërkuar ulja e dënimit nën kufijtë e parashikuar nga ligji, për 10,1 % të kërkesave rezulton për caktimin e dënimit në minimum, 8,6 % në marzhin mesatar dhe 0,5 % në marzhin maksimal të dënimit të parashikuar nga dispozita, në 0,1 % të rasteve është dënim me kohën e paraburgimit. Gjykata ka vendosur 93,5 % të dënimeve, dënim me burg dhe në 6,5 % dënim me gjobë, ndërkohë që ka vendosur 11 kthim aktesh, 43 pushim çështjeje dhe 23 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 83,86 % të të pandehurve, për 0,3 % të tyre është vendosur ulja e dënimit nën kufijtë e parashikuar nga ligji, 8,8 % rezulton për caktimin e dënimit në minimum, 6,6 % në marzhin mesatar dhe 0,3 % në marzhin maksimal të dënimit të parashikuar nga dispozita (0,14 % të liruar me kohën e paraburgimit).

Siguria publike: Numri i procedimeve të pezulluara për vitin 2022 është 407 ose 7,2 % e procedimeve të regjistruara, ndërsa në vitin 2021, ky tregues përbënte 6,84 % të procedimeve të regjistruara.

Viktimat: Për këtë grup veprash në vitin 2022 nga numri total i viktimave rezultojnë, 91,9 % viktimat të rritur dhe 8,1 % (të mitur-nën 18 vjeç). Nga viktimat në moshë madhore, 72,6 % janë meshkuj dhe 27,4 % janë femra.

VEPRA PENALE QË LIDHEN ME PASTRIMIN E PARAVE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 0,95 %, ndërsa në vitin 2021 ky tregues ka qenë 1,06 %. Pra vihet re një ulje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 8,73, ndërsa në vitin 2021 ka qenë 10,64.

TENDENCA

Nga të dhënat statistikore (tabela 30) rezulton se në vitin 2022 ka një ulje prej 18,94 % të numrit të procedimeve të regjistruara për vepra penale që lidhen me pastrimin e produkteve të veprës penale ose veprimtarisë kriminale, në krahasim me vitin 2021. Ndërkaq kemi rritje prej 50 %, të procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re ulje e numrit të të pandehurve të regjistruar me 28,57 %, numri i të pandehurve të cilët janë dërguar në gjykatë është rritur me 30,30 % ndërsa numri i të pandehurve të dënuar nga gjykata është rritur me 47,62 % përkundrejt vitit 2021.

Grafikisht tendenca e veprave penale kundër pastrimit të parave për vitet 2021-2022 paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim: Nga numri i të pandehurve të rritur (mbi 18 vjeç), rezultojnë të pandehur meshkuj 92,5 % dhe femra 7,5 %.

Në lidhje me arsimin e të pandehurve rezulton se 21,25 % e të pandehurve janë me arsim deri 9-vjeçar, 58,75 % me arsim të mesëm dhe 20 % e të pandehurve me arsim të lartë.


Për sa i përket gjendjes shoqërore nga të dhënat statistikore rezulton se 32,1 % e të pandehurve janë nga sektori privat dhe 64,3 % janë të papunë, 3,6 % janë të punësuar në sektorin shtetëror.

Rezulton se 71,8 % e të pandehurve kanë vendbanimin në qytet ndërsa 28,2 % prej tyre në fshat.

Në lidhje me gjendjen gjyqësore të të pandehurve, rezultojnë se 78,87 % e të pandehurve janë të padënuar më parë, ndërsa 21,13 % prej tyre janë përsëritës për vepra penale të ndryshme.

SHPËRNDARJA GJEORAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike eidenton se numri më i lartë i procedimeve të regjistruara për vepra penale kundër pastrimit të parave është në prokuroritë pranë gjykatës së shkallës së parë: Tiranë regjistruar 22 % e numrit total të procedimeve të regjistruara për këtë veprë, Fier, 14 %, Vlorë 13 %, Lushnjë 6 %, etj sipas paraqitjes grafike, ndërsa vërehet se numri më i vogël i procedimeve penale të regjistruara për këtë veprë është në prokuroritë pranë gjykatave të shkallës së parë: Pogradec dhe Përmt, ku janë regjistruar rreth 1 % e numrit të procedimeve penale të regjistruara në shkallë vendi për këtë grupveprë, si dhe në Kukës, Mat dhe Pukë nuk është regjistruar asnjë procedim penal për këtë veprë.


VEPRAT PENALE KARAKTERISTIKE TË GRUPIT

Pastrimi i produkteve të veprës penale ose veprimtarisë kriminale

Pesha specifike që zë kjo veprë në grupin e veprave penale që lidhen me pastrimin e produkteve të veprës penale ose veprimtarisë kriminale për vitin 2022 është 91,39 % ndërsa në vitin 2021 ka qenë 95,68 %.

Gjatë vitit 2022 vërehet tendenca në ulje prej 23 % e procedimeve të regjistruara për veprën penale të parashikuar nga neni 287 i Kodit Penal “Pastrimi i produkteve të veprës penale ose veprimtarisë kriminale”, në krahasim me vitin 2021.

Ecuria e kësaj veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 92,5 % janë meshkuj, 58,75 % janë me arsim të mesëm, 64,3 % janë të papunë dhe 78,87 % janë të padënuar më parë.

Gjeografia sociale: numri më i lartë i procedimeve për vepra penale kundër pastrimit të parave, është regjistruar në Prokurorinë e rrethit gjyqësor Tiranë 22 %, ndërkohë që koeficienti më i lartë për 100,000 mijë banorë rezulton në qarkun Gjirokastrë me 27 procedime dhe qarkun Vlorë me 22 procedime.

Politika Penale: Në kërkesat lidhur me llojin e masës së dënimit të kërkuar nga prokurori, rezulton se në 7,2 % të rasteve është kërkuar dënim me gjobë dhe në 92,8 % të rasteve është kërkuar dënim me burg. Sa i përket masës së dënimit, është kërkuar aplikimi i pezullimit të dënimit dhe vendosja në provë në 46,1 % të të pandehurve, 19,3 % e kërkesave rezulton për caktimin e dënimit në minimum dhe 34,6 % në marzhin mesatar të dënimit të parashikuar nga dispozita. Gjykata ka vendosur në 6 % të rasteve dënim me gjobë dhe në 94 % të rasteve dënim me burg, ndërkohë që në 3 vendime ka vendosur pafajësi. Sa i përket masës së dënimit, është vendosur aplikimi i pezullimit të dënimit dhe vendosja në provë në 54,8 % të të pandehurve, për 6,4 % të të pandehurve është vendosur dënimi në minimum, për 32,2 % në marzhin mesatar të dënimit të parashikuar nga dispozita dhe për 6,4 % në marzhin maksimal të parashikuar nga dispozita.

Siguria publike: Numri i procedimeve të pezulluara për vitin 2022 është 30 ose 12,3 % e procedimeve të regjistruara, ndërsa në vitin 2021, ky tregues përbënte 17,28 % të procedimeve të regjistruara.

VEPRA PENALE KUNDËR SEKRETIT DHE KUFIJVE SHETËTORË


Pesha specifike që ky grup veprash penale zë për përkundrejt numrit total të procedimeve penale të regjistruara në shkallë vendi për vitin 2022 është 2,87 %, ndërsa në vitin 2021 ka qenë 3,03 %. Pra vihet re një ulje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 26,45 ndërsa, në vitin 2021 ka qenë 30,39.

TENDENCA

Nga të dhënat statistikore (tabela 31) rezulton se në vitin 2022 numri i procedimeve të regjistruara për vepra penale kundër sekretit dhe kufijve shtetërorë, është ulur 14,07 % në krahasim me vitin 2021 dhe numri i procedimeve të dërguara në gjykatë është ulur 20,92 % në krahasim me një vit më parë. Në lidhje me të pandehurit, për këtë grup veprash penale, vihet re një ulje e numrit të të pandehurve të regjistruar përkundrejt këtij totali në vitin 2021 prej 41,07 %, ulje e numrit të të pandehurve të cilët janë dërguar në gjykatë prej 9,43 % dhe rritje e numrit të të pandehurve të dënuar nga gjykata me 1,29 % përkundrejt vitit 2021.

Grafikisht tendenca e veprave penale kundër sekretit dhe kufijve shtetërorë për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga numri i përgjithshëm i të pandehurve, rezultojnë 95,8 % meshkuj dhe 4,2 % femra.

Të pandehur të huaj rezultojnë 80.

Në lidhje me arsimin e të pandehurve rezulton se 45,3 % e të pandehurve janë me arsim deri 9-vjeçar, 48,4 % me arsim të mesëm dhe 6,3 % me arsim të lartë.


Të punësuar në sektorin privat janë regjistruar 7 % e të pandehurve, në sektorin shtetëror 0,2 % dhe pjesa tjetër prej 92,8 % rezulton e papunë.

Rezulton se 63,2 % e të pandehurve kanë vendbanimin në qytet ndërsa 36,8 % prej tyre në fshat.

Në lidhje me gjendjen gjyqësore të të pandehurve, vërehet se 95 % e tyre janë të padënuar më parë, 4,6 % prej tyre janë përsëritës për vepra penale të tjera dhe 0,4 % përsëritës për të njëjtën vepër.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike eidenton se numri më i lartë i procedimeve të regjistruara për veprat penale kundër sekretit dhe kufijve shtetërore është në prokuroritë pranë gjykatës së shkallës së parë: Tiranë regjistruar 32 % e numrit total të procedimeve të regjistruara për këto vepra, Gjirokastrë me 17 %, Pogradec 9 % etj, sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepra është në prokuroritë pranë gjykatave të shkallës së parë: Përmet, Lezhë, Krujë, Elbasan, ku janë regjistruar rreth 1 % ose me pak se 1 % e numrit të procedimeve penale të regjistruara në shkallë vendi për këtë grupvepra, si dhe në prokurorinë pranë gjykatës së shkallës së parë Pukë ku nuk është regjistruar asnjë procedim penal për këto grupvepra.

VEPRAT PENALE KARAKTERISTIKE TË GRUPIT

Kalimi i paligjshëm i kufirit shtetëror

Pesha specifike që zë kjo vepër penale në grupin e veprave penale “Kundër sekretit dhe kufijve shtetërorë” në vitin 2022 është 57,37 %, ndërsa në vitin 2021 ky tregues ka qenë 64,53 %.


Nga të dhënat statistikore në vitin 2022 vërehet tendenca në ulje prej 23,60 % e procedimeve të regjistruara për veprën penale të parashikuar nga neni 297 i Kodit Penal “Kalimi i paligjshëm i kufirit shtetëror”, në krahasim me vitin 2021.

Ndihma për kalim të paligjshëm të kufirit

Pesha specifike që zë kjo vepër penale në grupin e veprave penale “Kundër sekretit dhe kufijve shtetërorë” për vitin 2022 është 41,48 %, ndërsa për vitin 2021 ky tregues ka qenë 34,3 %.

Nga të dhënat statistikore në vitin 2022 vërehet tendenca në rritje prej 4,41 % e procedimeve të regjistruara për veprën penale të parashikuar nga neni 298 i Kodit Penal “Ndihma për kalim të paligjshëm të kufirit”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 95,8 % janë meshkuj, 45,3 % janë me arsim deri 9-vjeçar, 92,8 % janë të papunë dhe 4,6 % janë përsëritës, për vepra të ndryshme penale.

Gjeografia sociale: numri më i lartë i procedimeve për vepra penale kundër sekretit dhe kufijve shtetërorë, është regjistruar në prokurorinë e shkallës së parë Tiranë 32 %, ndërkohë që koeficienti më i lartë për 100,000 mijë banorë rezulton në qarkun Gjirokastrë me 241 procedime, qarkun Kukës me 67 procedime dhe qarkun Korçë me 62 procedime.

Politika Penale: Në kërkesat lidhur me llojin e masën e dënimit të kërkuar nga prokurori, rezulton se në 49,7 % të të pandehurve është kërkuar dënim me gjobë dhe në 50,3 % dënim me burg, ndërkohë që ka patur 3 kërkesa për pushim çështje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 48,7 % të të pandehurve, në 0,4 % është kërkuar ulja e dënimit nën kufijtë e parashikuar nga ligji, 10,6 % e kërkesave rezulton për caktimin e dënimit në minimum dhe 40,3 % në marzhin mesatar të dënimit të parashikuar nga dispozita. Gjykata ka vendosur në 50,7 % të dënimeve dënim me gjobë dhe në 49,3 % dënim me burg, ndërkohë që janë vendosur 1 pushim akuze, 3 pushim çështje dhe 11 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 56,9 % të të pandehurve, në 13,4 % është vendosur caktimi i dënimit në minimum dhe në 27,6 % të dënimeve me burg, është vendosur marzhi mesatar i dënimit të parashikuar nga dispozita, në 0,8 % të rasteve është vendosur caktimi i dënimit me kohën e paraburgimit dhe në 1,3 % të rasteve është vendosur ulja e dënimit nën kufijtë e parashikuar nga ligji.

Siguria publike: Numri i procedimeve të pezulluara për vitin 2022 është 41 ose 5,54 % e procedimeve të regjistruara, ndërsa në vitin 2021, ky tregues përbënte 3,84 % të procedimeve të regjistruara.

VEPRA PENALE KUNDËR DREJTËSISË


Pesha specifike që ky grup veprash penale zë për vitin 2022, përkundrejt numrit total të procedimeve penale të regjistruara në shkallë vendi, është 2,26 % ndërsa për vitin 2021 ka qenë 1,96 %. Pra vihet re rritje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 20,83, ndërsa në vitin 2021 ka qenë 19,61.

TENDENCA

Nga të dhënat statistikore (tabela 32) rezulton se në vitin 2022 ka një rritje prej 4,86 % të numrit të procedimeve të regjistruara për vepra penale kundër drejtësisë në krahasim me vitin 2021 e ndërkaq numri i procedimeve të dërguara në gjykatë është ulur me 3,70 %. Në lidhje me të pandehurit, për këtë grup veprash penale, vihet re një ulje e numrit të të pandehurve të regjistruar prej 8,78 %, rritje e numrit të të pandehurve të cilët janë dërguar në gjykatë prej 5,78 % përkundrejt këtij totali në vitin 2021 dhe rritje e numrit të të pandehurve të dënuar nga gjykata me 13,47 % krahasuar me një vit më parë.

Grafikisht tendenca e veprave penale kundër drejtësisë për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Sa i përket gjinisë së të pandehurve nga numri i përgjithshëm i të pandehurve, rezulton 10,7 % janë femra dhe 89,3 % meshkuj.

Ndër të pandehurit rezultojnë edhe 5 shtetas të huaj.

Në lidhje me arsimin e të pandehurve rezulton se 43,9 % e të pandehurve janë me arsim deri 9-vjeçar, 42,9 % me arsim të mesëm dhe 13,2 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektorin privat rezultojnë 29,1 % e të pandehurve dhe të papunë 69,7 %, ndërkohë që 1,2 % rezultojnë të punësuar në sektorin shtetëror.

Sa i përket vendbanimit, vërehet se 66,9 % e të pandehurve kanë vendbanimin në qytet ndërsa 33,1 % prej tyre në fshat.

Në lidhje me gjendjen gjyqësore të të pandehurve, 75,6 % janë të padënuar më parë, 23,9 % prej tyre janë përsëritës për vepra penale të ndryshme dhe 0,5 % janë përsëritës për të njëjtën vepër.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për veprat penale kundër sekretit dhe kufijve shtetërore është në prokuroritë pranë gjykatës së shkallës së parë: Tiranë regjistruar 27 % e numrit total të procedimeve të regjistruara për këto vepra, Elbasan dhe Fier me nga 9 %, Shkodër 8 % e numrit të procedimeve të regjistruara etj, sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Kurbin, Sarandë, Përmet, Mat, Tropojë, Pukë ku janë regjistruar rreth 1 % ose me pak se 1 % e numrit të procedimeve penale të regjistruara në shkallë vendi për këtë grupvepër.

VEPRAT PENALE KARAKTERISTIKE TË GRUPIT

Pengime për ekzekutimin e vendimeve të gjykatës

Pesha specifike që zë kjo vepër penale në grupin e veprave penale “Kundër drejtësisë” për vitin 2022 është 10,48 %, tregues në ulje krahasuar me vitin 2021 gjatë të cilit pesha specifike e kësaj vepre ishte 11,7 %.

Nga të dhënat statistikore në vitin 2022 vërehet tendenca në ulje prej 6,15 % e procedimeve të regjistruara për veprën penale të parashikuar nga neni 320 i Kodit Penal “Pengime për ekzekutimin e vendimit të gjykatës”, në krahasim me vitin 2021.

Veprime në kundërshtim me vendimin e gjykatës

Pesha specifike që zë kjo vepër penale në grupin e veprave penale “Kundër drejtësisë” për vitin 2022 është 19,93 %, ndërsa në vitin 2021 pesha që zinin procedimet e regjistruara për këtë vepër përbënte 25,59 % të totalit të grupit.

Nga të dhënat statistikore në vitin 2022 vërehet tendenca në ulje prej 18,31 % e procedimeve të regjistruara për veprën penale të parashikuar nga neni 321 i Kodit Penal “Veprime në kundërshtim me vendimin e gjykatës”, në krahasim me vitin 2021.

Largimi i të burgosurit nga vendi i qëndrimit

Pesha specifike që zë kjo vepër penale në grupin e veprave penale “Kundër drejtësisë” për vitin 2022 është 24,57 %, ndërsa në vitin 2021 pesha që zinin procedimet e regjistruara për këtë vepër përbënte 21,26 %.

Nga të dhënat statistikore vërehet tendenca në rritje e procedimeve të regjistruara për veprën penale të parashikuar nga neni 323 i Kodit Penal “Largimi i të burgosurit nga vendi i qëndrimit”, në vitin 2022, prej 21,19 % në krahasim me vitin 2021.

Futja ose mbajtja e sendeve të ndaluara në institucionin e ekzekutimit të vendimeve me burgim

Pesha specifike e kësaj vepre në grupin e veprave penale “Kundër drejtësisë” për vitin 2022 është 20,79 %, ndërkohë që në vitin 2021 ky tregues ishte 12,6 %.

Nga të dhënat statistikore në vitin 2022 vërehet tendenca në rritje prej 72,86 % e procedimeve të regjistruara për veprën penale të parashikuar nga neni 324/a i Kodit Penal “Futja ose mbajtja e sendeve të ndaluara në institucionin e ekzekutimit të vendimeve me burgim”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 89,3 % janë meshkuj, 43,9 % janë me arsim deri 9-vjeçar, 69,7 % janë papunë dhe 23,9 % janë të dënuar më parë për vepra penale të ndryshme.

Gjeografia sociale: numri më i lartë i procedimeve për vepra penale kundër drejtësisë, është regjistruar në prokurorinë e shkallës së parë Tiranë 27 %, ndërkohë që koeficienti më i lartë për 100,000 mijë banorë rezulton në qarkun Gjirokastrë me 45 procedime dhe qarkun Shkodër me 26 procedime.

Politika Penale: për këtë grup veprash, 74,2 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 70,9 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se në 88,2 % të të pandehurve është kërkuar dënim me burg dhe në 11,8 % dënim me gjobë, ndërkohë që ka patur 14 kërkesa për pushim çështje. Sa i përket masës së dënimit, është kërkuar aplikimi i pezullimit të dënimit dhe vendosja në provë në 38,9 % të të pandehurve, 31,7 % e kërkesave rezulton për caktimin e dënimit në minimum, 28,8 % në marzhin mesatar të dënimit të parashikuar nga dispozita, 0,6 % në marzhin maksimal. Gjkata ka vendosur në 90,1 % të dënimeve dënim me burg dhe në 9,9 % dënim me gjobë, ndërkohë që janë vendosur 21 pushim çështjeje dhe 19 vendime pafajësie. Sa i përket masës së dënimit, është vendosur aplikimi i pezullimit të dënimit dhe vendosja në provë për 41,3 % të të pandehurve, në 36,3 % është vendosur caktimi i dënimit në minimum, në 21,8 % të dënimeve me burg, është vendosur marzhi mesatar i dënimit i parashikuar nga dispozita dhe në 0,6 % të të pandehurve është vendosur maksimumi i dënimit i parashikuar nga dispozita.

Siguria publike: Numri i procedimeve të pezulluara për vitin 2022 është 27 ose 4,6 % e procedimeve të regjistruara, ndërsa në vitin 2021, ky tregues përbënte 6,3 % të procedimeve të regjistruara.

VEPRA PENALE QË PREKIN ZGJEDHJET E LIRA DHE SISTEMIN DEMOKRATIK TË ZGJEDHJEVE

Të dhënat në lidhje me veprat penale që prekin zgjedhjet e lira dhe sistemin demokratik të zgjedhjeve (tabela 33) tregojnë se gjatë vitit 2022 janë regjistruar 26 procedime penale dhe 16 të pandehur, ndërsa në vitin 2021 janë regjistruar 47 procedime penale dhe 10 të pandehur. Janë dërguar për gjykim 3 procedime penale me 16 të pandehur dhe janë dënuar 14 të pandehur, ndërkohë që në vitin 2021 janë dërguar për gjykim 7 procedime penale me 52 të pandehur dhe janë dënuar 46 të pandehur.

Sipas veprave penale rezulton se peshën më të madhe të procedimeve të regjistruara e përbën vepra penale e parashikuar nga neni 327/a i Kodit Penal “Votimi më shumë se një herë ose pa u identifikuar”, për të cilën janë regjistruar 11 procedime penale dhe 7 të pandehur, ndërkohë që është dërguar për gjykim 1 procedim me 7 të pandehur; për veprën penale të parashikuar nga neni 326 i Kodit Penal “Falsifikimi i materialit zgjedhor dhe rezultateve të zgjedhjeve” janë regjistruar 5 procedime penale dhe 8 të pandehur, ndërkohë është dërguar për gjykim 1 procedim me 8 të pandehur dhe janë dënuar 12 të pandehur; për veprën penale të parashikuar nga neni 327 i Kodit Penal “Shkelje të fshehtësisë së votimit” janë regjistruar 3 procedime penale, është dërguar për gjykim 1 procedim me 1 të pandehur dhe është dënuar 1 i pandehur; për veprën penale “Detyrimi për pjesëmarrje në veprimtari politike” parashikuar nga neni 328/a i Kodit Penal janë regjistruar 2 procedime penale; dhe për veprat penale të parashikuara nga nenet 329, 331 dhe 331/a të Kodit Penal janë regjistruar respektivisht nga 1 procedim penal, për vitin 2022.


VEPRAT PENALE TË KORRUPSIONIT

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 1,02 % ndërsa për vitin 2021 ka qenë 0,35 %. Koeficienti i kriminalitetit për 100 000 banorë për këtë grup veprash në vitin 2022 është 9,38, ndërsa në vitin 2021 ka qenë 3,53.

TENDENCA

Sikurse vihet re edhe nga tabela, nga të dhënat statistikore rezulton se në vitin 2022 ka një rritje rreth 2,6 herë të numrit të procedimeve të regjistruara për veprat penale të korrupsionit dhe rritje rreth 3 herë të procedimeve të dërguara në gjykatë në krahasim me vitin 2021. Në lidhje me të pandehurit, për këtë grup veprash penale, vihet re rritje rreth 2,3 herë e numrit të të pandehurve të regjistruar përkundrejt këtij totali në vitin 2021, rritje e numrit të të pandehurve të cilët janë dërguar në gjykatë rreth 3,4 herë dhe rritje e numrit të të pandehurve të dënuar nga gjykata rreth 4,8 herë përkundrejt vitit 2021.

Grafikisht tendenca e veprave penale kundër korrupsionit për vitin 2022 krahasuar me vitin 2021, paraqitet si vijon:



TË PANDEHURIT

Të dhënat sociodemografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga numri i përgjithshëm i të pandehurve, rezulton se të gjithë të pandehurit janë të rritur (mbi 18 vjeç) ku, 1,9 % janë femra dhe 98,1 % meshkuj.

Rezultojnë 6 shtetas të huaj të pandehur për këto vepra.

Në lidhje me arsimin e të pandehurve rezulton se 18,6 % e të pandehurve janë me arsim deri 9-vjeçar, 55,5 % janë me arsim të mesëm dhe 25,9 % e të pandehurve me arsim të lartë.


Për sa i përket gjendjes shoqërore nga të dhënat statistikore vihet re se të punësuar në sektorin shtetëror janë regjistruar 36 % e të pandehurve, në sektorin privat rezultojnë të punësuar 44 % e të pandehurve, dhe 20 % prej tyre rezultojnë të papunë.

Rezulton se 82,7 % e të pandehurve kanë vendbanimin në qytet ndërsa 17,3 % prej tyre në fshat.

Në lidhje me gjendjen gjyqësore të të pandehurve, theksojmë se pjesa më e madhe e të pandehurve, 96,2 %, janë të padënuar më parë.

SHPËRNDARJA GJEOGRAFIKE

Lidhur me shpërndarjen gjeografike të veprave penale të korrupsionit në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për vepra penale në fushën e korrupsionit është në prokuroritë pranë gjykatave të shkallës së parë: Tiranë regjistruar 77 % e numrit total të procedimeve të regjistruara për këtë grupvepra në shkallë vendi; Durrës 4 % e numrit total të procedimeve të regjistruara, Shkodër 3 % e numrit total të procedimeve të regjistruara, etj sipas paraqitjes grafike, ndërsa vërehet se numri më i vogël i procedimeve të regjistruara për këto grupvepra penale është në prokuroritë pranë gjykatave të shkallës së parë, siç janë Lushnjë, Sarandë, Berat ku janë regjistruar 1 % e numrit total të procedimeve të regjistruar, si dhe në Kurbin, Mat, Permet, Pukë, Tropojë ku nuk është regjistruar asnjë procedim penal për këtë grupvepra.

VEPRAT PENALE KARAKTERISTIKE TË GRUPIT

Korrupsioni aktiv i personave që ushtrojnë funksione publike

Pesha specifike që zë kjo vepër penale në vitin 2022 në grupin e veprave penale të korrupsionit është 81,30 %, ndërsa në vitin 2021 pesha që zinte kjo vepër ka qenë 66 %. Pra vërehet rritje e peshës specifike të kësaj vepre në totalin e veprave penale të grupit.


Për vitin 2021 për veprën penale të parashikuar nga neni 244 i Kodit Penal “Korrupsioni aktiv i personave që ushtrojnë funksione publike”, janë regjistruar 213 procedime penale, që përbën rritje rreth 3,2 herë ose 223 % në krahasim me vitin 2021.

Korrupsioni pasiv i personave që ushtrojnë funksione publike

Pesha specifike që zë kjo vepër penale në grupin e veprave penale të korrupsionit për vitin 2022 është 15,27 %, që përbën rritje të lehtë krahasuar me peshën specifike që kjo vepër kishte në vitin 2021, 15 %.

Nga të dhënat statistikore, në vitin 2022 vërehet tendenca në rritje e procedimeve të regjistruara për veprën penale të parashikuar nga neni 259 i Kodit Penal “Korrupsioni pasiv i personave që ushtrojnë funksione publike”, rreth 2,7 herë ose 167 % në krahasim me vitin 2021.

Ecuria e këtyre veprave penale në dy vitet e fundit 2021-2022⁷³ paraqitet në grafikun e mëposhtëm:



VLERËSIME

Në analizë të të dhënave, rezulton se:

Profili i të pandehurve: 98,1 % janë meshkuj, 55,5 % janë me arsim të mesëm, 44 % janë të punësuar në sektorin privat dhe 96,2 % janë të padënuar më parë.

Gjeografia sociale: numri më i lartë i procedimeve për vepra penale të korrupsionit, është regjistruar në prokurorinë e shkallës së parë Tiranë 26 %, ndërkohë që koeficienti më i lartë për 100,000 mijë banorë rezulton në qarkun Tiranë me 22 procedime dhe Shkodër dhe Korçë me 5 procedime.

Politika Penale: për këtë grup veprash, 77,7 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 71,1 % të kërkesave është vendosur masë sigurimi me arrest.

Sa i përket masës së dënimit, është kërkuar aplikimi i pezullimit të dënimit dhe vendosja në provë në 80,2 % të të pandehurve, 12,1 % e kërkesave rezulton për caktimin e dënimit në minimum, 7,7 % në marzhin mesatar të dënimit të parashikuar nga dispozita. Sa i përket masës së dënimit, gjykata ka vendosur aplikimin e pezullimit të dënimit dhe vendosjen në provë për 82,4 % të të pandehurve, në 9,9 % është vendosur caktimi i dënimit në minimum dhe në 7,7 % të dënimeve me burg, është vendosur marzhi mesatar i dënimit i parashikuar nga dispozita.

KRIMI KIBERNETIK

Pesha specifike që zë ky grup veprash penale në numrin total të procedimeve penale të regjistruara në shkallë vendi për vitin 2022, është 0,99 %, ndërsa në vitin 2021 ka qenë 0,81.


Koeficienti i kriminalitetit për 100,000 banorë për këtë grup veprash në vitin 2022 është 9,13, ndërsa në vitin 2021 ka qenë më i ulët ose 8,16 %.

⁷³ Ndryshuar kompetenca për këto vepra me ligjin nr. 41/2021 që ka ndryshuar nenin 75/a të K.Pr.Penale, hyrë në fuqi me datë 1 qershor 2021.

TENDENCA

Nga të dhënat statistikore (tabela 35) rezulton se në vitin 2022 numri i procedimeve të regjistruara, është rritur me 10,39 % krahasuar me një vit më parë, ka një rritje të numrit të procedimeve dërguar në gjykatë, nga 10 procedime në vitin 2021 në 13 procedime dërguar në gjykatë në vitin 2022, ose 30 %, rritje të numrit të të pandehurve të regjistruar në vitin 2022 përkundrejt këtij totali në vitin 2021 nga 25, në 30 ose 20 %, ulje të numrit të të pandehurve të cilët janë dërguar në gjykatë nga 21 në 17, ose 19,05 % dhe rritje të numrit të të pandehurve të dënuar për vepra penale kundër krimit kompjuterik nga 6 në vitin 2021, në 8 në vitin 2022, ose 33,33 %.

Grafikisht tendenca e krimit kibernetik për vitin 2022 krahasuar me vitin 2021, paraqitet si vijon:

**TË PANDEHURIT**

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Të pandehurit, 88,5 % meshkuj dhe 11,5 % janë femra.


Në lidhje me arsimin e të pandehurve rezulton se 34,6 % e tyre janë me arsim të mesëm, 50 % me arsim të lartë, 15,4 % me arsim deri 9-vjeçar.

Rezulton se 92,3 % e të pandehurve kanë vendbanimin në qytet dhe 7,7 % në fshat.

Ndërsa lidhur me gjendjen gjyqësore të të pandehurve, vërehet se te 96,2 % e të pandehurve janë të padënuar më parë dhe 3,8 % janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për krimin kibernetik është në prokuroritë pranë gjykatës së shkallës së parë: Tiranë regjistruar 68 % e numrit total të procedimeve të regjistruara për këto vepra, Shkodër 9% e procedimeve të regjistruara, Durrës, Vlorë dhe Elbasan përkatësisht nga 4 %, etj, sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Gjirokastër, Dibër, Pogradec, Mat, Kavajë, Sarandë, ku janë regjistruar rreth 1 % ose me pak se 1 % e numrit të procedimeve penale të regjistruara në shkallë vendi për këtë grupvepër, si dhe në Krujë, Kukës, Kurbin, Lezhë, Pukë, Tropojë ku nuk është regjistruar asnjë procedim për këtë grupvepër.

VEPRAT PENALE KARAKTERISTIKE TË GRUPIT

Mashtrimi kompjuterik

Pesha specifike që zë kjo vepër penale në grupin e veprave penale “Kundër krimit kompjuterik” për vitin 2021 është 30,45 %, ndërsa për vitin 2022 ka qenë 30,74 %.

Nga të dhënat statistikore në vitin 2022 vërehet tendenca në rritje prej 23,94 % e procedimeve të regjistruara për veprën penale të parashikuar nga neni 143/b i Kodit Penal “Mashtrimi kompjuterik”, në krahasim me vitin 2021.

Falsifikimi kompjuterik

Pesha specifike që zë kjo vepër penale në grupin e veprave penale “Kundër krimit kompjuterik” është 28,03 % për vitin 2022, ndërsa në vitin 2021, ky tregues ka qenë 32,03 %.


Nga të dhënat statistikore vërehet se numri i procedimeve të regjistruara në vitin 2022 për veprën penale të parashikuar nga neni 186/a i Kodit Penal, “Falsifikimi kompjuterik”, është rritur nga 9,46 %.

Ndërhyrja në të dhënat kompjuterike

Pesha specifike që zë kjo veprë penale në grupin e veprave penale “Kundër krimit kompjuterik” është 21,80 % për vitin 2022, ndërsa në vitin 2021, ky tregues ka qenë 30,03 %.

Nga të dhënat statistikore vërehet se numri i procedimeve të regjistruara në vitin 2022 për veprën penale të parashikuar nga neni 293/b i Kodit Penal, “Ndërhyrja në të dhënat kompjuterike”, është ulur me 10 %.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezultojnë se:

Profili i të pandehurve: 88,5 % janë meshkuj, 50 % janë me arsim të lartë, 96,2 % janë të padënuar më parë.

Gjeografia sociale: numri më i lartë i procedimeve për krimin kibernetik, është regjistruar në prokurorinë e shkallës së parë Tiranë 68 % dhe koeficienti më i lartë për 100,000 mijë banorë rezultojnë po në qarkun Tiranë me 19 procedime dhe në Shkodër me 11 procedime.

Politika Penale: Në kërkesat lidhur me llojin e masës së dënimit të kërkuar nga prokurori, rezultojnë se në të gjithë rastet është kërkuar dënim me burg dhe është vendosur nga gjykata dënim me burg. Sa i përket masës së dënimit, është kërkuar aplikimi i pezullimit të dënimit dhe vendosja në provë në 62,5 % të të pandehurve dhe në 37,5 % të rasteve është kërkuar caktimi i dënimit në marzhin mesatar të parashikuar nga dispozita. Gjykata ka vendosur aplikimin e pezullimit të dënimit dhe vendosjen në provë për 62,5 % të të pandehurve, është vendosur caktimi i dënimit në minimum për 1 të pandehur dhe për 2 të pandehur është vendosur marzhi mesatar i dënimit i parashikuar nga dispozita.

Siguria publike: Numri i procedimeve të pezulluara për vitin 2022 është 142 ose 55,7 % e procedimeve të regjistruara, ndërsa në vitin 2021, ky tregues përbënte 52,38 % të procedimeve të regjistruara.


TRAFIQET E PALIGJSHME

Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi është 0,65 %, ndërsa në vitin 2021 ka qenë 0,88 %. Koeficienti i kriminalitetit për 100,000 banorë për këtë grup veprash në vitin 2022 është 5,94 ndërsa në vitin 2021 ka qenë 8,83.

TENDENCA

Nga të dhënat statistikore (tabela 36) rezulton se në vitin 2022 ka një ulje të gjithë treguesve për veprat penale të trafikeve të paligjshme, ku vërehet ulje prej 33,60 % e numrit të procedimeve të regjistruara dhe ulje prej 21,95 % e numrit të procedimeve të dërguara në gjykatë, në krahasim me vitin 2021. Në lidhje me të pandehurit për këtë grup veprash penale vërehet ulje prej 52,85 % e numrit të të pandehurve të regjistruar, ulje prej 20 % e numrit të të pandehurve të cilët janë dërguar në gjykatë dhe ulje prej 48,84 % e numrit të të pandehurve të dënuar nga gjykata, përkundrejt të njëjtëve tregues të vitit 2021.

Grafikisht tendenca e veprave penale të trafikeve për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Sipas gjinisë, rezultojnë se 1,66 % janë femra dhe 98,34 % janë meshkuj.

Në vitin 2022 rezultojnë si të pandehur për këto grup vepra 5 shtetas të huaj.


Në lidhje me arsimin e të pandehurve rezulton se 26,6 % e të pandehurve janë me arsim deri 9-vjeçar, 70 % me arsim të mesëm dhe 3.4 % me arsim të lartë.

Në lidhje me gjendjen shoqërore të të pandehurve rezulton se 50 % janë të punësuar në sektorin privat, 50 % janë të papunë.

Rezulton se 80,7 % e të pandehurve kanë vendbanimin në qytet, ndërsa 19,3 % prej tyre në fshat. Në lidhje me gjendjen gjyqësore të të pandehurve, vërehet se 91,2 % e të pandehurve janë të padënuar më parë dhe 8,8 % prej tyre rezultojnë përsëritës në vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për trafiket e paligjshme është në prokuroritë pranë gjykatës së shkallës së parë: Tiranë regjistruar 22 % e numrit total të procedimeve të regjistruara për këto grupvepra në shkallë vendi, Durrës 14 %, Kukës 12 %, Fier 11 % e procedimeve të regjistruara etj, sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Mat dhe Kurbin ku janë regjistruar rreth 1 % e numrit të procedimeve të regjistruara në shkallë vendi për këtë grupvepër.

VEPRAT PENALE KARAKTERISTIKE TË GRUPIT

Trafikimi i personave të rritur

Pesha specifike që zë kjo vepër penale në grupin e veprave penale “Kundër trafikëve të paligjshme” në vitin 2022 është 4,22 %.

Nga të dhënat statistikore vërehet një tendencë në ulje e procedimeve të regjistruara për veprën penale të parashikuar nga neni 110/a i Kodit Penal “Trafikimi i personave të rritur” në krahasim me vitin 2021, nga 8 procedime në 7 procedime të regjistruara në vitin 2022 ose 12,50 %.

Trafikimi i të miturve

Pesha specifike që zë kjo vepër penale në grupin e veprave penale “Kundër trafikëve të paligjshme” në vitin 2022 është 2,41 % ndërsa në vitin 2021 ka qenë 0,8 %.

Numri i procedimeve të regjistruara për veprën penale të parashikuar nga neni 128/b i Kodit Penal “Trafikimi i të miturve”, në vitin 2022 është 4, ndërsa në vitin 2021 ka qenë 2 procedime.

Trafikimi i veprave të artit dhe kulturës

Pesha specifike që zë kjo vepër penale në grupin e veprave penale “Kundër trafikëve të paligjshme” është 1,81 %, me numër të njëjtë procedimesh të regjistruara në dy vitet e fundit, 3 procedime penale.

Trafikimi i mjeteve motorike

Pesha specifike që zë kjo vepër penale në grupin e veprave penale “Kundër trafikëve të paligjshme” është 58,43 % për vitin 2022, ndërkohë që për vitin 2021 ka qenë 66,80 %.

Nga të dhënat statistikore në vitin 2022 vërehet tendencë në ulje prej 41,92 % e procedimeve të regjistruara për veprën penale të parashikuar nga neni 141/a i Kodit Penal “Trafikimi i mjeteve motorike”, në krahasim me vitin 2021.

Trafikimi i armëve dhe i municionit

Pesha specifike që zë kjo vepër penale në grupin e veprave penale “Kundër trafikëve të paligjshme” është 6,02 %.


Nga të dhënat statistikore vërehet se numri i procedimeve të regjistruara për veprën penale të parashikuar nga neni 278/a i Kodit Penal “Trafikimi i armëve dhe i municionit”, është rritur nga 6 procedime penale të regjistruara në vitin 2021, në 10 procedime penale në vitin 2022.

Trafikimi i narkotikëve

Pesha specifike që zë kjo vepër penale në grupin e veprave penale “Kundër trafikëve të paligjshme” në vitin 2022 është 25,90 %, ndërkohë që në vitin 2021 ky tregues ka qenë 25,20 %.

Nga të dhënat statistikore në vitin 2022 vërehet tendenca në ulje prej 31,75 % e procedimeve të regjistruara për veprën penale të parashikuar nga neni 283/a i Kodit Penal “Trafikimi i narkotikëve”, në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 98,34 % janë meshkuj, 26,6 % janë me arsim deri 9-vjeçar, 50 % janë të papunë dhe 8,8 % janë të dënuar më parë për vepra të ndryshme.

Gjeografia sociale: numri më i lartë i procedimeve për trafiket e paligjshme, është regjistruar në prokurorinë e shkallës së parë Tiranë 22 %, ndërkohë që koeficienti më i lartë për 100,000 mijë banorë rezulton në qarkun me Kukës me 30 procedime dhe qarkun Vlorë dhe Korçë me nga 10 procedime.

Politika Penale: për këtë grupveprash, 92,86 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 87,3 % të kërkesave është vendosur masë sigurimi me arrest.

Në kërkesat lidhur me masën e dënimit të kërkuar nga prokurori, rezulton se është kërkuar aplikimi i pezullimit të dënimit dhe vendosja në provë në 13,04 % të të pandehurve, po për 13,04 % të kërkesave rezulton caktimi i dënimit në minimum, 73,92 % rezultojnë në marzhin mesatar të dënimit të parashikuar nga dispozita. Gjykata ka vendosur aplikimin e pezullimit të dënimit dhe vendosjen në provë për 18,18 % të të pandehurve, janë dënuar me marzhin minimal të dënimit 9,09% të të pandehurve, 72,73 % e të pandehurve rezulton për caktimin e dënimit mesatar, ndërkohë që rezulton edhe 1 vendim pushim çështje.

Siguria publike: Numri i procedimeve të pezulluara për vitin 2022 është 106 ose % e procedimeve të regjistruara, ndërsa në vitin 2021, ky tregues përbënte 63,85 % të procedimeve të regjistruara.

VEPRAT PENALE QË LIDHEN ME PRODHIMIN DHE KULTIVIMIN E NARKOTIKËVE


Pesha specifike që ky grup veprash penale zë për vitin 2022 përkundrejt numrit total të procedimeve penale të regjistruara në shkallë vendi, është 6 %, ndërsa për vitin 2021 ka qenë 7,08 %. Pra vihet re një ulje e këtij treguesi për vitin 2022 në krahasim me vitin 2021.

Koeficienti i kriminalitetit për 100,000 banorë për këtë grup veprash në vitin 2022 është 55,20, ndërsa në vitin 2021 ka qenë 70,96.

TENDENCA

Nga të dhënat statistikore (tabela 37) rezulton se në vitin 2022 ka një ulje prej 23,21 % të numrit të procedimeve të regjistruara për këtë grup veprash penale në krahasim me vitin 2021 e ndërkaq rezulton rritje prej 7,69 % e procedimeve të dërguara në gjykatë në krahasim me një vit më parë. Në lidhje me të pandehurit, për këtë grup veprash penale vihet re një ulje e numrit të të pandehurve të regjistruar prej 23,36 %, rritje e numrit të të pandehurve të cilët janë dërguar në gjykatë prej 15,48 % dhe rritje e numrit të të pandehurve të dënuar nga gjykata me 19,38 % përkundrejt vitit 2021.

Grafikisht tendenca e veprave penale për vitin 2022 krahasuar me vitin 2021, paraqitet si vijon:



TË PANDEHURIT

Të dhënat socio-demografike të të pandehurve për këtë grup veprash penale, si gjinia, mosha, arsimi, gjendja shoqërore, vendbanimi e gjendja gjyqësore, paraqiten në mënyrë të detajuar në vijim:

Nga numri i përgjithshëm i të pandehurve, rezultojnë 97,5 % të pandehur meshkuj, nga totali i meshkujve, 2,25 janë % meshkuj të mitur (14 deri 18 vjeç). Nga numri i përgjithshëm i të pandehurve, rezultojnë 2,45 % femra.

Në lidhje me arsimin e të pandehurve rezulton se 42,4 % e të pandehurve janë me arsim deri 9-vjeçar, 52,3 % me arsim të mesëm dhe 5,3 % e të pandehurve me arsim të lartë.

Në vitin 2022 rezultojnë si të pandehur për këto grup vepra 14 shtetas të huaj.


Për sa i përket gjendjes shoqërore nga të dhënat statistikore vihet re se nga sektori privat janë regjistruar 27,02 % e të pandehurve, të punësuar në sektorin shtetëror 0,13 % dhe të papunë 72,85 %.

Rezulton se 59,3 % e të pandehurve kanë vendbanimin në qytet ndërsa 40,7 % prej tyre në fshat.

Në lidhje me gjendjen gjyqësore të të pandehurve, vërehet se 91,15 % e tyre janë të padënuar më parë, 1,75 % janë përsëritës për të njëjtën vepër, ndërsa 7,1 % janë përsëritës për vepra penale të ndryshme.

SHPËRNDARJA GJEOGRAFIKE

Lidhur me shpërndarjen gjeografike të këtyre grupveprave në vitin 2022, grafiku në vijim paraqet të dhënat statistikore në shifra dhe përqindje sipas secilës prokurori:



Paraqitja grafike evidenton se numri më i lartë i procedimeve të regjistruara për veprat penale të prodhimit dhe kultivimit të narkotikëve është në prokuroritë pranë gjykatës së shkallës së parë: Tiranë regjistruar 26 % e numrit total të procedimeve të regjistruara për këto vepra në shkallë vendi, Shkodër 12 %, Fier 7 %, Vlorë, Elbasan, Krujë, Lezhë me nga 6 %, e procedimeve të regjistruara etj, sipas paraqitjes grafike, ndërsa vërehet se numri më i vogël i procedimeve penale të regjistruara për këtë grupvepër është në prokuroritë pranë gjykatave të shkallës së parë: Pogradec, Pukë, Mat, Kukës, Sarandë, Përmet, ku janë regjistruar rreth 1 % ose me pak se 1 % e numrit të procedimeve penale në shkallë vendi për këtë grupvepër.

VEPRAT PENALE KARAKTERISTIKE TË GRUPIT

Prodhimi dhe shitja e narkotikëve

Pesha specifike që zë kjo vepër penale në këtë grup për vitin 2022 është 68,94 %, ndërsa në vitin 2021 ka qenë 51,29 %.


Nga të dhënat statistikore vihet re se në vitin 2022 për veprën penale të parashikuar nga neni 283 i Kodit Penal “Prodhimi dhe shitja e narkotikëve”, numri i procedimeve të regjistruara ka pësuar një rritje prej 3,20 % në krahasim me vitin 2021.

Kultivimi i bimëve narkotike

Pesha specifike që zë kjo vepër penale këtë grup është 31,06 % për vitin 2022, ndërkohë që në vitin 2021 ka qenë 48,5 %.

Nga të dhënat statistikore vërehet se në vitin 2022, numri i procedimeve të regjistruara për veprën penale të parashikuar nga neni 284 i Kodit Penal “Kultivimi i bimëve narkotike”, ka një tendencë në ulje prej 50,82 % në krahasim me vitin 2021.

Ecuria e këtyre veprave penale në pesë vite, 2018-2022 paraqitet në grafikun e mëposhtëm (procedimet penale të regjistruara në prokurori):



VLERËSIME

Në analizë të të dhënave, rezulton se:

Profili i të pandehurve: 97,5 % janë meshkuj, 52,3 % janë me arsim të mesëm, 72,85 % janë të papunë dhe 1,75 % janë përsëritës për të njëjtën veprë dhe 7,1 % janë përsëritës për vepra të tjera.

Gjeografia sociale: numri më i lartë i procedimeve për vepra penale të kultivimit të narkotikëve, është regjistruar në prokurorinë e shkallës së parë Tiranë me 26 %, ndërkohë që koeficienti më i lartë për 100,000 mijë banorë rezulton në qarkun Lezhë me 113 procedime dhe qarkun Shkodër me 106 procedime.

Politika Penale: për këtë grup veprash, 83,14 % e kërkesave të prokurorit për masa sigurimi lidhen me caktimin e masave të sigurimit me arrest dhe nga gjykata në 78,92 % të kërkesave është vendosur masë sigurimi me arrest.

Në kërkesat lidhur me llojin e masën e dënimit të kërkuar nga prokurori, rezulton se është kërkuar aplikimi i pezullimit të dënimit dhe vendosja në provë në 34,5 % të të pandehurve, 12,2 % e kërkesave rezulton për caktimin e dënimit në minimum, 50,4 % në marzhin mesatar të dënimit të parashikuar nga dispozita dhe 2,9 % në marzhin maksimal. Ndërkohë që prokuroria ka kërkuar pushimin e çështjes në 11 raste. Gjykata ka vendosur aplikimin e pezullimit të dënimit dhe vendosjen në provë për 43,4 % të të pandehurve, 12,9 % e dënimeve rezulton për caktimin e dënimit në minimum, 42,2 % në marzhin mesatar të dënimit të parashikuar nga dispozita dhe 1,5 % në marzhin maksimal. Në 39 raste ka vendosur pafajësinë e të pandehurit, në 1 rast ka vendosur pushim akuze dhe në 14 raste pushimin e çështjeve.


Siguria publike: Numri i procedimeve të pezulluara për vitin 2022 është 566 ose 36,7 % e procedimeve të regjistruara, ndërsa në vitin 2021, ky tregues përbënte 32,27 % të procedimeve të regjistruara.

2.10 TREGUESI I EFEKTIVITETIT TË ORGANIT TË PROKURORISË NË VITE, NË NGRITJEN E AKUZËS NË FAZËN E HETIMIT PARAPRAK


Nga të dhënat statistikore rezulton se treguesi i efektivitetit të ngritjes së akuzës në fazën e hetimit paraprak ka qenë si më poshtë:

Në vitin 2022 janë përfunduar hetimet për 15254 të pandehur nga të cilët 12936 janë dërguar në gjykatë ose 85 % e personave për të cilët është ngritur akuzë dhe për 2318 të pandehur janë pushuar hetimet ose për 15 % të të pandehurve. Në vitin 2021 janë përfunduar hetimet për 14979 të pandehur nga të cilët 12343 janë dërguar në gjykatë ose 82 % e personave për të cilët është ngritur akuzë dhe për 2636 të pandehur janë pushuar hetimet ose për 18 % të të pandehurve. Në vitin 2020 janë përfunduar hetimet për 13805 të pandehur nga të cilët 11503 janë dërguar në gjykatë ose 83 % e personave për të cilët është ngritur akuzë dhe për 2298 të pandehur janë pushuar hetimet ose për 17 % të të pandehurve. Në vitin 2019 janë përfunduar hetimet për 14423 të pandehur nga të cilët 12158 janë dërguar në gjykatë ose 84 % e personave për të cilët është ngritur akuzë dhe për 2232 të pandehur janë pushuar hetimet ose për rreth 16 % të të pandehurve.

Në grafikun e mëposhtëm paraqitet efektiviteti i ngritjes së akuzës në fazën e hetimit paraprak për vitin 2022:




Treguesi i efektivitetit të organit të prokurorisë në pesë vite, në dënimin e të pandehurve
 Grafiku i mëposhtëm përmban të dhëna të detajuara lidhur me numrin e të pandehurve të deklaruar fajtor e dënuar dhe ata që kanë marrë pafajësi në pesë vitet e fundit:




Të dhëna mbi kërkesën e prokurorit dhe vendimet e gjykatës

Më poshtë paraqiten në përqindje të dhënat lidhur me kërkesat e prokurorit dhe vendimet e gjykatës gjatë vitit 2022, lidhur me dënimin me burgim, dënimin me gjobë dhe pezullimin e ekzekutimit të vendimit me burgim dhe vënien në provë:




Grafiku i mëposhtëm paraqet të dhëna në lidhje me **dënimin “Burgim i përjetshëm”** për periudhën 2018-2022:



Në lidhje me burgimin e përjetshëm, nga të dhënat statistikore sipas paraqitjes grafike pese vjecare rezulton se, në vitin 2022 kërkesat e prokurorit për dënim me burgim të përjetshëm janë rritur me 66,6 % krahasuar me vitin 2021, në vitin 2021 kërkesat e prokurorit për dënim me burgim të përjetshëm janë ulur me 50 % krahasuar me vitin 2020, ndërsa në vitin 2020 kërkesat e prokurorit për dënim me burgim të përjetshëm janë rritur 20 % krahasuar me vitin 2019.

Ndërkohë nga të dhënat statistikore sipas paraqitjes grafike mesipër rezulton se, në vitin 2022 vendimet e gjykatës për dënim me burgim të përjetshëm janë rritur në krahasim me vitin 2021 në masën 66,6 %, në vitin 2021 vendimet e gjykatës për dënim me burgim të përjetshëm janë ulur në krahasim me vitin 2020 në masën 50 %, ndërsa në vitin 2020 vendimet e gjykatës për dënim me burgim të përjetshëm janë rritur në krahasim me vitin 2019 në masën 50 %.

Paraqitja grafike më poshtë evidenton të dhëna në lidhje me **dënimin e të pandehurve me burgim sa maksimumi i** parashikuar nga ligji për veprën penale konkrete për vitet 2018-2022:




Nga të dhënat statistikore vihet re se në vitin 2022 ka një rritje prej 42,6 % të kërkesave të prokurorit për dënimin e të pandehurve me maksimumin e dënimit me burgim të parashikuar nga ligji për veprën

penale konkrete krahasuar me vitin 2020, në vitin 2021 ka një rritje prej 65,85 % të kërkesave të prokurorit për dënimin e të pandehurve me maksimumin e dënimit me burgim të parashikuar nga ligji për veprën penale konkrete krahasuar me vitin 2020, ndërsa në vitin 2020 ka një ulje prej 36,92 % të kërkesave të prokurorit për dënimin e të pandehurve me maksimumin e dënimit me burgim të parashikuar nga ligji për veprën penale konkrete krahasuar me vitin 2019.

Lidhur me vendimet e dënimit në maksimumin e masës së dënimit të parashikuar për veprën penale konkrete, gjatë vitit 2022 vërehet rritje prej 47,4 % krahasuar me vitin 2021, gjatë vitit 2021 vërehet rritje prej 83,87 % krahasuar me vitin 2020, ndërsa gjatë vitit 2020 vërehet ulje prej 32,61 % krahasuar me vitin 2019.


Grafiku i mëposhtëm paraqet të dhëna për vitet 2018-2022 në lidhje me masën e dënimit me burgim në minimumin e parashikuar nga ligji:



Në lidhje me masën e dënimit me burgim në minimum, vihet re se, në vitin 2022 kërkesat e prokurorit janë rritur me 4 % krahasuar me vitin 2021, në vitin 2021 kërkesat e prokurorit janë rritur me 17,43 % krahasuar me vitin 2020, ndërsa në vitin 2020 kërkesat e prokurorit janë ulur me 12,60 % krahasuar me vitin 2019.

Në vitin 2022 vihet re se vendimet e gjykatës për dënimin në minimumin e parashikuar nga ligji për veprën penale konkrete janë ulur me 9,5 % krahasuar me vitin 2021, në vitin 2021 janë rritur me 15,57 % krahasuar me vitin 2020, ndërsa në vitin 2020 vendimet e gjykatës për dënimin në minimumin e parashikuar nga ligji për veprën penale konkrete janë ulur me 1,44 % krahasuar me vitin 2019.


Grafiku i mëposhtëm paraqet të dhëna në lidhje me zbatimin e nenin 59 të Kodit Penal ku është parashikuar **“Pezullimi i ekzekutimit të vendimit me burgim dhe vënia në provë”** si kërkime të prokurorit ashtu edhe vendime të gjykatës, në pesë vitet e fundit:



Nga të dhënat statistikore, vihet re se në vitin 2022 ka një rritje prej 13,6 % të numrit të kërkesave të prokurorit për aplikimin e alternativës së dënimit me burg të parashikuar nga neni 59 i Kodit Penal “Pezullimi i ekzekutimit të vendimit me burgim dhe vënia në provë”, në vitin 2021 ka një rritje prej 17,19 % të numrit të kërkesave të prokurorit për aplikimin e alternativës së dënimit me burg të parashikuar nga neni 59 i Kodit Penal “Pezullimi i ekzekutimit të vendimit me burgim dhe vënia në provë”, ndërsa në vitin 2020 ka një ulje prej 3,07 % të numrit të kërkesave të prokurorit për aplikimin e alternativës së dënimit me burg të parashikuar nga neni 59 i Kodit Penal.

Ndërkohë edhe vendimet e gjykatës në vitin 2022 kanë pësuar rritje prej 19,2 % në krahasim me vitin 2021, në vitin 2021 kanë pësuar rritje prej 16,05 % në krahasim me vitin 2020.

Në lidhje me dënimin me gjobë, grafiku i mëposhtëm paraqet të dhëna për pesë vitet 2018-2022:




Të dhënat statistikore në vitin 2022 tregojnë rritje të kërkesave të prokurorit për dënimin me gjobë prej 18,1 % në krahasim me vitin 2021, të dhënat statistikore në vitin 2021 tregojnë ulje të kërkesave të prokurorit për dënimin me gjobë prej 16,96 % në krahasim me vitin 2020, ndërsa dhe në vitin 2020 tregojnë ulje të kërkesave të prokurorit për dënimin me gjobë prej 27,20 % në krahasim me vitin 2019.

Sa i përket të dhënave lidhur me vendimet e dënimit me gjobë, vihet re se në vitin 2022 ka një rritje prej 9,6 % në krahasim me vitin 2021, vitin 2021 ka një ulje prej 14,52 % në krahasim me vitin 2020, ndërsa në vitin 2020 ka një ulje prej 28,42 % në krahasim me vitin 2019.

2.11 TË DHËNA PËR TË PANDEHURIT PËR VITIN 2022

Grafiku i mëposhtëm paraqet të dhëna për të pandehurit në hetim⁷⁴ në pesë vitet e fundit (2018 – 2022):



Në lidhje me të pandehurit e regjistruar në vitin 2022, nga të dhënat statistikore rezultojnë se dinamika e këtij treguesi në tre vite është si më poshtë:

Në vitin 2022 janë regjistruar 12508 të pandehur që do të thotë ulje prej 13 % në krahasim me vitin 2021, në vitin 2021 janë regjistruar 14374 të pandehur që do të thotë rritje prej 1,58 % në krahasim me vitin 2020, ndërsa në vitin 2020 janë regjistruar 14151 të pandehur që do të thotë ulje prej 9,06 % në krahasim me vitin 2019.

Në lidhje me të pandehurit mbartur në hetim, duke marrë në referencë vitet 2019-2022 rezultojnë se; në vitin 2022 janë mbartur hetimet për 10069 të pandehur që do të thotë rritje prej 7,6 % në krahasim me vitin 2021, në vitin 2021 janë mbartur hetimet për 9359 të pandehur që do të thotë rritje prej 16,43 % në krahasim me vitin 2020, ndërsa në vitin 2020 janë mbartur hetimet për 8038 të pandehur që do të thotë rritje prej 15,70 % në krahasim me vitin 2019.


Në lidhje me të pandehurit, për të cilët është vendosur rifillimi hetimeve rezultojnë se, në vitin 2022 janë rifilluar hetimet për 44 të pandehur që do të thotë ulje prej 60 % në krahasim me vitin 2021, në vitin 2021 janë rifilluar hetimet për 111 të pandehur që do të thotë rritje prej 141 % në krahasim me

⁷⁴ Në të dhënat e një viti përfshihen të pandehur çështjet e të cilëve janë mbartur nga viti i kaluar, të pandehur për të cilët është rifilluar hetimi nga organi i prokurorisë, të pandehur të regjistruar nga organi i prokurorisë.

vitin 2020, ndërsa vitin 2020 janë rifilluar hetimet për 46 të pandehur që do të thotë ulje prej 62,60 % në krahasim me vitin 2019.


Të dhëna sociale dhe demografike për të pandehurit

Grafiku i mëposhtëm paraqet të dhëna në lidhje me gjininë e të pandehurve në vitet 2020-2022:



Nga të dhënat statistikore rezulton se raporti i të pandehurve meshkuj-femra në vitin 2022 është 94,75 % meshkuj dhe 5,25 % femra, në vitin 2021 është 94,89 % meshkuj dhe 5,11 % femra, ndërsa në vitin 2020 është 95,09 % meshkuj dhe 4,91 % femra.

Grafiku i mëposhtëm paraqet të dhëna në lidhje me arsimin e të pandehurve në vitet 2020-2022:




Nga të dhënat statistikore vërehet se në vitin 2022 rezultojnë 44,2 % e të pandehurve me arsim deri 9 vjeçar që përbën ulje në krahasim me vitin 2021, në vitin 2021 rezultojnë 46,77 % e të pandehurve me arsim deri 9 vjeçar që përbën ulje në krahasim me vitin 2020, ndërsa në vitin 2020 rezultojnë 51,11 % e të pandehurve me arsim deri 9 vjeçar që përbën rritje në krahasim me vitin 2019.

Me arsim të mesëm në vitin 2022 rezultojnë 44,2 % e të pandehurve, që përbën rritje krahasuar me vitin 2021, në vitin 2021 rezultojnë 42,73 % e të pandehurve, që përbën ulje krahasuar me vitin 2020, ndërsa në vitin 2020 rezultojnë 40,08 % e të pandehurve, që përbën ulje krahasuar me vitin 2019.

Me arsim të lartë, në vitin 2022 rezultojnë 11,5 % e të pandehurve që përbën rritje krahasuar me vitin 2021, në vitin 2021 rezultojnë 9,55 % e të pandehurve shifër e njëjtë në krahasim me vitin 2020, ndërsa në vitin 2020 rezultojnë 9,55 % e të pandehurve shifër pothuajse në të njëjtin nivel në krahasim me vitin 2019.

Grafiku i mëposhtëm paraqet të dhëna në lidhje me gjendjen shoqërore të të pandehurve për vitet 2020-2022:




Për sa i takon gjendjes shoqërore të të pandehurve, nga të dhënat statistikore vërehet se në vitin 2022 të punësuar në sektorin shtetëror rezultojnë 2,6 % e të pandehurve, në vitin 2021 të punësuar në sektorin shtetëror rezultojnë 2,5 % e të pandehurve, ndërsa në vitin 2020 të punësuar në sektorin shtetëror rezultojnë 6,1 % e të pandehurve.

Të pandehurit e punësuar në sektorin privat në vitin 2022 përbëjnë 32,24 % të numrit të të pandehurve në vitin 2021 përbëjnë 27,44 % të numrit të të pandehurve, ndërsa në vitin 2020 përbënin 24,21 % të numrit të të pandehurve.

Në vitin 2022 rezultojnë 65,14 % e të pandehurve si të papunë, në vitin 2021 rezultojnë 70,02 % e të pandehurve si të papunë, ndërsa në vitin 2020 rezultojnë 71,38 % e të pandehurve si të papunë, si dhe në vitin 2019 rezultojnë 67,38 % e të pandehurve si të papunë.


Pra ajo që vërehet nga të dhënat statistikore është se gjatë tre viteve të fundit më shumë se 68,7 % e të pandehurve janë të papunë dhe ky tregues është një nga faktorët kryesor kriminogjenë.

Grafiku i mëposhtëm paraqet të dhëna në lidhje me vendbanimin e të pandehurve për vitet 2020-2022:



Sikurse rezulton edhe nga tabela e mësipërme, në lidhje me vendbanimin e personave të cilët janë marrë të pandehur, theksojmë se nga të dhënat statistikore rezulton se kriminaliteti mbetet një fenomen i pranishëm më shumë në qytet sesa në fshat edhe për vitin 2022 ku tendencat tregojnë se 59,2 % e të pandehurve rezultojnë me vendbanim në qytet dhe 39,8 % rezultojnë me banim në fshat.

Grafiku në vijim paraqet të dhëna në lidhje me gjendjen gjyqësore të të pandehurve për vitet 2020-2022:




Për sa i takon gjendjes gjyqësore të të pandehurve, në vitin 2022 rezulton se 1,55 % e të pandehurve janë përsëritës për të njëjtën veprë penale që do të thotë se ky tregues ka pësuar një ulje të lehtë krahasuar me vitin 2021.

Përsëritës për vepra penale të ndryshme në vitin 2022 rezulton se janë 7,78 % e të pandehurve, që do të thotë rritje e lehtë krahasuar me vitin 2021.

Të pandehurit e padënuar më parë në vitin 2022 përbëjnë 90,67 % të të pandehurve.

Shtetësia e të pandehurve

Për sa i përket shtetësisë së të pandehurve, gjatë vitit 2022 rezulton se 1,96 % e tyre janë me shtetësi të huaj. Ky tregues rezulton në rritje prej 36,1 % krahasuar me numrin e të pandehurve të huaj të regjistruar në vitin 2021.



Të miturit 2022

Gjatë vitit 2022, bazuar në dispozitat e Kodit të Drejtësisë Penale për të Mitur, janë regjistruar 821 procedime penale ku përfshihen të miturit në konflikt me ligjin, me një rritje prej 16,6% krahasuar me vitin 2021.


Nga të dhënat statistikore rezulton se janë regjistruar 572 të mitur si të pandehur ose persona nën hetim për kryerjen e veprave penale dhe ndaj 25 prej tyre është vendosur masë sigurimi arrest në burg, që zë rreth 4,3% të të pandehurve të mitur ose një ulje prej 28 % të këtij raporti krahasuar me vitin 2021.

Lidhur me vendimarrjen e prokurorit për çështjet ku përfshihen të mitur në konflikt me ligjin, të dhënat tregojnë se është vendosur mosfillimi për 561 referime/kallzime penale ndaj të miturve, janë pushuar 318 çështje me 281 të pandehur të mitur në konflikt me ligjin ose me rritje 5,3 % të çështjeve dhe ulje prej 1,4 % të të pandehurve krahasuar me vitin 2021 dhe janë dërguar për gjykim 206 çështje me 225 të pandehur ose një ulje prej rreth 2 % të çështjeve të dërguara për gjykim dhe ulje prej 15,4 % të të pandehurve, krahasuar me vitin 2021.

Shkaqet e vendimmarrjes në rastet e pushimit të çështjes, tregojnë se në 83,6 % të çështjeve janë vendosur masa alternative të shmangies dhe pjesa tjetër është pushuar për shkaqe të tjera procedurale.

Sa i përket aplikimit të masës alternative të shmangies, nga të dhënat rezulton se është aplikuar shmangia në 266 çështje me 237 të pandehur që është vendosur pushimi, ndër të cilat për 3 të mitur në konflikt me ligjin është vendosur këshillim, për 2 të mitur është vendosur paralajmërim me gojë për 230 të mitur në konflikt me ligjin është vendosur paralajmërim me shkrim dhe 2 të pandehur janë vendosur nën kujdes.

Grafiku i mëposhtëm paraqet të dhëna për të pandehurit në konflikt me ligjin në lidhje me aplikimin e masave të shmangies:



III. MARRËDHËNIET JURIDIKSIONALE ME AUTORITETET E HUAJA NË ÇËSHTJET PENALE

Vendi ynë ka tashmë një kuadër ligjor të brendshëm dhe ndërkombëtar të ratifikuar me ligj, në përputhje me *acquis*, e gjithashtu arritje të vlerësuara në implementimin të tij në fushën e bashkëpunimit të ndërsjelltë juridik në çështjet penale, me partnerët ndërkombëtarë dhe veçanërisht me EUROJUST.

Në përgjithësi, në kuadër të reformës në drejtësi vlerësojmë të përmendim përmirësimin e legjislacionit në fushën e:

- **ekstradimeve** (zbatimi me sukses i marrëveshjeve dypalëshe për ekstradimin e shtetasve shqiptarë)
- **ndihmës së ndërsjelltë juridike** (nëpërmjet azhurnimit të legjislacionit të brendshëm u adresuan tërësisht çështje që lidhen me ndarjen e pasurive, përgjimin e telekomunikacioneve, dorëzimin e kontrolluar, seancat me video-konferencë dhe ngritjen e ekipeve të përbashkëta hetimore. Ndryshimi i kuadrit ligjor që rregullon në mënyrë specifike *skudrat e përbashkëta hetimore* ka hyrë në fuqi në shtator 2021. Tashmë Shqipëria ka vendosur të njëjtat dispozita dhe praktika ligjore si BE-ja në lidhje me sistemin e ndihmës së ndërsjelltë juridike, ndaj për sistemin e drejtësisë nuk do të jetë e vështirë në të ardhmen të zbatohet EIO (Urdhri Evropian i Hetimit), si instrumenti më i rëndësishëm në bashkëpunimin ndërkombëtar në çështjet penale në vendet e Bashkimit Evropian
- **sistemin e njohjes reciproke** të vendimeve penale dhe vendimeve të tjera të autoriteteve gjyqësore, duke marrë në konsideratë se, baza themelore e parimit të njohjes reciproke është besimi reciprok dhe respektimi i të drejtave të njeriut.

Për më tepër, implementimi i Marrëveshjeve ndërmjet EUROJUST dhe Zyrës së Prokurorit Publik Evropian (EPPO), si dhe rezultatet e deritanishme të bashkëpunimit kanë provuar se, Shqipëria është tashmë një partner me vlerë.

Sa i takon kuadrit ligjor që lidhet me bashkëpunimin gjyqësor ndërkombëtar në çështjet penale, gjatë periudhës raportuese 1 janar – 31 dhjetor 2022 janë nënshkruar disa marrëveshje dypalëshe të cilat kanë hyrë në fuqi dhe janë implementuar, konkretisht:

1. Marrëveshja e Punës ndërmjet Zyrës së Prokurorit Publik Evropian (ZPPE) dhe Prokurorisë së Përgjithshme të Republikës së Shqipërisë.

Në datë **4 korrik 2022, në Luksemburg** u nënshkrua dhe hyri në fuqi Marrëveshja e Punës ndërmjet Zyrës së Prokurorit Publik Evropian (ZPPE) dhe Prokurorisë së Përgjithshme të Republikës së Shqipërisë.

Kjo marrëveshje ka si qëllim lehtësimin e bashkëpunimit gjyqësor në çështjet penale dhe shkëmbimin e informacionit strategjik ndërmjet palëve, në përputhje me kuadrin ligjor në fuqi.

Për mbledhjen e provave ose ekstradimin e personave të kërkuar, si dhe për forma të tjera të bashkëpunimit gjyqësor Palët do të zbatojnë instrumentet përkatëse shumëpalëshe për bashkëpunimin gjyqësor në çështjet penale, duke përfshirë por pa u kufizuar, Konventën Evropiane për ndihmë të ndërsjelltë në çështjet penale dhe Protokollin e saj shtesë, si dhe Konventën e Kombeve të Bashkuara

kundër krimit të organizuar ndërkombëtar dhe Konventën e Kombeve të Bashkuara kundër Korrupsionit.

Në këtë marrëveshje parashikohen forma të bashkëpunimit operacional për:

- ✓ mbledhjen e provave,
- ✓ ngrirjen e aseteve,
- ✓ ngritjen e grupeve të përbashkëta hetimore dhe
- ✓ ekstradimin,
- ✓ si dhe forma të bashkëpunimit strategjik dhe çështje institucionale, psh. shkëmbimi i informacionit strategjik, komandimi i oficerëve ndërlidhës në ZPPE, transmetimi i të dhënave personale, siguria e të dhënave etj.

Zyra e Prokurorit Publik European (ZPPE) bashkëpunon me vendet e treta, ku një prej tyre ishte Shqipëria.

Në nenin 10 të Marrëveshjes së Punës ndërmjet Zyrës së Prokurorit Publik European (ZPPE) dhe Prokurorisë së Përgjithshme të Republikës së Shqipërisë është parashikuar se, Pikë Kontakti e ZPPE në Shqipëri është Drejtoria e Marrëdhënieve Juridiksionale me Jashtë në Prokurorinë e Përgjithshme. Në këtë cilësi, në muajin tetor 2022 kjo Drejtoria ka administruar në rrugë elektronike 1 kërkesë për ndihmë juridike në kuadër të hetimit penal për kryerjen e veprave penale “*Mashtrimi dhe evazioni fiskal*”, e dërguar nga Prokurori i deleguar european në ZPPE, kërkesë e cila është ende në fazën e ekzekutimit nga autoritetet gjyqësore shqiptare.

2. ***Marrëveshja ndërmjet Mbretërisë së Spanjës dhe Republikës së Shqipërisë si shtesë e Konventës Europiane “Për Ekstradimin” e vitit 1957*** u ratifikua nga Parlamenti i Republikës së Shqipërisë me ligjin nr. 17/2022. Me hyrjen në fuqi, kjo marrëveshje u zbatua menjëherë duke filluar procedurat e ekstradimit të shtetasve shqiptarë drejt Spanjës;
3. ***Marrëveshja ndërmjet Republikës së Shqipërisë dhe Mbretërisë së Bashkuar të Britanisë së Madhe dhe Irlandës së Veriut “Për transferimin e personave të dënuar”*** e ratifikuar me ligjin nr. 125 datë 16.12.2021, hyri në fuqi në datë 05.05.2022.
4. ***Memorandum Mirëkuptimi ndërmjet Prokurorisë së Përgjithshme të Republikës së Shqipërisë (PP) dhe Shoqatës Ibero-Amerikane të Prokurorëve Publikë (AIAMP)***, nënshkruar me datë 29 korrik 2022), me synim rritjen e gatishmërisë për bashkëpunimin në luftën kundër trafikëve të paligjshme, pastrimit të parave dhe çdo krim tjetër me interes të përbashkët si dhe për përmirësimin e kapaciteteve profesionale dhe shkencore në fushën penale sipas ligjit, etj.
5. Gjithashtu, pas miratimit të ligjit nr. 97/2021, datë 07.07.2021, nga Kuvendi i Shqipërisë, i cili amendoi ligjin nr. 10193, datë 03.12.2009 “*Për marrëdhëniet juridiksionale me autoritetet e huaja në çështjet penale*”, Prokuroria e Përgjithshme ka marrë pjesë në grupin ndërinstitucional të punës për hartimin e akteve nënligjore, konkretisht:
 - udhëzimin e përbashkët ndërmjet Prokurorisë së Përgjithshme, Ministrisë së Brendshme dhe Prokurorisë së Posaçme kundër Korrupsionit dhe Krimit të Organizuar “*Për shpalljen në kërkim ndërkombëtar*”, i cili është nënshkruar nga këto institucione dhe ka hyrë në fuqi në datë 24.06.2022;
 - udhëzimin e përbashkët ndërmjet Ministrit të Drejtësisë, Prokurorit të Përgjithshëm dhe drejtuesit të Prokurorisë së Posaçme kundër Korrupsionit dhe Krimit të Organizuar, mbi rregullat e detajuara për formën e kërkesës, procedurën dhe përkthimin e akteve (akt nënligjor

i cili është draftuar nga ekspertët dhe është në fazë përfundimtare në pritje të nënshkrimit e hyrjes në fuqi).

Treguesit statistikore në lidhje me bashkëpunimin gjyqësor ndërkombëtar në çështjet penale për vitin 2022 paraqiten si vijon:

I. Ekstradime

i. Ekstradime nga jashtë

Gjatë vitit 2022 janë trajtuar gjithsej 162 praktika ekstradimi, për shtetas shqiptarë apo të huaj të cilët janë shpallur në kërkim ndërkombëtar nga Prokuroria shqiptare mbi bazën e një vendimi penal dënimi të formës së prerë ose vendimi për caktimin e masës së sigurimit personal “*arrest në burg*” të dhënë nga Gjykatat e Rretheve Gjyqësore të Republikës së Shqipërisë. Këta shtetas janë arrestuar ose lokalizuar nga autoritetet policore të shteteve të huaja, duke iniciuar kështu procedurën e ekstradimit nga jashtë vendit për në Shqipëri. Nga të dhënat statistikore rezulton se, për periudhën raportuese janë përfunduar gjithsej 62 praktika ekstradimi.

Për periudhën Janar - Dhjetor 2022, në raport me vitin e kaluar vërehet rritje e dukshme e numrit të kërkesave të paraqitura nga autoritetet shqiptare për ekstradimin e subjekteve nga jashtë, e konkretisht në masën 38,4 %.

Më poshtë paraqesim në formë tabelare dhe grafike të dhënat për periudhën 2019-2022:

	Viti 2019	Viti 2020	Viti 2021	Viti 2022
Nr. kërkesave për ekstradim	180	119	117	162



Në tabelën e mëposhtme paraqiten të dhënat statistikore për këtë tregues (*ekstradime nga jashtë*), si dhe grafiku përkatës sipas shteteve të cilëve i janë drejtuar kërkesat për ekstradim:

Shteti	Viti 2021	Viti 2022
Itali	20	29
Greqi	25	36
Angli	19	21
Gjermani	16	15
Francë	2	5
Kosovë	5	8
Spanjë	5	8
Hungari	1	4
SH.B.A	3	3
Zvicër	1	0

Në tabelën e mëposhtme ju paraqesim shpërndarjen e ekstradimeve nga jashtë sipas Prokurorive:

Ekstradime nga jashte viti 2022		
Prokuroria	Të regjistruara	Të përfunduara
<i>Tiranë</i>	38	16
<i>Fier</i>	9	3
<i>Vlorë</i>	7	3
<i>Durrës</i>	22	12
<i>Elbasan</i>	5	2
<i>Gjirokastrë</i>	3	1
<i>Kukës</i>	2	0
<i>Korçë</i>	8	4
<i>Berat</i>	9	4
<i>Pogradec</i>	4	1
<i>Sarandë</i>	2	0
<i>Tropojë</i>	2	1
<i>Lezhë</i>	12	4
<i>Krujë</i>	2	1
<i>Mat</i>	4	1
<i>Përmet</i>	1	0
<i>Kurbin</i>	1	0
<i>Pukë</i>	2	1

ii. Ekstradime për jashtë

Nga të dhënat statistikore rezulton se, gjatë vitit 2022 janë arrestuar në territorin e Republikës së Shqipërisë me qëllim ekstradimi drejt shteteve të tjera 119 shtetas (shqiptarë apo të huaj), një tregues ky i cili i krahasuar me një vit më parë rezulton me ulje në masën 7%.

Ekstradime për jashtë			
Viti 2019	Viti 2020	Viti 2021	Viti 2022
157	114	128	119

Në tabelën e mëposhtme paraqiten të dhënat e plota mbi praktikatat e regjistruara në fushën e ekstradimit për jashtë, sipas shteteve, si dhe praktikatat e përfunduara gjatë vitit 2022 për secilin shtet:

<i>Ekstradime për jashtë 2022</i>		
	<i>Të regjistruara</i>	<i>Të përfunduara</i>
<i>Itali</i>	52	19
<i>Gjermani</i>	11	7
<i>Kosovë</i>	11	5
<i>Maqedoni e Veriut</i>	1	1
<i>Rumani</i>	2	0
<i>Belgjikë</i>	1	1
<i>Spanjë</i>	11	5
<i>Slovaki</i>	1	0
<i>Hollandë</i>	1	1
<i>Zvicër</i>	3	3
<i>SH.B.A</i>	1	0
<i>Finlandë</i>	2	2
<i>Libi</i>	1	1
<i>Kinë</i>	1	1
<i>Rusi</i>	1	1
<i>Francë</i>	3	0
<i>Bahrein</i>	1	1
<i>Luksemburg</i>	0	1
<i>Norvegji</i>	0	1
<i>Pakistan</i>	0	1
<i>Poloni</i>	0	1
<i>Serbi</i>	1	0
<i>Sloveni</i>	1	0
<i>Turqi</i>	5	3
<i>Emiratet e Bashkuara Arabe</i>	1	0
<i>Mbretëria e Bashkuar</i>	1	0
<i>Hungari</i>	2	0
<i>Suedi</i>	2	1

Theksojmë se, në kuadër të trajtimit të kërkesave të ardhura nga autoritetet e huaja gjatë vitit 2022 (për ekstradimin e shtetasve nga Shqipëria drejt shteteve kërkuese apo për njohjen dhe ekzekutimin në Shqipëri të vendimeve penale të huaja të dhëna ndaj shtetasve shqiptarë), mbështetur në Ligjin 70/2017 “Për disa shtesa dhe ndryshime në Ligjin nr. 10192, datë 3.12.2009 “Për Parandalimin dhe Goditjen e Krimin të Organizuar dhe Trafikimit nëpërmjet Masave Parandaluese kundër Pasurisë”, si dhe në kuadër të Memorandumit të Bashkëpunimit nr. 1079, datë 15.07.2020, “Për rritjen e efektivitetit në hetimet që lidhen me pastrimin e parave, financimin e terrorizmit, krimet financiare

dhe sekuestrimin e konfiskimin e aseteve kriminale, në funksion të përmbushjes së rekomandimeve të KSA-së e FATF-së Planit të Veprimit ICRG/FATF” ndërmjet Prokurorisë së Përgjithshme, Ministrisë së Financave dhe Ekonomisë (përfshirë DPPPP, DPD e DPT) dhe Ministrisë së Brendshme, Drejtoria e Marrëdhënieve Juridiksionale me Jashtë i ka kërkuar Drejtorisë për Krimin Ekonomik dhe Financiar në Policinë e Shtetit, në **37 raste**, zbatimin e masave parandaluese kundër pasurisë së këtyre subjekteve dhe për **20 raste**⁷⁵ janë përfunduar verifikimet nga Policia e Shtetit, e cila ka njoftuar sipas rastit referimin pranë Prokurorive kompetente me juridiksion të përgjithshëm ose arkivimin e praktikave në rastet kur nuk janë identifikuar pasuri.

II. Kërkesa për ndihmë juridike (Letërporosi)

i. Letërporositë nga jashtë

Autoritetet gjyqësore të huaja, gjatë vitit 2022 kanë paraqitur në vendin tonë 489 kërkesa për ndihmë juridike në kuadër të çështjeve penale, tregues i cili rezulton me ulje në masën 18% krahasuar me vitin 2021, vit në të cilin janë paraqitur gjithsej 599 letërporosi.


Në tërësi rezulton që gjatë vitit 2022, nga 489 letërporosi të dërguara në Shqipëri nga autoritetet e huaja rezulton të jenë ekzekutuar/përfunduar veprimet procedurale nga Prokuroritë e Rretheve Gjyqësore gjithsej 284 letërporosi, ose 41 %.



Duke iu referuar të dhënave statistikore konstatohet se, ashtu si vitet e kaluara numri më i lartë i kërkesave për ndihmë juridike ka ardhur nga Kosova 74, Greqia 68, Gjermania 58, Italia 35, Turqia dhe Belgjika 20, Mali i Zi 15, Sllovenia 14, Maqedonia e Veriut dhe Austria nga 13 letërporosi etj.

⁷⁵ Të dhëna të regjistruara në sistemin IMPRO

Letërporosi nga Jashtë



Në tabelën e mëposhtme paraqiten të dhënat e regjistruara për kërkesat për ndihmë juridike, të ndara sipas shteteve, si dhe të dhënat respektive mbi letërporositë e përfunduara për çdo shtet.

Letërporosi nga jashtë viti 2022

	Të regjistruara	Të përfunduara	Të përfunduara në %
<i>Rumani</i>	4	4	100.0
<i>Spanjë</i>	7	2	28.6
<i>Francë</i>	12	6	50.0
<i>Belgjikë</i>	20	6	30.0
<i>Slloveni</i>	14	6	42.9
<i>Bullgari</i>	4	3	75.0
<i>Hungari</i>	4	2	50.0
<i>Poloni</i>	9	6	66.7

Portugali	52	38	73.1
Maqedoni	13	10	76.9
Hollandë	8	2	25.0
SHBA	1	1	100.0
Kroaci	10	5	50.0
Turqi	20	15	75.0
Kosovë	74	48	64.9
Austri	13	6	46.2
Mali i Zi	15	7	46.7
Itali	35	15	42.9
Suedi	2	0	0.0
Greqi	68	42	61.8
Gjermani	58	38	65.5
Republika Çeke	1	1	100.0
Mbretëri e Bashkuar	6	1	16.7
Zvicër	1	1	100.0

➤ **Letërporositë nga jashtë të ndara sipas grup veprave penale**

Gjatë periudhës Janar - Dhjetor 2022 autoritetet gjyqësore të huaja kanë dërguar në Shqipëri kërkesa për ndihmë juridike në kuadër të procedimeve penale të regjistruar për vepra të ndryshme penale, ndër të cilat⁷⁶ të grupuara sipas grupveprave penale rezultojnë:

- **66 letërporosi** të ardhura nga autoritetet e huaja gjyqësore për kryerjen e veprave penale të **trafiqeve të paligjshme** (*kryesisht trafikimi i lëndëve narkotike*), të cilat janë dërguar nga shtete si Belgjikë, Spanjë, Francë, Gjermani, Greqi, Hollandë, Hungari, Itali, Norvegji, Turqi etj.;
- **87 letërporosi** të ardhura nga autoritetet e huaja gjyqësore për kryerjen e veprave penale të **falsifikimit të dokumenteve**, të cilat janë dërguar nga shtete si Portugali, Spanjë, vendet e rajonit, si dhe Kroaci;
- **31 letërporosi** për veprën penale të **pastrimit të produkteve të veprës penale ose veprimtarisë kriminale dhe financimi i terrorizmit**, nga shtete si, Itali, Gjermani, Hollandë, Poloni, Sllovakia, Belgjikë, Mbretëria e Bashkuar, Irlandë, Kosovë, Mali i Zi etj.;
- **34 letërporosi** për veprën penale të **mashtimit**, nga shtete si, Kosovë, Greqi etj.;
- **4 letërporosi** për veprën penale **shkelje e ligjit të qëndrimit**, nga Gjermania dhe Kroacia;
- **2 letërporosi** për veprat penale të **krimin kibernetik** të dërguara nga Mbretëria e Bashkuar;
- **3 letërporosi** për veprën penale të **dhunës në familje**, dërguar nga Greqia.

➤ **Letërporosi nga jashtë me objekt ushtrim ndjekje penale në Shqipëri**

Të dhënat statistikore tregojnë se, gjatë vitit 2022 janë dërguar nga autoritetet e huaja gjithsej **13 kërkesa** për ndihmë juridike me objekt **ushtrimin në Shqipëri të ndjekjes penale** ndaj disa shtetasve, të cilat i janë transmetuar Prokurorive të Rretheve Gjyqësore sipas kompetencës. Më konkretisht, nga të dhënat rezultojnë se:

⁷⁶ Sipas të dhënave, të gjeneruara nga sistemi elektronik IMPRO

- Autoritetet **gjermane** kanë përcjellë 1 **kërkesë** për ndihmë juridike me objekt ushtrimin e ndjekjes penale në Shqipëri, për kryerjen e veprës penale “*Vjedhje e rëndë*”, “parashikuar nga legjislacioni penal gjerman, e cila i është përcjellë për kompetencë Prokurorisë së Rrethit Gjyqësor Dibër;
- Autoritetet **greke** kanë përcjellë 3 **kërkesa** të tilla, me qëllim ushtrimin e ndjekjes penale në Shqipëri, për kryerjen e veprave penale “*Trafikimi i lëndëve narkotike*” dhe “*Vjedhja*”, parashikuar nga legjislacioni penal grek. Këto kërkesa i janë përcjellë Prokurorive të Rretheve Gjyqësore Tiranë, Fier dhe 1 i është kaluar për kompetencë SPAK;
- Autoritetet **kroate** kanë përcjellë 1 **kërkesë** për ndihmë juridike, me qëllim ushtrimin e ndjekjes penale në Shqipëri, për kryerjen e veprës penale “*Falsifikimi i dokumenteve*”, parashikuar nga legjislacioni penal kroat. Kjo kërkesë i është përcjellë Prokurorisë së Rrethit Gjyqësor Krujë;
- Autoritetet **italiane** kanë përcjellë 1 **kërkesë** për ndihmë juridike, me qëllim ushtrimin e ndjekjes penale në Shqipëri, për kryerjen e veprës penale “*Abuzim seksual*”, parashikuar nga legjislacioni penal çek. Kjo kërkesë i është përcjellë Prokurorisë së Rrethit Gjyqësor Berat;
- Autoritetet e **Malit të Zi** kanë përcjellë 5 **kërkesa** me qëllim ushtrimin e ndjekjes penale në Shqipëri, për kryerjen e veprave penale “*Falsifikim dokumentesh*”, “*Kontrabandë*”, “*Vjedhje*”, “*Shkatërrim sendi*” dhe “*Shkelja e rregullave të qarkullimit rrugor*”. Këto kërkesa i janë përcjellë Prokurorisë së Rrethit Gjyqësor Tiranë, Kukës dhe Shkodër;
- Autoritetet **sllovae** dhe **sllovene** kanë përcjellë nga 1 **kërkesë** me qëllim ushtrimin e ndjekjes penale në Shqipëri, përkatësisht për kryerjen e veprës penale “*Mospagim i detyrimit ushqimor*” dhe “*Prodhim armësh*”. Këto letërporosi i janë përcjellë për kompetencë Prokurorisë së Rrethit Gjyqësor Lezhë dhe Kurbin.

➤ **Disa raste të suksesshme të bashkëpunimit me autoritetet e huaja**

Më poshtë paraqesim disa prej praktikave më të suksesshme të bashkëpunimit të realizuara gjatë vitit 2022, në të cilat Prokuroria e Përgjithshme ka asistuar përfaqësuesit e shteteve të huaja në kryerjen e veprimeve procedurale në Shqipëri në ekzekutim të kërkesave për ndihmë juridike:

1. *Kërkesa për ndihmë juridike e autoriteteve të drejtësisë së Mbretërisë së Bashkuar.*

Autoritetet e drejtësisë së Mbretërisë së Bashkuar nëpërmjet Zyrës së Prokurorit Ndërlidhës në Ambasadën Britanike në Tiranë kanë paraqitur një kërkesë për ndihmë juridike të Autoritetit të Sjelljes Financiare (FCA), në kuadër të një hetimi penal që kryhet për veprat penale “*Abuzim me informacione të privileguara*” në bashkëpunim dhe “*Pastrim i parave*”, ndaj disa shtetasve shqiptarë. Kjo kërkesë kishte si objekt kryerjen e një sërë veprimesh hetimore si, *sekuestrim të 3 pasurive të paluajtshme dhe 12 llogarive bankare*. Në këtë rast, nga Drejtoria e Marrëdhënieve Juridiksionale me Jashtë u koordinuan veprimet me Prokurorinë Pranë Gjykatës së Shkallës së Parë Tiranë dhe autoritetet britanike, duke lehtësuar ekzekutimin e kërkesës sipas objektit të saj, si dhe duke ofruar ndihmë si në aspektin procedural penal, ashtu edhe në lehtësimin e komunikimit.

2. Kërkesa për ndihmë juridike e autoriteteve polake

Autoritetet polake të drejtësisë përkatësisht, Prokuroria Rajonale në Lublin (seksioni për çështjet e krimit financiar) ka përcjellë nëpërmjet EUROJUST në Prokurorisë së Përgjithshme një kërkesë për ndihmë juridike në kuadër të hetimeve, për kryerjen e veprave penale tatimore, e në vijim janë përcjellë edhe disa kërkesa shtesë. Këto letërporosi kanë si objekt kryerjen e veprimeve procedurale për vënien në dispozicion të *informacioneve, dokumentacionit shkresor, si dhe marrjen e mostrave biologjike në prani të prokurorëve polakë të çështjes*. Përfaqësuesi i DMJJ në Prokurorinë e Përgjithshme koordinoi punën mes autoriteteve polake, Eurojust dhe Prokurorinë pranë Gjykatës së Shkallës së Parë Tiranë për mbarëvajtjen dhe ekzekutimin e kërkesës.

3. Kërkesa për ndihmë juridike e autoriteteve belge të drejtësisë

Gjyqtari Hetues pranë Gjykatës së Shkallës së Parë të Brukselit, Belgjikë paraqiti një kërkesë për ndihmë juridike në kuadër të hetimeve ndaj disa shtetasve shqiptarë, për kryerjen e veprës penale “Vrasje” të shtetasit shqiptar A.S, parashikuar nga legjislacioni penal belg. Autoritetet belge nëpërmjet kësaj letërporosie kërkonin kryerjen e një sërë veprimesh hetimore si, *kontroll banese, sekuestrim i sendeve dhe provave, marrje në pyetje të disa shtetasve, marrje deklarimesh etj.*, në prani të përfaqësuesve të grupit belg të hetimit. Ashtu sikundër edhe në rastet e lartpërmendura, DMJJ në Prokurorinë e Përgjithshme ndihmoi në veprimet e para për organizimin dhe koordinimin e punës dhe në përfundim u mundësua realizimi me sukses i kërkesës së autoriteteve belge.

➤ Videokonferenca


Theksojmë se, gjatë vitit 2022 autoritetet e huaja kanë paraqitur 2 kërkesa për marrjen në pyetje të personave ose dhënien e dëshmisë me videokonferencë përkatësisht nga Suedia dhe Bullgaria.

ii. *Letërporositë për jashtë*

Gjatë vitit 2022, Prokuroritë e Rretheve Gjyqësore të Republikës së Shqipërisë i kanë dërguar autoriteteve të huaja gjyqësore gjithsej 526 kërkesa për ndihmë juridike në kuadër të procedimeve penale të regjistruara në Shqipëri si ndaj shtetasve shqiptarë ashtu edhe të huaj. Ky tregues ka pësuar rënie me 19 % krahasuar me vitin 2021, në të cilin janë dërguar 655 letërporosi.


Gjatë vitit 2022, nga 526 letërporosi të dërguara nga autoritetet gjyqësore shqiptare jashtë vendit rezultojnë të jenë përfunduar/ekzekutuar nga autoritetet e huaja gjithsej 173 letërporosi, ose 32.8 % e tyre.

Letërporosi për jashtë	
Viti 2021	Viti 2022
655	526



Sa i takon shpërndarjes gjeografike sipas Prokurorive pranë Gjykatave të Rretheve Gjyqësore rezulton se, Prokuroria pranë Gjykatës së Shkallës së Parë Tiranë për periudhën raportuese ka dërguar jashtë vendit në funksion të hetimit 142 letërporosi, Prokuroria Durrës 63, Shkodra 51, Fieri 20, Elbasani 31, Vlora 29, Korça 20, Gjirokastra 15 etj. (të dhëna të cilat paraqiten në grafikun e mëposhtëm)

**Letërporosi për jashtë
Viti 2022**



Në tabelën e mëposhtme paraqiten të dhënat statistikore për letërporositë e dërguara nga Prokuroritë e Rretheve Gjyqësore të ndara sipas shteteve, si dhe të dhënat numerike dhe në përqindje të letërporosive të përfunduara nga secili shtet:

Letërporosi për jashtë viti 2022

Shteti	Të regjistruara	Të përfunduara nga shtetet	% e letërporosive të përfunduara
Austri	5	2	40.0
Suedi	6	2	33.3
Turqi	13	4	30.8
Greqi	52	26	50.0
Zvicër	11	2	18.2
Serbi	5	3	60.0
Mali i Zi	9	1	11.1
Hollandë	12	1	8.3
Kosovë	56	27	48.2
Kroaci	5	1	20.0
Rumani	6	3	50.0
Itali	97	35	36.1
Poloni	5	0	0.0
Belgjikë	15	6	40.0
Gjermani	34	14	41.2
Kinë	4	2	50.0
Maqedoni e Veriut	16	3	18.8
Mbretëri e Bashkuar	39	5	12.8
Francë	16	4	25.0
Spanjë	12	2	16.7

Të dhënat statistikore tregojnë se, numri më i madh i letërporosive i është dërguar shteteve kufitare dhe përkatësisht, Italisë i janë dërguar 97 kërkesa, Greqisë 52, Kosovës 56, Gjermanisë 34, Mbretërisë së Bashkuar 39, Belgjikës 15 etj.

iii. *Letërporositë sipas veprave penale në kompetencë të Prokurorive me Juridiksion të përgjithshëm*

Gjatë vitit 2022, Prokuroritë e Rretheve Gjyqësore kanë dërguar pranë autoriteteve të huaja kërkesa për ndihmë juridike në kuadër të procedimeve penale të regjistruar për vepra të ndryshme penale, të grupuara si më poshtë:


- **126 letërporosi për autoritetet e huaja** (ose 23,9 % e totalit të letërporosive) për kryerjen e veprave penale të **trafiqeve të paligjshme**, përfshirë këtu trafikimin e personave të rritur, të të miturve, trafikimin e narkotikëve dhe trafikimin e mjeteve motorike;
- **97 letërporosi** (ose 18,4 % e totalit të letërporosive) për kryerjen e veprës penale të **pastrimit të produkteve të veprës penale ose veprimtarisë kriminale**;
- **89 letërporosi** (ose 16,9 % e totalit të letërporosive) për kryerjen e veprave penale të **krimin kibernetik**, një tregues në rritje krahasuar me vitin 2021 (*për këto grup veprash penale janë dërguar jashtë vendit gjithsej 9,4 % në raport me totalin e letërporosive*);

- **56 letërporosi** (ose 10.6 % e totalit të letërporosive) për veprat penale të **falsifikimit të dokumenteve**;
- **33 letërporosi** (ose 6,2 % e totalit të letërporosive) për veprat penale të **marshtrimit**;
- **22 letërporosi** (ose 4,1 % e totalit të letërporosive) në kuadër të procedimeve për kryerjen e **krimeve kundër jetës të kryera me dashje**;
- **11 letërporosi** (ose 2 % e totalit të letërporosive) për kryerjen e veprave penale të **dhunës në familje 2021** (*tregues që konsiston në rritje të konsiderueshme të kërkesave për ndihmë juridike të dërguara jashtë vendit tonë për këtë vepër penale ndërkohë që në vitin 2021 ishte dërguar vetëm 1 letërporosi*).

III. Njohjet e vendimeve penale

i. Njohjet e vendimeve penale të huaja

Referuar të dhënave statistikore rezulton se, për vitin 2022 autoritetet e huaja kanë paraqitur gjithsej 19 kërkesa për njohjen e vendimeve të tyre penale dhënë në ngarkim të shtetasve shqiptarë, tregues ky i cili rezulton me ulje në masën 52 % krahasuar me vitin 2021, vit në të cilin është kërkuar njohja e 40 vendimeve penale të huaja.



Sikurse vërehet në tabelën e mëposhtme, Italia ka vijuar të zënë pjesën më të madhe të kërkesave për njohje vendimi penal përkatësisht me 10 kërkesa, ndërsa Belgjika ka paraqitur 4 kërkesa, Kosova 3 dhe Gjermania 1 kërkesë për njohje vendimi.

Njohje vendimesh penale të huaja	
Shteti	Viti 2022
Belgjikë	4
Gjermani	1
Kosovë	3
Itali	10

ii. Njohjet e vendimeve penale shqiptare jashtë vendit


Nga të dhënat statistikore rezulton se, gjatë vitit 2022 autoritetet shqiptare kanë paraqitur gjithsej 7 kërkesa për njohjen e vendimeve penale shqiptare jashtë vendit, tregues me ulje të lehtë krahasuar me vitin 2021, në të cilin u paraqitën 14 kërkesa. Për periudhën raportuese, kërkesat për njohjen e vendimeve penale shqiptare i janë paraqitur përkatësisht 3 Greqisë, 2 Kosovës dhe 2 Italisë.



IV. Transferimet e procedimeve penale

i. *Transferimet e procedimeve penale*

Gjatë vitit 2022, autoritetet e huaja gjyqësore kanë transferuar në Shqipëri 17 procedime penale me qëllim ushtrimin e ndjekjes penale, ndërsa për periudhën raportuese Prokuroritë shqiptare kanë transferuar jashtë vendit gjithsej 11 procedime penale (*shih grafikun e mëposhtëm*).



Sikurse vërehet nga të dhënat rezulton se, për periudhën raportuese ka rritje të numrit të procedimeve penale të transferuara nga autoritetet e huaja në Shqipëri në raport me një vit më parë, ndërsa është ulur numri i procedimeve penale të transferuara nga Prokuroritë pranë Gjykatave të Shkallës së Parë me juridiksion të përgjithshëm drejt autoriteteve gjyqësore të huaja.

Më konkretisht, autoritetet e huaja gjyqësore kanë paraqitur 17 kërkesa për transferimin në Shqipëri të procedimeve penale të cilët rezultojnë përkatësisht, Greqia 1, Maqedonia e Veriut 1, Gjermania 1,

Serbia 1, Mali i Zi 7 dhe Kosova 7. Një nga këto kërkesa i është përcjellë për kompetencë Prokurorisë së Posaçme (SPAK).

Ndërsa, Prokuroritë pranë Gjykatave të Shkallës së Parë në Republikën e Shqipërisë kanë vendosur transferimin e 11 procedimeve penale në total, përkatësisht 1 drejt Gjermanisë, 1 Italisë, 2 Serbisë, 1 Polonisë, 5 Kosovës dhe 1 Maqedonisë së Veriut.

Shtetet	Transferime procedimesh penale nga jashtë	Transferime procedimesh penale për jashtë
Itali		1
Kosovë	7	5
Greqi	1	
Maqedoni e Veriut	1	1
Gjermani	1	1
Serbi	1	2
Mali i Zi	7	
Poloni		1
Totali analitik	18 (1 kaluar SPAK)	11

V. Transferimet e personave të dënuar

i. Transferimet nga jashtë vendit të personave të dënuar

Gjatë vitit 2022 janë paraqitur gjithsej 10 kërkesa për transferimin në Shqipëri të të dënuarve jashtë vendit, tregues me rritje krahasuar me vitin 2021, ku janë paraqitur 2 kërkesa të tilla.

Viti	Viti 2019	Viti 2020	Viti 2021	Viti 2022
Transferimi i të dënuarve nga jashtë	34	35	2	10



VI. Urdhrat e arrestit ndërkombëtar të lëshuar nga autoritetet shqiptare

Referuar të dhënave statistikore konstatohet se, gjatë vitit 2022 Prokuroria Shqiptare ka shpallur në kërkim ndërkombëtar gjithsej 245 shtetas (*shqiptarë apo të huaj*) të cilët janë dënuar me vendim të formës së prerë ose me vendim mase të sigurimit personal “*Arrest në burg*”. Krahasuar me vitin 2021,

në të cilin janë shpallur në kërkim ndërkombëtar 172 persona, për vitin raportues ky tregues ka pësuar rritje në masën 42,4 %.



Prokuroritë pranë Gjykatave të Rretheve Gjyqësore kanë kërkuar heqjen e 134 subjekteve nga listat e kërkimit ndërkombëtar për shkaqe të tilla si,

- personi është deklaruar i pafajshëm nga gjykata;
- është parashkruar vepra penale/ekzekutimi i dënimit për të cilën është shpallur në kërkim ndërkombëtar.
- personi është ekstraduar drejt vendit tonë;
- personi është arrestuar në vendin tonë.

Në tabelën e mëposhtme paraqiten shpalljet në kërkim ndërkombëtar për çdo Prokurori, në total dhe të grupuara sipas vendimit të Gjykatës (*me masë sigurimi "Arrest në burg" apo me dënim penal për të vuajtur*):

Shpallje në kërkim ndërkombëtar për Vitin 2022

Prokuroria	Totali	Masë sigurimi "Arrest në burg"	Dënim me burgim
Tiranë	67	5	62
Fier	32	2	30
Vlorë	11	1	10
Elbasan	6		6
Korçë	14	3	11
Kukës	2		2
Mat	3	1	2
Durrës	21	2	19
Gjirokastrë	8	1	7
Lezhë	8		8
Sarandë	6		6
Tropojë	3		3
Berat	3	1	2
Shkodër	16	2	14

<i>Pogradec</i>	9		9
<i>Dibër</i>	1		1
<i>Krujë</i>	2		2
<i>Kurbin</i>	1		1
<i>Kavajë</i>	5	1	4
<i>Përmet</i>	3	1	2

VI. Urdhrat e arrestit ndërkombëtar të lëshuar nga autoritetet e huaja për shtetasit shqiptarë

Vlerësojmë të theksojmë se, përveç volumit të punës të trajtuar specifikisht sipas fushave të mësipërme në kuadër të bashkëpunimit gjyqësor ndërkombëtar, Drejtoria e Marrëdhënieve Juridiksionale me Jashtë në Prokurorinë e Përgjithshme gjatë vitit 2022 ka trajtuar rreth **570 kërkesa të ndryshme** të ardhura nga autoritetet gjyqësore vendase e ato të huaja, si dhe ka asistuar prokurorin ndërlidhës shqiptar në EUROJUST për 19 kërkesa për asistencë.

Zyra Qendrore Kombëtare Interpol Tirana ka njoftuar **252 raste për** shpalljen e shtetasve shqiptarë në kërkim ndërkombëtar nga autoritetet e huaja, me të cilët Republika e Shqipërisë nuk ka marrëveshje ekstradimi.

VI. ZYRA NDËRLIDHËSE E SHQIPËRISË NË EUROJUST

Zyra Ndërlidhëse Shqiptare në Eurojust ka filluar funksionimin e saj me 1 Janar 2021 dhe tashme ka një eksperiencë dy vjeçare. Kjo eksperiencë nuk është e gjatë, në krahasim me atë 20 vjeçare të Eurojust apo Zyrave të tjera ndërlidhëse, por mund të themi që kjo eksperiencë e shkurtër arriti të prodhonte rezultatet e para.

Të dhënat e Zyrës Shqiptare në Eurojust edhe këtë vit rezultojnë të jenë pozitive dhe kanë shërbyer si tregues i punës së autoriteteve shqiptare të drejtësisë në forumet ndërkombëtare ku Shqipëria ka referuar arritjet e saj.

Së pari, nga ana e Prokurorisë së Posaçme u bë më i prekshëm dhe i mundshëm bashkëpunimi me Eurojust me praninë e një Prokurori Ndërlidhës shqiptar në Eurojust;

Së dyti, identifikimi i mundësisë së bashkëpunimit mes prokurorive të juridiksionit të përgjithshëm, nga vetë Prokurori Ndërlidhës në bashkëpunim me Drejtorinë e Marrëdhënieve Juridiksionale me Jashtë në Prokurorinë e Përgjithshme dhe nxitja për të përdorur mekanizmat që ky institucion ofron.

Në vitin 2022, EUROJUST ngriti 22 qendra koordinuese, në 4 prej tyre ka marrë pjesë edhe Shqipëria. Ky është një mjet mjaft i dobishëm pasi vendet e përfshira organizojnë një ekzekutim të koordinuar të masave paraprake dhe hetimore në të njëjtën ditë (Action Day).


Në vitin 2022, mbështetja e Eurojust-it për skuadrat e përbashkëta të hetimit (JIT) ishte e rëndësishme. Numrin më të lartë të SPH në total e ka Gjermania me 42 SPH, e ndjekur nga Italia me 39, Rumania me 31, Republika Çeke me 30 etj. **Shqipëria ka patur 8 skuadra të përbashkëta hetimore të reja.**

Zyra shqiptare në Eurojust ka patur një rritje të numrit të çështjeve të regjistruara gjatë vitit 2022, si sa i takon çështjeve të regjistruara me kërkesën e autoriteteve shqiptare kundrejt vendeve të BE, qoftë edhe kërkesat/çështjet e regjistruara nga zyrat e BE, si dhe të ngarkesës së punës në total, çështje të reja dhe çështje të mbartura. Në vitin 2022, rritja e çështjeve aktive të regjistruara nga Zyra Shqiptare

dhe kundrejt Zyrës Shqiptare, ishte afërsisht 43 % më shumë se një vit më parë (ngarkesa në punë); numri i rasteve aktive në vitin 2022 u rrit në 162 nga 113 në vitin 2021.

Referuar autoriteteve gjyqësore të shteteve të Bashkimit European që kanë kërkuar bashkëpunimin e autoriteteve gjyqësore të Shqipërisë, vendin kryesor e zënë: Italia (36 çështje); Greqia (35 çështje të regjistruara drejt Shqipërisë), Franca (19 çështje të regjistruara) Gjermania (9 çështje të regjistruara), etj.

Ndërsa janë regjistruar gjithsej 85 çështje të reja (nga dhe kundrejt Shqipërisë) do të thotë 63 % më shumë çështje të reja se në vitin 2021.



Ndërkohë që çështjet e regjistruara ndaj vendit tonë kanë pasur gjithashtu ndryshime thelbësore ndër vite. Nga 4 kërkesa në vitin 2018, në 52 kërkesa në vitin 2021, dhe 85 kërkesa në vitin 2022.

Për sa i përket natyrës së çështjeve, për të cilën është kërkuar mbështetje e autoriteteve gjyqësore shqiptare nga ana e shteteve anëtare të Bashkimit European, ato i referohen kryesisht hetimeve komplekse të një karakteri transnacional, kryesisht janë krime të kryera nga organizata kriminale, trafikim i lëndëve narkotike, krime kundër jetës dhe shëndetit, krim kibernetik etj.

Referuar shteteve që u është kërkuar bashkëpunimi nga ana e autoriteteve gjyqësore të Shqipërisë, vendin kryesor e zë Italia, Greqia, Gjermania, Belgjika, Spanja, Holanda.


Për sa i përket natyrës së çështjeve, për të cilën është kërkuar mbështetje e Eurojust nga ana autoritetet gjyqësore shqiptare, ato i referohen hetimeve komplekse të një karakteri transnacional, kryesisht janë krime të cilat janë nën hetim nga Prokuroria e Posaçme.

Vendin e parë, nisur edhe nga prioriteti i punës së Eurojust e zënë, veprat penale të kryera zakonisht nga organizatat kriminale dhe grupi i strukturuar kriminal, falsifikim i dokumenteve dhe trafik i klandestineve, trafik droge, vrasje etj., por jo më pak rëndësi ka qenë asistenca në lidhje me hetimet mbi veprat te pastrimit te parave dhe krimet kibernetike.

Përsa i përket autoriteteve gjyqësore shqiptare, të cilat kanë kërkuar asistencën e Eurojust, mbi kërkesën e të cilëve janë regjistruar çështje në Eurojust nga ana e Prokurorit ndërlidhës, vendin

kryesor e zë Prokuroria e Posaçme kundër Korrupsionit dhe Krimin të Organizuar (SPAK), Prokuroria e Rrethit Gjyqësor Tirane, Prokuroria e Rrethit Gjyqësor Lushnje, Vlorë, etj.

Top Requesting Authorities (AL as owner) - 2022



21/03/2023

Criminal justice across borders

14

EUROJUST

Mbledhjet e koordinuara (Coordination Meetings)

Zyra Ndërlidhëse Shqiptare në Eurojust ka bashkëpunuar me autoritetet gjyqësore të shteteve anëtare të BE-së në **36** Mbledhje të Koordinuara. Zëmë vendin e dytë për nga numri i Mbledhjeve të Koordinuara ku kemi marrë pjesë gjatë vitit 2022, mes vendeve jo anëtare të BE.

Sa i takon autoriteteve gjyqësore të shteteve pjesëmarrëse në Mbledhjet e Koordinuara ku ka marrë pjesë Zyra Ndërlidhëse dhe autoritetet gjyqësore shqiptare, vendin kryesor e zënë autoritetet gjyqësore nga; Italia(23 mbledhje të koordinuara) dhe Gjermania(8 mbledhje të koordinuara), Spanja(5 mbledhje të koordinuara), Lituania(5 mbledhje) etj. Gjithashtu në disa raste ka qënë i përfshirë edhe Europol(10 mbledhje).

Të përfshira në Mbledhjet e Koordinuara ku ka marrë pjesë Zyra Ndërlidhëse e Shqipërisë dhe autoritetet gjyqësore shqiptare, kanë qënë edhe vendet jo anëtare të BE-së, të cilat kanë zyra ndërlidhëse në Eurojust dhe konkretisht; Ukraina, Zvicra, Maqedonia e Veriut dhe Gjeorgjia.

Sa i përket llojit të krimeve, të cilat hetohen nga autoritetet kombëtare dhe për të cilat janë zhvilluar Mbledhjet e Koordinuara, vendin e parë e zënë veprat penal në fushën e narkotikëve dhe trafikimit të tyre, mashtrimit kibernetik, pastrimit të parasë, trafikimit të qënieve njerëzore dhe emigracioni i paligjshëm, të cilat konsiderohen nga Eurojust si krime prioritare.

Skadrat e përbashkëta hetimore

Për hetime komplekse që kërkojnë aktivitete dinamike hetimore, Skuadra e Përbashkët Hetimore (SPH), konfirmohet si një nga instrumentet më efektive të bashkëpunimit gjyqësor ndërkombëtar dhe është instrumenti i financuar dhe asistuar më së shumti nga Eurojust.

Ne vitin 2022, Prokuroria e Posaçme kundër Korrupsionit dhe Krimin të Organizuar ka nënshkruar 8 marrëveshje të reja për ngritjen e Skuadrave të Përbashkëta Hetimore (SPH), asistuar dhe financuar nga Eurojust. Gjithashtu kanë qenë në vijim/funksionale edhe 10 Skuadra të tjera.

Në total kanë qenë aktive deri më 31 Dhjetor 2022, gjithsej 18 Skuadra të Përbashkëta Hetimore të asistuara nga Eurojust, të gjitha të ngritura mbi marrëveshje të nënshkruara mes Prokurorisë së Posaçme kundër Korrupsionit dhe Krimin të Organizuar, si autoriteti gjyqësor shqiptar, dhe vendeve anëtare të Bashkimit Europian, të tilla si Itali, Francë, gjithashtu kemi edhe Skuadrën e Parë të Përbashkët Hetimore të lidhur me Mbretërinë e Bashkuar. Në muajin Gusht 2022 është lidhur marrëveshja për krijimin e Skuadrës së parë të Përbashkët Hetimore me Republikën e Kosovës me JIT Leader Italinë, që është inicuar dhe financohet nga Eurojust.

Risia e vitit 2022 në lidhje me krijimin dhe funksionimin e Skuadrave të Përbashkëta Hetimore është rritja e numrit të tyre dhe nënshkrimi i marrëveshjeve të reja me shtete të ndryshme të BE.

Nëse krahasojmë të dhënat mbi krijimin e skuadrave të reja hetimore gjatë vitit 2022, për vendet anëtare të BE, kemi krijuar një numër të përafërt, me shtetet anëtare të BE që kanë numrin më të madh të SPH: Italia(17), Franca(12), Gjermania(11), Republika Çeke(11), Rumania(10), Spanja(5), Suedia(5), Belgjika(4), Holanda(1) etj.

Nëse krahasojmë të dhënat statistikore me vendet jo anëtare të Bashkimit Europian konstatohet se tashmë kemi krijuar brenda vitit 2022 të njëjtin numër skuadrash hetimore me autoritetet zvicerane (8), dhe një numër më të madh se Norvegjia(5), si dhe kemi numrin më të madh të SPH në vendet e Ballkanit Perëndimor.

EUROPOL vijon gjithashtu të jetë pjesëmarrës në 5 nga Skuadrat e krijuara në vitin 2022. Pjesëtarë në skuadrat e përbashkët hetimore që Shqipëria ka me vendet e BE janë edhe vendet e treta (jo anëtare të BE), Zvicra, Ukraina, Gjeorgjia, UK, Kosova.

Sa i përket krimeve të cilat janë objekt i hetimeve nga skuadrat hetimore, bëhet fjalë për vepra penale të kryera nga grupet e strukturuar kriminale apo organizatat kriminale, kryesisht vepra penale të trafikimit të lëndëve narkotike, terrorizmit, pastrimit të parasë, por edhe mashtrimit kibernetik.

Qendrat e Koordinimit

Qendrat koordinuese janë një mjet gjyqësor i krijuar nga Eurojust në mbështetje të Ditëve të Aksionit (Action Day) kundër organizatave kriminale dhe grupeve terroriste, ku arrestimet, bastisjet, pyetja e të dyshuarve dhe dëshmitarëve, sekuestrimi i provave dhe ngrirja e aseteve kryhen në të njëjtën kohë në disa vende.

Shqipëria ka marrë pjesë në numrin më të madh të Qendrave të Koordinimit të Ngritura në Eurojust, ndër vendet e treta, i njëjti numër me Mbretërinë e Bashkuar, 4 qendra koordinimi.

Mbi projektin e ri të menaxhuar nga Eurojust- WB CRIM JUST – Rritja e bashkëpunimit ndërkufitar në drejtësinë penale në Ballkanin Perëndimor

Shqipëria është pjesëmarrëse dhe përfituese nga projekti i Bashkimit Europian, i menaxhuar nga Eurojust, EB CRIM JUST – Rritja e bashkëpunimit ndërkufitar në drejtësinë penale në Ballkanin Perëndimor.

Qëllimi kryesor i projektit është të forcojë bashkëpunimin brenda Ballkanit Perëndimor dhe midis rajonit dhe BE-së për të luftuar krimin e organizuar dhe terrorizmin duke përdorur mjete dhe instrumente moderne. Kjo do të çojë në një nivel të zgjeruar të ndërveprimit dhe integritit midis BE-së dhe rajonit të Ballkanit Perëndimor (përfshirë Shqipërinë, Bosnje dhe Hercegovinën, Kosovën, Serbinë, Malin e Zi dhe Maqedoninë e Veriut).

Një ose dy përfaqësues nga secili partner i Ballkanit Perëndimor do të formojnë grupin e kontaktit të projektit. Ata do të jenë përgjegjës për identifikimin e rasteve të zakonshme që do të përfitonin nga koordinimi. Këto raste të përzgjedhura do të marrin mbështetje financiare dhe këshilla ekspertësh nga Eurojust për të lehtësuar hetimet/ndjekjet penale të koordinuara paralele dhe ekipet e përbashkëta të hetimit. Tashmë Shqipëria përfaqësohet në këtë kontakt grup me dy përfaqësuesit e saj.

Projekti ka qëllim që të përfitojnë autoritetet gjyqësore dhe ato të zbatimit të ligjit në Ballkanin Perëndimor. Ai do të lejojë një goditje më efektive të krimit të organizuar që prek Ballkanin Perëndimor dhe BE-në, dhe përfundimisht do të kontribuojë për një Evropë më të sigurt.

Për vitin 2023 Zyra shqiptare ne Eurojust synon të luajë një rol edhe më aktiv në propozimin e takimeve trajnimi dhe informimi për ato rrethe gjyqësore nga të cilat vijnë më pak kërkesa për bashkëpunim, por që edhe pse ndodhen në territore të karakterizuara nga dinamika kriminale për të cilën sigurisht që asnjë konotacion transnacional nuk është krejtësisht i perjashtuar. Më tej, iniciativa të të njëjtit lloj do t'u propozohen zyrave të cilat edhe pse aktive në kuadër të bashkëpunimit, kanë hasur në vështirësi, dështime ose në çdo rast përvoja negative, për të identifikuar shkaqet dhe për të propozuar zgjidhjet e mundshme. Edhe një herë, përfshirja e Shkollës së Magjistraturës dhe rrjeti i saj do të jetë thelbësor, si edhe asistenca e Prokurorisë së Përgjithshme.

IV. GARANTIMI INTEGRITETIT TË PERSONAVE QË ZGJIDHEN, EMËROHEN OSE USHTROJNË FUNKSIONE PUBLIKE

Prokuroria e Përgjithshme në zbatim të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, ka vijuar punën dhe për vitin 2022, duke trajtuar çdo kërkesë të përcjellë nga institucionet përgjegjëse për verifikim të thelluar/plotë të të dhënave të pasqyruara në formularët e vetëdeklarimit nga subjektet të këtij ligji.

1. Për vitin 2022, janë regjistruar **111 (njëqind e njëmbëdhjetë)** kërkesa, për verifikimin e thelluar të të dhënave të vetëdeklaruar në formular sipas nenit 5 të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike” (i ndryshuar), si vijon:

- **59 (pesëdhjetë e nëntë)** nga Departamenti Administratës Publike,;
- **3 (tre)** nga Komisioni Qendror i Zgjedhjeve;
Për 2 (dy) nga këto kërkesa, verifikimi i të dhënave të deklaruara nga personat në formularin e vetëdeklarimit të parashikuar në nenin 5 të ligjit, është kërkuar me nismën e subjektit politik Partia Demokratike dhe 1/10 e Deputetëve të Grupit Parlamentar të Partisë Demokratike, në bazë të nenit 7 të këtij ligji;
- **1 (një)** nga Kuvendi i Shqipërisë;
- **24 (njëzet e katër)** nga Këshilli i Lartë Gjyqësor;
- **24 (njëzet e katër)** nga Këshilli i Emërimeve në Drejtësi.

(Më poshtë gjeni grafikun ku pasqyrohen në përqindje kërkesat për verifikim sipas institucioneve përgjegjëse).



1.1 Niveli hierarkik i subjekteve sipas funksioneve publike që ushtrojnë, për të cilët është kërkuar verifikimi i thelluar sipas ligjit nr. 138/2015, për vitin 2022, paraqitet si më poshtë:

- për **52 (pesëdhjetë e dy)** subjekte, “Zyrtar i Lartë” ;
- për **19 (nëntëmbëdhjetë)** subjekte, “Nivel Ekzekutiv”;


- për **21** (njëzet e një) subjekte, “Nivel Drejtues”;
- për **19** (tetëmbëdhjetë) subjekte, “Nivel i Mesëm Drejtues”.

(Më poshtë paraqitja grafike në përqindje)



1.2 Nga totali i mësipërm, brenda vitit 2022, ka përfunduar procesi për **76** (shtatëdhjetë e gjashtë) kërkesa për kryerjen e procesit të verifikimit të thelluar të të dhënave të vetëdeklaruar në formular nga subjektet e ligjit, ndërsa **35** (tridhjetë e pesë) kërkesa vijojnë të jenë në proces verifikimi për vitin 2023.

(Më poshtë paraqitja grafike në përqindje);



Sipas organeve përgjegjëse, për kërkimin e verifikimit të dhënave në formularët e vetëdeklarimit, nga totali i kërkesave të mësipërme të regjistruara në vitin 2022 janë përfunduar dhe vijojnë të jenë në proces gjatë vitit 2023, si më poshtë vijon:

		Të përfunduara	Në Proçes
1.	Departamenti i Administratës Publike	27	32
2.	Komisioni Qëndror i Zgjedhjeve	0	3
3.	Kuvendi i Shqipërisë	1	0

4.	Këshilli i Lartë Gjyqësor	24	0
5.	Këshilli i Emërimeve në Drejtësi	24	0
	TOTALI	76	35

1.3 Prokuroria e Përgjithshme nga totali i vendimeve, ka vendosur mospranimin e **54 (pesëdhjetë e katër)** kërkesave të organeve të ndryshme shtetërore, për arsye të mosplotësimit të kushteve e kriterëve për verifikim të thelluar, të përcaktuara në ligjin nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike” dhe Kreut II, III, V, të Vendimit të Kuvendit nr. 17/2016 “Për përcaktimin e rregullave të detajuara mbi zbatimin e ndalimeve të parashikuara në Ligjin nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”. Kundër vendimeve të Prokurorisë së Përgjithshme, për mospranimin e kërkesës, nuk është ushtruar ndonjë ankim në Gjykatë, nga organet përgjegjëse. Këto kërkesa, verifikimi i të dhënave të deklaruara në formularin e vetëdeklarimit, ju përkasin si më poshtë vijon:

- 1 (një) Kuvendit të Republikës së Shqipërisë;
- 5 (pesë) Departamentit të Administratës Publike;
- 24 (njëzet e katër) Këshillit të Lartë Gjyqësor;
- 24 (njëzet e katër) Këshillit të Emërimeve në Drejtësi.

Për **49 (dyzet e nëntë)** nga vendimet për mospranim të kërkesës, në bazë të neneve 44, 62 e 64 të Kodit të Procedurave Administrative, ju është kërkuar institucioneve përkatëse, *plotësimi i të metave lidhur me përmbushjen e kriterëve formale ligjore të tyre*, gjë e cila nuk u realizua për 48 (dyzet e tetë) nga rastet e kërkuara.

1.4 Departamenti i Administratës Publike pas vendimarrjen së Prokurorisë së Përgjithshme, për **22 (njëzet e dy)** nga subjektet deklarues ka mbajtur qëndrimin si më poshtë:

- Për 1 (një) subjekt është marrë vendimi: “*Ulje në detyrë*”;
- Për 1 (një) subjekt është marrë vendimi: “*Për përfundimin e marrëdhënies në shërbimin civil*”;
- Për 1 (një) subjekt është marrë vendimi: “*Ndryshim pozicioni punës*”;
- Për 2 (dy) subjekte: “*Do të konkludojë pasi të mbarojnë të gjitha shkallët e gjyqimit dhe vendimi të ketë marrë formë të prerë*”.
- Për 14 (katërbëdhjetë) subjekte është marrë vendimi: “*Nuk përfshihet brenda sferës apo periudhës së ndalimeve*”;
- Për 3 (tre) subjekt është marrë vendimi: “*Përfshihet brenda sferës dhe periudhës së ndalimeve*”.

1.4 Për asnjë nga subjektet, të cilëve iu ka mbaruar procesi i verifikimit të thelluar dhe miratuar rezultati gjatë viti 2022, nuk janë konstatuar elemente të figurës së veprës penale “Falsifikimi i vulave, i stampave ose i formularëve” të parashikuar nga neni 190 të Kodit Penal apo të ndonjë figure vepre tjetër penale.


2. Gjatë vitit 2022, mbi kërkesat e regjistruara për periudhën 2017-2021 (të mbartura), është përfunduar procesi i verifikimit të thelluar të të dhënave në formularët e vetëdeklarimit edhe për **40 (dyzet)** subjekte të ligjit, [**38 (tridhjetë e tetë)** i përkasin vitit 2021 dhe **2 (dy)** i përkasin vitit 2020].

Në varësi të institucionit që ka sjellë kërkesën për verifikim të thelluar, 33 (tridhjetë e tre) vendime i janë përcjellë Departamentit të Administratës Publike dhe 7 (shtatë) Komisionit Qëndror të Zgjedhjeve.

2.1 Niveli hierarkik i subjekteve vetëdeklarues të mësipërm, për të cilët ka përfunduar verifikimi paraqitet si më poshtë:

- 8 (tetë) subjekte rezultojnë “Zyrtarë të Lartë”;
- 10 (dhjetë) subjekte rezultojnë “Nivel Drejtues”;
- 15 (pesëmbëdhjetë) subjekte rezultojnë “Nivel Ekzekutiv”;
- 7 (shtatë) subjekte rezultojnë “Nivel i Mesëm”;

(Më poshtë paraqitja grafike me përqindje)



2.2 Pas marrjes dhe shqyrtimit të rezultateve të verifikimit, nga Prokuroria e Përgjithshme, për 33 (tridhjetë e tre) subjekte, Departamenti i Administratës Publike, sipas informacioneve të dërguara zyrtarisht rezulton se ka mbajtur qëndrimin si më poshtë:

- Për 15 (pesëmbëdhjetë) subjekte është marrë vendimi: “Nuk përfshihet brenda sferës apo periudhës së ndalimeve” ;
- Për 1 (një) subjekt është marrë vendimi: “Përfshihet brenda sferës apo periudhës së ndalimeve”;
- Për 1 (një) subjekt është marrë vendimi: “Ndërprerje e marrëdhënies së punës”;
- Për 1 (një) subjekt është marrë vendimi: “Liruar nga detyra”;
- Për 1 (një) subjekt: “Do të konkludojë pasi të mbarojnë të gjitha shkallët e gjyqimit dhe vendimi të ketë marrë formë të prerë”.
- Për 14 (katërmëdhjetë) subjekte, ky organ nuk ka informuar mbi vendimin e marrë.

2.3 Pas procesit të verifikimit të thelluar, për kërkesat e mbartura, për 3 (tre) persona, mbështetur në nenet 69, 74 e 76 të Kodit të Procedurës Penale, materiali është kaluar për kompetencë në Prokuroritë përkatëse, si të dyshuar për veprën penale të “Falsifikimit i vulave, i stampave ose i formularëve”, parashikuar nga neni 190 i Kodit Penal.

2.4 Nga kërkesat e rregjistruara në vitet 2017-2021 (të mbartura), vijojnë të jenë në proces verifikimi të thelluar, 2 (*dy*) nga viti 2017; 7 (*shtatë*) nga viti 2019; 5 (*pesë*) nga viti 2020; 27 (*njëzet e shtatë*) nga viti 2021.

Institucionet shtetërore që kanë kërkuar kryerjen e verifikimit të plotë të të dhënave të vetdeklaruar në formularë të cilat janë ende për proces, janë si më poshtë:

- 21 (*njëzet e një*) kërkesa të Departamentit të Administratës Publike. Nga këto, për 1 (një) person verifikimi i të dhënave të deklaruara në formularin e vetëdeklarimit të parashikuar në nenin 5 të ligjit, nga ky organ është kërkuar më vitin 2020 me nismën e subjektit politik Partia Socialiste (Fier), në bazë të nenit 7 të këtij ligji;
- 18 (*tetëmbëdhjetë*) kërkesa të Komisionit Qëndror i Zgjedhjeve. Nga këto procese, për **2 (dy)** persona verifikimi i të dhënave të deklaruara në formularin e vetëdeklarimit të parashikuar në nenin 5 të ligjit, nga ky organ është kërkuar me nismën e subjektit politik Partia Demokratike, në vitin 2019 dhe vitin 2021, në bazë të nenit 7 të këtij ligji;
- 1 (*një*) kërkesë e Ministrisë së Brëndshme;
- 1 (*një*) kërkesë e Komisionit të Pavarur i Kualifikimit.

V. NGARKESA E PUNËS SË PROKURORIVE PËR VITIN 2022

Kjo pjesë e raportit është hartuar në përputhje me nenin 19 pika 1, të ligjit nr. 97/2016 “Për organizimin dhe funksionimin e Prokurorisë në Republikën e Shqipërisë”, sipas të cilit, Prokurori i Përgjithshëm publikon, brenda muajit mars të çdo viti, raportin vjetor mbi ngarkesën e punës së prokurorive për vitin kalendarik paraardhës, si dhe rekomandimet për përmirësimin dhe rritjen e efektivitetit të veprimtarisë së tyre.

Kushtetuta e Republikës së Shqipërisë dhe ligji nr. 97/2016 “Për organizimin dhe funksionimin e Prokurorisë në Republikën e Shqipërisë”, i ndryshuar, kanë sanksionuar se prokuroria organizohet dhe funksionon pranë sistemit gjyqësor.

Prokuroria përbëhet nga:

- a) Prokuroria e Përgjithshme;
- b) prokuroritë pranë gjykatave të apelit me juridiksion të përgjithshëm;
- c) prokuroritë pranë gjykatave të shkallës së parë me juridiksion të përgjithshëm.

Në vitin 2022, numri i përgjithshëm i miratuar është **321** prokurorë në prokuroritë me juridiksion të përgjithshëm.

Shpërndarja e tyre në prokuroritë sipas niveleve ka qenë: 278 prokurorë në prokuroritë pranë gjykatave të shkallës së parë, 26 prokurorë në prokuroritë pranë gjykatave të apelit dhe 17 prokurorë në Prokurorinë e Përgjithshme. Ndërkohë, për shkak të vakancave numri faktik i prokurorëve ka qenë 174 në prokuroritë pranë gjykatave të shkallës së parë, 16 prokurorë në prokuroritë pranë gjykatave të apelit dhe 12 prokurorë në Prokurorinë e Përgjithshme, që krahasuar me vitin 2021⁷⁷ përbëjnë ulje përkatësisht prej 1,46 % të numrit faktik total të prokurorëve.

Në vitin 2022 numri i prokurorëve, oficerëve të policisë gjyqësore dhe administratës për secilin nivel prokurorie paraqitet:

1. Në prokuroritë pranë gjykatave të shkallës së parë me juridiksion të përgjithshëm:

Prokuroritë pranë gjykatave të shkallës së parë	Prokurorë			Oficerë të Policisë Gjyqësore		Administrata		Gjithsej	
	Organika	Gjendja	Efektivë ⁷⁸	Organika	Gjendja	Organika	Gjendja	Organika	Gjendja

⁷⁷ Numri faktik i prokurorëve në vitin 2021 ka qenë 205, përkatësisht 177 në prokuroritë e shkallës së parë, 16 në prokuroritë e apeleve dhe 12 në Prokurorinë e Përgjithshme.

⁷⁸ Llogaritja e numrit efektiv është bërë sipas kohës reale të punës së prokurorit në prokurorinë përkatëse, ku:

Me pak se një muaj (30 dite) = 0 prokuror

Nga 1 në 3 muaj = 0,25 prokuror

Nga 4 në 6 muaj = 0,5 prokuror

Nga 7 në 9 muaj = 0,75/prokuror

Nga 10 në 12 muaj = 1 prokuror

Tiranë	80	45	43.75	53	52	71	69	204	166
Berat	7	6	5.50	9	9	8	8	24	23
Dibër	6	5	4.25	6	5	7	7	19	17
Durrës	27	19	17.75	15	15	23	21	65	55
Elbasan	25	16	15.50	14	14	20	19	59	49
Gjirokastrë	7	6	5	7	7	11	11	25	24
Fier	14	10	12	15	15	17	17	46	42
Korçë	13	11	8	13	10	19	19	45	40
Krujë	7	5	5	5	5	5	5	17	15
Kukës	5	3	2	5	5	7	7	17	15
Lushnje	7	4	3.5	6	6	9	9	22	19
Lezhë	10	7	6.50	7	7	11	11	28	25
Mat	3	2	2	2	2	4	3	9	7
Përmet	2	1	1	1	1	4	3	7	5
Pukë	2	1	1	1	1	4	4	7	6
Pogradec	4	3	2.50	4	4	6	6	14	13
Sarandë	7	5	4.50	7	6	6	6	20	17
Shkodër	19	11	9	15	15	21	21	55	47
Tropojë	3	2	1.50	2	1	4	4	9	7
Vlorë	19	13	12	17	17	17	17	53	47
Kavajë	7	3	3	3	3	6	6	16	12
Kurbin	4	3	2.50	4	3	6	6	14	12

2. Në prokuroritë pranë gjykatave të apelit me juridiksion të përgjithshëm:

Prokuroritë pranë gjykatave të apelit	Prokurorë			Administrata		Gjithsej	
	Organika	Gjendja	Efektivë	Organika	Gjendja	Organika	Gjendja
Tiranë	9	6	5.75	10	10	19	16
Durrës	4	3	3	4	4	8	7
Gjirokastrë	2	1	1	2	2	4	3
Vlorë	5	2	2	4	4	9	6
Shkodër	4	2	2	3	3	7	5
Korçë	2	2	2	2	2	4	4

3. Në Prokurorinë e Përgjithshme:

Prokuroria e Përgjithshme	Prokurorë			Oficerë të Policisë Gjyqësore		Administrata		Gjithsej	
	Organika	Gjendja	Efektivë	Organika	Gjendja	Organika	Gjendja	Organika	Gjendja
	17	12	11	35	31	84	71	136	114

Duke iu referuar të dhënave statistikore vjetore të përcjella nga prokuroritë, volumi i punës dhe ngarkesa mesatare analizohet në vijim:


I. Ngarkesa e punës së prokurorive pranë gjykatave të shkallës së parë me juridiksion të përgjithshëm

I.1 Volumi në hetim

Volumi i punës në hetim në shkallë vendi

Gjatë vitit 2022, në organin e prokurorisë janë trajtuar 61045⁷⁹ materiale kallëzuese që përbën një rritje prej 0,11% në krahasim me vitin 2021. Janë ndjekur gjithsej 48250 procedime penale, që përbëjnë një rritje prej 1,63 % në krahasim me vitin 2021, nga të cilat 25708 janë procedime penale të regjistruara, me një ulje prej 9,32 % në krahasim me vitin 2021 dhe 677 procedime penale të rifilluara, që tregon ulje prej 27,52 % në krahasim me vitin 2021. Janë mbartur, 21865 procedime penale me një rritje prej 20,19 % krahasuar me procedimet e mbartura në vitin 2021. Është vendosur mosfillimi për 12795 referime dhe kallëzime penale, që do të thotë një ulje prej 5,23% në krahasim me vitin 2021.

⁷⁹ Tek kjo shifër e materialeve të trajtuara përfshihen: procedimet e mbartura; procedimet e reja të regjistruara gjatë vitit 2022 për veprat penale të parashikuara në Kodin Penal; procedimet e rifilluara gjatë vitit 2021; si dhe vendimet e mosfillimit të marra gjatë vitit 2022 pa përfshirë procedimet e regjistruara sipas kodit penal ushtarak.




Volumi në hetim ku përfshihen çështjet e mbartura, çështjet e regjistruara, çështjet e rifilluara dhe ato të mosfilluara, për vitin 2022 sipas prokurorive është si më poshtë:

Në prokurorinë e shkallës së parë Berat janë ndjekur 2802 çështje;
 Në prokurorinë e shkallës së parë Dibër janë ndjekur 1777 çështje;
 Në prokurorinë e shkallës së parë Durrës janë ndjekur 6047 çështje;
 Në prokurorinë e shkallës së parë Elbasan janë ndjekur 3765 çështje;
 Në prokurorinë e shkallës së parë Fier janë ndjekur 3004 çështje;
 Në prokurorinë e shkallës së parë Gjirokastrë janë ndjekur 1714 çështje;
 Në prokurorinë e shkallës së parë Kavajë janë ndjekur 1144 çështje;
 Në prokurorinë e shkallës së parë Korçë janë ndjekur 2876 çështje;
 Në prokurorinë e shkallës së parë Krujë janë ndjekur 1482 çështje;
 Në prokurorinë e shkallës së parë Kukës janë ndjekur 864 çështje;
 Në prokurorinë e shkallës së parë Kurbin janë ndjekur 714 çështje;
 Në prokurorinë e shkallës së parë Lezhë janë ndjekur 1910 çështje;
 Në prokurorinë e shkallës së parë Lushnjë janë ndjekur 1881 çështje;
 Në prokurorinë e shkallës së parë Mat janë ndjekur 347 çështje;
 Në prokurorinë e shkallës së parë Përmet janë ndjekur 278 çështje;
 Në prokurorinë e shkallës së parë Pogradec janë ndjekur 1082 çështje;
 Në prokurorinë e shkallës së parë Pukë janë ndjekur 174 çështje;
 Në prokurorinë e shkallës së parë Sarandë janë ndjekur 2199 çështje;
 Në prokurorinë e shkallës së parë Shkodër janë ndjekur 3911 çështje;
 Në prokurorinë e shkallës së parë Tiranë janë ndjekur 18638 çështje;
 Në prokurorinë e shkallës së parë Tropojë janë ndjekur 524 çështje;
 Në prokurorinë e shkallës së parë Vlorë janë ndjekur 3912 çështje.


Grafikisht këto të dhëna paraqiten si vijon:



Volumi në hetim 2022



Në vitin 2022 raporti i numrit të çështjeve në hetim me numrin organik, faktik dhe efektiv të prokurorëve, sipas prokurorive paraqitet në grafikët në vijim:

Ngarkesa mestare në hetim për çdo prokuror sipas numrit organik






I.2 Sipas prokurorive të shkallës së parë, numri i procedimeve penale të regjistruara në vitin 2022 është si vijon:




Në prokurorinë e shkallës së parë Berat janë regjistruar 680 procedime penale;
 Në prokurorinë e shkallës së parë Dibër janë regjistruar 516 procedime penale;
 Në prokurorinë e shkallës së parë Durrës janë regjistruar 2288 procedime penale;
 Në prokurorinë e shkallës së parë Elbasan janë regjistruar 1770 procedime penale;
 Në prokurorinë e shkallës së parë Fier janë regjistruar 1483 procedime penale;
 Në prokurorinë e shkallës së parë Gjirokastrë janë regjistruar 599 procedime penale;
 Në prokurorinë e shkallës së parë Kavajë janë regjistruar 542 procedime penale;
 Në prokurorinë e shkallës së parë Korçë janë regjistruar 1219 procedime penale;
 Në prokurorinë e shkallës së parë Krujë janë regjistruar 496 procedime penale;
 Në prokurorinë e shkallës së parë Kukës janë regjistruar 504 procedime penale;
 Në prokurorinë e shkallës së parë Kurbin janë regjistruar 353 procedime penale;

Në prokurorinë e shkallës së parë Lezhë janë regjistruar 965 procedime penale;
 Në prokurorinë e shkallës së parë Lushnje janë regjistruar 778 procedime penale;
 Në prokurorinë e shkallës së parë Mat janë regjistruar 178 procedime penale;
 Në prokurorinë e shkallës së parë Përmet janë regjistruar 167 procedime penale;
 Në prokurorinë e shkallës së parë Pogradec janë regjistruar 452 procedime penale;
 Në prokurorinë e shkallës së parë Pukë janë regjistruar 59 procedime penale;
 Në prokurorinë e shkallës së parë Sarandë janë regjistruar 354 procedime penale;
 Në prokurorinë e shkallës së parë Shkodër janë regjistruar 1767 procedime penale;
 Në prokurorinë e shkallës së parë Tiranë janë regjistruar 8709 procedime penale;
 Në prokurorinë e shkallës së parë Tropojë janë regjistruar 218 procedime penale;
 Në prokurorinë e shkallës së parë Vlorë janë regjistruar 1611 procedime penale.


Grafikët më poshtë paraqesin të dhënat mbi procedimet penale të regjistruara dhe numrin e të pandehurve/personave nën hetim të regjistruar sipas prokurorive të shkallës së parë në vitin 2022:





Raporti i numrit mesatar të çështjeve të regjistruara sipas numrit organik, faktik dhe efektiv të prokurorëve sipas prokurorive paraqitet në vijim:



I.3 Në analizë të përqindjes që zënë procedimet e regjistruara dhe procedimet e mbartura në volumin e punës sipas prokurorive, të dhënat rezultojnë si më poshtë:



I.4 Në analizë të përqindjes që zënë raporti i procedimeve të përfunduara me çështjet e regjistruara dhe procedimeve të përfunduara me procedimet në ndjekje sipas prokurorive, të dhënat rezultojnë si më poshtë:



II.Ngarkesa e punës së prokurorive pranë gjykatave të apelit me juridiksion të përgjithshëm

Prokuroria pranë Gjykatës së Apelit Durrës ka shqyrtuar 312 çështje themeli dhe 346 çështje lidhur me masat e sigurimit;

Prokuroria pranë Gjykatës së Apelit Gjirokastrë ka shqyrtuar 88 çështje themeli dhe 184 çështje lidhur me masat e sigurimit;


Prokuroria pranë Gjykatës së Apelit Korçë ka shqyrtuar 108 çështje themeli dhe 203 çështje lidhur me masat e sigurimit;

Prokuroria pranë Gjykatës së Apelit Shkodër ka shqyrtuar 285 çështje themeli dhe 320 çështje lidhur me masat e sigurimit;

Prokuroria pranë Gjykatës së Apelit Tiranë ka shqyrtuar 880 çështje themeli dhe 1092 çështje lidhur me masat e sigurimit;

Prokuroria pranë Gjykatës së Apelit Vlorë ka shqyrtuar 262 çështje themeli dhe 451 çështje lidhur me masat e sigurimit.

Grafikisht të dhënat paraqiten si vijon, ku siç vërehet Prokuroria pranë Gjykatës së Apelit Tiranë edhe për vitin 2022 ka patur ngarkesën më të madhe:




Raporti i numrit mesatar të çështjeve me numrin organik, faktik dhe efektiv të prokurorëve sipas prokurorisë përkatëse paraqitet në vijim:


Ngarkesa mesatare për çdo prokuror sipas numrit organik



Ngarkesa mesatare për çdo prokuror sipas numrit faktik



Ngarkesa mesatare për çdo prokuror sipas numrit efektiv



III. Ngarkesa e punës së Prokurorisë së Përgjithshme

III.1 Përfaqësimi në Gjykatën e Lartë dhe Gjykatën Kushtetuese

Prokurorët e Prokurorisë së Përgjithshme kanë përfaqësuar organin e akuzës pranë Gjykatës së Lartë në 75 çështje, prej të cilave 65 gjykime themeli (nga 34 gjykime themeli në vitin 2021), 4 përfaqësime në gjykime për të njësuar/ndryshuar praktikën gjyqësore, dhe 6 gjykime për masa sigurimi (20 gjykime për masa sigurimi në vitin 2021), si dhe në cilësinë e subjektit të interesuar pranë Gjykatës Kushtetuese për 11 çështje (nga 5 çështje në vitin 2021).

III.2 Mosmarrëveshje për kompetencë

Gjatë vitit 2022 janë marrë 40 vendime për zgjidhje të mosmarrëveshjeve për kompetencën tokësore apo lëndore në hetimit paraprak të prokurorive me juridiksion të përgjithshëm.

III.3 Akte nënligjore

3.1 Gjatë periudhës Janar- Dhjetor 2022 janë nënshkruar këto Udhëzime të Përgjithshme:

- ✓ Udhëzim i Përgjithshëm nr. 02, datë 29.07.2022 “Për rekomandimet prioritare në luftën kundër kriminalitetit për vitin 2022 në Prokuroritë e Juridiksionit të Përgjithshëm”;
- ✓ Udhëzim i Përgjithshëm nr. 01, datë 25.02.2022 “Për administrimin, qarkullimin dhe ruajtjen e vendimeve të përgjimit parandalues të klasifikuara “Sekret shtetëror””;
- ✓ Udhëzim i Përgjithshëm nr. 03, datë 06.09.2022 “Për disa ndryshime e shtesa në udhëzimin e përgjithshëm nr. 10, datë 17.07.2020 “Për masat administrative dhe procedurale për rritjen e efektivitetit në luftën kundër pastrimit të parave, krimeve financiare, financimit të terrorizmit dhe hetimet pasurore në prokuroritë e juridiksionit të përgjithshëm”;
- ✓ Udhëzim i Përgjithshëm nr. 04, datë 18.10.2022 “Për disa shtesa në udhëzimin e përgjithshëm nr. 10, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin më institucionet kushtetuese dhe ligjore”.

a. Akte të tjera normative të Prokurorit të Përgjithshëm:

- Urdhër nr. 40, datë 20.06.2022 “Për miratimin e një shtese në “Rregulloren standard të organizimit dhe funksionimit të prokurorive pranë gjykatave të shkallës së parë me juridiksion të përgjithshëm”;
- Urdhër nr. 56, datë 29.07.2022 “Për miratimin e planit të veprimit për zbatimin e rezolutës së Kuvendit datë 14.07.2022 “Për vlerësimin e veprimtarisë së Prokurorisë së Përgjithshme për vitin 2021”;
- Urdhër nr. 57, datë 29.07.2022 “Për miratimin e planit të veprimit për zbatimin e “Rekomandimeve prioritare në luftën kundër kriminalitetit për vitin 2022””;
- Urdhër nr. 61, datë 06.09.2022 “Për miratimin e ndryshimeve dhe shtesave në “Rregulloren për organizimin dhe funksionimin e Prokurorisë së Përgjithshme”.

3.3 Akte të përbashkëta:

- Marrëveshja e Bashkëpunimit nr. 1547 prot., datë 15 nëntor 2022, ndërmjet Prokurorit të Përgjithshëm, Ministrit të Brendshëm dhe Ministrit të Kulturës Rinisë dhe Sportit “Për ruajtjen e përkohshme të objekteve të sekuestruara pjesë e trashëgimisë kulturore”;
- Marrëveshja e Punës ndërmjet Prokurorisë së Përgjithshme dhe Zyrës së Prokurorit Publik Evropian (“ZPPE”) “Për bashkëpunimin ndërmjet Zyrës së Prokurorit Publik Evropian

(ZPPE) dhe Prokurorisë së Përgjithshme të Republikës së Shqipërisë”, nënshkruar me datë 04 korrik 2022;

- Memorandum Mirëkuptimi ndërmjet Prokurorisë së Përgjithshme të Republikës së Shqipërisë (PP) dhe Shoqatës Ibero-Amerikane të Ministrive Publike (AIAMP), nënshkruar me datë 29 korrik 2022.

III.4 Dekriminalizimi

Në Sektorin e Dekriminalizimit në Drejtorinë e Koordinimit Institucional, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, për vitin 2022 janë regjistruar 111 kërkesa për verifikim të plotë të të dhënave të formularëve të vetëdeklaruar të personave, subjekt i këtij ligji. Për 76 subjekte vetëdeklarues është përfunduar verifikimi dhe janë përcjellë rezultatet e verifikimit, ndërkohë që 35 raste vijojnë të jenë në proces verifikimi brenda afatit ligjor të kryerjes së verifikimit, të përcaktuar në ligjin nr. 138/2015 dhe vendimin nr. 17/2016 të Kuvendit të Republikës së Shqipërisë.

Lidhur me vendimarrjen e vitit 2022, për 54 raste, Prokuroria e Përgjithshme ka vendosur mospranimin e tyre, për arsye të mosplotësisimit të kushteve e kritereve për verifikim të thelluar, të përcaktuara në ligj.

III.5 Marrëdhëniet juridiksionale me autoritetet e huaja

Drejtoria e Marrëdhënieve Juridiksionale me Jashtë në Prokurorinë e Përgjithshme gjatë vitit 2022, ka trajtuar:

- Ekstradime nga Shqipëria për jashtë vendit, në total 119 praktika dhe janë përfunduar gjithsej 49 praktika;
- Ekstradime nga jashtë drejt Shqipërisë, në total 161 praktika, të përfunduara 62;
- Urdhër arreste ndërkombëtare të lëshuara nga autoritetet e huaja për shtetasit shqiptarë të cilët nuk mund të ekstradohen për shkak të shtetësisë shqiptare, në total 252 praktika;
- Letërporosi nga Jashtë, në total 489 praktika, 284 të përfunduara;
- Letërporosi për jashtë, 526 praktika, 173 të përfunduara;
- Shpallje e shtetasve shqiptarë ose të huaj në kërkim ndërkombëtar, 245 praktika;
- Heqje e shtetasve shqiptarë nga kërkimi ndërkombëtar 134 praktika;
- Transferime të dënuesve nga jashtë, 10 praktika;
- Transferim procedimi nga jashtë drejt Shqipërisë, 17 praktika;
- Transferim procedimi nga Shqipëria për jashtë, 11 praktika;
- Njohjet e vendimeve penale të ardhura nga jashtë, 19 praktika në total;
- Njohjet e vendimeve penale shqiptare të dërguara jashtë vendit, 7 praktika;
- Praktika të tjera 570 në total, ku përfshihen dhënie mendimi për akte nënligjore të ndryshme, kontributet për raportime, kërkesa për informacion nga subjekte etj.

III.6 Përgjimet

Gjatë vitit 2022 është përdorur përgjimi i komunikimeve elektronike nga prokurorët në fazën e hetimeve paraprake si mjet për sigurimin e provës në 573 procedime penale. Është realizuar përgjimi për 3391 pajisje fundore në përdorim të 3089 subjekteve ndaj të cilëve ishte lejuar përgjimi. Në total janë ekzekutuar 1312 vendime për përgjim të autorizuar nga gjykata dhe 607 urdhra/autorizime të prokurorit.

VI. PËRMBLEDHJE E ANALIZËS FINANCIARE DHE**ZBATIMIT TË LIGJIT PËR NËPUNËSIN CIVIL PËR VITIN 2022*****Të dhëna të përgjithshme mbi buxhetin e miratuar dhe realizuar për Prokurorinë e Përgjithshme për vitin 2022***

Me ligjin nr. 115/2021, “Për buxhetin e shtetit të vitit 2022”, u miratua buxheti për Prokurorinë e Përgjithshme, në vlerë 2.424.270 mijë lekë. Realizimi i buxhetit për vitin 2022, sipas artikujve kryesorë, paraqitet në tabelën e mëposhtme:

(Në buxhetin e rishikuar për vitin 2022 janë përfshirë të gjitha rialokimet e kryera gjatë vitit) në 000/lek

Emertimi	Buxheti i miratuar për vitin 2022	Buxheti i Rishikuar për vitin 2022	Realizimi i buxhetit për vitin 2022	Raporti (në %) Realizim/Buxhet për vitin 2022
Paga	1.714.670	1.599.664	1.562.876	97.70%
Sigurime Shoqërore	200.000	192.113	186.634	97.14%
Shpenzime operative	379.450	338.560	335.120	98.98%
Transferta korente të huaja	150	150	138	92.00%
Transferime tek individ	0	12.530	12.336	98.45%
Investime	130.000	113.000	108.802	96.28%
TOTALI	2.424.270	2.256.017	2.205.906	97.77%

Shpenzime personeli

Buxheti i miratuar për shpenzime personeli (paga dhe sigurime shoqërore) në fillim të vitit 2022 ishte 1.914.670 mijë lekë. Ky buxhet mbulon nevojat për paga dhe sigurime shoqërore për numrin e punonjësve të miratuar me ligj (gjithsej, 958 punonjës). Buxheti i rishikuar është 1.791.777 mijë lekë dhe është realizuar në masën 97.64 %. Ky mosrealizim vjen nga mungesa në plotësimin e strukturave (54 prokurorë, 28 oficerë të policisë gjyqësore, 14 punonjës administrate) si dhe për faktin që 52 prokurorë janë të pezulluar nga KPK-ja e që paguhet me 75 % të pagës.

Shpenzimet operative

Shpenzimet operative, përfshijnë shpenzime që kryhen nga prokuroritë në mbështetje të realizimit të detyrave të tyre funksionale si: letër, tonera, shtypshkrime, kancelari, udhëtime e dieta, energji, shpenzime postare, telefon, shpenzime transporti, shpenzime për mirëmbajtje të ndryshme (sidomos sistemet e IT dhe pajisjet e Interceptimit), shpenzime për ruajtjen e godinave, avokatë ,përkthyes ekspertë të ndryshëm, shpenzime për ekzekutim të vendimeve gjyqësore të formës së prerë, etj.

Edhe pse, ky zë i shpenzimeve, ka një peshë të ulët specifike, në buxhetin total të prokurorisë 15.00%, impakti i tij në aktivitetin e përditshëm të prokurorisë dhe aparatit të Prokurorisë së Përgjithshme është i drejtpërdrejtë dhe shumë i rëndësishëm.

Për vitin 2022, buxheti i miratuar me ligj për shpenzime operative prej 379.450 mijë lekë ishte i mjaftueshëm për të plotësuar gjithë nevojat e parashikuara për këtë zë të shpenzimeve të kërkuara edhe në Projektbuxhetin 2021-2023 .

Ministria e Financave dhe Ekonomisë me shkresën nr. 4934/3 datë 17.03.2022 ka përcjellë pakësimin e fondeve, mbështetur në Aktin Normativ nr. 3, datë 12.03.2022 "Për disa ndryshime dhe shtesa në Ligjin nr 115, datë 2021 "Për buxhetin e vitit 2022" në vlerë totale 123,757 mijë lekë si me poshte:

*Paga në shumën 42,867 mijë lekë

*Sigurime Shoqërore në shumën 5,000 mijë lekë

*Shpenzime operative në shumën 75,890 mijë lekë

Pakësimet në artikullin 602, sollën rritje dhe refuzime të faturave ndaj të tretëve për shkak të mungesës së fondeve. Për këtë arsye, është kërkuar avancim i fondeve nga muajt nëntor e dhjetor në muajin maj 2022, për aparatën e Prokurorisë së Përgjithshme si dhe rialokim të fondeve nga llogaria 600 në llogarinë 602 në shumën 24,000 mijë lekë, miratuar me shkresën e MFE nr. 13930/1, datë 05.08.2022 si dhe shumën prej 11,000 mije leke miratuar me shkresën e MFE me nr. 20981/1, date 21.11.2022.

Përdorimi me efikasitet të lartë i këtyre fondeve bëri që gjatë vitit 2022 të likuidojmë 80 milionë lekë fatura për grupin (avokatë, ekspertë, eksperte mjeko-ligjore, MKZ dhe fatura të kadastrës) të cilat pothuajse çdo vit rriten dhe gjendja në fund të vitit e këtyre detyrimeve ka shkuar rreth 101 milione leke. Peshën me të madhe e zene faturat për ekspertimet mjeko-ligjore , rreth 74.4 milionë lekë.

Buxheti për shpenzime operative për vitin 2022 u realizua në masën 335.120 mijë lekë ose 98.98% e buxhetit të rishikuar.

Investime

Përsa i përket investimeve, fondi i miratuar për investime për vitin 2022, ishte 130,000 mijë lekë. Në detajimin e fondit të investimeve për vitin 2022 janë mbajtur në konsideratë kërkesat buxhetore për vitin 2022, ku prioritet në kuadrin e hartës së re gjyqesore kishte rikonstruksioni i godinës së prokurorisë së shkallës së parë Kukës, investim i cili u realizua plotësisht.

Fondi i investimeve është realizuar në masën 108.802 mijë lekë ose 96.28 % kundrejt buxhetit të rishikuar për vitin 2022.

Rezultatet e Veprimtarisë së Auditimit të Brendshëm

Për vitin 2022, sipas kalendarit vjetor të auditimeve, janë miratuar nga ana e titullarit, 10 angazhime auditimi, nga të cilat janë realizuar 8 auditime të kombinuara.

Subjektet që u audituan janë prokuroritë e shkallës së parë Durrës, Lushnje, Shkodër, Pogradec, Kurbin , Berat si dhe apelet Durrës edhe Shkodër.

Në fazën e planifikimit të angazhimit, Njësia e Auditimit të Brendshëm ka identifikuar fushat me risk të mesëm, dhe aty është fokusuar auditimi. Fokusi i fushave prioritare, mbi të cilat janë fokusuar e materializuar programet e auditimit, kanë qenë si më poshtë:

- Prokurimet e fondeve publike dhe zbatimi i kuadrit rregullator për investimet;
- Në fushën e investimeve publike me financim të brendshëm;
- Administrimi i vlerave materiale e monetare;

- Shkelje, shpërdorime dhe mungesë dokumentacioni justifikues për shpenzimet e kryera për udhëtime e dieta;
- Zbatimi i rregullave të kontabilitetit publik, ruajtja dhe administrimi i pronës;
- Përmirësimi i rregullave dhe sistemeve të kontrollit të brendshëm, menaxhimi i aseteve dhe burimeve nga subjektet e audituara etj.

Nga misionet e ushtruara në subjekte janë përcaktuar risqet kryesore të identifikuara dhe janë marrë masa për analizimin dhe trajtimin e këtyre risqeve, nëpërmjet dhënies së rekomandimeve për përmirësimin e komponentëve të Sistemit të Kontrollit të Brendshëm dhe Menaxhimit Financiar Publik.

Nga misionet e auditimit për vitin 2022 në subjektet e audituara, janë dhënë rekomandime, të strukturuar sipas kësaj tipologjie:

- a) 1 rekomandime për arkëtim të shumave që janë përfituar padrejtësisht;
- b) 67 rekomandime për masa të karakterit të ndryshëm.

Shërbimi civil

Gjatë vitit 2022 në Prokurorinë e Përgjithshme janë rekrutuar:

- 1 përgjegjës sektori;
- 4 specialistë;

Në drejtim të zbatimit të politikave ekzistuese për rritjen e kapaciteteve profesionale, është bashkëpunuar me Shkollën Shqiptare të Administratës Publike (ASPA) për procesin e vlerësimit të nevojave për trajnim. Punonjësit civilë kanë dërguar nevojat e tyre në fushat ku kanë të nevojshëm trajnimin si dhe është ndjekur procesi i trajnimit detyrues nga ata që kanë hyrë në shërbimin civil të prokurorisë.

Sa i përket disiplinës në shërbimin e prokurorisë, gjatë vitit 2022, nuk janë zhvilluar procedurat disiplinore.

Kosto e shpenzimeve procedurale në fazën e hetimeve

Në përfundim të vitit buxhetor 2022 nga ana e strukturave financiare të Prokurorisë së Përgjithshme është bërë një analizë e hollësishme e elementëve të koston mesatare të hetimit për çdo prokurori dhe koston⁸⁰ mesatare për gjithë sistemin e prokurorisë.


Shpenzimet e buxhetit të shtetit për Prokuroritë pranë Gjykatave të Shkallës së Parë që janë të përfshirë drejtpërdrejt në procesin e hetimit për vitin buxhetor 2022⁸¹ kanë qënë në shumën 1,642,259,593 lek në të cilën janë përfshirë pagat, sigurimet shoqërore dhe shpenzimet operative, ndërsa vetëm shpenzimet operative kanë qënë në shumën 150,027,447 lek.

⁸⁰ Koment: Në elementët e koston përfshirë numri 48250 i procedimeve të ndjekura në fazën e hetimeve dhe numri 12795 kallëzime/referime të verifikuara dhe mosfiluar procedimi. Gjithashtu, në elementet e koston nuk janë përfshirë shpenzimet e kryera nga oficerë të policisë gjyqësore të shërbimeve në strukturat përkatëse të Policisë së Shtetit dhe polici apo organet/institucione e tjera që kanë atributet e policisë gjyqësore të cilat kanë kryejnë veprime hetimore përgjatë vitit 2021.

⁸¹ Koment: Në shpensimet e buxhetit të shtetit për Prokuroritë pranë Gjykatave të Shkallës së Parë për vitin 2022 nuk janë përfshirë shpenzimet për infrastrukturën dhe shpenzimet për ruajtjen e godinave të prokurorive.


Referuar këtyre treguesve për vitin 2022 kostoja mesatare e hetimit paraprak për gjithë prokuroritë pranë gjykatave të shkallës së parë në të cilin janë përfshirë vetëm shpenzimet operative është 2458 lek/procedim.

Grafiku paraqet shpenzimet operative me vlerën mesatare të koston sipas prokurorive për vitin 2022



Ndërkohë, nëse në koston mesatare të hetimit për vitin 2022 llogaritet si herës i shpenzimeve pagat, shpenzimet për sigurimet shoqërore dhe shpenzimet operative kosto rezulton në shumën 26902 lek/procedim.

Grafiku paraqet shpenzimet totale me vlerën mesatare të koston në përqindje sipas prokurorive për vitin 2022:



VII. OBJEKTIVA PRIORITARE NË LUFTËN KUNDËR KRIMINALITETIT PËR VITIN 2023

Me synim përmbushjen e misionit kushtetues dhe ligjor të prokurorisë, si për forcimin e ligjshmërisë dhe rritjen e mëtejshme të efektivitetit në ushtrimin e ndjekjes penale, ngritjen dhe përfaqësimin e çështjeve/akuzave në gjyq, për krime të rënda e sensitive, me shtrirje të gjerë dhe me tendenca në rritje dhe marrjen e masave për vënien në ekzekutim të vendimeve penale dhe mbikëqyrjen e zbatimit të tyre, si dhe respektimin e të drejtave të ligjshme dhe lirive personale të individit në procesin penal, ashtu dhe në funksion të rritjes së kujdesit për ushtrimin e kompetencave kushtetuese dhe ligjore të prokurorisë, për përmirësimin e koordinimit dhe monitorimit të veprimtarisë së prokurorive për zbatimin e udhëzimeve të përgjithshme e akteve të tjera normative, planeve të veprimit dhe/ose strategjive institucionale apo ndër-institucionale të bazuar në rekomandime të institucioneve kushtetuese sipas ligjit, si dhe përmirësimin e mbarëvajtjes së punës në administratën e prokurorive të riorganizuara në zbatim të hartës së re gjyqësore, duke garantuar pavarësinë e prokurorëve në ushtrimin e funksioneve, objektivat prioritarë, masat dhe aktivitetet e prokurorisë për vitin 2022, janë si më poshtë:

1. Të vijojë puna e nisur për ndryshimin e kuadrit ligjor që përmirëson funksionalitetin e prokurorisë për t'i mundësuar Prokurorit të Përgjithshëm ushtrimin efikas të funksioneve dhe mbarëvajtjen e punës administrative në sistemin e prokurorisë⁸², nëpërmjet masave dhe aktiviteteve:

1.1 Të vijoj ndjekja e ecurisë së paketës ligjore të iniciuar nga Prokuroria e Përgjithshme në Kuvendin e Shqipërisë “Për përmirësimin e funksionalitetit, efikasitetit dhe efektivitetit në sistemin e prokurorisë”, objekt shqyrtimi në komisionet përkatëse për ndryshime dhe shtesave në ligjin nr. 97/2016⁸³, përfshi dhe dispozita në ligjin nr. 96/2016⁸⁴ dhe ligjin nr. 115/2016⁸⁵, për normalizimin e situatës së krijuar nga boshllëku ligjor dhe shmangur problematikat shqetësuese të evidentuara në performancën e veprimtarisë organizative dhe administrative në prokuroritë⁸⁶ me juridiksion të përgjithshëm.

1.2 Për ndryshimet ligjore të pritshme të vlerësohet nevoja e nxjerrjes së akteve normative nga Prokurori i Përgjithshëm për të mundësuar vazhdimin e implementimit të reformës në prokuroritë me juridiksion të përgjithshëm, pjesë e reformës në sistemin e drejtësisë penale.

1.3 Pjesëmarrje aktive në konsultime dhe diskutime me grupet e interesit (prokurorë të gjithë niveleve) për implementimin e ndryshimeve të pritshme në ligjet e paketës dhe aktet nënligjore të nxjerra në zbatim të ligjit⁸⁷.

2. Në kuadrin e zbatimit të hartës së re gjyqësore të vijojë puna e nisur në bashkërendim dhe koordinim me KLGJ dhe MD për rritjen e kapaciteteve akomoduese me ambiente pune për

⁸² Rekomandimi i Projektit EURALIUS V për Prokurorinë e Përgjithshme në pikën 9 në Raportin Përfundimtar Prill 2018-Dhjetor 2021, faqe 35.

⁸³ Shih, ligji nr. 97/2016 "Për organizimin dhe funksionimin e prokurorisë në Republikën e Shqipërisë" i ndryshuar;

⁸⁴ Shih, ligji nr. 96/2016 "Për statusin e gjyqtarëve dhe prokurorëve në Republikën e Shqipërisë" i ndryshuar;

⁸⁵ Shih ligji nr. 115/2016 "Për organet e qeverisjes në sistemin e drejtësisë",

⁸⁶ Shih, masa/aktivitetit 3.2.3 në Planin e Veprimit të Strategjisë Ndërsektoriale të Drejtësisë për vitet 2022-2025, miratuar me datë 24.12.2021.

⁸⁷ Shih, po aty, masa/aktivitetit 3.2.4 në Planin e Veprimit të Strategjisë Ndërsektoriale të Drejtësisë për vitet 2022-2025.

prokurorët, oficerët e policisë gjyqësore të seksioneve, administratën dhe shërbimet mbështetëse në prokuroritë me juridiksion të përgjithshëm, dhe përdorimi me efektivitet i fondeve buxhetore për përmirësimin e infrastrukturës në prokurori, forcimin e kapaciteteve institucionale dhe për sigurimin e aksesit të shtetasve në prokurori.

3. Vijimi i punës së nisur për rritja e efijencës së koordinimit dhe monitorimit në ecurinë e zbatimit të memorandumit të bashkëpunimit dhe udhëzimit të përgjithshëm nr. 10/2020, për rritjen më tej, të efektivitetit në hetimet, ndjekjes penale dhe përfaqësimit të akuzës në gjykatë për veprat penale të pastrimit të produkteve kriminale, krimet financiare dhe hetimet pasurore për sekuestrimin dhe konfiskimin e aseteve kriminale, nëpërmjet masave dhe aktiviteteve:

3.1 Përmirësimi më tej i kapaciteteve profesionale ndërinstucionale, në institucionet dhe agjensitë ligjzbatuese të përfshira, nëpërmjet masave:

i) Vijimi i ecurisë së punës së nisur në bashkëpunim me Projektin EU4FOCAL (FIIAPP-Spanjoll), për përfundimin e kapitujve të manualit për pastrimin e parave dhe rikuperimin e aseteve, sipas planifikimit të këtij projekti;

ii) Të vijojë puna për forcimin e kapaciteteve profesionale të prokurorëve dhe oficerëve të policisë gjyqësore nëpërmjet organizimit dhe zhvillimit të aktiviteteve të përbashkëta trajnuese me institucione/agjenci ligjzbatuese të përfshira, në bashkëpunim me misionet dhe projektet ndërkombëtare që asistojnë sistemin e prokurorisë.

3.2 Të vijojë rritja më tej e efijencës në bashkëpunimin ndërinstucional me institucionet dhe agjencitë e përfshira në këtë fushë, si për të rritur më tej të numrin e procedimeve dhe të pandehurve të dërguar për gjykim, dhe të dënuarve për veprat penale të pastrimit të parave, veçanërisht persona të tretë profesionistë dhe/ose subjekte raportuese (gatekeeper), ashtu dhe për rritjen më tej të hetimeve financiare paralele dhe procedime/hetimepasurore për identifikimin, sekuestrimin dhe/ose konfiskimin e pasurive produkte të veprimtarisë kriminale, ose vlerën ekuivalente të tyre.

4. Vijimi i punës për forcimin e kapaciteteve institucionale për rritjen e efijencës në veprimtarinë administrative të prokurorisë dhe i kapaciteteve profesionale për rritjen e efektivitetit të veprimtarisë së prokurorëve dhe policisë gjyqësore në ushtrimin e funksioneve kushtetuese e ligjore, nëpërmjet masave dhe aktiviteteve:

4.1 Vijimi i punës së nisur përgjatë vitit 2022 për përmirësimin e sistemit elektronik (SVHOPGJP) dhe vënien e tij në funksionim të plotë për oficerët e policisë gjyqësore të seksioneve në prokurori dhe për monitorimin periodik të ngarkesës dhe disiplinës në punë gjatë veprimtarisë së tyre në zbatim të udhëzimit të përgjithshëm nr. 10/2021, datë 30.12.2021 “Për ushtrimin e funksionit të monitorimit në sistemin e prokurorisë dhe bashkëpunimin me institucionet kushtetuese dhe ligjore”, i ndryshuar, me synim administrimin e punës të secilit oficer të policisë gjyqësore të seksioneve në prokurori dhe për të vijuar lehtësimin dhe mbështetjen e prokurorëve me numër të reduktuar në prokuroritë përkatëse në përballimin e volumit të punës së tyre në rritje të procedimeve në ndjekje në fazën e hetimeve paraprake, si dhe për të siguruar ushtrimin e funksioneve dhe mbarëvajtjen, efijencën, ligjshmërinë, procesin e rregullt ligjor dhe transparencën në veprimtarinë e sistemit të prokurorisë, ku përfshihet dhe veprimtaria e policisë gjyqësore

4.2 Vijimi i bashkërendimit dhe koordinimit me KLP dhe Shkollën e Magjistraturës, për të planifikuar më në kohë zëvendësimin e prokurorëve të shkarkuar nga detyra me magjistrat/prokuror sipas ligjit, me synim për të shmangur rritjen progresive të numrit organik të prokurorëve që i mungojnë sistemit të prokurorisë në të tre nivelet pranë gjykatave të juridiksionit të përgjithshëm.

5. Të vijojë rritja më tej e veprimtarisë monitoruese për zbatimin e udhëzimeve të përgjithshme të detyrueshme⁸⁸ dhe e bashkëpunimit me ILD dhe KLP në drejtim të koordinimit të aktiviteteve, shkëmbimit të informacionit, identifikimit të shkeljeve disiplinore apo etike dhe problemeve të performancës së zyrave të prokurorive, nëpërmjet aktiviteteve:

5.1 Struktura përkatëse në Prokurorinë e Përgjithshme në bashkërendim me drejtuesit e prokurorive të vijojnë qasjen proaktive, me prioritet mbledhjen dhe analizën e informacionit të përftuar për problematikat e evidentuara, në funksion të rritjes së bashkëpunimit, koordinimit dhe monitorimit institucional dhe ndërinstitutional, si dhe garantimin e zbatimit të parimit të funksionalitetit në prokuroritë me juridiksion të përgjithshëm;

5.2 Vijimi i punës për rritjen më tej të kujdesit për ushtrimin e kompetencave kushtetuese dhe ligjore të prokurorive nëpërmjet kërkimit dhe vlerësimit të informacioneve periodike nga drejtuesit e prokurorive;

5.3 Rritja më tej e efikasitetit të bashkëpunimit, koordinimit dhe monitorimit të veprimtarisë së strukturave përkatëse në Prokurorinë e Përgjithshme me drejtuesit e prokurorive të juridiksionit të përgjithshëm, për zbatimin e udhëzimeve të përgjithshme apo akteve të tjera normative, planeve të veprimit dhe/ose strategjive institucionale apo ndërinstitutionale, të fokusura për zbatimin e rekomandimeve të institucioneve kushtetuese dhe/ose rekomandimeve ndërkombëtare në kuadrin e integritetit evropian të vendit, sipas ligjit.

6. Vijimi i punës për intensifikimin dhe rritjen e efikasitetit të bashkëpunimit ndërinstitutional me të gjithë aktorët e përfshirë në ndërveprim me sistemin e prokurorisë në të gjitha fazat e procedimit penal, për rritjen e efektivitetit në hetimin, ndjekjen penale, përfaqësimin e akuzës në gjykatë dhe ekzekutimin e vendimeve penale ndaj autorëve të veprave penale me tendencë në rritje, veprave penale sensitive, dhe jo vetëm, nëpërmjet masave dhe aktiviteteve:

6.1 Të vijojë përmirësimi më tej i efikasitetit të bashkëpunimit dhe koordinimit ndërinstitutional me institucionet dhe agjencitë ligjzbatuese palë në marrëveshjet dy ose shumëpalëshe, si dhe në marrëdhëniet juridiksionale me autoritetet gjyqësore të huaja nëpërmjet Zyrës të Prokurorit Ndërlidhës të Shqipërisë në Eurojust, veçanërisht për rritjen e numrit të skuadrave të përbashkëta hetimore për hetimin dhe goditjen e veprimtarisë kriminale brenda dhe jashtë vendit.

6.2 Të vijojë puna e nisur për rritjen e aksesit të drejtpërdrejtë teknik të përdorimit të bazave të të dhënave shtetërore dhe/ose institucione publike, si për ato kërkesa që janë në proces pa përgjigje përfundimtare për të mundësuar të drejtën e aksesit të drejtpërdrejtë sipas ligjit, ashtu dhe për kërkesa në baza të të dhënave shtetërore ose institucione publike të tjera sipas ligjit.

7. Të vijojë puna e nisur në bashkëpunim me KLGJ për të ndjekur ecurinë e masave konkrete për të mundësuar dixhitalizimin në prokuroritë me juridiksion të përgjithshëm, me prioritetet:

7.1 Të vijojë bashkërendimi dhe koordinimi i strukturave përkatëse në Prokurorinë e Përgjithshme me Qendrën e Teknologjisë së Informacionit për Sistemin e Drejtësisë pranë KLGJ për ngritjen sa më parë të sistemit të menaxhimit të çështjeve në prokurori me standardet aktuale⁸⁹.

7.2 Të vijojë me tej puna e nisur dhe e pa përfunduar nga Projekti Euralius V për zhvillimin dhe përfundimin e sistemin elektronik PRESTO, për administrimin elektronik të regjistrave procedural dhe përfitimin e statistikave me të dhëna në kohë reale dhe gjithëpërfshirëse, të hollësishme dhe të

⁸⁸ Shih, pikën 2 të nenit 6 dhe pikën 1 të nenit 46 në lidhje me nenin 2 shkronja "c" të ligjit nr. 97/2016 "Për organizimin dhe funksionimin e prokurorisë në R.Sh", ku parashikohet se, udhëzimet e përgjithshme dhe të arsyetuara me shkrim të prokurorëve më të lartë janë të detyrueshme për prokurorët më të ulët.

⁸⁹ Shih, masa/aktivitetit 4.1.7 në Planin e Veprimit të Strategjisë Ndërsektoriale të Drejtësisë për vitet 2022-2025, miratuar me 24.12.2021.

besueshme në prokuroritë e juridiksionit të përgjithshëm, në këtë periudhë të ndërmjetme/tranzitore, deri në ngritjen dhe funksionimin e sistemit të ri CAMS.

8. Të vijojë rritja më tej e efikasitetit së bashkërendimit ndërinstitucional dhe koordinimit me Komisionin e Policisë Gjyqësore dhe me agjencitë ligjzbatuese të përfshira, për forcimin e kapaciteteve profesionale të oficerëve të policisë gjyqësore në strukturat përkatëse të shërbimeve dhe seksioneve të policisë gjyqësore, me synim rritjen më tej të cilësisë dhe efektivitetit në kryerjen e hetimeve në drejtimet prioritare të luftës kundër kriminalitetit në zbatim të Kodit të Procedurës Penale, Kodit të Drejtësisë Penale për të Miturit dhe ligjit nr. 10192/2009 i ndryshuar.

Ju faleminderit!

PROKURORI I PËRGJITHSHËM

OLSIAN ÇELA

ANEKSI NR. 1
TABELA ME TË DHËNA E TREGUES STATISTIKORË SIPAS KRERËVE,
SEKSIONEVE OSE GRUPVEPRAVE

Tabela 1

Veprat penale të cilat parashikohen në Kreun II, Seksioni I, “Krime kundër jetës të kryera me dashje”:

KRIME KUNDËR JETËS ME DASHJE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. Dërg. Gjyk.	Nr. Pand. Regj. ⁹⁰	Nr. Pand. Dërg. Gjyk.	Nr. Pand dënuar
Neni 76 Vrasja ⁹¹	27	18	14	26	17	25	9	36	15	17
Neni 77 Vrasja për një krim tjetër	0	0	0	0	0	0	0	0	0	0
Neni 78 Vrasja me paramendim	42	20	37	29	19	33	14	31	27	27
Neni 78/a Vrasje për gjakmarrje	1	1	0	1	0	5	1	2	1	1
Neni 79 Vrasja në rrethana cilësuese	24	9	23	17	10	13	12	9	20	11
Neni 79/a Vrasja e funksionarëve publikë	1	0	1	0	0	0	0	0	0	0
Neni 79/b Vrasja e punonjësve të Policisë së Shtetit	0	2	0	2	0	2	0	1	0	0
Neni 79/c Vrasja për shkak të marrëdhënieve familjare	19	6	15	6	5	14	11	10	14	12
Neni 80	5	1	4	3	3	2	0	1	0	4
Neni 81 Vrasja e foshnjës	3	0	0	0	0	1	0	0	0	0
Neni 82 Vrasja në tronditje psikike	1	0	0	0	1	0	2	0	2	1
Neni 83 Vrasja e kryer me kapërcim të kufijve të mbrojtjes së nevojshme	2	0	2	0	0	0	0	0	0	1
Neni 83/a Kanosja për hakmarrje/gjakmarrje	0	0	0	0	0	1	0	0	0	1
Neni 83/b Nxitja për gjakmarrje	0	0	0	0	0	0	0	0	0	0
Neni 84 Kanosja	287	70	117	76	41	222	38	77	43	41
Totali	412	127	213	160	96	318	87	167	122	116

Tabela 2

Vepra penale të cilat parashikohen në Kreun e II-të, Seksioni II “Krime kundër jetës shkaktuar me pakujdesi”:

KRIME KUNDËR JETËS SHKAKTUAR ME PAKUJDESI	2021					2022				
	Nr. Proc. Regj	Nr. Proc. Në gjykatë	Nr. pand. Regj.	Nr. Pand. në gjyk.	Nr. Pand dënuar	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar
Neni 85 Vrasja nga pakujdesia	7	6	2	9	1	7	2	2	2	4
Totali	7	6	2	9	1	7	2	2	2	4

⁹⁰ Ky tregues është totali i personave në hetim dhe të pandehur të regjistruar në organin e prokurorisë.⁹¹ Nuk janë përfshirë vrasjet e mbetura në tentativë 35 procedime regjistruar dhe 49 të pandehur regjistruar.

Tabela 3

Vepra penale të cilat parashikohen në Kreun e II-të, Seksioni i III “Vepra penale të kryera me dashje kundër shëndetit”:

VEPRA PENALE KUNDËR SHËNDETIT TË KRYERA ME DASHJE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. Në gjykatë	Nr. pand. Regj	Nr. Pand. në gjyk.	Nr. Pand. dënuar
Neni 86 Tortura	2	0	0	0	0	1	0	0	0	0
Neni 87 Tortura me pasoja të rënda	0	0	0	0	0	0	0	0	0	0
Neni 88 Plagosje e rëndë me dashje	103	72	116	87	62	97	37	108	44	48
Neni 88/a Plagosje e rëndë në gjendje të tronditjes së fortë 244 psikike	8	1	21	1	2	1	0	0	0	0
Neni 88/b Plagosje e rëndë me kapërcim të kufijve të mbrojtjes së nevojshme	1	3	3	3	2	2	1	8	2	0
Neni 89 Plagosje e lehtë me dashje	683	252	394	331	201	547	226	290	305	195
Neni 89/b Përhapja e sëmundjeve infektive	0	0	0	0	4	1	0	0	0	0
Neni 89/a Shitblerja e paligjshme e organeve	0	0	0	0	0	0	0	0	0	0
Neni 90 Dëmtime të tjera	26	2	6	2	3	18	1	6	1	0
Totali	823	330	540	424	274	667	265	412	352	243

Tabela 4

Vepra penale të cilat parashikohen në Kreun e II-të, Seksioni i IV “Vepra penale kundër shëndetit të kryera nga pakujdesia”:

VEPRA PENALE KUNDËR SHËNDETIT TË KRYERA NGA PAKUJDESIA	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. Proc. Dërg. Gjyk.	Nr. pand. Regj	Nr. Pand. Dërg. Gjyk.	Nr. Pand. dënuar
Neni 91 Plagosja e rëndë nga pakujdesia	8	0	4	0	0	9	2	3	5	1
Neni 92 Plagosja e lehtë nga pakujdesia	2	0	0	0	0	3	0	0	0	0
Totali	10	0	4	0	0	12	2	3	5	1

Tabela 5

Vepra penale të cilat parashikohen në seksionin V, të kreut II “Vepra penale që rrezikojnë jetën dhe shëndetin nga ndërprerja e shtatzënisë ose mosdhënia e ndihmës”:

VEPRA PENALE QË RREZIKOJNË JETËN DHE SHËNDETIN NGA NDËRPRERJA E SHTATZËNISË OSE NGA MOSDHËNIA E NDIHMËS	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar
Neni 93 Ndërprerja e shtatzënisë pa pëlqim të gruas	0	0	0	0	0	2	0	0	0	0
Neni 94 Ndërprerja e shtatzënisë e kryer në vende dhe nga persona të paautorizuar	0	0	0	0	0	5	0	0	0	0

Neni 95 Dhënia e mjeteve për ndërprerjen e shtatzënisë	0	0	0	0	0	0	0	0	0	0
Neni 96 Neglizhenca në trajtimin mjekësor	52	9	1	11	0	46	6	0	8	8
Neni 97 Mosdhënia ndihmë	0	0	0	0	0	1	0	0	0	0
Neni 98 Mosdhënia e ndihmës nga kapiteni i anijes	1	0	0	0	0	0	0	0	0	0
Neni 99 Shkaktimi i vetëvrasjes	297	5	3	6	1	233	4	3	4	2
Totali	350	14	4	17	1	287	10	3	12	10

Tabela 6

Vepra penale të cilat parashikohen në Seksionin e VI, “Krime seksuale”:

KRIME SEKSUALE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. proc. Në gjykatë	Nr. pand. Regj	Nr. Pand. në gjyk.	Nr. Pand dënuar
Neni 100 Marrëdhënie seksuale ose homoseksuale me të mitur	25	16	17	16	11	22	16	14	17	9
Neni 101 Marrëdhënie seksuale ose homoseksuale me dhunë me të mitur të moshës me 14-18 vjeç	13	4	12	9	9	15	2	9	2	7
Neni 102 Marrëdhënie seksuale me dhunë me të rritura	14	9	12	10	4	13	8	9	13	8
Neni 102/a Marrëdhënie homoseksuale me dhunë me të rritur	1	1	2	1		0	0	0	0	0
Neni 103 Marrëdhënie seksuale ose homoseksuale me persona te pazotë për t'u mbrojtur	11	6	7	7	6	3	5	1	5	3
Neni 104 Marrëdhënie seksuale ose homoseksuale me kërcënim me përdorimin e armës	0	0	0	0	0	0	0	0	0	0
Neni 105 Marrëdhënie seksuale ose homoseksuale duke shpërdoruar detyrën	0	0	0	0	0	0	0	0	0	1
Neni 106 Marrëdhënie seksuale ose homoseksuale me persona në gjini ose në kujdestari	4	1	3	1	1	1	1	0	1	1
Neni 107 Marrëdhënie seksuale ose homoseksuale ne vende publike	1	1	2	2	2	0	0	0	0	0
Neni 107/a Dhuna seksuale										
Neni 108 Vepra të turpshme	21	11	12	13	10	21	10	11	10	8
Neni 108/a Ngacmimi seksual	68	34	40	34	19	87	45	52	47	29
Totali	158	83	107	93	62	162	87	96	95	66

Tabela 7

Vepra penale të cilat parashikohen në Seksionin e VII, "Vepra penale kundër lirisë së personit":

VEPRA PENALE KUNDËR LIRISË SË PERSONIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar
Neni 109 Rrëmbimi ose mbajtja peng e personit	13	2	2	3	2	13	1	0	1	1
Neni 109/a Rrëmbimi ose mbajtja peng e personit në rrethana lehtësuese	2	0	0	0	0	0	1	0	1	0
Neni 109/b Shtërngimi me anë të kanosjes ose dhunës për dhënie e pasurisë	47	17	19	25	27	47	14	17	14	26
Neni 109/c Zhdukja me forcë										
Neni 110 Heqja e paligjshme e lirisë	27	11	22	14	24	41	18	37	29	13
Neni 111 Rrëmbimi i avionëve, anijeve dhe mjeteve të tjera	0	0	0	0	0	0	0	0	0	0
Neni 112 Dhunimi i banesës	14	5	5	4	1	15	5	2	4	3
Totali	103	35	48	46	54	116	39	56	49	43

Tabela 8

Vepra penale të cilat parashikohen në Seksionin e VIII, "Vepra penale kundër moralit dhe dinjitetit":

VEPRA PENALE KUNDËR MORALIT DHE DINJITETIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjykata të	Nr. pand. Regj	Nr. Pand. në gjyk.	Nr. Pand dënuar
Neni 113 Prostitucioni	10	3	15	28	31	19	1	9	5	8
Neni 114 Shfrytëzimi i prostitucionit	23	7	14	12	7	29	4	11	6	8
Neni 115 Mbjajtja e lokaleve për prostitucion	3	2	2	3	2	5	0	4	1	1
Neni 117 Pornografia	67	3	5	4	1	34	2	1	2	2
Neni 118 Dhunimi i varreve	12	2	2	2	2	16	0	3	0	0
Neni 119 Fyerja	4	0	1	0	0	3	0	0	0	0
Neni 120 Shpifja	1	0	0	0	0	1	0	0	0	0
Neni 121 Ndërrhyrje të padrejta në jetën private	18	2	13	2		15	0	1		2
Neni 121/a Përndjekja	145	63	92	65	59	164	85	93	88	79
Neni 122 Përhapja e sekreteve vejtjake	0	0	0	0	0	2	1		1	
Neni 123 Pengimi ose shkelja e fshehtësisë së korrespondencës	1	1	0	3	0	0	0	0	0	0
Totali	284	83	144	119	102	288	93	122	103	100

Tabela 9

Vepra penale të cilat parashikohen në Seksionin e IX-të, të Kreut II, “Vepra penale kundër fëmijëve, martesës dhe familjes”:

VEPRA PENALE KUNDËR FËMIJËVE, MARTESËS DHE FAMILJES ⁹²	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënua r
Neni 124 Braktisja e fëmijëve të mitur	26	7	14	8	12	29	3	5	3	4
Neni 124/b Keqtrajtimi i të miturit	32	26	17	27	21	45	24	21	23	17
Neni 125 Mosdhënia e mjeteve për jetesë	1	0	1	0	0	2	1	1	1	1
Neni 126 Mosnjohimi i ndryshimit të vendbanimit	5	0	1	0	0	5	2	0	2	2
Neni 127 Marrja e padrejtë e fëmijës	11	0	0	0	0	8	0	3	0	2
Neni 128 Ndërrimi i fëmijëve	0	0	0	0	0	0	0	0	0	0
Neni 128/a Fshehja ose ndërrimi me dashje i fëmijës	0	0	0	0	0	0	0	0	0	0
Neni 129 Shtytja e të miturve në krim	5	5	5	5	5	5	4	4	5	5
Neni 130 Shtrëngimi ose pengimi për të bashkëjetuar ose për të zgjidhur martesë 130/a Dhuna në familje	3	3	0	2	4	12	1	5	1	1
	1406	1037	1234	1119	879	1453	1093	1216	1182	1038
Totali	1489	1078	1272	1161	916	1559	1128	1255	1217	1070

Tabela 10

Vepra penale të parashikuara në seksionin e X-të të Kreut II, “Vepra penale kundër lirisë së besimit”:

VEPRA PENALE KUNDËR LIRISË SË BESIMIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënu ar
Neni 131 Pengimi i veprimtarive të organizatave fetare	0	0	0	0	0	1	0	0	0	0
Neni 132 Shkatërrimi ose dëmtimi i objekteve të kultit	1	0	0	0	0	1	0	1	0	0
Neni 133 Pengimi i ceremonive fetare										
Totali	1	0	0	0	0	2	0	1	0	0

⁹² Veçuar nga ky grup kërkimi ose marrja e shpërblimeve për procedurat e birësimit dhe trajtuar te grupveprat penale të korrupsionit, si dhe trafikimi i të miturve i cili është trajtuar në grupveprat penale lidhur me trafiket.

Tabela 11

Vepra penale të cilat parashikohen në Seksionin e parë të Kreut III, “Vjedhja e pasurisë”:

VJEDHJA E PASURISË ⁹³	2021					2022				
	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 134 Vjedhja	7010	667	886	811	735	6093	675	800	825	696
Neni 135 Vjedhja e kryer duke shpërdoruar detyrën	78	41	36	42	46	79	40	48	44	40
Neni 136 Vjedhja e bankave dhe e arkave të kursimit	4	1	0	2	0	5	2	3	2	0
Neni 137 Vjedhja e energjisë elektrike ose impulseve telefonike	501	276	312	279	213	340	416	234	420	358
Neni 137 /a Vjedhja e rrjetit të komunikimeve elektronike	2	0	0	0	8	1	1	1	1	0
Neni 138 Vjedhja e veprave të artit e kulturës	2	1	0	3	0	1				3
Neni 139 Vjedhja me dhunë	112	47	94	81	39	84	30	47	44	51
Neni 140 Vjedhja me armë	11	5	8	10	10	16	4	10	6	9
Neni 141 Vjedhja me pasojë vdekjen	6	1	1	1	1	4	2	3	2	0
Neni 142 Sigurimi i mjeteve për vjedhje	3	2	3	4	1	1	0	1	0	0
Totali	7729	1041	1340	1233	1053	6624	1170	1147	1344	1157

Tabela 12

Vepra penale të cilat parashikohen në Seksionin e II, të Kreut III, “Mashttrimet”:

MASHTRIMET	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënua r
Neni 143 Mashtrimi	579	172	149	205	158	525	159	112	184	127
Neni 143/a Skemat mashtruese dhe piramidale	6	1	0	3	0	3	0	0	2	3
Neni 143/a/1 Manipulimi i tregut	0	0	0	0	0	0	0	0	0	0
Neni 143/a/2 Përdorimi i paautorizuar dhe përhapja e informacionit të privilegjuar	0	0	0	0	0	0	0	0	0	0
Neni 143/a/3 Manipulimi i çmimeve dhe përhapja e informacionit të rremë	0	0	0	0	0	1	0	0	0	0
Neni 143/a/4 Paraqitja e të dhënave të rreme dhe shpërndarja e paautorizuar e tyre	0	0	0	0	0	0	0	0	0	0
Neni 143/a/5 Regjistrimi i titujve në bursë në mënyrë të paautorizuar	0	0	0	0	0	0	0	0	0	0

⁹³ Veçuar nga ky grup dhe trajtuar me vete trafiket

Neni 143/a/6 Fshehja e pronësisë	0	0	0	0	0	0	0	0	0	0
Neni 143/a/7 Tregtimi i paligjshëm i titujve	0	0	0	0	0	1	0	0	0	0
Neni 144 Mashtrimi në subvencione	2	1	1	1	0	5	0	0	0	0
Neni 144/a Krijimi i skemave mashtruese lidhur me tatimin mbi vlerën e shtuar	4	2	7	2	5	4	3	0	13	6
Neni 145 Mashtrimi në sigurime	16	19	10	20	18	19	6	6	6	5
Neni 146 Mashtrimi në kredi	64	13	15	16	7	33	12	5	13	13
Neni 147 Mashtrimi për veprat e artit e të kulturës	0	0	0	0	0	0	0	0	0	0
Neni 148 Botimi i veprës së tjetrit me emrin e vet	1	0	0	0	0	1	0	0	0	0
Neni 149 Shkelja e të drejtave të autorit	6	1	0	2	0	5	1	0	1	1
Neni 149/a Shkelja e të drejtave të pronësisë industriale	3	3	0	6	8	11	3	2	3	3
Neni 149/b Shkelja e të drejtave të topografisë së qarkut të gjysmëpërçuesit	0	0	0	0	0	0	0	0	0	0
Totali	681	212	182	255	196	608	184	125	222	158

Tabela 13

Vepra penale të cilat parashikohen në Seksionin e III, të Kreut të III:

SHKATËRRIMI I PRONËS	2021					2022				
	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar
Neni 150 Shkatërrimi i pronës	494	50	70	55	28	394	48	55	62	44
Neni 151 Shkatërrimi i pronës me zjarr	498	26	55	28	17	425	34	53	37	26
Neni 152 Shkatërrimi i pronës me eksploziv	32	2	4	3	2	39	1	5	1	0
Neni 153 Shkatërrimi i pronës me përmbajtje	0	0	0	0	0	0	0	0	0	0
Neni 154 Shkatërrimi i pronës me mjete të tjera	12	1	0	1	2	7	0	2	0	0
Neni 154/a	2	0	0	0	0	1	0	0	0	0
Neni 155 Shkatërrimi i rrugëve	6	3	4	4	0	5	1		1	2
Neni 156 Shkatërrimi i rrjetit elektrik	11	0	0	0	0	17	3	7	3	1
Neni 157 Shkatërrimi i rrjetit të ujitjes	0	0	0	0	0	4	0	0	0	0
Neni 158	4	1	1	1	0	0	0	0	0	0
Neni 159 Shkatërrimi i rrjetit të ujësjellësit	38	11	10	11	3	183	29	22	29	14
Neni 160 Shkatërrimi i veprave kulturore	0	0	0	0	0	6	0	0	0	0
Neni 161 Shkatërrimi i pronës nga pakujdesia	61	9	9	9	7	44	6	7	7	3
Neni 162 Përplasja e mjeteve të transportit masiv	0	0	0	0	0	1	0	0	0	0
Totali	1158	103	153	112	59	1126	122	151	140	90

Tabela 14

Vepra penale të cilat parashikohen në Seksionin e IV, të Kreut të III, “Vepra penale të kryera në shoqëritë tregtare”:

VEPRA PENALE TË KRYERA NË SHOQËRITË TREGTARE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. Proc. në gjykat ë	Nr. pand. Regj	Nr. Pand. në gjyk.	Nr. Pand dënua r
Neni 163 Përpilimi i deklaratave të rreme	1	0	0	0	0	1	0	0	0	0
Neni 164 Shpërdorimi i kompetencave	4	0	0	0	1	12	0	0	0	0
Neni 165 Falsifikimi i nënshkrimeve	0	0	0	0	0	4	0	0	0	0
Neni 166 Emetimi i parregullt i aksioneve	0	0	0	0	0	1	0	0	0	0
Neni 167 Mbajtja e padrejtë e dy cilësive	0	0	0	0	0	0	0	0	0	0
Neni 168 Dhënia e informacioneve të rreme	0	0	0	0	0	0	0	0	0	0
Neni 169 Zbulimi i sekreteve të shoqërisë	0	0	0	0	0	0	0	0	0	0
Neni 170 Mosbërja e shënimeve të detyrueshme	5	1	2	1	0	3	0	0	0	0
Neni 170/a Punësimi i paligjshëm	39	4	4	5	17	27	6	10	7	4
Neni 170/b Konkurrenca e paligjshme nëpërmjet dhunës	3	1	1	3	3	0	0	0	0	0
Totali	52	6	7	9	21	48	6	10	7	4

Tabela 15

Vepra penale të cilat parashikohen në Seksionin IV/1 të Kreut të II, “Vepra penale në lidhje me ushtrimin e veprimtarive bankare e financiare”:

VEPRA PENALE NË LIDHJE ME USHTRIMIN E VEPRIMTARIVE BANKARE E FINANCIARE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. proc. në gjykat ë	Nr. pand. Regj	Nr. Pand. në gjyk.	Nr. Pand dënua r
Neni 170/c Ushtrimi pa licencë i veprimtarisë bankare	5	3	5	4	2	1	1	0	1	4
Neni 170/ç Ushtrimi pa licencë i veprimtarive financiare	14	12	7	21	4	23	15	13	15	4
Totali	19	15	12	25	6	24	16	13	16	8

Tabela 16

Vepra penale të cilat parashikohen në Seksionin V, të Kreut të II “Krime në fushën e doganave”:

KRIME NË FUSHËN E DOGANAVE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. proc. në gjykat ë	Nr. pand. Regj	Nr. Pand. në gjyk.	Nr. Pand dënua r
Neni 171 Kontrabanda me mallra të ndaluar	1	0	0	0	2	3	2	4	4	1
Neni 172 Kontrabanda me mallra që paguhet akcizë	22	10	8	11	14	42	17	40	19	5

Neni 173 Kontrabanda me mallra të licencuar	12	6	13	6	4	9	3	5	3	3
Neni 174 Kontrabanda me mallra të tjera	31	16	19	28	8	79	27	75	59	17
Neni 175 Kontrabanda nga punonjës që lidhen me veprimtarinë doganore	1	0	4	5	0	3	0	0	0	1
Neni 176 Kontrabanda e vlerave kulturore	0	0	0	0	0	0	0	0	0	0
Neni 177 Kontrabanda me mallra me regjim të ndërmjetëm	8	1	4	1	2	2	2	0	2	1
Neni 178 Tregtimi dhe transportimi i mallrave që janë kontrabandë	47	37	43	40	27	61	37	59	56	19
Neni 179 Ruajtja apo depozitimi i mallrave kontrabandë	10	2	5	2	5	12	5	8	5	2
Neni 179/a Mosdeklarimi në kufi i të hollave dhe i sendeve me vlerë	36	29	37	30	36	48	41	39	42	19
Neni 179/b Thyerja, heqja, zëvendësimi i shenjave të sigurisë së autoriteteve doganore	0	0	0	0	0	0	0	2	0	0
Neni 179/c Largimi i mallrave nga zonat doganore pa paguar detyrimet	0	0	0	0	0	0	0	0	0	0
Neni 179/ç Kontrabanda e kapitenit, pilotit ose ekuipazhit	0	0	0	0	0	0	0	0	0	0
Totali	168	101	133	123	98	259	134	232	190	68

Tabela 17

Vepra penale të cilat parashikohen në Kreun III, Seksionin e VI, “Veprat penale në lidhje me taksat e tatimet”:

VEPRA PENALE NË LIDHJE ME TAKSAT E TATIMET	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand. dënuar
Neni 180 Fshehja e të ardhurave	231	50	52	84	54	224	55	31	77	45
Neni 180/a	39	3	9	4	6	56	5	14	6	2
Neni 181 Mospagimi i taksave dhe tatimeve	46	34	17	48	35	31	24	2	33	25
Neni 181/a Moskryerja e detyrave nga organet tatimore	0	1	0	1	0	0	0	0	0	0
Neni 182 Ndryshimi në aparatet matëse	0	0	0	0	0	1	0	0	0	0
Neni 182/a	0	6	0	6	3	1	1	1	1	2
Totali	316	94	78	143	98	313	85	48	117	74

Tabela 18

Vepra penale të cilat parashikohen në Kreu III, Seksioni VII, "Falsifikimi i monedhave dhe letrave me vlerë":

FALSIFIKIMI I MONEDHAVE DHE LETRAVE ME VLERË	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 183 Falsifikimi i monedhave	62	21	32	25	13	42	16	20	29	18
Neni 184 Falsifikimi i letrave me vlerë	1	1	0	3	0	2	1	2	1	0
Neni 185 Prodhimi i mjeteve për falsifikim	1	1	1	1	0	0	0	0	0	0
Totali	64	23	33	29	13	44	17	22	30	18

Tabela 19

Vepra penale të cilat parashikohen në Seksionin e VII, të Kreut të III, "Falsifikimi i dokumenteve":

FALSIFIKIMI I DOKUMENTEVE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 186 Falsifikimi i dokumenteve	479	111	127	146	72	463	129	103	171	157
Neni 187 Falsifikimi i dokumenteve shkollorë	24	12	9	12	9	16	10	6	9	4
Neni 188 Falsifikimi i dokumenteve shëndetësore	43	26	47	40	6	17	13	17	18	39
Neni 189 Falsifikimi i letërnjoftimeve, i pasaportave ose i vizave	152	84	112	107	63	128	87	98	107	91
Neni 190 Falsifikimi i vulave, i stampave ose i formularëve	63	46	20	49	51	58	26	15	31	27
Neni 191 Falsifikimi i akteve të gjendjes civile	3	2	0	2	1	7	1	1	1	6
Neni 192 Prodhimi i mjeteve për falsifikim të dokumenteve	1	0	0	0	0	1	0	0	0	1
Neni 192/a Zhdukja dhe vjedhja e dokumenteve	2	0	0	0	0	6	0	0	0	0
Totali	767	281	315	356	202	696	266	240	337	325

Tabela 20

Vepra penale të parashikuara në Seksionin e IX-të të Kreut III, "Veprat penale në fushën e falimentimit":

VEPRA PENALE NË FUSHËN E FALIMENTIMIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 193 Falimentimi i provokuar	0	1	0	3	3	0	0	0	0	0
Neni 194 Fshehja e gjendjes së falimentimit	0	0	0	0	0	0	0	0	0	0
Neni 195 Fshehja e pasurisë pas falimentimit	0	0	0	0	0	0	0	0	0	0
Neni 196 Shkelja e detyrimeve	0	0	0	0	0	1	0	0	0	0
Totali	1	0	3	0	0	1	0	0	0	0

Tabela 21

Vepra penale të cilat parashikohen në Kreun III, Seksioni X, “Zhvillimi i palejuar i lojërave të fatit”:

ZHVILLIMI I PALEJUAR I LOJËRAVE TË FATIT	2021					2022				
	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 197 Organizimi ose ushtrimi i veprimtarive të lojërave të fatit në kundërshtim me ligjin ⁹⁴	203	81	223	191	65	253	169	281	260	151
Neni 197/a Paracaktimi i rezultatit në garat sportive	0	0	0	0	0	0	0	0	0	0
Neni 197/b Shtrembërimi i konkurrencës në garat sportive	0	0	0	0	0	0	1	0	3	0
Neni 198 Vënia në dispozicion e lokaleve për lojëra të palejuara	14	5	15	14	5	7	7	4	9	4
Totali	217	86	238	205	70	260	177	285	272	155

Tabela 22

Vepra penale të cilat parashikohen në Seksionin XI, të Kreut III, “Vepra penale që çënojnë regjimin juridik të tokës”:

REGJIMI JURIDIK I TOKËS	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 199 Shpërdorimi i tokës	73	5	16	7	4	54	13	12	12	3
Neni 199/a Ndërtimi i paligjshëm	1757	872	898	901	721	1125	857	489	870	716
Neni 199/b Dhënia e ndihmës për ndërtim të paligjshëm	4	1	12	3	0	2	1	2	6	2
Neni 200 Pushtimi i tokës	123	25	17	31	17	118	18	34	19	15
Totali	1957	903	943	942	742	1299	889	537	907	736

Tabela 23

Vepra penale të cilat parashikohen në Kreun IV, “Vepra penale kundër mjedisit”:

VEPRA PENALE KUNDËR MJEDISIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 201 Ndotja e ajrit, e ujërave dhe e tokës	24	8	8	7	15	20	4	1	7	6
Neni 201/a Menaxhimi i mbetjeve	11	1	6	1		24	0	11	0	1
Neni 201/b Transportimi i mbetjeve	0	0	0	0	0	0	0	0	0	4
Neni 201/c Aktivitetet e rrezikshme	0	0	0	0	0	0	0	0	0	0
Neni 201/ç materialet bërthamore dhe substancat radioaktive të rrezikshme	0	0	0	0	0	0	0	0	0	0

⁹⁴ Dispozita është ndryshuar me ligjin 44/2019

Neni 202 Transportimi i mbeturinave toksike	1	1	0	2	2	2	0	3	0	0
Neni 202/a Tregtimi i specieve të mbrojtura të florës dhe faunës së egër	1	0	0	0	0	0	0	0	0	0
Neni 202/b Dëmtimi i habitateve në zonat e mbrojtura mjedisore	14	0	4	0	0	15	2	2	3	0
Neni 203 Substancat ozonholluese	4	0	0	0	0	2	0	0	0	0
Neni 204 Peshkim i ndaluar	9	2	10	5	4	6	1	0	4	4
Neni 205 Prerja e paligjshme e pyjeve	148	47	76	52	34	196	53	64	74	51
Neni 206 Prerja e drurëve dekorativ dhe frutorë	14	3	1	3	2	18	5	1	5	1
Neni 206/a Shkatërrimi me zjarr i pyjeve	31	0	7	0	0	22	0	3	0	0
Neni 206/b Shkatërrimi nga pakujd. me zjarr i pyjeve	9	2	5	2		12	2	4	2	0
Neni 207 Shkelja e karantinës së bimëve dhe kafshëve	5	1		1	1	10	1	1	1	0
Neni 207/a Braktisja e kafshës së shoqërimit	23	13	11	14	6	17	3	7	3	4
Neni 207/b Vrasja me dashje e kafshës së shoqërimit	10	1	1	1		11	1	2	1	0
Neni 207/c Keqtrajtimi i kafshës	10	1	3	1	1	17	3	4	3	2
Neni 207/ç Ndeshjet ndërmjet kafshëve	0	0	0	0	0	0	0	0	0	0
Totali	314	80	132	89	65	372	75	103	103	73

Tabela 24

Krime kundër Pavarësisë e Rendit Kushtetues dhe Krime që cenojnë marrëdhëniet me shtetet e tjera, parashikuar në Kreun V dhe Kreun VI:

KREU V - KREU VI	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Krime kundër Pavarësisë e Rendit Kushtetues	2	0	0	0	3	4	0	3	0	1
Krime që cenojnë Marrëdhëniet me Shtetet e tjera	0	0	0	0	0	0	0	0	0	0
Totali	2	0	0	0	3	4	0	3	0	1

Tabela 25

“Vepra me qëllime terroriste”, të parashikuara në Kreun VII:

VEPRA PENALE ME QËLLIME TERRORISTE										
	Nr. Proc. Regj	Nr. Proc. Dërg. Gjyk	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. Proc. në gjykat ë	Nr. pand. Regj	Nr. Pand. në gjyk.	Nr. Pand dënua r
Neni 230 Vepra me qëllime terroriste	2	1	1	1	0	0	0	0	0	1
Neni 230/a Financimi i terrorizmit	3	1	4	1	0	0	0	0	0	0
Neni 230/b Fshehja e fondeve dhe e pasurive të tjera, që financojnë terrorizmin	0	0	0	0	0	0	0	0	0	0
Neni 230/c Dhënia e informacioneve nga persona që ushtrojnë funksione publike ose në ushtrim të detyrës a profesionit	0	0	0	0	0	0	0	0	0	0
Neni 230/ç Kryerja e shërbimeve dhe veprimeve me persona të shpallur	0	0	0	0	0	0	0	0	0	0
Neni 231 Rekrutimi i personave për kryerjen e veprave me qëllime terroriste ose të financimit të terrorizmit	0	0	0	0	0	0	0	0	0	0
Neni 232 Stërvitja për kryerjen e veprave me qëllime terroriste	2	0	0	0	0	0	0	0	0	0
Neni 232/a Nxitja, thirrja publike dhe propaganda për kryerjen e veprave me qëllime terroriste	1	1		1	1	1	0	0	0	0
Neni 232/b Kanosja për kryerjen e veprave me qëllime terroriste	1	0	0	0	0	0	0	0	0	0
Neni 233 Krijimi i turmave të armatosura	0	0	0	0	0	0	0	0	0	0
Neni 234 Prodhimi i armëve luftarake	0	0	0	0	0	0	0	0	0	0
Neni 234/a Organizata terroriste	0	0	0	0	0	0	0	0	0	0
Neni 234/b Banda e armatosur	0	0	0	0	0	0	0	0	0	0
Totali	9	3	5	3	1	1	0	0	0	1

Tabela 26 “Krimi i organizuar”, parashikuar në Kreun XI të Kodit Penal:

KRIMI I ORGANIZUAR	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënua r	Nr. Proc. Regj	Nr. Proc. në gjykat ë	Nr. Pand. Regj	Nr. Pand. për gjykim	Nr. Pand. dënua r
Neni 333 Organizata kriminale	0	0	0	0	0	0	0	0	0	0
Neni 333/a Grupi i strukturuar kriminal	0	0	0	0	0	1	0	8	0	0

Neni 334 Kryerja e veprave penale nga organizata kriminale dhe grupi i strukturuar kriminal	0	0	0	0	0	0	0	0	0	0
Totali	0	0	0	0	0	1	0	8	0	0

Tabela 27

Vepra penale të cilat parashikohen në Kreun e VIII, “Vepra penale kundër veprimtarisë shtetërore të kryera nga shtetasit”:

VEPRA PENALE KUNDËR VEPRIMTARISË SHTETËRORE TË KRYERA NGA SHTETASIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 235 Kundërshtimi i punonjësit që kryen një detyrë shtetërore ose një shërbim publik	35	26	30	31	19	26	18	28	28	20
Neni 236 Kundërshtimi i punonjësit të policisë së rendit publik	126	119	153	202	130	116	103	128	133	131
Neni 237 Goditjet për shkak të detyrës	93	61	78	69	52	67	51	47	60	48
Neni 238 Kanosja për shkak të detyrës	36	12	14	14	9	23	10	13	18	7
Neni 242 Mosbindja ndaj urdhrat të punonjësit të policisë së rendit publik	214	148	161	171	148	253	184	191	201	169
Neni 242/a	20	21	14	22	11	2	3		3	3
Neni 243 Goditjet ndaj pjesëtarëve të familjes së personit që kryen një detyrë shtetërore	0	0	0	0	0	0	0	0	0	0
Neni 246 Përvetësimi i titullit apo i detyrës shtetërore	4	0	0	0	1	5	3	2	3	1
Neni 246/a Ushtrimi i profesionit të ekspertit kontabël dhe i shoqërisë audituese pa qenë i regjistruar	0	0	0	0	0	0	0	0	0	0
Neni 247 Mbajtja pa të drejtë e uniformës	7	3	3	3	2	7	6	4	7	1
Totali	535	390	453	512	372	499	378	413	453	380

Tabela 28

Vepra penale të cilat parashikohen në Kreun VIII, Seksioni II, “Vepra penale kundër veprimtarisë shtetërore të kryera nga punonjësit shtetërorë ose në shërbim publik”:

VEPRA PENALE KUNDËR VEPRIMTARISË SHTETËRORE TË KRYERA NGA PUNONJËSIT SHTETËRORE OSE NË SHËRBIM PUBLIK	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 248 Shpërdorim detyre	553	67	169	142	56	561	61	190	205	73
Neni 248/a Dhënia në kundërshtim me ligjin e pensioneve ose e të ardhurave të tjera nga sigurimet shoqërore	0	0	0	0	0	0	0	0	0	0
Neni 249 Kryerja e funksionit pas dhënies fund të tij	0	0	0	0	0	1	0	2	0	0
Neni 250 Kryerja e Veprimeve arbitrare	29	3	6	4	6	33	8	5	18	4

Neni 251 Mosmarrja e masave për të ndërprerë gjendjen e paligjshme	0	0	0	0	0	0	0	0	0	0
Neni 252 Mbajtja në burg pa vendim	0	0	0	0	0	0	0	0	0	0
Neni 253 Shkelja e barazisë së shtetasve	0	0	0	0	0	0	0	0	0	0
Neni 254 Shkelja e paprekshmërisë së banesës	2	0	0	0	0	0	0	0	0	0
Neni 255 Pengimi dhe shkelja e fshehtësisë së korrespondencës	0	0	0	0	0	0	0	0	0	0
Neni 256 Shpërdorim i kontributeve të dhëna nga shteti	0	0	0	0	0	2	0	0	0	0
Neni 257 Përfitim i paligjshëm i interesave	0	0	0	0	0	0	0	0	0	0
Neni 257/a Refuzimi për deklarimin, mosdeklarimin, fshehja ose deklarimi i rremë i pasurisë	1	0	0	0	0	7	0	0	0	0
Neni 258 Shkelja e barazisë në tendera apo ankande publike	9	1	2	4	0	2	0	0	0	0
TOTALI	594	71	177	150	62	606	69	197	223	77

Tabela 29

Vepra penale të cilat parashikohen në Kreun VIII, Seksioni III, “Vepra penale kundër rendit dhe sigurisë publike”:

VEPRA PENALE KUNDËR RENDIT DHE SIGURISË PUBLIKE	2021					2022				
	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënua r	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënua r
Neni 261 Pengimi në ushtrimin e së drejtës për t'u shprehur, grumbulluar apo manifestuar	1	0	0	0	0	0	0	0	0	0
Neni 262 Organizimi dhe pjesëmarrja në grumbullime e manifestime të paligjshme	12	7	17	50	4	5	3	19	7	17
Neni 263 Organizimi i grumbullimeve e manifestimeve të paligjshme me pjesëmarrje të personave të armatosur	0	0	0	0	0	1	0	0	0	0
Neni 264 Detyrimi për të marrë pjesë ose jo në grevë	0	0	0	0	0	1	0	0	0	0
Neni 265 Nxitja e urrejtjes ose grindjeve ndërmjet kombësive, racave dhe feve	7	2	5	2	0	6	3	3	3	1
Neni 265/a Pjesëmarrja në veprime luftarake në një shtet të huaj	0	1	0	1	0	1	0	0	0	0
Neni 265/b Organizimi për pjesëmarrje në veprime luftarake në një shtet të huaj	0	0	0	0	0	0	0	0	0	0
Neni 265/c Thirrja për pjesëmarrje në veprime luftarake të dhunshme në një shtet të huaj	0	0	0	0	0	0	0	0	0	0
Neni 266 Thirrja për urrejtje nacionale	1	1	1	1		0	1	0	2	0
Neni 267 Përhapja e informatave të rreme që ngjallin panik	4	0	1	0	1	3	0	0	0	0

Neni 268 Poshtërimi i Republikës dhe i simboleve të saj	0	0	0	0	0	0	0	0	0	0
Neni 269 Pengimi me dhunë i veprimtarisë së partive politike	0	0	0	0	0	0	0	0	0	0
Neni 270 Rebelimi i të burgosurve	0	0	0	0	0	1	0	1	0	1
Neni 271 Disinformimi i ekipeve të urgjencës	1	0	0	0	0	0	0	0	0	0
Neni 272 Njoftimi i rremë në organet e rendit	29	14	14	14	12	20	8	4	8	4
Neni 273 Largimi nga vendi i aksidentit	282	83	70	84	75	313	102	83	105	97
Neni 274 Prishja e qetësisë publike	46	26	30	44	35	63	25	30	27	17
Neni 274/a Goditja e sportistit, trajnerit, arbitrit, ndërmjetësit sportiv	5	3	5	3	2	3	3	3	5	5
Neni 274/b Veprime të dhunshme në aktivitetet sportive	0	0	0	0	0	5	2	3	6	4
Neni 275 Përdor. me keqdashje i thirrjeve telefonike	252	37	25	37	24	220	30	22	33	24
Neni 276 Përdorimi pa të drejtë i emblemsë së Kryqit të Kuq	0	0	0	0	0	0	0	0	0	0
Neni 277 Vetëgjyqësia	202	91	70	108	73	178	71	48	89	62
Neni 278 Prodhimi dhe mbajtja pa leje e armëve luftarake dhe e municionit	366	188	311	215	143	328	211	264	260	231
Neni 278/b Prodhimi, mbajtja, tregtimi i armëve bërthamore ose kimike	0	0	0	0	0	0	0	0	0	0
Neni 279 Prodhimi dhe mbajtja pa leje e armeve të ftohta	195	124	189	132	57	230	156	176	164	144
Neni 280 Prodhimi dhe mbajtja pa leje e armeve të gjuetisë dhe sportive	67	35	40	37	21	54	34	31	35	34
Neni 281 Shkelja e rregullave mbi lëndët helmuese	1	1	2	1	2	1				
Neni 282 Trafikimi i lëndëve plasëse, djegëse dhe helmuese	6	1	5	1	2	3	5	7	11	3
Neni 282/b Stërviçja për prodhimin dhe përd. e paligjshëm të armëve e lend. të tjera të rrezik	0	0	0	0	0	0	0	0	0	0
282/c	0	0	0	0	0	0	0	0	0	0
Neni 283/b Krijimi i lehtësirave për marrjen dhe përd. e drogës	0	0	0	0	0	1	0	0	0	0
Neni 284/ç Prodhimi, tregtimi dhe përdorimi i paligjshëm i prekursorëve	0	0	0	0	0	0	0	0	0	0
Neni 284/d Prodhimi dhe tregtimi i barnave dhe pajisjeve mjekësore të falsifikuara ose të rrezikshme për jetën dhe shëndetin	1	1	7	1	2	0	0	0	0	0
Neni 285/a Përshtatja e lokalit për përdorim droge	7	3	10	5	2	6	5	10	9	4
Neni 285/b Hedhja ose braktisja e shiringave	0	0	0	0	2	0	0	0	0	0
Neni 286 Nxitja për përdorimin e drogës	0	0	0	0	0	0	1	0	1	0

Neni 286/a Përdorimi i paligjshëm i teknologjisë së lartë	0	0	0	0	0	0	0	0	0	0
Neni 288 Importimi, prodhimi, shitja dhe ruajtja e ushqimeve të rrezikshme për shëndetin ose jetën e njerëzve	5	2	2	3	0	7	2	4	2	1
Neni 288/a Prodhimi i kundërligjshëm i artikujve dhe mallrave industrial dhe ushqimorë	9	8	4	8	5	9	7	6	8	7
Neni 288/b Tregtimi dhe hedhja për konsum e lëndëve djegëse në kundërshtim me standardet ligjore të cilësisë	0	0	0	0	0	0	0	0	0	0
Neni 288/c mashtrimi me produktet ushqimore	4	2	2	3	1	5	2		3	1
Neni 288/ç Prishja e shenjave të sigurisë së organeve shtetërore në fushën e sigurisë ushqimore	0	0	0	0	0	0	0	0	0	0
Neni 289 Shkelja e rregullave të mbrojtjes në punë	117	21	46	31	13	99	16	42	20	11
Neni 290 Shkelja e rregullave të qarkullimit rrugor	969	335	623	340	249	911	310	509	316	246
Neni 291 Drejtimi i automjeteve në mënyrë të parregullt	3123	2641	3078	2664	2346	3161	2950	3034	2963	2887
Neni 292 Shkelja e disiplinës së punës në transport	3	1	1	1	2	2	1	3	1	1
Neni 293 Pengimi i qarkullimit të mjeteve të transportit	14	10	13	13	5	15	8	32	16	9
Neni 293/d Shitja e paautorizuar e kartave SIM	1	1	3	1	0	2	1	0	3	1
Totali	5730	3639	4574	3800	3078	5654	3957	4334	4097	3812

Tabela 30

Vepra penale që lidhen me pastrimin e produkteve të veprës penale ose veprimtarisë kriminale:

PASTRIMI I PARAVE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. Proc. Dërg. Gjyk.	Nr. pand. Regj	Nr. Pand. në gjyk.	Nr. Pand dënuar
Neni 287 Produktet e veprës penale ose veprimtarisë kriminale	288	10	42	10	10	223	16	6	19	19
Neni 287/a Llogari anonime	0	0	0	0	0	9	0	18	0	0
Neni 287/b Përvetësimi i parave ose mallrave që rrjedhin nga vepra penale ose veprimtaria kriminale	13	8	14	23	11	12	11	16	24	12
Totali	301	18	56	33	21	244	27	40	43	31

Tabela 31

Tabela e mëposhtme paraqet të dhëna në lidhje me “Veprat penale kundër sekretit dhe kufijve shtetërorë”:

VEPRA PENALE KUNDËR SEKRETIT DHE KUFIJVE SHETËRORE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand. dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand. dënuar
Neni 294 Tregtimi i sekretit shtetëror nga personi që i është besuar	2	0	0	0	0	0	0	0	0	0
Neni 295 Tregtimi i sekretit shtetëror nga shtetasit	2	0	0	0	0	1	0	0	0	0
Neni 295/a Zbulimi i akteve ose të dhënave sekrete	6	1	2	1	0	6	1		1	1
Neni 296 Humbja e dokumenteve sekrete	0	0	0	0	0	0	0	0	0	0
Neni 297 Kalimi i paligjshëm i kufirit shtetëror	555	375	561	388	247	424	264	270	287	275
Neni 298 Ndihma për kalim të paligjshëm të kufirit	295	188	389	300	218	308	181	291	336	195
Neni 299 Shkelja e rregullave mbi fluturimet										
Totali	860	564	952	689	465	739	446	561	624	471

Tabela 32

Vepra penale të cilat parashikohen në Kreun IX, “Vepra penale kundër drejtësisë”:

VEPRA PENALE KUNDËR DREJTËSISË	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 300 Moskallëzimi i krimit	27	19	85	90	68	18	15	67	89	90
Neni 301 Veprime që pengojnë zbulimin e së vërtetës	11	8	18	23	10	9	4	18	26	20
Neni 302 Përkrahja e autorit të krimit	6	4	6	9	7	6	6	8	11	7
Neni 303 Fshehja ose asgjësimi i kufomës	0	0	0	0	0	0	0	0	0	0
Neni 304 Detyrimi për të kallëzuar provën	0	0	0	0	0	0	0	0	0	0
Neni 305 Kallëzimi i rremë	34	31	20	35	25	31	24	15	31	25
Neni 305/a Deklaratat e rreme përpara prokurorit	1	1	1	1	0				1	1
Neni 305/b Deklaratat e rreme përpara of.pol.gjyq.	10	12	15	19	15	13	8	15	27	16
Neni 306 Dëshmia e rreme	8	3	3	3	4	6	3	5	3	1
Neni 307 Refuzimi për të dëshmuar	0	0	0	0	0	0	0	0	1	0
Neni 308 Përkthimi i rremë	0	0	0	0	0	0	0	0	0	0
Neni 309 Ekspertimi i rremë	19	2	6	2	0	16	3	1	3	1
Neni 310 Mosparaqitja e dëshmitarit, ekspertit apo përkthyesit	1	7	1	8	7	0	0	0	0	0
Neni 311 Kanosja për të mos kallëzuar	8	1	3	1	0	7	1	1	2	2
Neni 312/a Kanosja për deklarime a dëshmi, ekspertim ose përkthim të rremë	1	1	4	4	1	1	0	0	0	0
Neni 313 Fillimi i paligjshëm i ndjekjes penale	0	0	0	0	0	0	0	0	0	0
Neni 313/a Zhdukja ose humbja e fashikullit	1	0	0	0	0	3	0	0	0	0
Neni 313/b Ndalimi i dhënies dhe i shpalljes së të dhënave në kundërshtim me ligjin	0	0	0	0	0	0	0	0	0	0
Neni 314 Përdorimi i dhunës gjatë hetimeve	1	0	0	0	0	1	0	0	0	0
Neni 316 Kundërshtimi dhe goditja e gjyqtarit	2	2	7	2	0	2	2	2	4	0
Neni 317 Kanosja e gjyqtarit	10	2	1	2	0	6	3	1	5	0
Neni 318 Fyerja e gjyqtarit	17	6	5	5	4	14	3	2	3	3
Neni 320 Pengime për ekzekutimin e vendimeve të gjykatës	65	20	22	21	15	61	16	13	19	8
Neni 320/a Mosekzekutimi pa shkaqe të përligjura i vendimit të gjykatës	1	0	0	0	0	2	1	1	1	0
Neni 321 Veprime në kundërshtim me vendimin e gjykatës	142	59	70	59	30	116	66	51	68	49
Neni 322 Prishja e vulave dhe shenjave	1	0	0	0	0	0	0	0	0	0
Neni 323 Largimi i të burgosurit nga vendi i qëndrimit	118	80	118	82	49	143	91	130	95	67
Neni 324 Dhënia ndihmë një të burgosuri për largim	1	0	1	0	1	6	1	2	2	1

Neni 324/a Futja ose mbajtja e sendeve të ndaluara në institucionin e ekzekutimit të vendimeve me burgim	70	39	24	49	61	121	39	42	48	46
Totali	555	297	410	415	297	582	286	374	439	337

Tabela 33

Vepra penale të cilat parashikohen në Kreun e X, “Vepra penale që prekin zgjedhjet e lira dhe sistemin demokratik të zgjedhjeve⁹⁵”:

VEPRAT PENALE PËR ZGJEDHJET E LIRA	2021					2022				
	Nr. Proc. Regj	Nr. proc. në gjykatë	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar
Neni 325 Pengimi i subjekteve zgjedhore	7	1	1	1	0	0	0	0	0	1
Neni 326 Falsifikimi i materialit zgjedhor dhe rezultateve të zgjedhjeve	7	2	5	6	19	5	1	8	8	12
326/a Dëmtimi me dashje i materialit zgjedhor	1	0	0	0	6	0	0	0	0	0
Neni 327 Shkelja e fshehtësisë së votimit	5	2	3	2	2	3	1	0	1	1
Neni 327/a Votimi më shumë se një herë ose pa u identifikuar	0	2	0	43	19	11	1	7	7	0
Neni 328/a Detyrimi për pjesëmarrje në veprimtari politike	21	0	0	0	0	2	0	0	0	0
Neni 329 Kanosja apo dhunimi ndaj pjesëmarrësve në zgjedhje	4	0	1	0	0	1	0	1	0	0
Neni 330 Pengimi i zgjedhësit	1	0	0	0	0	2	0	0	0	0
Neni 330/a Braktisja e detyrës nga anëtarët e komisioneve të zgjedhjeve	0	0	0	0	0	0	0	0	0	0
Neni 331 Shkelja e të drejtës së zgjedhjes	0	0	0	0	0	1	0	0	0	0
Neni 331/a Marrja ose përdorimi i paligjshëm i dokumenteve të identifikimit	1	0	0	0	0	1	0	0	0	0
Neni 332 Shpërdorimi i autoritetit ushtarak	0	0	0	0	0	0	0	0	0	0
Neni 332/a Shpërdorimi i autoritetit policor	0	0	0	0	0	0	0	0	0	0
Totali	47	7	10	52	46	26	3	16	16	14

Tabela 34

Vepra penale të korrupsionit:

VEPRA PENALE KUNDËR KORRUPSIONIT	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjyk.	Nr. pand. Regj	Nr. Pand. në gjyk.	Nr. Pand dënuar
Neni 124/a Kërkimi ose marrja e shpërblimeve për procedurat e birësimit	0	0	0	0	0	1	0	0	0	0

⁹⁵ Veçuar nga ky grup veprat penale të korrupsionit në zgjedhje dhe trajtuar në grupveprat penale të korrupsionit

Neni 164/a Korrupsion aktiv në sektorin privat	0	0	0	0	0	0	0	0	1	0
Neni 164/b Korrupsion pasiv në sektorin privat	2	0	1	0	1	1	0	0	1	0
Neni 244 Korrupsion aktiv i personave që ushtrojnë funksione publike	66	52	63	52	12	213	158	180	162	84
Neni 244/a Korrupsioni aktiv i nëpunësve të huaj publikë	0	0	0	0	0	1		2		
Neni 245 Korrupsion aktiv i funksionarëve të lartë shtetërorë ose të zgjedhurve vendorë	2	0	0	0	0	1	0	0	0	0
Neni 245/1 Ushtrimi i ndikimit të paligjshëm ndaj personave që ushtrojnë funksione publike	2	1	1	2	1	3	2	7	9	3
Neni 259 Korrupsion pasiv i personave me funksione publike	15	1	12	1	1	40	9	12	14	4
Neni 259/a Korrupsioni pasiv i nëpunësve të huaj publikë	0	0	0	0	0	0	0	0	0	0
Neni 260 Korrupsion pasiv i funksionarëve të lartë shtetërorë ose i të zgjedhurve vendorë	0	0	0	0	0	0	0	0	0	0
Neni 312 Korrupsioni aktiv i dëshmitarit, ekspertit ose përkthyesit	0	0	0	0	4	0	0	0	0	0
Neni 319 Korrupsion aktiv i gjyqtarit, prokurorit dhe i funksionarëve të tjerë të drejtësisë	0	0	0	0	0	1	0	0	0	0
Neni 319/a Korrupsioni aktiv i gjyqtarit ose i zyrtarit të gjykatës ndërkombëtare	0	0	0	0	0	0	0	0	0	0
Neni 319/b Korrupsioni aktiv i arbitrit vendas dhe të huaj	0	0	0	0	0	0	0	0	0	0
Neni 319/c Korrupsioni aktiv i anëtarëve të jurive gjyqësore të huaja	0	0	0	0	0	0	0	0	0	0
Neni 319/ç Korrupsion pasiv i gjyqtarëve, prokurorëve dhe funksionarëve të tjerë të organeve të drejtësisë	0	0	0	0	0	0	0	0	0	0
Neni 319/d Korrupsioni pasiv i gjyqtarit ose i zyrtarit të gjykatës ndërkombëtare	0	0	0	0	0	0	0	0	0	0
Neni 319/dh Korrupsioni pasiv i arbitrit vendas dhe të huaj	0	0	0	0	0	0	0	0	0	0
Neni 319/e Korrupsioni pasiv i anëtarëve të jurive gjyqësore të huaja	0	0	0	0	0	0	0	0	0	0
Neni 328 Korrupsioni aktiv në zgjedhje	12	0	8	0	0	0	0	0	0	0
Neni 328/b Korrupsioni pasiv në zgjedhje	1	0	2	0	0	1	0	0	0	0
Totali	100	54	87	55	19	262	169	201	187	91

Tabela 35

Vepra penale kundër krimit kompjuterik:

	2021					2022				
	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar
Neni 74/a Shpërndarja kompjuterike e materialeve komp. pro gjenocidit ose krimeve kundër njerëzimit	0	0	0	0	0	0	0	0	0	0
Neni 84/a Kanosja me motive racizmi dhe ksenofobie nëpërmjet sistemit kompjuterik	0	0	0	0	0	1	0	0	0	0
Neni 119/a Shpërndarja e materialeve raciste ose ksenofobie nëpërmjet sistemit kompjuterik	1	0	0	0	0	0	0	0	0	0
Neni 119/b Fyerja me motive racizmi ose ksenofobie nëpërmjet sist. komp.	0	0	0	0	0	0	0	0	0	0
Neni 143/b Mashtrimi kompjuterik	71	5	19	14	2	88	5	22	8	3
Neni 186/a Falsifikimi kompjuterik	74	4	5	5	3	81	7	7	8	4
Neni 192/b Hyrja e paautorizuar kompjuterik	7	0	0	0	0	10	0	0	0	0
Neni 293/a Përgjimi i paligjshëm i të dhënave kompjuterik	3	0	0	0	0	3	0	0	0	0
Neni 293/b Ndërhyrja në të dhënat kompjuterike	70	1	1	2	1	63	1	1	1	1
Neni 293/c Ndërhyrja në sistemet kompjuterike	5	0	0	0	0	9	0	0	0	0
Neni 293/ç Keqpërdorimi i pajisjeve	0	0	0	0	0	0	0	0	0	0
Totali	231	10	25	21	6	255	13	30	17	8

Tabela 36
Vepra penale kundër trafikëve të paligjshme:

TRAFIKIMI	2021					2022				
	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar	Nr. Proc. Regj	Nr. proc. në gjykata të	Nr. pand. Regj	Nr. Pand. në gjyk.	Nr. Pand dënuar
Neni 110/a Trafikimi i Personave të rritur	8	2	2	4	0	7	0	0	2	1
Neni 128/b Trafikimi i të miturve	2	2	2	2	12	4	0	0	0	0
Neni 138/a Trafikimi i veprave të artit dhe kulturës	3	0	2	0	0	3	0	1	0	0
Neni 141/a Trafikimi i mjeteve motorike	167	11	22	13	3	97	11	8	12	2
Neni 278/a Trafikimi i armëve dhe i municionit	6	3	12	5	5	10	1	3	1	0
Neni 282/a Trafikimi i lëndëve plasëse, djegëse, helmuese dhe radioaktive	1	0	1	0	0	2	1	1	1	1
Neni 283/a Trafikimi i narkotikëve	63	23	82	41	23	43	19	45	36	18
Totali	250	41	123	65	43	166	32	58	52	22

Tabela 37

Vepra penale në lidhje me prodhimin dhe kultivimin e narkotikëve:

PRODHIMI DHE KULTIVIMI I NARKOTIKËVE	2021					2022				
	Nr. Proc. Regj	Nr. Proc. Dërg. Gjyk.	Nr. Pand. Regj.	Nr. Pand. Dërg. Gjyk.	Nr. Pand dënuar	Nr. Proc. Regj	Nr. Proc. në gjykatë	Nr. pand. Regj	Nr. Pand. në gjyk.	Nr. Pand dënuar
Neni 283 Prodhimi dhe shitja e narkotikëve	1030	470	1031	650	442	1063	560	995	801	503
Neni 284 Kultivimi i bimëve narkotike	974	206	521	319	197	479	167	196	317	261
Neni 284/a Organizimi dhe drejtimi i organizatave kriminale	0	0	0	0	1	0	0	0	0	0
Neni 284/c Prodhimi dhe fabrikimi i lendeve narkotike dhe psikotrope	2	0	1	0	0	0	1	0	1	0
Neni 285 Mbajtja, prodhimi dhe transportimi i substancave kimike	2	0	1	0	0	0	0	0	0	0
TOTALI	2008	676	1554	969	640	1542	728	1191	1119	764

ANEKSI 2

Tabela 1

Konfiskime dhe sekuestreime në kuadrin e procedimit penal në zbatim të Kodit të Procedurës Penale dhe Kodit Penal si dhe në kuadrin e procedimit/hetimit pasuror në zbatim të ligjit 10193/2009 i ndryshuar janë:

KONFISKIME DHE SEKUESTRIME TË PRODUKTVE KRIMINALE		Viti 2021	Viti 2022
	Numri i Konfiskimeve	2	6
Në kuadrin e procedimit penal sipas K.Penal dhe K.Pr.Penale	Numr i Sekuestreimeve	6	18
	Numri i Konfiskimeve	1	11
Në kuadrin e procedimit apo hetimit pasuror sipas ligjit 10193/2009	Numr i Sekuestreimeve	3	7

**TRAJNIME VAZHDUESE
TË PROKURORËVE DHE OFICERËVE TË POLICISË GJYQËSORE,
NË SHKOLLËN E MAGJISTRATURËS**

Në periudhën janar - dhjetor 2022 janë organizuar dhe zhvilluar trajnimet:

1. Në datat 11-12 Janar 2022, është zhvilluar trajnimi me temë, " Masat urgjente të mbrojtjes në kuptim të Konventës së Hagës ", ku kanë marrë pjesë 1 prokuror dhe 2 oficerë të policisë gjyqësore.)
2. Në datën 13 Janar 2022, është zhvilluar trajnimi me temë "Viktima, si subjekt i procesit penal" , ku kanë marrë pjesë 7 prokuror dhe 6 oficerë të policisë gjyqësore.
3. Në datën 19 Janar 2022, është zhvilluar trajnimi me temë "Probleme të praktikës në fushën e marrëdhënieve juridiksionale me jashtë" , ku kanë marrë pjesë 6 prokuror dhe 1 oficer i policisë gjyqësore.
4. Në datat 27-28 Janar 2022, është zhvilluar trajnimi me temë, "Paditë që nuk mund të ngrihen në fokus të praktikës gjyqësore", ku ka marrë pjesë nje prokuror.
5. Në datën 31 Janar 2022, është zhvilluar trajnimi me temë, "Vlerësimi etiko profesional i gjyqtarëve", , ku kanë marrë pjesë 2 prokuror.
6. Në datën 1 Shkurt 2022, është zhvilluar trajnimi me temë, " Pastrimi i parave", ku kanë marrë pjesë 8 prokurorë dhe 7 oficerë të policisë gjyqësore.
7. Në datën 2 Shkurt 2022, është zhvilluar trajnimi me temë, "Çështje metodologjike të trajnimit vazhdues të magjistratëve" , ku kanë marrë pjesë 4 prokuror.
8. Në datën 10 Shkurt 2022 është zhvilluar trajnimi me temë , "Gjyqtari për Median dhe roli i tij në informimin e medias dhe publikut për çështjet gjyqësore", ku kanë marrë pjesë 2 prokuror.
9. Në datën 11 Shkurt 2022, është zhvilluar trajnimi me temë , " Risitë e gjykimit penal në Gjykatën e Lartë", ku kanë marrë 13 prokuror.
10. Në datat 14-15 Shkurt 2022, është zhvilluar trajnimi me temë "Qasje praktike ndaj masave të sigurimit, shmangies dhe dënimit në çështje me të mitur", ku kanë marrë pjesë 6 prokuror.
11. Në datat 16-17 Shkurt 2022 është zhvilluar trajnimi me temë, "Mjete të posaçme të hetimit", ku kanë marrë pjesë 7 prokuror dhe 10 oficerë të policisë gjyqësore.
12. Në datën 21 Shkurt 2022, është zhvilluar trajnimi me temë " Kuptimi juridiko-penal, në funksion të zbatimit të drejtë të dispozitave të K.Penal", , ku kanë marrë pjesë 5 prokuror.
13. Në datën 28 Shkurt 2022, është zhvilluar trajnimi me temë " Shfrytëzimi seksual online i të miturve dhe metodat e hetimit", ku kanë marrë pjesë 6 prokuror dhe 3 oficer te policise gjyqësore.
14. Në datën 2 Mars 2022, është zhvilluar trajnimi me temë, " Menaxhimi aktiv i çështjeve", ku kanë marrë pjesë nje prokuror dhe nje Inspektor.
15. Në datën 15 Mars 2022, është zhvilluar trajnimi me temë, "Ndarja midis juridiksionit administrativ dhe atij kushtetues" ku ka marrë pjesë nje prokuror.
16. Në datat 23-24 mars 2022, është zhvilluar trajnimi me temë, "Siguria e Gazetarëve" ku mori pjese nje prokuror.
17. Në datën 28 mars 2022, është zhvilluar trajnimi me temë, "Krimi Kibernetik, Aktet me natyre raciste dhe ksenofobe", ku kanë marrë pjesë 6 prokuror dhe 6 oficer te policise gjyqësore.
18. Në datën 31 mars 2022, është zhvilluar trajnimi me temë, " Lidhja shkaksore në të drejtën penale", ku kanë marrë pjesë 10 prokuror dhe 2 oficer te policise gjyqësore.
19. Në datat 31 mars - 1 prill 2022, është zhvilluar trajnimi me temë, "Pastrimi i parave", ku kanë marrë pjesë 8 prokuror.
20. Në datat 7-8 prill 2022, është zhvilluar trajnimi me temë, " Pastrimi I parave", ku kanë marrë pjesë 9 prokuror.
21. Në datat 7-9 prill 2022, është zhvilluar trajnimi me temë, " Roli I këshillit të gjykatave", ku nuk ka marrë pjesë asnje prokuror dhe oficer i policise gjyqësore.
22. Në datën 11 prill 2022, është zhvilluar trajnimi me temë, "Masat mjeksore në procesin penal" ku kanë marrë pjesë 12 prokuror.

23. Në datën 12 prill 2022, është zhvilluar trajnimi me temë, "Zbatimi i ligjit të BE-së nga gjykatat kombëtare", ku kanë marrë pjesë 2 prokuror.
24. Në datat 13-14 prill 2022, është zhvilluar trajnimi me temë, "Veprat penale të shtuara apo të ndryshuara në Kodin Penal sipas ndryshimeve në vitet 2020-2021. Neni 130/a "Dhuna në familje" ku kanë marrë pjesë 7 prokuror.
25. Në datën 6 maj 2022, është zhvilluar trajnimi me temë, " Krimi kibernetik dhe provat elektronike", ku kanë marrë pjesë 7 prokuror dhe 7 oficerë të policisë gjyqësore.
26. Në datën 9 maj 2022, është zhvilluar trajnimi me temë, "Veprat penale në lidhje taksat dhe tatimet si dhe hetimi pasuror për çështjet që lidhen me to", ku kanë marrë pjesë 15 prokuror
27. Në datën 16 maj 2022, është zhvilluar trajnimi me temë, " Përgjimet procedurale dhe përgjimet parandaluese", ku kanë marrë pjesë 16 prokuror dhe 2 oficerë të policisë gjyqësore.
28. Në datën 18 maj 2022, është zhvilluar trajnimi me temë, " Media sociale dhe dëmi jopasuror që shkaktohet prej saj", ku kanë marrë pjesë 3 prokuror.
29. Në datat 26-27 maj 2022, është zhvilluar trajnimi me temë, "Trafikimi i Qenieve Njerëzore", ku kanë marrë pjesë 7 prokuror dhe 5 oficerë të policisë gjyqësore.
30. Në datat 30-31 maj 2022, është zhvilluar trajnimi me temë, " Procedura e Prokurimit Publik ", ku kanë marrë pjesë 2 prokuror, 1 inspektor dhe 2 oficerë të policisë gjyqësore.
31. Në datat 7-8 qershor maj 2022, është zhvilluar trajnimi me temë, "Liria e shprehjes dhe administrimi mirë i drejtësisë", ku kanë marrë pjesë 2 prokuror.
32. Në datën 9 qershor maj 2022, është zhvilluar trajnimi me temë, " Përsëritja e shqyrtimit gjyqësor në gjykatën e apelit", ku kanë marrë pjesë 20 prokuror dhe 1 oficerë të policisë gjyqësore.
33. Në datën 15 qershor maj 2022, është zhvilluar trajnimi me temë, "Gjykata e Lartë si gjykatë që njëson, zhvillon dhe ndryshon praktikën gjyqësore", ku kanë marrë pjesë 22 prokuror .
34. Në datat 16-17 qershor 2022, është zhvilluar trajnimi me temë, " E Drejta Familjare dhe Mbrojtja e Jetes Familjare. Aspekte Civile dhe Penale", ku kanë marrë pjesë 7 prokuror dhe 1 oficer të policisë gjyqësore.
35. Në datën 17 qershor maj 2022, është zhvilluar trajnimi me temë, " Procedura e falimentimit. Zbatimi i ligjit nr. 110/2016 dhe problematikat e hasura në praktikën gjyqësore", ku kanë marrë pjesë 3 prokuror dhe 1 oficer të policisë gjyqësore.
36. Në datën 20 qershor maj 2022, është zhvilluar trajnimi me temë, "Hetimi i veprave penale që prekin zgjedhjet e lira dhe sistemin demokratik të zgjedhjeve", ku kanë marrë pjesë 27 prokurorë.
37. Në datat 22-23 qershor maj 2022, është zhvilluar trajnimi me temë, " Alternativat e dënimit me burgim" , ku kanë marrë pjesë 32 prokurorë.
38. Në datën 24 qershor maj 2022, është zhvilluar trajnimi me temë, "Kërkesat e Prokurorisë për zgjatjen e afatit të hetimeve dhe pasojat e mosrespektimit të tyre", ku kanë marrë pjesë 33 prokurorë.
39. Në datat 30 qershor - 1 korrik 2022, është zhvilluar trajnimi me temë, "Kërkesat e Prokurorisë për zgjatjen e afatit të hetimeve dhe pasojat e mosrespektimit të tyre", ku kanë marrë pjesë 41 prokurorë.
40. Në datën 19 Shtator 2022, është zhvilluar trajnimi me temë, "Roli i Mentorëve në Trajnimin e Magjistratëve", ku kanë marrë pjesë 5 prokurorë.
41. Në datën 20 Shtator 2022, është zhvilluar trajnimi me temë, "Roli i Mentorëve në Trajnimin e Magjistratëve", ku kanë marrë pjesë 5 prokurorë.
42. Në datën 21 Shtator 2022, është zhvilluar trajnimi me temë, "Roli i Mentorëve në Trajnimin e Magjistratëve" , ku kanë marrë pjesë 5 prokurorë.
43. Në datat 29-30 Shtator 2022, është zhvilluar trajnimi me temë, "Pastrimi i Parave", ku kanë marrë pjesë 6 prokurorë.
44. Në datat 6-7 Tetor 2022, është zhvilluar trajnimi me temë, "Pastrimi i Parave", ku kanë marrë pjesë 8 prokurorë.
45. Në datën 4 nëntor 2022 është zhvilluar trajnimi me temë, "Ankimi kushtetues individual" ku kanë marrë pjesë 2 prokurorë dhe 1 oficer të policisë gjyqësore.
46. Në datën 9 nëntor 2022 është zhvilluar trajnimi me temë, "ToT për zhvillimin e trajnimit të magjistratëve", ku kanë marrë pjesë 8 prokurorë.
47. Në datën 10 nëntor 2022 është zhvilluar trajnimi me temë, "ToT për zhvillimin e trajnimit të magjistratëve", ku kanë marrë pjesë 4 prokurorë.

48. Në datën 11 nëntor 2022 është zhvilluar trajnimi me temë, "Personat e paafte në trashgiminë testamentare", ku ka marrë pjesë 1 prokuror.
49. Në datat 14-15 nëntor 2022 është zhvilluar trajnimi me temë, "Përgjegjshmëria dhe papërgjegjshmëria", ku kanë marrë pjesë 24 prokurorë dhe 2 oficer te policise gjyqesore.
50. Në datat 17-18 nëntor 2022 është zhvilluar trajnimi me temë, "Analiza Financiare dhe hetimet me burime te hapura", ku kanë marrë pjesë 12 prokurorë dhe 6 oficer te policise gjyqesore.
51. Në datën 21 nëntor 2022 është zhvilluar trajnimi me temë, "Rrethanat që përjashtojnë përgjegjësinë penale", ku kanë marrë pjesë 19 prokurorë.
52. Në datën 23 nëntor 2022 është zhvilluar trajnimi me temë, "Provueshmëria në procesin gjyqësor", ku kanë marrë pjesë 18 prokurorë.
53. Në datën 24 nëntor 2022 është zhvilluar trajnimi me temë, "Përgjimet procedurale" ku kanë marrë pjesë 34 prokurorë dhe 2 oficer te policise gjyqesore.
54. Në datën 30 nëntor 2022 është zhvilluar trajnimi me temë, "Burimet e hapura. Fillimi kryesisht i procedimit penal dhe pavarësia e prokurorit", ku kanë marrë pjesë 33 prokurorë dhe 3 oficer i policise gjyqesore.
55. Në datat 1-2 Dhjetor 2022 është zhvilluar trajnimi me temë, "Ndarja e kompetencës lëndore midis gjykatave të rrethit dhe gjykatave administrative në çështjet e vërtetimit të marrëdhënieve të punës", ku kanë marrë pjesë 7 prokurorë dhe 1 oficer te policise gjyqesore.
56. Në datën 5 Dhjetor 2022 është zhvilluar trajnimi me temë, "Hierarkia e Prokurorisë dhe marrëdhënia procedurale ndërmjet prokurorit ndihmës dhe titullarit të prokurorisë", ku kanë marrë pjesë 35 prokurorë.
57. Në datat 12-13 Dhjetor 2022 është zhvilluar trajnimi me temë, "Ulja e dënimit sipas nenit 75 të ligjit nr. 81/2020! Të drejtat e të dënuarve gjatë vuajtjes së dënimit në IEVP- në raport me këtë ligj", ku kanë marrë pjesë 42 prokurorë dhe 7 oficerë të policisë gjyqësore.
58. Në datën 14 Dhjetor 2022 është zhvilluar trajnimi me temë, "Ndarja midis juridiksionit administrativ dhe atij kushtetues, me fokus gjykimin e akteve normative nënligjore", ku kanë marrë pjesë 2 prokurorë.
59. Në datat 15-16 Dhjetor 2022 është zhvilluar trajnimi me temë, "Rritja e eficiencës në gjykimin civil: standardizimi i vendimeve në fazën e veprimeve paraprake", ku ka marrë pjesë 1 prokuror.
60. Në datat 21-22 Dhjetor 2022 është zhvilluar trajnimi me temë, "Kompetenca lëndore dhe dërgimi për këtë shkak në gjykatën kompetente", ku kanë marrë pjesë 54 prokurorë dhe 5 oficer te policise gjyqesore.
61. Në datën 23 Dhjetor 2022 është zhvilluar trajnimi me temë, "Aktet noteriale me natyrë të dyfishtë" ku kanë marrë pjesë 54 prokurorë.

TRAJNIME, SEMINARE, WORKSHOPE

NË KUADRIN E PROJEKTEVE DHE AKTIVITETEVE RAJONALE DHE EVROPIANE, PËR VITIN 2022

1. Seminari ndërkombëtar në rrejetet e MLA organizuar në datë 29 Mars nga projekti EU4FOCAL ku kanë marrë pjesë 3 oficerë të policisë gjyqësore dhe 2 prokurorë të Prokurorisë së Përgjithshme.
2. Trajnimi në kuadër të për pastrimit të parave dhe rikuperimin e asetëve, zhvilluar në datat 21-22 Prill organizuar nga projekti EU4FOCAL ku kanë marrë pjesë 14 prokurorë dhe 9 oficerë të policisë gjyqësore.
3. Trajnim me temë "Mbledhja e provave elektronike nga Ofruesit e Shërbimeve të Internetit (ISP) për hetimin dhe ndjekjen penale të trafikut të paligjshëm të armëve të zjarrit", organizuar nga UNODC në datat 27-29 Prill 2022 në Tiranë, Shqipëri me pjesëmarrjen e 19 prokurorëve dhe oficerë të policisë gjyqësore.
4. Trajnim me temë "Kontrabandimi i Migrantëve, organizuar nga Komiteti i Helsinkit në datat 11-13 Maj me pjesëmarrjen e 4 prokurorëve dhe oficerëve të policisë gjyqësore.
5. Trajnim me temë "Nisma e Paktit të Parisit për Lëvizjet e Paligjshme Financiare", organizuar nga UNODC-OSBE në datat më 30-31 maj 2022 në Vjenë, me pjesëmarrjen e 1 prokurori.
6. Takim i nivelit të lartë me temë "Incidentet e abuzimit seksual të fëmijëve në internet", organizuar nga UNICEF, zhvilluar në Bruksel, në datat 1-2 qershor me pjesëmarrjen e drejtorit të kabinetit në Prokurorinë e Përgjithshme.

7. Aktivitet rajonal më temë “Mbi zbatimin e masave speciale të hetimit” organizuar nga Programi Global i UNODC-së për armët e zjarrit: zhvilluar në datat 25-26 maj 2022, Beograd, Serbi me pjesmarrjen e 3 prokurorëve.
8. Trajnim me temë “Antikorrupsioni dhe Marrëdhëniet me Median – Politikat Ekzekutive dhe Zhvillimi”, zhvilluar në datat 16 qershor-1 korrik, 2022 në Budapest, Hungari me pjesmarrjen e 1 prokurori.
9. Seminar për Mbrojtjen e të Dhënave personale organizuar nga Projekti IPA 2019, në datat 7-8 Prill në Budva, Mali i Zi me pjesmarrjen e 1 prokurori.
10. Seminar me temë “Politika e rikuperimit të aseteve në Evropën Juglindore”, zhvilluar në Vjenë, Austri, në datat 7-8 korrik 2022, me pjesmarrjen e 1 prokurori.
11. Trajnimi me temë “Analiza e sistemeve të trafikimit të Opiateve, Kontrabandës së Emigrantëve, Trafikimit të Njerëzve dhe Rrjeteve të Skllavërisë Moderne përgjatë Rrugës Ballkanike”, zhvilluar në datat 12-16 Shtator 2022, Durrës, Shqipëri, organizuar nga UNODC me pjesmarrjen e 5 prokurorëve.
12. Trajnim Rajonal për Institucionet Kombëtare të Drejtave të Njeriut (IKDNJ), Grupet e Mekanizmit Parandalues Kombëtar për Parandalimin e Torturës (NPM) dhe Organizatat e Shoqërisë Civile (OSHC) në rajonin e OSBE-së me temë: “Integrimi i çështjes së dhunës seksuale dhe me bazë gjinore (SGBV), në monitorimin e paraburgimit”, zhvilluar në datat 7 – 9 Shtator 2022, në Varshavë, Poloni, me pjesmarrjen e 1 prokurori.
13. “Konferenca e Ekonomisë Nëntokësore 2022” e organizuar nga Keshilli i Europës Zyra e Programit të Krimeve Kibernetike të Këshillit të Evropës (C-PROC) në bashkëpunim me Ekipin Cymru zhvilluar në Strasburg, Francë 5 – 8 shtator 2022 me pjesmarrjen e 1 prokurori.
14. Trajnim me temë “Analitika financiare dhe hetimi me burim të hapur”, zhvilluar në datat 29-30 shtator 2022 me pjesmarrjen e 6 prokurorëve dhe 4 oficerëve të policisë gjyqësore.
15. Aktivitet në nivel rajonal mbi “Provat elektronike”, organizuar nga UNODC, zhvilluar në datat 10-11 tetor në Beograd, Serbi, me pjesmarrjen e 3 prokurorëve.
16. Trajnimi me temë “Dhuna në familje dhe dhuna me bazë gjinore” organizuar nga Akademia Ndërkombëtare e Zbatimit të Ligjit (ILEA), në datat 24-28 tetor 2022, në Budapest, Hungari, me pjesmarrjen e 2 prokurorëve, 1 oficeri të policisë gjyqësore dhe 2 koordinatorëve për viktimat.
17. Seminari, ndërkombëtar me temë “Për kryerjen e hetimeve kriminale në sulmet e ransomëare (një lloj softueri me qëllim të keq i krijuar për të bllokuar aksesin në një sistem kompjuterik derisa të paguhet një shumë parash.)”, zhvilluar në datat 3-4 nëntor 2022 në Hagë, Holandë, me pjesmarrjen e 1 prokurori.
18. Seminari me temë “Për mbrojtjen e individëve në lidhje me përpunimin automatik të të dhënave personale” organizuar nga “Forumi Ndërkombëtar i Mbikëqyrjes së Inteligjencës” (IIOF), në datat 14-15 nëntor 2022 në Strasburg, Francë me pjesmarrjen e 2 koordinatorëve për të drejtën e informimit.
19. Aktivitet rajonal me temë, “Roli i prokurorëve në reagimin e drejtësisë penale kundër trafikimit të armëve të zjarrit”, zhvilluar në datat 9-10 nëntor 2022 në Serbi, me pjesmarrjen e 3 prokurorëve.
20. Forumi Ndërkombëtar TAIEX për Prokurorët për Luftën kundër Krimit të Organizuar Ndërkufitar, zhvilluar në datat 8-9 nëntor 2022, në Budva, Mali i Zi, me pjesmarrjen e 2 prokurorëve.
21. Trajnim me temë “Pastrimi i parave, hetimi financiar dhe MLA (Ndihmë e Ndërsjelltë Ligjore)” zhvilluar në datën 25 tetor, Tiranë, Shqipëri, me pjesmarrjen e 13 prokurorëve dhe 10 oficerëve të policisë gjyqësore.
22. Simpoziumi Ndërkombëtar i Kembrixhit mbi Krimin Ekonomik me temë “Statusi i shitjes - krimi i brendshëm dhe shpërdorimi i besimit”, zhvilluar në datat 04-05 Tetor 2022, Kembrixh, Mbretëria e Bashkuar me pjesmarrjen e një prokurori.
23. Trajnim me temë: “Bashkëpunimi ndërinstytucional dhe ndërkombëtar në lidhje me sulmet kompjuterike”, Bukuresht, Rumani.
24. Trajnim me temë “Mbi analizën e sistemit dhe planifikimit të parandalimit - trafikimi i drogës, trafikimi i migrantëve, trafikimi i qenieve njerëzore dhe skllavëria modern”, organizuar nga UNODC;
25. Seminare praktikues-për-praktikantë, zhvilluar në datat (tetor 2021 – qershor 2022), me temë “Trajtimi i provave elektronike në rastet gjyqësore të krimit kibernetik” nga Zyra e Programit të Krimeve Kibernetike të Këshillit të Evropës.
26. On Line, Takimi Plenar i 26-të i T-CY dhe Hapja për nënshkrimin e Protokollit të Dytë Shtesë të Konventës për Krimin Kibernetik dhe Konferencës Ndërkombëtare për Bashkëpunimin e Përforcuar dhe zbulimin e provave elektronike, Këshilli i Evropës, në Strasburg, Francë, zhvilluar në datë 13. Maj. 2022.

27. Trajnim me teme ‘‘Liria e shprehjes dhe administrimi i mire i drejtësisë’’ në Tiranë me pjesmarrjen e gjyqtareve dhe prokurorëve (tajnues të ardhshëm), organizuar nga JUFREX-KE.
28. Konferencë rajonale për gjyqtare e prokurorë- -Kavaje me pjesmarrjen e gjyqtareve e prokurorëve (trajnues të ardhshëm), organizuar nga JUFREX-KE.
29. Konferencë rajonale për gjyqtare e prokurorë të Europës Jugore e Lindore –Budva-Mal i Zi ,me pjesmarrjen e gjyqtareve dhe prokurorëve (trajnues të ardhshëm), organizuar nga JUFREX-KE.

**TRAJNIME, TRYEZA NË KUADRIN E PROJEKTEVE TË VEÇANTA
PËR VIKTIMAT ME PJESËMARRJE KOORDINATORË TË VIKTIMAVE DHE OFICERË TË POLICISË GJYQËSORE,
NË VITIN 2022**

1. Në datën 25.02.2022 është zhvilluar aktiviteti online me temë ‘‘Zërat e Viktimave ‘‘,Raport i të mbijetuarave nga dhuna seksuale. Organizuar nga CRCA/ECPAT Shqipëri, me pjesmarrjen e 2 koordinatorëve.
2. Në datat 18.02.2022 dhe 25.02.2022, në bashkëpunim me CRCA Shqipëri dhe zyrën e koordinatorit në Prokurorinë e Përgjithshme, janë realizuar dy trajnime me temë ‘‘Mbrojtja e Vajzave dhe Grave nga Ngacimi dhe Abuzimi Online’’, me pjesmarrjen gjithsej të 21 koordinatorëve.
3. Në datë 10.03.2022 është zhvilluar trajnimi online me temë ‘‘Angazhimi proaktiv në mbrojtjen dhe zbatimin e ligjit për viktimat e dhunës me bazë gjinore dhe dhunës në familje’’, organizuar nga Prokuroria e Përgjithshme dhe Qendra për Nisma Ligjore Qytetare, ku janë trajnau 26 koordinatorë të prokurorëve të shkallës së parë të juridiksionit të përgjithshëm.
4. Në datë 25.03.2022 është zhvilluar trajnimi me temë ‘‘Mbi pjesmarrjen e viktimave të trafikimit në përpjekjet antitrafik’’, organizuar nga organizata Të Ndryshëm & Të Barabartë, me pjesmarrjen e 4 koordinatorëve të viktimave.
5. Në datë 08.04.2022 është zhvilluar aktiviteti online me temë ‘‘Drejtësia Miqësore për fëmijët’’, Terre des Hommes ku në total kanë marrë pjesë 2 koordinatorë.
6. Në datë 22.06.2022 është zhvilluar trajnimi me temë, ‘‘Mbledhja e të dhënave mbi gjendjen e kriminalitetit dhe të viktimave në çështjet e dhunës me bazë gjinore dhe dhunës në familje. Standardet Ndërkombëtare’’, organizuar nga Qendra për Nisma Ligjore Qytetare dhe Prokuroria e Përgjithshme ku pjesmarrës në takim ishin 24 koordinatorë.
7. Në datë 23-24.06.2022 është zhvilluar trajnimi me temë ‘‘Roli i policisë në Zbatimin e Kodit të Drejtësisë Penale për të Mitur dhe Ligjit për Mbrojtjen e të drejtave të fëmijëve’’, organizuar nga UNICEF në rrethet Kukës dhe Korçë. Pjesëmarrës në këto takime ishin 2 koordinatorët viktimave dhe 8 oficerë të policisë gjyqësorë në prokurori dhe të shërbimet e policisë.
8. Në datë 19-30.09.2022 është zhvilluar trajnimi me temë ‘‘Parandalimi dhe reagimi ndaj dhunës me bazë gjinore, fuqizimi i agjentëve të ndryshimit’’ me asistencën e Autoritetit të Policisë Suedeze dhe Fondacionit Kvinna till Kvinna, me mbështetjen e SIDA-s, me pjesmarrjen e 1 Oficeri të Policisë Gjyqësore dhe 1 koordinatori të viktimave.
9. Në datë 17.11.2022 është zhvilluar 1 tryezë e rumbullakët me ftesë të Përfaqësuesit të Përhershëm të Francës pranë Kombeve të Bashkuara dhe Organizatave Ndërkombëtare në Vjenë dhe Ambasada e Francës në Shqipëri me temë ‘‘Të miturit shqiptarë viktimë të trafikimit të qënieve njerëzore me qëllim kriminaliteti dhe lypje e detyruar në Francë’’, me pjesmarrjen e 1 prokurori dhe 2 koordinatorëve.
10. Në datë 15-17.06.2022 është zhvilluar trajnimi me temë: ‘‘Hetimi dhe gjykimi i rasteve të trafikimit në persona nëpërmjet qasjes me në qendër viktimën’’ organizuar nga Zyra e Kombeve të Bashkuara për Drogën dhe Krimin (UNODC) me pjesmarrjen e 1 koordinatori
11. Në datë 07.04.2022 është zhvilluar një Tryezë e rumbullakët organizuar nga Zyra e Kombeve të Bashkuara për Drogën dhe Krimin (UNODC) me pjesmarrjen e 1 koordinatori dhe 3 prokurorëve.
12. Në datë 22.02.2022 është zhvilluar Konferenca Rajonale mbi të Drejtat e Viktimave dhe Kompesimin e Viktimave. Organizuar nga OPDAT Kosovë me pjesëmarrjen e 2 koordinatorëve.
13. Në datë 23.12.2022 është zhvilluar një Tryezë e rumbullakët me temë ‘‘Përfshirja e të Mbijetuarve të Dhunës Seksuale dhe Trafikimit në Përmirësimin e Sistemit të Drejtësisë’’. Organizuar nga Avokati i Popullit dhe Organizata Të Ndryshëm & Të Barabartë me pjesmarrjen e 5 koordinatorëve.